



ЕГОР РОЧЕВ



# МОРТЦЫ

КОМИ  
КНИЖНОЙ  
ИЗДАТЕЛЬСТВО  
1991





**Рочев Е. В.**

Р 80 Морттуй: Повестьяс, висьтьяс.— Сыктывкар:  
Коми книжнӧй издательство, 1991.— 192 л. б.

**ISBN 5-7555-0312-5**

Книгасӧ артмӧдӧны повестьяс да висьтьяс, кӧні автор пӧ-  
ся сёрнитӧ видз-му овмӧсын нелючкияс йылысь, эрдӧдӧ ёсь  
проблемаяслысь социальной подувсӧ. Съодас уджалӧм  
урӧсмӧдӧ мянӧс, кытшалысь вӧр-ва. Тайӧ и тшыкӧдӧ  
мортлысь этшӧ, — став татшӧмторъяс йывсыс курыд серам  
пыр висьталӧ автор.

84 Ко — 4

Р  $\frac{4702310100-006}{M 128(03)-91}$  8-91 м

## ТЕР МИШЛӨН ВИСЬТАСЬӨМ

*Повесть*

Коді сэтшөм Тер Мишыс и мыйла сылы колө висьтасьны?

Артмис тай сідзи, көть мортыс сы йылысь некор эз мөвпавлы ни вөтавлы, быть ковмис ассьыс олөмсө еджыд кабала вылө тэчны-гижны, дыр вежөр кудьяс лукйысьны.

Тер Миш, шөр арлыдысь петыштөм мужичöй, во кызы нин олө-вылө Чомөр грездын, и сы мында жө во пукалө трактор руль сайын. Стөчджыка кө — сійө сиктса механизатор. Чомөрын челядь и верстьöяс лючки төдöны Тер Мишöс. Сійө ставлы ас морт. Көть водз асылын, көть сөр рытын, кор сійө осьлалө сиктса улича кузя, немся кычан оз увтыштлы сы вылө.

Оти төвся асылө, кодыр унаөн на шоньд вольпасын кыйсны асья вөтсө, Тер Миш тувчаліс совхознöй гаражө. Торъя мөвпьяс эз на желлявны механизаторлысь юр вемсө, вежөрнас вөлі вөйтчөма локтан уджас — өдйөджык лөсьөдны тракторсө да мөдөдчыны ылыс видзьяс вылө турунла. Оз кө Тер Миш вай турунсө, мөсьяслы нинөмысь лөө рөмидзтынысө. Век тадзи. Оз кө Тер Миш вай... Оз кө Тер Миш вөч... Оз кө Тер Миш мезды... быттьö медбөръя сунисыс вермө орны. Тер Мишлы йирмөг: сылөн сальзыштөм бушлатыс клячалөма сөмын өти кизьөн, мукөдыс гылалөмаөсь. Агни гөтырыслы век көсйө висьтавны гылалөм кизьяс йывсьыс, но кызди веськалас шоньд керкаас, пыр и вунө. Агни ачыс оз жө видзөдлы, юр выв тыр жө төждыс: водз асыв картаө тэрмасьö, рытнас сөрөн локтө да керка-карта гөгöрыс ноксьö.

Гаражын оналіс солярка көра шоньд ру. Тер Миш босьтіс ключьяс да пырис аслас трактор улө. Чышкаліс няйтсө да зэлөдаліс личалыштөм болтъяс. Сійөс здукөн шымыртіс вөчанторйыс. Уджалис Тер Миш азыма, пелька вөрисны киясыс, мыйкө шөпкөдісны паръясыс, төждөн мөвпөн ымраліс косіник чужөмыс, быттьö мазі еджыд дзоридз дінө самасьöма, нинөм оз кыв ни казьяв, сөмын кургө-бурдөдө ротмунөм тракторсө.

Корсюрө Тер Миш чөвтыштлө видзөдлассө орччөн су-  
лалысь эновтөм трактор вылө. Сы вылын мырсьө Марин  
Коль, том морт. Сідзкө нин шуны, Тер Мишлөн уджалан  
ёртыс. Том механизатор техника дорас көдзыд вира. Марин  
Кольлөн татшөм этшыс ку пьсыс петкөдө Тер Мишөс. Здук  
мысти сылөн шөпкөмыс гораммө: «Со өд, неважөн на зэлө-  
давлі, а бара нин личалөмабсь. Марин Кольө тай сөмын  
трактор рычагсө и төдө, ключ оз босьтлы, да век и ремонт  
вылын сулалө. Со өд, бара эз во, турунла нин колө мун-  
ны-а».

Лөз югыдыс төдчис нин өшиньясын, дзурс воссис кын  
өдзөсыс, лимзыштіс сімөм дзирьяс вылас, быттьө кыча-  
нөс пельөдыс нетшыштисны, да ланьтіс. «Колө коркө  
дзирьяссө мавтыштны»,— Тер Миш кыйкнитліс пырьс-  
лань. Пырис Иван Петрович Кузиванов, совхозса механик,  
сійө жө сикта партийной организацияын юрнуөдысь. Ку-  
зиванов көть и пенсия арлыда, но сідзисө шыльыд, кө-  
растөм чужөмбана, тэрыб вөраса морт.

— Тер Миш, петавлы трактор увсьыд, сёрни эм,— кы-  
пыда шыасис механик.

— Тасянь бура кыла.

— Ыджыд сёрниыс. Зэв ыджыдтор меным колө вись-  
тавны тэныд.

— Сідзкө... бөрья гайкасө зэлөда да...

— Эн нюжөдчы, кабинетын виччыся.

Иван Петровичлөн көдзыдсыс измөма пась воротни-  
кыс, жөдзыштіс здук ботинкиа кокнас бетона джодж вы-  
лын да пырис кабинетас.

«Мыйся мог суис ме дорө? Сотчан путёвка, буракө,  
усис. Некутшөм курортө ог мун, гортын век юр выв тыр  
уджыс. Ставыс эндөма»,— ас кежас мөвпаліс Тер Миш,  
кор петіс трактор улысь да чышкаліс кияссө.

Иван Петрович кабинетас эз паныдөн пуксьөд кызди  
век, а Тер Мишлы воча кыпөдчис.

— Чолөмала тэнө, Михаил Терентьевич, народлөн да  
партиялөн ыджыд дөвериеөн. Ми сёрнитчим ас костын да  
воим өти кывйө: выдвинитны тэнө, Михаил Терентьевич,  
райсөветса народной депутатө кандидатөн.

Тер Миш чөла лэччысьө лабич вылө, зыралө кымөссө,  
веськөдлө сэтысь чукурьяссө. Виччысьтөм гым моз куч-  
кисны Иван Петровичлөн кывьясыс, сьөлөмыс из моз  
топавліс, а сэссия вирыс өдөба ыткөбтіс юрас.

— Мыйла быть менө?— шөйөвшөмөн юаліс Тер Миш.

— Тэ миян передөвой механизатор. Том йөзөс велө-  
дан-ышөдан бур вылө, опытнад юксян. Активной. Бур

сөветгяс сеталан управляющойлы, меным. Чайта, и районас, рочыштны кө, лицом в грязь не ударишь.

— Совет сетысьыд мяян тырмө, сөмын уджавнысө тай некодлы-а. Марин Кольыс нө көні? Бара өмөй өтнамлы турунысла мунны?— механизатор кутшөмакө лөнъыштіс нин.

Механиклөн кузя нюжаліс кабалаясөн ноксьөмыс.

— Лэдзи ме Марин Кольтө. Карө вөзйысис, гөтрасьны көсйө. Позтөм көксые нө мый пөльзаыс сиктас?

«Өтчид тай вайөдліс нин вокзалсаөс. Сөмын юнысө отсасис. Куштіс кокни прөмысө да усйысис бөр важинас»,— усис дум вылас Марин Кольлөн тэрмасьөмөн коркөя гөтрасьөмыс, серөктіс. Иван Петрович гөгөрвоис серам помкасө.

— Мый сэсся керан, оз кольчыны нывьясыд сиктас да. Клуб лэптылім — иган өшалө. Спортплощадка вөчим — медся азыма сэні туруныс быдмө. Висьтав, Михаил Терентьевич, кызди кыскыны том йөзсө сиктас? Менам юрөй кушмис думайтөмсьыс.

— Ассьыныс колө юавны.

— Тэнөсө, шуам, Михаил Терентьевич, мый том пөраад сиктас кыскис? Карса шоньд патератө энөвтін мыйла?

— Өти-кө, карас патераыс эз вөв. Частнөйын олі. Вескыда шуа: кузь руба корси, посныд челядьөс коліс кок йылө сувтөдны. Вөвлі сэтшөм грекыс менам.

— Өти-кө, вермис шоньд патераыс лоны. Мөд-кө, абу некутшөм грек тайө. Коймөд-кө, тэ век асьтө видзөдан омөльтыштны. Төда, он руб йылысь тэ думайт.

— Но либө, окота меным, мед му-виддзыс унджык быдторсө сетіс...

— Во! Кутшөм помка тэнө, Тер Миш, бергөдіс сиктас. И со мый ышөдө тэнө сөвесьт серти уджавны,— Иван Петрович тэрыба гудйысис кабалаяс пиын.— Мый нө ме тэныд көсйи ещө висьтавны? Вот вежөрыд, дзик пөрысьмыны кути, спас абу. Тэ он төд?

— Депутатө тай, шуин, колө лөсьөдчыны.

— Во! Молодеч. Бөрийысигад олөм-вылөмтө ковмас йөзыслы висьтавлыны. Чужөмсянныд да талуныя лунөдз. И мед эськө лөсыдджыка, и не вывті кузя.

— Эг на сэтшөмторсө некор вөчлы да ог төд сямма-ө,— пыркөдіс юрсө Тер Миш.— Оз-ө кызкө сытөг позь?

— Оз. Некудзи оз!— такөдіс Иван Петрович.— Талунсянь жө ставсө бура думайт. Колөкө, и гижыштав мыйсюрө.

Кузь лун чөж Тер Миш майшасис. Казьтыліс ассьыс

олөм-вылөмсө, челядьдырсө, том кадсө, верстьö пöрасө. Кымын ёнджыка мөвпаліс, кымын пыдөджык кодйысис, сымын ясыджыка вежөртліс, оз ас йывсыс думайт, пожъялө-мыскалө лысьөмсө сійөс кытшалысь войтырлысь, вензьö кодкөдкө, бурасьö, но бурасьö кызмырдөн, быттьö чегъялө асьсө. Со и талун Иван Петрович ошкыштіс, бур сөветъяс пö сеталан. Но мыйла артмө мөдарө? Аслыс выль төждөн найö бергөдчöны. Бурджык нин, чөв кө оліс...

Син водзас мыччысьö сиктö бергөдчан тулысыс. Сыліс лым. Косьмисны ыбъяс. Тер Миш петіс гөрны. Му дорö сувтөдіс тракторсө, петіс кабинаысь, ёпкысь сьөлөмөн воськовтіс мудзөм чужөм моз ропмунөм ыб вылө. Чабыртіс косьмыштөм рудов ёкмыль, кокниа изсис ки костас, лыа сора сөй бусө пöрис. «Волөма-ö коркө татчө куйөдыс?»—видзөдіс механизатор паськыд ыб вылө, сійөс кытшалысь торфа нюр вылө. Дум вылас уси и куйөд пиö вөйөм скөт картаыс. Тер Миш тундраысь чуктөм морт, и быдмөгъяс вөдитөм да му дөзьөритөм кузя, веськыда кө шуны, сэки сылөн торъя сюсылун эз на вөв. Но и сылы чайтсис изөрмөм мүсө гөрөмыс ковтөмторйөн. И кыліс асьсө таысь мыжаён. Дерт, механизаторлы таысь мынтысыны оз лёка, аккорднөя пö. Нимкодъ лоö и управляющөйлы, Иван Ефимовичлы. Сідзи и нарадитіс асывнас, путкыльт пö өдйөджык мүсө, мед пö талунъя сводкаас пырас. А сувтас кө ыб шөрас тракторыс? Но жугалө моторыс. Либө гөрийысь амысьыс потө? Қызди сэки сводкаыс? Джөмдас туяс? Төдөмысь, оз. Сводкаыдлы запчасть оз ков. Сійө өдйө и кокниа лэбалө. Төдөмысь, котөртіс нин зэлыд проводъяс кузя, пырис виччысына пельö, чужтіс лөнъыд шаньлун. Шуис жө Иван Ефимович, звөнитчывыны пö дасытыся.

Артмө, некодлы омөльторсө оз кер Тер Миш. Мыйла, сідзкө, майшасян мөвпъясыс поздысьöны юрас? Гашкө, коркө ылыс йөлөгаён тангыяс сылөн челядьлы либө тайö шондіа му вылас чужтөм на мортыслы? Но өд öні тай олам лючки...

Тер Миш вешйис неылө трактор дінсыс да пуксис вежөдөм эжа вылө. Нетшкис небыд вежсө, азыма зыралісчышкис солярка дука кисө. Мукөддырйиыс исыштлывліс. Со и веніс соляркасө выльөн чепөсйысь сөка туруныс. Медбөрын Тер Миш вына кабырнас сапыштіс эжасө, еджыд вужъяс костысь перйис содз тыр мырдруд му, коді посныдик комөкъясөн пазьмуніс ки пыдөс вылас. «Бур му, чужтысь му, мам эбөса му»,— быттьö кодлыкө

лыддбодліс механизатор. Видзны эськё и мянлы татшө-  
мөн ассыным вердысьсё! Асьсё бурджыка вердны-  
вынсьодны сійөс. А со, коньөрөс, дзикөдз эбөстөммөмасё  
тшөктёны путкылявны...

Тер Миш видзөдіс яр шонді улын вералысь ыб вылө,  
артасис. Виччысьтөг кучкис юрас наян мөвп: изөрмөм,  
кулөм муас не сөмын көдзөмторйыс, но ёг турун омөля  
петө. Сідзкө, этшаджык и колө весавны ёгсө, механизатор  
абу гожөмбыд кежлө көрталөма му бердас. Тайё кивыв  
и Иван Ефимовичлы. Сводкаын лоё пасйөма: «... ас кадө  
вылын качествоөн нуөдөма...» А мый гажтөм артмас арся  
сводкаяс, сыысь позьё мыждыны ывласө. Ёна зэрис, либө  
мөдарө. Зэр тусь эз усьлы, косьтіс ставсө.

Думыштны кө, сідзи өд и эм, век тай гожөмыс зэра  
либө кос, кызди и төлыс,— уна лымъя либө этша лымъя.  
Артмө, и енмыс Иван Ефимович дор. Дерт нин, поводдя  
сертиыс овмөссө нуөдө да. Оз кө шылөдны гөн ньылыд  
юрөдыс арнас, сы пыдди тулыснас да гожөмнас ошкёны,  
кызди футболын голыс мукөд серти унджык өкмө, сідзкөн  
и уджалө водзмөстчөмөн.

«Йөй ме, нем абусьыс майшася,— сьөвзис сук дульсө  
кок улас механизатор да веськөдчис көрт вөв дорас.—  
Гөрны колө, поводдяыс тшөктө».

Но Тер Миш эз удит кавшасьны кабинаө, ыб помын  
мыччысис Иван Ефимович. Восьлаліс управляющөй тша-  
па, юрсө чатөртөмөн, паськыд пельпомъяснас быттьө сы-  
нышталө.

— Мыйла он гөр? — визнитіс Иван Ефимовичлысь  
нюмьд бана гожъялөм том чужөмсө төждлун.

— Сы йылысь жө и ачым думайта,— лабутнөя воча-  
видзис тракторист.— Куйөдыс тай ньөти оз тыдав.

— Мыйла нө эн кыскав сійөс!

— Эн тай нарадитлы ачыд. Куйөдала либө да вөлисти  
гөра.

— Сөвтнысө некодлы. Кольөм во ёна вынсьөдлім, ми-  
неральнөйсө пөт выть коялім.

— Ме өд нем ог шу, да оз тай тыдав,— дышника во-  
дзсасис Тер Миш.

— Чаяд сакарсө гудралан да, тыдалө оз?

Тер Миш немтор эз вочавидз Иван Ефимовичлы. Збыль  
вылас сійө первойысь на паныдасьө мусө вердана мине-  
ралъяснас. Код төдас, кызди сійөн колө вөдитчыны.

— Ме кырымалі нин нарадтө. Мед талун вөлі пома-  
лөма,— Иван Ефимович көш кодь кабырнас камгис трак-

тор капотё. Моторыс несйис да тшөкмуни. Пуксис чөвлөнъ. Кыкнанныс гылыда серөктисны.

— Тракторыд тай ляб кычан кодъ вөлөма,— водзё нуөдис сёрнисё управляющой.— Он-ө гөрөмнас конъяв менё?

— Тракторыд абу часі, кызди сувтис, сідзи вөрзяс. Мый нё шуөма татчө кодзны?

— Кукуруза.

— Быдмас?

— Мый кодзан, сійө и чужас... Тэ нё та йылысь он төд? Ок, Тер Миш, төвнас курсъяс вылө мөдөдла.

— Шуоны, шоныдсё пө сійө ёна радейтө. Лунвывса пөткаыс,— кывъяссө шуалігөн Тер Миш быттьө мыйыськө яндысис.

— Ми гожөмнас ог жө пась новлөй.

— Шулөмны важ йөз, көсъян кө ывласө пөръявны — мусө колө ёна куйөдавны.

— Мудера шулөмны, но ми кутам овны пөръясьтөг. Аски кодзам!

Трактор нерсигмоз эрөстис.

Тер Миш кодзис, но вундөмыс эз ло: август шөрын пужъяліс, кык весът кузя кельыд коръяс здукөн ропмунисны, быттьө нинөм абу и вөвлөма му вылас.

— Абу ставыс ми сайын,— жугыля кыв көрталіс управляющой.

А төвнас Тер Миш збыльысь ветліс районө механизаторъясөс водзё велөдан курсъяс вылө. Сэні эз сөмын механизмъяс велөд, но уна вельтор төдмаліс и муөн вөдитчөм йылысь. Эз өти во гөр да кодз Тер Миш. Қымын водзё, сымын ясыдджыка вежөртис: унаысь весьшөрө сотө соляркасө.

— Век өтитор быдтам муяс вылын, этша куйөдалам, изөрмисны, тшыкисны ыбъясыс,— шуліс управляющойлы.

— Мый шуөма миянлы, сійөс и быдтам,— вочавидзліс Иван Ефимович.— Видзөда да, ляпкыда тэ гөрыштан, Тер Миш. Локтан төвнас бара на курсъяс вылө мөдөдла.

— Мыйла быд во менө өтнамөс курсъяс вылас мөдөдан?

— Велөдчөм, другө, югдөдө юр, көть пөрысьлы, көть томлы өткодя бур,— медбөрын сьылыштис Иван Ефимович.

Өти гажа тулысө Тер Миш петкөдіс тракторсө ыб вылө, шонді водзын лөсталысь стальной амысьясөн шөраліс-муктыляліс руалысь му пластъяс. Эжа вылын сійөс виччысис Иван Ефимович. Кызди коркө, шлопкис көрт кабырнас трактор капотё, мотор яра эрөстис. Управляю-

щой ѓвтыштїс кинас механїзаторлы, кусодлы пѳ, сѣрни эм. Пуксис чѳв-лѳнь, Тер Миш петїс кабинаысь. Иван Ефимович корис пуксыывны шоньд эжа вылѳ.

— Эн прѳстайсь тѳ, казяла, курсяс вылас велѳдчы,— ылысянь заводитїс Иван Ефимович. Тер Миш гѳгѳрвотѳма видзѳдлїс сы вылѳ, чужѳм вылас петкѳдчис дѳзмыштѳм, кутшѳм кытш пѳ бара гаровтѳ тайѳ ас ногыс мудер мортыс.

— Мися, тракторыд часї моз уджалѳ, оз воддза моз несъяс,— ѓвтыштїс юрнас Иван Ефимович.

— Тайѳс и кѳсйин шуны?

— Коркѳ тѳ, ме думысь, буртор вѳзйин. Збыль весьшѳрѳ ломтас видзѳм артмѳ татшѳм муястѳ гѳрѳмысь. Бурмѳдны найѳс кутам, уна вося турунъяс кѳдзам.

— Кѳрымыс тшѳтш мѳсъясыдлы содѳ,— ыпнитїс Тер Миш.— Куйѳдыс унджык лоѳ, мукѳд участокъяс позьѳ бурджыка вынсьѳдны. Вайѳм ѳтрубнад вердчигѳн и куйѳдыс этша, шоръяссѳ сѳмын и пакѳститѳ, зѳв кизьѳр да.

Уна во чѳж ѳти сикас град выв пуктасъясѳн «мудзтѳдѳм» ыбъяс вылын быдмис-туис бобѳнянь, тимѳфеевка, анькытш да зѳр. Видзѳдан— синмыд шойччѳ, лолыд дзользьѳ. Кѳть кос турун запты, кѳть силос вѳч.

Гѳжѳм шѳрнас Иван Ефимович табакысь вижѳдѳм чуньнас манитїс Тер Мишѳс йѳз син сайѳ да гусьѳн моз вашнитїс— кутан пѳ ытшкыны анькытш сора зѳр да кыскавны ферма дорѳ.

— Кысь нѳ сѳтчѳ силос гуыс чужис?— серѳктїс механїзатор.

— Мѳсъясѳс пѳ веж массаѳн мѳдам содтѳд вердны. Йѳлыс чинѳ, спас абу, кѳза мында кутїсны лысьтны. Сводкаас нинѳм гижны лон.

— Войнас колѳ йїрсьѳдны, а не картаын узьтѳдлыны.

— Кысь нѳ сы мында пастуксѳ босьта?

Тер Миш тѳдїс, бѳръя лунъясѳ пастукъясѳн управляющѳй индылїс карса войтырѳс, на пиысь, кодъяс воисны отсавны совхозлы турун пуктыны. Мѳс пастукыс, ѳртем, кодї уна во лючки дѳзьѳритлїс пемѳсъясѳс, таво дзикѳдз кийсь петїс. Делѳыс сын, тулыснас медбур лысьтан мѳскыс пѳдїс нюрѳ. Управляющѳй шуис пастуклѳн удждонысь вештыны сьѳмсѳ. ѳртем дѳзмис таысь, ме пѳ ѳд абу мыжа, мый нюр бокин йїрсянїныс, потшны пѳ сѳтї колїс. Да и сиктсаяс ѳртем дор сѣрнитїсны, весьшѳрѳ пѳ кедзѳвтїсны мортсѳ. Кокниа лябмысь ѳртемлы тайѳ и колїс, домалїс вѳвсѳ контора водзѳ да магазинѳ довгис.

Уджсö энóвтiс, донтöм гóрд вина дучкö, пöсь шондi водзын пöжсьö, чужöмыс порсь моз тшöгнс.

Карса пастукъяс ёнджыкасö дзюв лыа вылын войбыд видзöны мöсьясöс, турун сi воманыс тшапкины оз лэдзны, огö пö татшöм донаторъяссö ми син улысь лэдзö. Шондиыс коз йылöдз кыпöдчö, сиктсаяс медся чорыда узьöны турун вонъясын. Пемöсьяс жöдзны заводитöны, небыд вежсö амны кöсийöны, пастукъяс рöдийöн вöтлöны кукъясöс картаö. Карса войтыр кокниа лолыштöны да лэччöны вадорö вуграсьны. Ном-лөдз садьмö, ва весьтын йöктö. Чери дышеника дэбöдö табсö — пöт. «Мöсьясöс моз кö эськөн найöс тшыгйöдны...» — мöвпалöны карса кык дядьö, шаньмöм ужъяс моз тшöкыда корснитлöны, горшаныс сапкö ном-гебйыс. Жальпырысь баксöны мöсьяс, нормöдöны асья мичлунсö.

Чорыда сёрнитiс виль пастукъяскöд Иван Ефимович. Найö эз вензыны управляющöйкöд, тэчисны нопъяснысö да лэччисны карö. Сэки и веськöдчис Иван Ефимович Тер Миш дорö, пöслук мортыс, кывзас, сöмын колö тöлкүйтны сiдзи, мый сэся мöд петан туй абу, медым лючки гöгөрвоис.

— Эз ков Öртемсö кедзóвтны, — печласис механизатор.

— Ас зептысь сы пыдди мынтысьны колiс, — чышкис пöсялöм плешсö Иван Ефимович.

— Кöть ас зепсьыд...

— Лёка тэ экономикасö гöгөрвоан... Курсьяс вылас нö тöв чужъялин? Но, Тер Миш, тшыксьыны, казяла, кутiн. Кöсьян кö тöдны, зелёнкаöн вердчöмсö быдлаын ошкöны, йöлыс бура содö. Но и сьöкыда вильторйыс вежöрад йиджö. Тундрасаясыдлөн öмöй и вежöрыс кын?

Тер Миш немтор эз вочавидз та вылö, управляющöйлөн веськыда шуалöмыс кутшöмакö падмöдiс сийöс, гашкö, збыльысь мыйкö сийö оз лючки гöгөрво.

Збыль, зелёнкаöн вердчöмысь йöлыс содiс. Газетын та йылысь пасйисны. Чомöрсаяс пö кольöм во серти тöдчы-мөн содтiсны йöв лысьтöмсö. Торъя ошкисны Тер Мишöс, зiля пö кыскалiс мöсьяс ныр улö веж массасö. Механизаторлөн ылöсас артыштöм серти, видзисны кык тöлысья тöвся норма. А мыйта ломтас пайкисны! А ачыс Тер Миш вöлi эскö, мый «вильторсö» лон пыртöма Öртемлөн юсьöм вöсна. Мыйлакö газет та йылысь немтор эз гиж.

Век жö Тер Мишлөн сьöлöм вылын долыд, öд сийöс первойысь ошкисны газетын. Со печатнöй шыпасъясөн швачкöма еджыд кабала вылö, кöсьян да он вушты. Сöмын позьö лыддыны да нимкодясьны. Сэтчö, гаражын Иван

Ефимович өвтчис газетнас, коліс пö портретсö öти сайын шляпкыны. Гортас Агни гöтырыс гораа лыддис статьясö челядьыслы, вöчаліс паръяссö, бытö кампет нёняліс. Корсюрö кыйкнитлывліс верöсылөн дözмыштöм чужöм вылö. Медбöрын нимкодъысла вазисны Агнилөн син доръясыс. Нёльöд классын велöдчысь Катö нылыс синъяссö лапнитлытöг дзоргис батыслы вомас, виччысис, мый сійö шуас, но Тер Миш тайö здукö весиг воштыліс кыв-ворсö.

Вежласисны төв да гожöм, вежöдлісны да рудöдлісны ыбъяс. Механизаторöс тшöкыда ошкисны. Век кө тэнö шыльöдöны гөн нылыд лоан кычан кодöн. Вугрöдліс и Тер Мишöс. Но öти зэра арö механизатор быттö дыр узöмысь садьмис, сійöс шымыртіс йирмög. Став мужикул-овсö, мый эмышт, Иван Ефимович нарадитіс скöt карта дорö, пидзöсöдз пö мöсьяс куйöдö вöйисны, спас абу. Воисны сьöд фуфайкаа дас мужичöй ферма дорö. Дзирйив восьтісны öдзöсьяс. Сідзи и эм, абу сөрöма управляющöй-ыд. Паськыд зыръяс босьтісны, чайтісны көть рытöдзыс помавны. Тэчöны чан бöрся чан, гурийöдöны ывлаö, а куйöд оз чин.

— Лешакыслөн тае рöбöтаыс,— пыскыльтіс жебиник Евлан да кежис боклань.

— Пур вылысь ва ректöм,— грымгис чан бокö көрт зырийөн Закар Сань, крепыд тэчаса, мугов чужöма шөр арлыда морт.— Евлан, кымын зыр шыбитін?

— Эн жеръяв сэн, ки сөнö орис.

— А ме тысяча витсёс,— водзö кыис сёрнисö бызгыны радейтысь дядьö.— Пур вылысь васö коялігөн быть колö лыд. Лыддытöгыс венö верман воны бöрыннас. Кымын зыр тэ шыбитін, Евланö-пиö, коді тöдö?

— Дурак тэ, Закар Сань,— дözмис мöдыс.— Синмö пырысь йөн.

Закар Саньлөн ыпъяліс чужöмыс, бара на лöсьöдчис кызикö крукыштны ёртсö, но сійöс водзаліс Тер Миш, кодс вöлі индöма тайö котырас бригадирөн:

— Тайö уджсьяс кутам мынтысьны куйöдөн. Закар Сань, медуна тэныд гижа.

Ставөн вак-вакөн серöктісны. Эз öтдортчы наысь и Закар Сань. Бригадир шуис петавны тшынасьны. Пуксялісны лэбулö кос турун вылö.

— Магазиныс эськö воссис нин да,— часі валас видзöдліс Даньö Володь.— Тайö удж бöрад...

— Көть здук кежлö кодкö саймовтчылас — пасья табеляс ноль,— стрöга шуис Тер Миш.— Ми кө ог мездöй дояркаяссö, сэки нö коді?..

— Мый нө либө модам керны? — нормис Даньö Ваньö.

— Думайтны кутам. Ставон!

— Нарадас нө думьяссö жö гижан? — вашмунис Даньö Володь.

Тер Миш немтор эз вочавидз, эз гажöд сийöс талун мужикьяслон шмонитöмыс. Тайö неминучасьыс кутшöмакö мыждис и асьсö. Тöv и гожöм мөсьясöс видзисны картаын, лючки эз дзоньтавлыны, джоджьясыс вöйины, шы пос улыс некытчö оз визувт. Карта гөгöрыс ньöжийö тырис көрым колясөн, куйöдөн, муыс лыбис, картаыс лон гөптын, зэр ваыс йиджтысьö пыткас. «Позьö кодйыны матысса ёльöдз канава. Отсалас неуна, но ёльсö пежöсьтас. Рыбинспекция казялас да бөр тшöктас тыртны. И правильно вöчас»,— сёрнитис аскöдыс Тер Миш.

— Тöлыс воас да мөс кокьясыс лемасясны йиас,— шуис век чöv олысь Максим Петя.

Быттьö некод эз кыв сылысь кывьяссö, но Тер Мишлысь найö парсыштисны сьöлөмсö. Öд збыль сідзи вермас лоны. Чöла тшынасысны. Унаысь чигарка пестылісны. Öбед водзын сикт помын тыдовтчис управляющöй. Сийö вöлі кокчөрьяссö лэптöм брöдния, волялысь сьöд плаща. Медводз Иван Ефимовичöс казяліс Даньö Володь.

— Ой! — кутчысис морöс улас Володь,— мөвпьясыс кынöмын гургыны заводитисны.

Управляющöй неважөн на аддзыліс Володьöс кодөн, та вöсна быд пöрийö чорыда öлөдліс.

— Оз тыдав уджныд,— шуис Иван Ефимович.

— Оз ло помыс тайö уджыслы,— вочавидзис Тер Миш.— Эз ков гожöмнас картаын мөсьяссö пöжны.

— Кодöс газетас ошкисны? Кодлы премиясыс вичмисны? — кодзыд слöt моз шлапкысис Иван Ефимовичлөн видчöмыс Тер Мишлы лов вылас. Збыль öмöй сийöс мыждö лөмторсьыс? Эз кө Тер Миш, то кодкö мөд сы пыдди кыскаліс уль турунсö. Букуштчöмаөсь и ёртьясыс, тыртінныд кө картасö, кызди гудралінныд пö рокöссö, сідзи и панялöй. Тер Миш видзöдö ёртьяс вылас, выныштчö гөгөрвоны, кодкö на пиысь вöчис эськөн мөд ног? Öдвакö. Гашкö, öвтыштны кинас, кызди Öртем. Неважөн паныдасьліс Öртемкөд, уджалö мелиораторөн, эз норась, мыйта мудьян, сы мында и пуктан аслад кудйö. Мыйла мудйö, кыті колö и кыті оз, торья оз мөвпав. «Тракторыд эз на вöй нюрас?» — шмонитис Тер Миш.— Вöйліс пö, небыда нюмьяліс. Öртем, туристьяс дурöмаөсь, ва гуранö йöткөмаөсь, эз пöд пö, мөд трактөрөн кыскис. «Öд сылөн пай

вылө тырмас нюрыс. Косьтас вотоса нюръяс, шоръяс, весь-  
көдас юяс»,— артасис Тер Миш.

Но кызди лөньодны вежавидзысь ловсө? Өртем моз  
пөдтыны вина дозйын. Пөдтылөны синтөм кутюясөс, а  
сийө мый вылө ыршасьө... Тьфу! Син водзас сувтис Агни  
гөтырыслөн синвабсь чужөмбаныс, челядыслөн шөйөво-  
шөм видзөдласъясыс. Тер Миш пыркнитис юрнас, оз вермы  
сийө Өртем моз, мөд этш сийө оз путьмы овмөдны ас пытш-  
кас. «Од тайө сьөкыд шуны...»

Обед бөрын гөгөрбок тотшкөдісны чер тышкөн карта  
керъяссө Тер Миш да Закар Сань. Ёнөсь стенъясыс.  
Шуисны домкратъясөн лэптыны картасө. Тер Миш  
мөвпъясөн юкис управляющөйкөд. «Медым мөс кок улыс  
лоис кос»,— өтитор долис Иван Ефимович. Вайисны  
брусъяс, пөвъяс, став домкратсө чукөртисны гаражысь и  
заводитчис удж. Мөсъясөс петкөдісны ывлаө. Медся  
сьөкыд вөлі кодйысьны улыс керъясөдз, а водзө дом-  
кратъяс вөчисны ассыныс уджсө: ньөжйө, сантиметр  
бөрся кыпөдчис карта нэмөвөйся няйт гуранысь. Со и  
сынөдас кутис өшавны, гөгөр югдіс. Совхознөй пилорама  
дорысь став пилипызьсө быгыльтисны карта пыдөсө, важ-  
мөм идзас колясъясөн топөдісны-вольсалісны, куйөд ва  
визувтанін лөсьөдісны, сідз шусяна дренаж артмис. Кар-  
тасянь неылө кодйисны куйөд ва чукөртанін.

— Бур инженерлөн юрыд,— шлопкис сьөкыд кабырсө  
Тер Мишлы пельпом вылас Иван Ефимович.— Жаль,  
грамотаыд ичөт.

Картаыс вочасөн сөстөммис да косьмис, идзасөн, пи-  
липызён да куйөдөн топөдөм джоджыс кутис «сотчыны».  
мөсъяс куйлісны быттьө небыда онялысь паччөр вылын.  
Артмис виччысьтөмтор. Көть көрымыс вөлі воддза вояс  
мында жө, мөсъяслөн йөлыс содіс. Тайө пөрийө нимөдісны  
дояркаясөс да скөтникъясөс пемөсъяс бөрся бур дөзьө-  
рысь. Газетын Тер Миш пыдди ошкисны сылысь Агни  
гөтырсө. Зіля пө ошкөны да медым эськө ошкө огө пөрой,  
ышловзъыліс Агни, «шоныд джоджыс» пө дөвөль өдийө  
туө-быдмө.

Фермаын медся ыджыд тушаыс Парась нима нывбаба-  
лөн. Отчыд юрас кутчысьөмөн, ымзигтыр сийө пырис кон-  
тораө да Иван Ефимовичлы ныр улас шляпкис шыөдчөм,  
корис мездыны мөсъясөс лысьтөмысь, мед пө лилипутъяс  
уджаласны тайө картаас, юрысь йөгыс оз бырлы, со нин  
пө плешкөн куті люкасьны.

Ёна пузис скөтникъяс вылө Иван Ефимович. Найө мый-  
такө өддзисны, но век жө, көть ньөжйө, джоджыс «быдмис»

водзё. Мёсьяс кутісны люкавны йиркё, сэсья и мышна-ныс пыкисны. Бара аварийнёй бригада котыртісны. Водзё лыбёдны картасё эз ыштыны, пельёсьясыс рушмёмаёсь, улыс керъясыс рокёдз сісьмёмаёсь, вөрөдігас вермас пазавны. Пилипызь сора кос куйёдыс из кодь: механизаторъяс лёмъяс киас босьтісны. Бульдозерён кө эськё өдіё, да кысь, абу сы вылё стрөйтлёмась, вынйора техникаён он бергёдчы.

ПМК заводитіс лэптыны совхозлы выль карта. Ставён кокниа ышловзисны. Тэрмөдлісны строительясёс. Майшасисны дояркаяс, вийсисны сюра пемёсьяс вёсна. Найё төкөтьё эз пазёдны йиркё, эз чеччыштны вевт пырыс ывлаё. Век жё кымынкё төлысь кежлө, выль стрөйба по-мавтөдз, гырысь сюра пемёсьясёс шуисны вуджөдны кукуняс видзан картаё, стөчджыка, вежисны местананыс. Отвылысь вежөртісны: кукуд төдчымён ляпкыдджык мам сертиыс. Асьныс шмонитісны, сэсья пё ыжъяс лосьёдам, на бёрын петукъясёс. Но сэтчөдз эз воны.

А коркё сэсья ПМК лэптіс совхозлы выль карта, мёсьясёс и кукъясёс вуджөдісны көртысь да бетонысь тэчём оланінъясё, көні куйёдсё петкөдісны транспор-тёръяс. Важъяссё разисны, пес вылё сёмын и туйис. Уна во чөж топөдём куйёдсё Тер Миш бульдозерён разөдіс. Важ карта местаяссё тулыснас гөрис да пуктісны карту-пель. Быдмис шензьөдана урожай. Көть «вына» гектаръяс-лысь пайсё юкёма-сорлалёма жебъяскөд, лыдпасыс вель төдчана артмис. Казялісны районын, опыт тшөктёны паськөдны. Сарпийс Иван Ефимович бусөсьсём юр чуксё, быттьё и буртор, а сьөлём вылын деливё. Отчюд управ-ляющёй матыстчис Тер Миш дорё, пуктіс пөльтчём руш-кусё шоньд мотор вылё, видзөдіс меліа и мудера, гаров-тіс тönьясё ылысянь:

— Од молодец тэ, вөлём, Тер Миш, ас вежөрөн со кутшөм урожай грывөбтін. Весиг идравнысё некытчө,— Иван Ефимович гылыда серөктіс.— Но сійё абу тэныд төжд. Курсыяс вылё ветлөмыд эз прөста, шуа, ло тэныд. Мукөдтё көть кытчөдз нарадитлы, тусь ни пызь. Маякъя-сыд и мяян чужасны,— Иван Ефимович юалана вөйтчис Тер Мишлы синъясас, сійё быттьё эз лэдз, мыйёнкё пык-сис, курыда нюмдісны паръясыс.

— Звөнитлісны. Корреспондент локтё. Тэ дорё ыста. Отсав сылы, медым колана артмис статьяыс. Войяссё шу эг узылы, век пё му вылын ёг турунъяскөд тышкаси, кни-гаяс пё уна лыдди. Нырвизьсё инды, а сэсья ачыс сяркө-дас. Гөгөрвоин?

Тер Миш тешкодя нюмъяліс, быттьо эз на тырвыйо вежорт, мый сысянь виччысьоны, либо радысла воштіс кыв-ворсо.

Корреспондент локтіс рытнас. Тер Миш лунтыр падъяліс:

«Мый лёкыс, ошкасны ко газетын?— юасис ассьыс.— Ачым од быдті бур урожайсо. Дерт, тайо кутшомако порьясьом. Но сідзи ко колө... Но кодлы? Иван Ефимовичлы? Гашко и ещо на кодлыкө кивыв,— Тер Мишоc долыда гильодыштіс лоана ошкөмыс.— Гашкө, абу и порьясьом, а сомын мичодыштөм, кызди мойдын. Куйод пиас пырзылөмыс майд жө? Прөстаысь мыждылөмыс».

Ывла вывсяныс на гөгөрвоис Тер Миш, коді на ордо локтө, не сомын сы вөсна, мый виччысис гөстьос, руд пальтоа том морт кайис кильчө вылө збоа, грымөдіс-чуктөдіс ботинкияссьыс няйтсө, вувзысис керка пытшкө төв ныр моз. Тадзи тэрмасьомөн уськөдчөны асланыс гортө ылі туйысь бергөдчысь войтыр, кодъяслысь кузя нин вильөдома сьолөмсө гажтөмчан гаг, либо зэв ыджыд мөгөн локтысь ас морт.

— Ті лоанныд Тер Мишыс?

— Нелямын во нин сійө.

— Бур. Ме корреспондент,— том морт лөсьыда пуксис пызан сайө, чужөмыс кыпыда ломзис.— Ме кузя сёрниті тіян управляющөйкөд. Лыдпасьяс оз ковны. Сідз, тіян звено, Михаил Терентьевич, быдтіс картупельлысь вөвлытөм урожай. Кызди тайө артмис, мыйла мукөдьяслөн чинө центнер лыдыс, а тіян здукөн лыбис? Тайө лоө интереснө газет лыддысьяслы.

Тер Мишлөн пычиктыссис серамыс и сійө чужөмсө бергөдіс мөдарлань. Вынйөра уджаліс-пессис вежөрыс. Мый нө шуны? Мойдны, кызди ышөдіс Иван Ефимович? Лоны тэныд, Тер Миш, геройөн. Но мыйкө кутө, оз лэдз сөрны, пычиктысьсө эрдө ковтөм серам. Том морт восьтіс кыз блокнот, лөсьөдіс-гирскөдіс еджыд лист кузя өтарө косьмысь шарикөвөй ручкасө, водзө нуөдіс ассьыс мөвпсө.

— Гөгөрвоа, асьтө ошкыны абу кивыв, ми, комнясыд, вежавидзысьось, мукөддырйиыс сійө эськө и нинөмла, кызди шуласны, быдлаын колө мера.

И вежөртіс Тер Миш, сылы немтор оз и ков шуны, сы пыдди шуасны кызди колө. Мичаа и гораа... Сөмын... Сөмын кызди сэки видзөдлан йөзыслы синмас?

— Төда, узытөм войяс, ном, лөдз, ставыс сьолөм бердад пуксьө, кывйыд оз бергөдчы...

— Ми өд, веськыда кō керавны, асланым дышлун вōсна вōйлим куйөд пиас. Сэссия зумыдмөдiм кок увсө да бара жө сiдз-тадз уджалөм вōсна лыбөдiс куйөдыс. Атьбө ПМК-лы, ас кадө выль картасө лэптiс.

— Ме мыйкө ог гөгөрво,— падмыштiс корреспондент. Тер Миш лөнныштiс да лючки ставсө висьтасис. Газетса өртлөн укшальмис чужөмыс, кытчөкө мытшасьөмысь выччысигмоз, полiгтыр петiс керкаысь.

Иван Ефимович во джын эз сёрнит Тер Мишкөд. Сөмын корсюрө механизаторлы пельпом вылас пуктылис сьөкыд лапасө да кузя видзөдлiс сылы ясыд сиңьясас, быттьбө көсийс мыйкө зэв шеньзөданатор казавны сэтысь. Управляющөй пыдисянь ышловзьылис да чөла вешйылис бокө: Тер Миш яндысьтөг сералис сы вылын. «Кытчө эськө ещө додьявны тайөс успаньвыв пуксьытөм чибөсө»,— думайтiс ачыс. Бурасисны тулыснас, гөра-көдза водзын.

— Веськыд морт тэ, Михаил Терентьевич,— Иван Ефимович видзөдiс кытчөкө бокө, быттьбө кылис асьсө мыйыськө мыжаөн.— Парторг юасис, кодөс пө механизаторьяс пиысь партияө вөзьян. Ме тэнө шуи. Вообщемсө, думайт та йылысь.

Тер Миш немтор эз вочавидз управляющөйлы, но сылөн кывьясыс пыдөдз изьясисны лов пытшкас.

Регыд Тер Миш лои коммунистө кандидатөн...

Рытланьыс Тер Мишлөн майшасьөмысь водзө өддзис, ковмас пуксьыны пызан сайбө, кутчысьны некор на вөчлытөм удж бердө, локтан рытыс шызьөдiс и повзьөдлiс.

Кызди да мый шуны олан туйыс йылысь? Дерт, колө висьтавны ставсө немтор дзебтөг, медым төдөны, кодөс бөрйөны юрнуөдысьөн. Но быд мортлөн тай оломас овлөны сэтшөмторьяс, кодьясөс абу окота эрдөдны уна йөз водзын. Но и сайөдны Тер Миш оз вермы немтор. Сийбө тешкодь серпасьястөгыс сылөн оломыс тшөтшөдөма кодь лөб, быттьбө и абу збыль ловья мортлөн.

Талун Тер Миш уджалiс нбжмыдджыка, думьясыс падмөдiсны. Турун зорөдсө кыз тросөн пысалөм бөрын эз дзик пыр чепөсий гортлань, а кусөдлiс весиг тракторсө, мый сылөн некор эз вөвлы, кузя ниртiс лымйөн шондi водзын дзирдалысь кымөссө, буситыштiс арся зэр моз емалысь лым чирьяссө доналөм юр чук вылас. Сьөлөмыс гудрасис да висьыштiс юрыс. Шедөдiс зорөдсьыс моздор турун да здук куйлыштiс сы вылын.

Рытнас Тер Миш дышпырысь няклялiс картофельөн жаритөм порсь яй.

— Висьмин өмөй, сэтшөм лёка сёян? — шыасис пач дорын ноксысь Агни гөтырыс.

— Меным ещö уджавны колö, гашкö, войбыд.

— Шойччан лун он тöдлы, ещö и войсö кутан уджавны?

— Горничаас пызан вылас вольсав еджыд скатерть, вай меным выль дөрөм — гижны кута.

— Гижны?! — Эз на кö торксы... — Агниялөн здукөн вежсис чужöмыс, быттö сийö виччысьтөг кодкö кедзов-тис. — Эн-ö мыжмы?

— Менö бөрйöны депутатö, — увлань лайкнунöм матич вылас видзöдлис Тер Миш.

— Сельсоветö?

— Райсöветö.

— Сэтшөм вылö! — Агниялөн радысла вöрисны паръя-сыс, тэрыба вольсалис пызан вылö еджыд дöра.

— Мишö, Михаил Терентьевич, кутшöм цвет нö тэныд беринöсь чужöм динад лöсялö?..

— Миянöс, Агнюша, войвывсаясöс лым рöмыс медся мичмöдö. Сöстöмлуныс миянлы медся любö.

Тер Миш гыррдзаяссö паськöдис пызан кузяла, пуджис сосьяссö, босьтис киас ручка, дженьыдика серöктис:

— Агни, скатерть вылас өмөй гижны кута? Кабаласö мый эн вай.

— Ойя, миян öд и бур бумагаыс абу, суседьясö кö петавла-а, — Агниялөн быдсөн шаньмис чужöмыс. Тер Миш кöть казялис гөтырыслысь шызьöмсö, но ачыс торъя кыпыдлун эз петкöдлы.

— Эн шызьöд суседьяссö, Васьöлысь портфельсьыс выль тетрадь кыскы.

Здук кöрлалис Тер Миш плешсö да гижис: «Ме, Коснырев Михаил Терентьевич, чужли Большеземельскöй тундраын 1932-öд воын». Тер Миш бара сувтис, йирис ручка помсö, эз сюрны колана кывъясыс. Тэрмöдлис, тувкöдис пельпомас Агни: уджав пö. Сылы, буракö, ёна окота вöли лыддыны гижанторсö, со тай гыррдза вылас лэдзчысьöма да оз и вештыв синсö бумага вывсьыс.

— Колö гижны ещö, Агни, мыйла быть лым вылын чужи, а эг больничаян. Збыль öд лым вылын чужи, чомйын вöлöмаöсь гөстьяс и мам петöма ывлаö. Югыд светсö аддзысьöма менам да пыр жö равöстсьöма... Радысла. Но кодлы кутшöм мог, кöни ме чужи? Менам челядь ставөн чужисны больничаян. Кадыс мöд пöлөс öни.

— Дерт, лым вылас кö шыбитасны пасьтöгыд, радлы-

ны мѳдан. Эн маитчы, сідзи гиж, бать-мам вѳліны кѳр видзсысясѳн.

— Сідзи оз туй.

Гижѳ: «Батьлѳн вѳлі этша кѳрыс, но челядьыс чом тыр». Агни непѳштѳ быд кыв бѳрся, вильѳн артмысь быд буква бѳрся сюся видзѳдіс, гѳтырлѳн татшѳма суитчѳмыс дѳзмѳдіс гижысьѳс. Тер Миш тотш пуктіс ручкасѳ.

— Мыйла нѳ батьылѳн кѳрыс вѳлі этша? Дыш морт, буракѳ, вѳлѳма.

— Менам бать комынѳд воясѳ пыравлѳма колхозѳ, а сѳся бѳр петѳма колхозсыс, мѳдѳма кымынкѳ кѳрѳн ѳтнас тундраті ветлыны, лѳма охотникѳн. Дерт, таысь ме батьѳс ог ошкы. Некымын во мысти бара пырѳма колхозѳ, ѳна корѳмаѳсь да, сѳся кувтѳдзыс уджалѳма примернѳя. Весиг медаль сетлѳмаѳсь. Война дырйныс медальсѳ прѳс-таысь эз сетлыны.

— Тѳлкыс тай воѳма жѳ. Тайѳс, Мишѳ, эн и гиж. Мед оз мыйкѳ...

— Гижа, Агни. Тер Миш абу кѳч рѳдысь. Гижа, мый эм. Трактор рульсѳ менсьым некод оз мырдды. Эн дзуг менѳ, Агни, мун сук чай лѳсьѳд. Синсѳ эн веж.

Агни петіс кухняѳ. Тер Миш заводитіс зіля гижны, шарѳдѳ ручкаыс, ачыс ымѳстылѳ да серѳктывлѳ. Здук мысти чайѳн пырис Агни.

— Мый нин бара гартін?

Тер Миш вештіс гижѳмсѳ Агни ныр улѳ да кутчысис пѳсь чашка дінѳ, норасис, мый гѳтырыс абу чѳсмѳдѳма чайсѳ чѳдъя вареннѳѳн, мускыс бара кылѳ да. Но Агни шуѳмторсѳ пеляс эз ѳкты. Сійѳ чиктылѳмѳн лыддис. «Менсьым бѳрдѳмѳс кылѳмаѳсь чой-вок да ѳна шызьѳмаѳсь, найѳ абу нин кѳсийѳмаѳсь содтѳд нянь сѳйысьѳс. Ме бать-мамлѳн вѳлѳм медбѳръяѳн, меѳдз во вит некод нин абу чужлѳма и грек вылас ен сетѳма. Увгѳны чой-вок, тѳкѳтьѳ менѳ потансьыс оз шыбитны. Сѳки и шуас бать, весьшѳрѳ пѳ зыксянныд, челядь, тайѳ пѳ ѳд медбѳръяыс нин, кукас-карасыс, да оз нин ло югыд свет вылас олысьѳн, регыд пѳ кулас. Нинѳм пѳ содтѳд огѳ лѳсьѳдѳ сы вылѳ, кыдзи пѳ вѳлі, сідзи и коляс мян эмбурын: дас пань, дас кружка да дас джек. Сѳки и жалыс петас чой-воклѳн ме дорѳ, мед пѳ, инѳ, олыштас, пока няньсѳ сѳйны оз кор. Весигтѳ кианыс мѳдѳмаѳсь босьтлыны да потансѳ гычѳдны, кодыр бѳрддза. Та йылысь меным висьтавлісны, кор лои верстьѳѳн.

Ачымѳс помнита вит арѳссянь кымын. Быд асыв мян ыджыд котыра семья вѳлі пуксьѳ ляпкыд кока пызан

сайо. Мам ыджыд тасьтїо пуктыліс чери либо яй. Бать абу лосавлома ме выло джексо да век сулавлі пызан дорас. Ставо́н босьтлісны руалысь яй кусок и ме тшотш. Миян чом пельосын век нюжвидзис ыджыд съод пон. Ме сомын на вом доро вайодо яй кусоксо, Катшо пыр и тшапко кысь. Сэки чой-вок пиьсь медся збойыс нетшышто пель дорос, пусьом киа по, эн верд понсо. Ме сэсса воли чола сулала пызан дорас ворзьевтог. Ывла выв войтырыдлон вытыс ыджыд и портийо немтор эз кольлы. Но мамо боро́ннас век жо мыйсюрюон нурыодліс.

Қор видзисьяс पोшти быд лун вешїоны выль местао. Разьоны чом, тэчоны да кортавлоны додыас выло, асьныс пуксялоны дадыас выло да муноны тундра кузя, кытчо налы колло.

Ставо́н пуксьывлісны дадь выло, но меным местаыс эз тырмыв и мено чойяс пиьсь кодко босьтліс ки вылас. Дерт, абу ена любо, кор лунтыр верстьо кодь нин мортос кызисюрю, урос ногон кутоны кын. Но делыс абу сомын таын. Тундраад од ветлоны туйястог, дадьсо тшоқыда катовтлывлло-шыболитло, торья нин шор либо ва гоп вуджигон. Медым не лэбны дадьсыс, колло кыкнан кинад кутчысьны дадь бердас. Татшом здукас чойо пыр жо простмодо асьыс кияссо и ме лэбышта кытчо веськало. Тшоқыда ва гурано либо шоро. Коть и унаысь шыбитлісны мено джуджыд вао, но некор эг вейлы».

— Интереснo,— Агни помалис лыддынысо.— Шуоны тай, лек морт по вао оз вей. Эм сятшом роч пословича.

— Эг на ме сэки лекнас вермы лоны, меным сэки воли вит-о-квайт арос,— Тер Миш чышкис кымос вывсьыс посьсо.— Со од муско дзик сись лои, кодзыд нильог йотко. Оз позь меным майшасьнысо, луннас нин шогодіс.

— Этша омой корт трактор вылас кынмавлін. Оні, гашко, шоныдино веськалан... Он?

Тер Миш овтыштіс кинас, эн по торкав сэні, водзо нуодіс асьыс мовпсо.

— Эг вей да под сы всна, мый новлі малича: челядылы маличасо вуроны кык повста вольысь, улысладорыс и веркосыс гона. Татшом маличаыс дыр оз котась ваас, лыбодо кагасо ва вылас кызди пробка. А тэ пыр и лек морт... Малича новлысьясыс оз овлыны лекнас, тайос крепыда тшуп медся тыдаланаинас.

— Мишо, эн логась, ме од пословичасо сомын висьталі.

— Кызди тайос дженьыда бумага вылас гижны?

— Сідзи и гиж, быдторсö пö прöйдиті, да ваын эг пöд и биын эг сотчы.

— Эн дзуг, Агни, биас эг веськавлы, война вылас эг сюрлы. Правдасö колö гижны.

— Тэнö, вакульöс, кöть бипурійö сэки чöвтисны, эн эськö сотчы. Абу мöй збыль?— ас ногыс дорйысис Агни.

Тер Миш кузя думайтис да тадзи гижис: «Кöть челядь дырйи чой-вок тшöкыда шыбитлісны ваö, эг лябмыв, некodлы эг норасьлы».

— Колі öд норасьны, йöюк, сэки эз мöдны кагасö быд ва гуранö шыблавны.

— Эг вермы норасьнысö. Чайтан, любö, кор йна ваас усян. Сэтшöма вöлі чойяс вылö скöрма, кыв-ворöс воштыла, лунбыд шы ог сетлы. Рытнас таысь жö ошкöны чойяс: со пö кутшöм молодеч мян Мишyd, кöть лунтыр мачöс моз шыблав дадь вывсянныс, кыв ни джын оз шу. Забеднöйсла вöлі гусьöн бöрда, шытöг.

— Дзик некор эн и норасьлы? Дзик некор?

— Öтчyd шыасьлі жö. Дадюлыс вöлі крут кыръя ты дорті рöдтö. Дадьсö тыланьыс шатовтис, чойö повзис да мачаліс менö тыас. Тöлыс ты шöрланьыс кутіс йöткыны. Кыла, кок пöлöд увлань кодкö кыскö. Сэки и горöді батьöлы, мися, менö кодкö пöдтыны кöсйö. Батьö тöбьялыштіс нярталасö да уськöдчис мелань. Кытшыс сьыліö стöч веськаліс. Кыскис. Васыс петігөн нин кодкö лэдзис кокöс. Сэся тывйыштісны тысö да кыкисны зэв унагырысь сир. Сійö тыас сöмын сирьяс рöдмöмаöсь, мукöд сикас черисö ставсö сөйöмаöсь да, и дзоля көр видзысьöс ырыштчисны ньылыштны. Чой-вок дольдмисны, здукөн вель уна чери лэптім да. Ыджyd вок весиг ошкыштіс менö, со пö öд весь нянь сөйысь Мишöсьyd на пöльза лон.

— Водзджык тайöс тай эн и висьтавлы. Тайöс эн гиж.

— Öтчyd тай заводитлі да вомалін ачyd, эн пö нем абусö сөр. Веськыда кö, яндзим меным вöлі та йылысь висьтавнысö том дырйиыс. Пöжалуй, и öні ог гиж тайöс, мед серам выв оз лэптыны. Ещö со кутшöм притча суліс. Öтчyd пув вотігөн вошлі тундраö. Казялі, чомйыс оз тыдав. Ог тöд, кодарö сетчыны. Тайö ваö усьöмсьyd на страшнöйджыктор. Зэв гораа кыз синваöн бöрддзи. Гөлöс быртöдз равзі. Кыськö сьöд Катшö былсь петіс, пыр и нюмдыссис менам. Понйыс и вайöдіс чом дорö. Эг прöста ме сійöс яйнас верд. Тайöс, пöжалуй, пасья: «Кöть вошлі тундраö да ёна повзылі, олöмас родысьöн эг ло». Тер Миш выныштчыліс киритны гижöмторсö, мыйкö ошйысьöм кодь

артмис, но эз, парторг тшөктіс «положительнойторсө» унджык чукөртны.

— Чайсө гуниктышт, юр вемтө пожъялышт, гашкө, бара на мыйкө чуктас мичатор.

— Сэссия, Агни, заводитчис ыджыд война, ыджыд шог вайис сійө быдөнлы и мяян семьялы тшөтш. Вокъяс му- нисны фронт вылө и некод бөрсө эз бергөдчы. Весиг пись- мө эз волы, сөмын военкоматсянь юөрыс и коли. Чойяс, көть вөліны на челядь руаось, найөс мобилизуйтисны «Ко- милесө» вөр лэдзны. Ме коли өтнам пөрысь бать-мамкөд тундраө көръясөс дөзёөритны.

— Көркө тай том дырйи висьтавлін эськө да вунөдчыс- сьөма нин быттьө менам-а,— Агни чышкаліс син доръяс- сө. Тер Миш видзөдліс гөтыр вылас да тшөкмуні. Жаль- ыс петіс, пөрысьмис нин и Агни. Со тай нем абусьыс син- ваыс пычиктысьсө. Челядьдырыс Тер Мишлөн син водзас сувтіс. Тшөтш и асьсө нормөдіс.

Регыд батыс лөсьөдіс меддзоля пиыслы дадь. Ачыс кутіс көръясөн веськөдлыны. Бур поводдя дырйи ыстав- лісны дежуритны колхозной стада дорө. Уджав пө, пиө, гырысьджык чой-вок пыддиыд, ышөдліс бать. И уджавліс гырысьяс моз, быдтор старайтчис вөчны на ног. Весиг ку- ритчыны велаліс. Вель дыр эз сетны школаө, заводитіс шензыны, мыйла сылөн арлыдыс то чинө, то содө. Öти во, кылө, тэныд пө, Мишө, көкъямыс арөс, да пөраыс тай сьөкыд, мучитчины кутан школаас. Йөз дорас. Во мысти мам шуө: «Мишукө пиө, тэныд квайт ар тыри. Эн вунөд, мадаө, ставлы сідзи шу». Мыйла нө пө, мамко, сідзи, кольөм во вөлі унджык, а таво этшаджык лон арлыдыс? Смотри пө, Мишук, гырысьясысь унджык төдны эн лөсь- өдчы, тайө бурө оз вайөд. Вензыны эг кут, мися, квайт и квайт, бать тай куритчөмысь оз вид-а. Помасис война. Көть Мишө быдмис омөлика, век жө сизим либө көкъямыс арөс сылы некод нин эз сет. Сельсөветө корлісны батьсө, жугыль воис. «Пиө, школаө тэныд мунны ковмас».

Некымын во велөдчис да вежөртіс: дас куим арөсөн пырсылөма сылөн школаас. Школаад велөдчөмыс зэв тешкодьөн кажитчис, вель унаөн өти жырийө чукөртчө- маось и некод оз куритчыны. Тундраад тай кыкөн па- ныдасясны да пыр жө питшөгас көшельысла нюжөдчөны. И Мишөлы эз тшөктыны. Сэки дугдіс куритчөмысьыс да өнөдз на папироссө вомас оз босьтлы.

— Мый нө дугдін перөнад уджавнысө,— тэрмөдліс Агни.

— Ог сяммы дженьыдасө гижны.

— Война дырйи школао пыртөдз вөлі көр пастукөн. Куритчөмтө эн казтыв,— велөдіс Агни.

— Зэв на и курыд тшыныс, синваыд петө и несйөдлө ёна. Тэ сэсса, Агни, этшаджык юась. Вой шөрөдз тадзисө нюжалас. Чай шонты.

Агни петіс кухняө.

«Велөдчи шөркодя витөд классөдз, сэсса дышми. Лун и вой мөвпалі томиниқ учительница йылысь, весиг дугді сёйны...»

Бөръя предложениесө Тер Миш вынысь киритіс, повзис гөтырсьыс, сійө вермө нем абусьыс вежөгтыны.

Гижысь шлочкис вильыд скатерть вылө ручкасө, бытгө көсйис тувйыштны, медым эз гөгыльтчы джоджө, видзөдлассө пыкис лайкмуном матичө, бара син водзас сувтіс челядьдырыс. Стөчджыка, сылөн руасьөмыс нин, бөрланьө катовтчөмыс.

...Ыджыд перемена дырйи том учительница корис Коснырев Михаилөс учительскөйө.

— Тэ нө, Миша, мыйла сэтшөм омөля урокъяссө кывзан. Ошиньө видзөдан либө помся менам плешкө дзорган, мый тэ сэтысь казялін?

— Ывласьыс куварканъясөс лыддя.

— Мый? Мый?— учительница көрліс плешсө. Сылы, мөд районуось выльөн воомалы, эз вөв гөгөрвоана «куваркан» кывйис.

— Но, сьөд ракаяссө, кодъяс тайө помөй корсьөны.

— А-а,— учительница недыр кезлө тшөкмунлі.— А менам плешкысь мый лыддян?

Коснырев гөрд сэтөр моз ыпнитіс, кызкө полігтыр жугыля артмис сылөн:

— Ог сөмын плеш вылад видзөд...

Өмидз рөмөн өні өзйис учительницалөн чужөмыс. Косиника ки пыдөсас кызөктышталөмөн юалис:

— Тэныд, Миша, кымын арөс?

— Регыд дас өкмыс тырас,— нурбыльтіс зон.

— Дас өкмыс... Дугды сөрнытө,— кызмырдөн моз нюмдіс учительница.

— Збыль. Документын сідзи пасйөма.

— Сідзкө, тай нө... ми тэкөд өтйөзаөсь. Сідзкө...— учительница меліджыка нин нюмдіс,— регыд армияө мөдөдчан?

— Со повестка эм,— збоймыштіс и Коснырев.

Регыд Коснырев Михаилөс корисны военкоматө комиссия вылө. Вель ыджыд залын жөдзисны сы арлыда жө пасьтөм том войтыр. Тані мурталісны тушасө да сувтөд-

лісны быдөнѳ вески вылѳ. Сэсся чукѳстлісны мѳд жырѳѳ. Сэні кузь пызан сайын пукалісны комиссияса членѳяс, медшѳрас вѳлі зарни погона олыштѳм мужичѳѳ. «Тайѳ, буракѳ, и медыджыдыс»,— думыштѳс Қоснырев да сы весьтѳ и джѳм сувтѳс.

— Қоснырев Михаил... Михаил... нимыд ыджыд, но ачыд. Кѳсъян служитны?— военком мыйлакѳ гажтѳма видзѳдліс сы вылѳ.

— Товарищ военком, зэв ѳна кѳсъя армияѳ. Вир дѳзми посни кельчи костас уявнысѳ,— веніс полѳмлунсѳ Қоснырев.

— Коді нѳ кельчиясыс?— пуктѳс пызан вылѳ ѳчкисѳ военком.

— Школаын... Витѳд классаяс.

— Тэ школаыс? Гашкѳ, помалан нин сизим классѳ?

— Товарищ военком, босьтѳѳ менѳ армияс, примернѳя мѳда служитны Рѳдиналы. Он кѳ... ме чѳвта школасѳ...

Военком ѳчкиасис, бергѳдліс-видлаліс кабала:

— Қоснырев Михаил... Ростыс стандарт... некытѳ оз вись... Михаил, тэнад збыль некытѳ оз вись?

— Оз, товарищ военком, кѳрт кодь ѳн.

— Михаил, а мыйла нѳ тэнад весыд оз тырмы. Қызди шуласны, водзѳ на колѳ тэныд азымджыка роксѳ панявны. Қѳні нѳ тэ быдмылін?

— Ме быдми тундраын, сэні рок оз сѳйны, сы вѳсна ичѳт менам весыс. Но тундрасаясыд винѳлѳсь, сѳнѳдѳсь. Сьѳкыдторѳысь ог повзъы, вот аддзыланныд...

Военком да комиссия членѳяс кокныдыка нюмѳялісны, стѳча эз тѳдны, мый керны ськѳд.

— Сюсь салдат лѳѳ, но... Жаль, весыс дзоля,— долыд-мискодь военком.

— Товарищ военком, ме думысь, Қоснырев Михаиллы збыль абу кивыв школаѳ ветлѳдлыны. Тшыксьыны вермас зонмыс,— шуис пызан рѳчсѳ пыкысь том морт.

— Мый тэ, Семен Иванович, предлагайтан?

— Вессѳ позьѳ содтыны.

— Қызди?

— Выпишитны Қосныревлы кык килограмм мѳс вый.

— Кык килограмм выйысь артмас килограмм яй?

— Ме, кызди врач, сета гарантия,— дорѳис призывникѳс врач. Қоснырев ас пайысь атѳѳаліс видзѳдласнас сѳѳѳс.

— Если гарантия,— шыасис военком бокланьын, торѳя пызантор сайын, гижысь военнѳѳ дорѳ, кодѳс Қоснырев сѳмын на казяліс.— Выпишит, товарищ капитан, при-

зывник Косныревлы кык килограмм мөс вуй. Михаил, кыдзи помалан вуйсө, лок комиссия вылө. Чайта, тэнэ торъя корөм оз ков?

— Оз ков, товарищ военком, позьö мунны?

— Да, ёнмөдчы, тундраса зон.

— Торъя эн котрав,— такөдис врач.

Тер Миш вайис гортас кык килограмм мөс вуй, сывдис сийөс ыджыд тасьтыын, босьтис книга да кайис паччөрө. Кор помасьö өти лист бок, Тер Миш паньыштө пань тыр сывдөм вуй. Пач вылыс буса. Тер Миш лыддысьö, медым не унмовсьыны, несъялө да панялө вуй. Пач вом дорын ноксьысь пөчыс помся дөзмөдө тшөгөдчысь призывникөс.

— Мишө, ветлы вала.

— Оз позь меным уджавнысө, бабө, военкомат эз тшөкты, весөс содта.

— Ва вайөмсьыд өд госыд оз на сыв!

— Вот военкоматыс сетас пөвестка, сэки, бабө, во кежлө тэныд ватө кыскала.

— Мыйкө тай тэнад оз и йөз нога службаыд заводитчы. Помся вуй панялан. Оз-ө лёк ло?

— Көсьян кө служитны, старайтчыны колө,— гораа несйис Тер Миш.

Дыр-ө кадколаст бөрын Тер Миш тшөкыда заводитис лэччывлыны паччөр вылысь, нинөм омөльтор сийө тась эз казаяв, мөдарө, лыддис, заводитис арся ош моз госсаявны, та вөсна гырк пытшкыс прөстмө.

Вежон мысти Тер Миш бара локтис комиссия вылө. Военкоматын эз нин, кыдзи вайдөр, жуөмөн жу йөзыс, позьö шуны, некод абу, шы ни төв.

Вески вылө сувтлөм бөрын военком юалис:

— Уна-ө содөма салдат Косныревыс?

— Ме ногөн, вескыс тшыксьөма,— кыв көрталис врач.

Военком ачыс сувтис вески вылө.

— Уна-ө?

— Сизимдас кык килограмм.

— Семен Иванович, вескыс оз сөр. Уна-ө Косныревыс содөма?

— Товарищ военком, призывник Коснырев абу содөма, а чинөма дзонь килограмм вылө.

— Кыдзи чинөма... Тэ, Семен Иванович, меным сетин гарантия...

— Товарищ военком, Косныревыс, ме думысь, эз сөй вуйсө.

Тер Миш чуймөмысла немөймис. Мыйся дивө, сэтшөм азыма паняліс, весиг мукөдторсө эз сөй. Стөчджыка кө, эз ков, сывдөм выйыс пыкис вытьсө. Но мыйла врачыс шуалө нем абусө? Содтөд вөйтө сійөс? Тер Миш зэлөдчис став вежөрнас, ру пыр аддзис военкомлысь дөзмөм чу-жөмсө.

— Вузалис да сьөмсө юис. Ме думысь, тшыксыштөма зонмыс,— ыпмунис чужөмыс том врачлөн.

— Юис? Коснырев, збыль тайө?

Тер Мишлөн кельд паръясыс тэрыба шөпкөдчисны: «Шуа кө сөйи — лыддясны висьсысөн, сэки службатө меным не аддзывны. Вот задача».

— Призывник Коснырев, тэнсьыд ме юася, ог стенислысь,— военком перйис югъялысь пиньяса вомсыс сьөд каллянсө.

— Товарищ военком, стөч сідзи. Вузалис выйсө и сьөмсө юи.

— Öти кывйөн кө, мудералин?

— Стөч сідзи!

— Коснырев, тэ вөчин ыджыд мыж. Государственной средство төв йылө пызьөвтін. Дисциплинаыд тэнад некытчө шогмытөм. Тэныд быть колө служитны. Армияыд тэнө веськөдас, мортөн вөчас. Капитан Лубов, гиж Косныревөс погранвойскаө, ичөт кө, озджык кут тыдавын пост вылас. Коснырев, босьт пөвестка да урчитөм кадө лок призывной пунктө...

— Есть!

Кухняысь котөрөн локтис Агни.

— Мишө, мыйысь нө горөдин? Эн-ө вугырт да вөтась?

— Прөстө. Дум вылө уси армияө мунөмөй. Кыдзи сійөс гижны, юрөс жугла.

— Сідзи и гиж: ас кадө пө веськалі служба вылө. Бура и помалі сійөс.

— Кык юрад тай бурджык жө думайтнысө,— Тер Миш өдөба шарөдіс перөөн:— «Көть неуна эз тырмышт весөй, но армияө босьтисны ас кадө».— Фу, бара отиторйысь мыні,— радліс гижысь.— Службаөдз нин воөдчи. Көть нөжйөник, но визувтө тай олөмыс.

Агни тэрмөдліс, тшөктис өдйөджык нин помавны, велөдіс: гиж пө, служиті примернөя, эмөсь благодарностьяс.

— Аттө, быттьө газет вылысь лыддян тэ, Агни,— номысь моз өвтчис Тер Миш.— Пөрьясыны оз туй. Благодарностьысь өтдор, вөлі куим наряд вне очереди да гауптвахтаын пукалі вит лун.

— Эн на тай висътавлы некор.

— Сійөн нинёмла ошйысьнысö вöлі. Агни, петавлы ещö кухняс, ог вермы гижнысö, кор быд кыв сёян-лыддян.

Гöтырыс петіс кухняö. Тер Миш дзоргис лайкмуном матич вылас да казътыліс службасö.

Коснырев Михаил веськаліс служитны бара тундраö, Мурманск бердын моредорса граница видзис. Эз виччысь сійö татшöмторсö, чайтіс, лунывса шонді улö веськалас, водзö туас-быдмас сэні, ёнмöдчас. Но... служитанінтö, кыдзи и чужанінтö, он ачыл бөрйы...

Тер Миш эз кузя и майшась. Öти нин сысысь вöлі нимкодъ, мый салдатон лоис.

Тані вöлі сэтшöм тундра, кыдзи Тер Мишлөн чужанінас, сöмын тшöкыдджыка турöбавліс, вына төв ныр бергöдліс-гартіс век уль лым. Мукöддырйиыс турöбыс сэтшöма öддзыліс, мый пост вылö кыссьылісны гез кузя. Ставыс тайö тундраса быдтасöс эз шензёд ни эз дöзмöд. Дöзмöдіс сöмын öтитор, но том салдат яндысис сы йылысь висътавны командирлы.

Пост вылын новлісны öти тулуп сутки чöж. Быд часö вöй сійöс кышавліс аслас ватнöй бушлат вылö, медым эз кынты чизыр төлыс. Смена помланыыс, рытладорыс, тулуп свинеч моз сьöктывліс. Косныревлы кажитчис, вылысас абу тулуп, а картупель мешöк сөвтöмаöсь.

«Сулала кö кык час чöж татшöм груз улас, дзикöдз лямала,— ас кежас дöжнасис том салдат. Бөр кö пö гортö ыстасны, коммиссуйтасны, дзикöдз янала ёртъяс водзын, бать-мам водзын. Мыйкö колö думыштлыны».

Коснырев кутіс штык йывнас увсяныыс пыкыштавлыны свинеч кодъ сьöкыд тулупсö. Öтчыл тадзи ас вöчöм «лэбув» улас сулаліс кык час чöж вөрзъывтöг. Ёна гартіс уль турöб. Салдатлы дум вылас усн школаса учительницаыс, кодлы ырыштчыліс гижны письмö, но бөръя здукас косявліс, казътывсис тундра, ёсь сюра көръясыс. Лэбув улын кокниа мөвпавсис, гашкö и вугыртліс. Казяліс, смена матыстчö, лейтенант вайöдö нин вежысьöс. Ротнöй капитан отпускалаіс и сійöс вежис лейтенант Гайдучак, коді ачыс радейтіс волыны постъяс вылö, буракö, эз тырвыйö эскы виль сержантъяслы.

Чепöсйыны кöсйö Коснырев, но оз вермы, лымйыс тобъялöма сійöс морöсöдзыс.

— Радövöй Коснырев, лок татчö,— корис лейтенант Гайдучак.

— Ог вермы, лейтенант ёрт, топöдіс менö турöбыс, эг и казьявлы.

— Коймод во служита Заполяръеын, но первойысь татшомторсö аддза, — чуймис том ротной.

Стöчджыка кө, вöли шöйöвошöма, петис лöгыс, но и нюмыс пычыктыссис. Украинаса зон вöли шмонитысь мортон, сöмын абу кивыв пост вылад серавнытö. Лейтенант да выль часöвöй тулуп воротникöдыс кыскисны Косныревöс.

— Эз кө эськө ков тулупыс, Коснырев, ме тэнö тась эг и перйы, тулыснас лымйыс сыліс да ачyd петін, — скöрысь шуис Гайдучак.

— Лейтенант ёрт...

— Чöв, радöвöй Коснырев, караульнöйын сёрнитам.

Лейтенант да радöвöй Коснырев чöла воськөдчисны караульнöй помещениеö.

— Радöвöй Коснырев, мыйла нö тэнö öтнадтö сэтшöм ёна тыртö лымйыс, а? — зумыша шыасис ротной.

— Лейтенант ёрт, сувтöдöй ывла вылас кузь да дженьыд бедь. Дженьыдджыксö тыртас öдийöджык. Тöлыс вынаджыка сы гөгөр гартчö.

— Сидз, шуан, ляпкыд понöльсö ёнджыка тыртö. Эг тöдлы. Радöвöй Коснырев, три наряда вне очереди!

— Есть! Три наряда вне очереди!

— Войнас кухняын мöдан картошка весавны.

— Есть! Картошка весавны.

Бöрынтьчис турöба полярнöй вой. Енэжын читкырасисны кодзувъяс. Видзöдис пöв кодь тундра вылö чукрасьыштöм косіник чужöма тöлысь. Помся жульöдис тувсовъя чизыр тöv. Поствывса пась лои кос да кокни. Радöвöй Коснырев сюся видзис мирнöй граница. Сійö вöли дась, ковмас кө, любöй здукö сетны том олöмсö Рöдина вöсна. Тайö мövпыс пыдö позтысьöма вежöрас, сьölöмас. Сидзкө, быдторйö колö велöдчыны лючки, помся, быд здукö. Да, Коснырев лючки лыйсьö винтовкаысь, автоматысь, пулеметысь. А вот пушкаысь эз на лыйлы. А ковмас кө... Усясны кө ёртъясыс... Паныд локтö танк... Мый? Сылы дзесбыны?! Лэдзны враглысь танксö?! Кутшöм сійö салдат та бöрын. Тайö мövпсыс кодзыд ньылöм чепöсйö байкөвöй дөрöм улас. Торъя нин тайö думыс дöсадитö талун, кор видзö сійö артиллерийскöй парк. Луннас салдатъяс лыйсьöмаöсь пушкаясысь. Öтиöс, «сорокапятка», абу пыртöмаöсь паркö, йöрас сулалö, весиг джынъялöм ящик боевöй снаряжъяс дінас. Быдөн медводз лыйсьö тайö ичөтик пушкасыс. Коснырев унаысь нин матыстчыліс пушка дорö, лючки видлаліс, гөгөрвоис, кыдзи колö сійөн лыйсьынысö. Тайö нин бур, ковмас кө, оз кут сы дінын бөбъявны, öтитор вежөрнад вöчны, дзик мөдтор — збыль вылас. Гашкө, пушка

горсьыс ачыс гатшён усьё, некор на өд эз лыйлыв. Лёка лыйёмнад врагтё он сувтөд. А мый? Сылы кө лыйны тайё пушкасьыс көть өтчюд? Дзик өтчюд. Медым бёрнас не шөйёвошны, кор ковмас сувтны врагъяслы паныд.

Коснырев төдис, военнөй устав торкалөмысь командир оз ошкы, но челядь кодъ вежөрнас сийё лыддис, мый вөчө зэв коланатор. Мөдарсянь кө, командир бара жө сийёс гө-гөрвоас кызди колө. Көть мыйтакө гөгөрвоас... Оз теш тешит салдат Коснырев, сийё дасьтысьё, кызди колө дорйыны граница. Коснырев зарадитис «сорокапятка». Бара на здук падъялис, думнас корсис пас, кытчө метитны, көть пушка ствол сертиыс. Ныр водзын шыльквидзис пөв кодъ воялдыштөм тундра. Косныревлы син улас некутшөм пас эз сюр. Прөста горсө вөчны сийё эз жө көсий. Сэки шога видзөдлис енэжө. Аддзис, быттьө нэмнас первойысь, бовьялө сынөдас таз пыдөс пасьта төлысь. Аддзис Коснырев төлысьсөс и вашмунис: «Со көн пасыс, а ме йөй, сийёс му вылысь корся. Да и пушкаыс... Код төдас кытчөдз сийё лыйё. Оз прөстаысь пушка нимсө новлөдлы».

Коснырев бөр кыкис стволысь снарядсө. Крепитис пушкасө. Ствол пырыс корсис төлысьсө.

Енэжын олысь, ачыс стөча стволас пырис. Öнi некытчө оз пышйы, сөмын оз ков нюжмасьны.

Коснырев нем думайттөг шковгис-луйис. Лыбис тшынбус, пушка чепөсийс бөрвыв. Мыйла? Коснырев повзис да шөйёвошис, лёка крепитис, буракө, тшыкөдис орудиесө. Коснырев лючки эз на удит видлавны пушкасө, кызди караульнөйсянь воис наряд.

— Часөвөй Коснырев, кодi лыйис пушкасьыс? — стрөга юалис лейтенант Гайдучак.

— Ме, лейтенант ёрт.

— Кытчө лыйин?

— Төлысьсө, лейтенант ёрт.

— Төлысьсө... Вай винтовкатө. Ротнөй командир нимсянь вит сутки кежлө пуксьөда строгөй арест улө. Бөрыннас комбат разберитчас.

Коснырев юрсө өшөдөмөн лейтенант бөрсянь довгис караульнөйё, весиг эз видзөдлы төлысь вылө, эз көсий төдны, мый ськөд лонс.

Вит сутки Коснырев олис өшиньтөм комнатаын. Сийёс луннас өтчюд вердисны пөсь сөянөн. Öти пөраө водтөдлисны да чеччөдлисны. Мойдын моз дас öти часын стенсьыс мыччысьлис нар, кытчө Коснырев пыр жө водлис узыны. Сизим час асылын нарыс пырлис бөр стенө. Тайё здукө Коснырев век аддзылис öти пөлөс вөт: кыр горув уськөдчө ис-

ковтысь пушка бӧрся. Садьмыліс джоджын. Луннас ветлӧдліс векныд комната кузя да малаліс доймыштӧм балябӧжсӧ.

Вит лун мысти рыгоров Коснырев первойысь петіс ывлаӧ, видзӧдліс енежӧ и нюммуніс: тӧлысьыс вӧлі джынъя! Колӧ тӧд вылӧ босьтны со мый: тундраын тӧлысь чужигсӧвмигас да чинігас поводдяыс тшӧкыда гудыртчылӧ. Сэсся Тер Мишлӧн челядьдырыс и том кадыс вӧлі тырӧма тӧждӧн-нокӧн, кынӧмпӧт вӧсна вийсьӧмӧн, некор сылы вӧлі нимкодьясьны ни тӧлысьӧн, ни кодзувъясӧн. Та вӧсна Тер Мишлӧн вежӧрын тӧлысьыс оліс век дзоньӧн, тыр баһӧн.

— Лӧсьӧд ременьтӧ лючки, радӧвӧй Коснырев, штабӧ мунам. Мый вашъялан? — лейтенант Гайдучак талун вӧлі зумыш.

— Лейтенант ёрт, оз прӧстаысь, тыдалӧ, штабас менӧ корны, отпуск гортӧ ветлыны сетасны. Со, веськавсьӧма тӧлысяс — джынъя!

— Ме думысь, кузь отпуск тэныд сетасны. И бара тундраын сійӧс кутан коллявны,— Гайдучак курыда нюмдіс.

Штабын Косныревӧс виччысисны комбат да замполит. Гӧрд нойӧн кышӧм пызан сайын пукалісны майор да капитан. Варовитісны ас костаныс.

— Товарищ майор, радӧвӧй Коснырев тиян корӧм серти воис!

— Радӧвӧй Коснырев, тэ мыйла лыйин тӧлысяс? Мыйӧн сійӧ тэныд эз мусмы? — комбат сёрнитіс торъя чорыдлун петкӧдлытӧг и тайӧ ышӧдіс Косныревӧс збоялыштны:

— Товарищ майор, ме зэв ёна кӧсий велӧдчыны лыйсьыны пушкасьыс.

— Мыйла?

— Ковмас кӧ дорйыны граница, медым кужи лыйны и пушкаысь. Бойын быдторйыс вермас лоны.

— Приказтӧг боевӧй оружиеӧн оз вӧдитчыны. Тэ, радӧвӧй Коснырев, служба вылын, абу детсадйын. Тэ вӧчин ыджыд мыж. И тэныд ковмас чорыда кыв кутны таысь.

— Радӧвӧй Коснырев, тэ лыддян асьтӧ мыжаӧн? — пырӧдчис сёрниӧ замполит.

— Лыддя ачымӧс мыжаӧн, товарищ капитан.

— Стӧчджыка, мыйын тэнад мыжыс?

— Лёка крепиті пушкасӧ, бӧрӧ сетіс.

— Радӧвӧй Коснырев, тэ кытысь локтін служба вылас?

— Школаысь, товарищ капитан, витӧд классын велӧдчи. Сідзисӧ тундраса ме, кӧр видзысь.

— Да, витӧд классад астрономиятӧ оз на велӧдны.

Замполит мыйкō кузя шōпкōдiс комбатлы пеляс. Мōдыс корсюрō нюмъевтлiс. Тōдōмысь, капитан висътасис мыйкō интереснōйтор войвывса йōзлōн олōмысь, кывсис, замполитыс пō война дырйиыс служитōма тайō местаясас, а татчō волōмаōсь и кōръясōн.

— Радōвōй Коснырев,— комбат коса кызōктiс,— мыйкō татшōмтор кō ещō вōчан, тэ кутан служитны дыр-дыр. Тадзи и доложит аслад ротнōйлы...

— Есть! — Тер Миш веськыд кисō збоя тшукōдiс кōсича бердас, сетiс честь. Тэрыба бергōдчис шуйга пельпом выв кисō лэдзтōг да петiс.

Пушкаысь лыйōмыс эз вōв збыль вылас, сийō олiс сōмын том салдатлōн вежōрын. Но кōсийōмыс поздысьлiс сьлōн юр вемō сэтшōм крепыда, мый сэки кō пушка дiнас вōлiны боевōй снаряджяс, одвакō вермис пыксьыны. Но Тер Мишлōн шуд вылō, найō куйлiсны томана складын. Мōд луннас та йылысь висъталiс политзанятие вылын. Салдатыяс гигзисны, а замполит ēна чуймис, олōдiс чорыда, кōсийысис юртны ротнōйлы.

Рытнас строй водзын, политзанятие вылын ыкшасьōмысь, лейтенант Гайдучак козьналiс радōвōй Косныревы кум лунся арест.

Век жō Косныревōс вуджōдлiсны тōлысь кежлō артиллерийскōй взводō. Командиръяс пыдди пунктiсны Тер Мишлысь ыджыд кōсийōмсō. Та бōрын сийō збыльысь эскис тōлысьō лыйōмас, весьшōрō оμōй гауптвахта вылас сюрлiс да бызгысь компанияеын торъя майшасътōг мойдлiс та йылысь.

Водзō Тер Миш служитiс лючки. Стрельбище вылын стōча лыйсьōмысь комбат сетiс сылы благодарность.

Колiс кык во. Тер Миш быдмыштiс, ēнмыштiс. Воиc демобилизуйтчан кад. Тер Мишōс гортас лэдзисны медводз, сы вōсна мый сьлōн гортыс вōлi ылын, Большеземельскōй тундраын. Плац вылын стройōн сулалiс батальон. Коснырев дорō матыстчис замполит.

— Вот, ёртъяс, медводз гортас мōдōдчō радōвōй Коснырев. Сийō, кыдзи тōданныд, кōсийыс тшыкōдны мянлысь тōлысьсō, полам, метитчас коркō шондiō. Та вōсна водзджык лэдзам гортас.

Стройын гигзисны, капитан тшōтш нюмъялiс.

— Тайō, дерт, шутка. Коснырев служитiс примернōя. Радōвōй Коснырев, тадзи уджав и гражданка вылын, тайōн водзō кутан ēнмōдны Рōдиналысь вынйōрсō, а сiдзкō и водзō мōдан видзны границасō.

— Есть, товарищ капитан,— Тер Миш вежавидзёмён лосьодыштис мыш вывсыс туйо петан нопторсё.

— Сэссия нё велалин пушкасыс лыйсьынысё? — юасис джоджсё мыскалысь гётырыс.

— Велодисны. Танкён ещó косйи ветлөдлыштны, да эз удайтчы.

— А-а. Сы вöсна и бöрыннас трактористö велөдчин?

— Сы вöсна.

— Мыйкó пасйышт нин служба йывсьыд, зэв тай дыр думайтны мөдин.

— Гижомыд абу гөрём. Энлив. Мед мыйкó бара серам выв эз артмы.

Гижö: «Служба вылысь вайи благодарность, кöть веськавлí гауптвахта вылө да сетавлíсны öчередьтöг нарядьяс».

— Лёкторсё нö мыйла гижан ас йывсьыд, йöй мужик? Октытём лэчкас пыр юртö сюян.

— Быдлаын колö веськыдлун. Сийö медся вынаторйис олөмас. Сöмын труктыяс сысыс полöны. Агни, тэ менам ныр улö ва ветьöктö эн сюй. Чай татчö вай. Думайтёмсыс менö пöсьö шыбитö, шогөдö и.

— Энджык азыма мөвпав,— Агни петис кухняö.

Тер Миш лэптис юрсö, веськөдис мышсö, видзөдис паськыд потасьяса матич вылө, кадыс и стрöйбатö песлалö, непöштö ловья ловтö. Кылис, кыдзи веськыд боксö зöлитыштö дөзмөдысь дойтор, кытчöкö пыдö поздысьöма сылөн висьöмыс, кодí яндысьтöг сөйö сы вылө урчитём лунвойяссö. Гашкö, сэки ывла вылын чужигас нин и кövьясис висьöмыс? Но Тер Миш быд ногыс зилис мынтөдчыны тайö наян мөвпсыс. Колö эськö мунлыны кытчöкö гортсыс, но век быттьö абу слöй... Оз сюр сылы здук и больничаö петкөдчывны. Бара дояс бергөдчис, веськыд бокас быттьö йи шмак пукалö.

Со нин армияысь воис. Ещö на сылөн олөмын вöли öти крукасыём. Но кыдзи та йылысь дженьыдикасö гижны?

Армияысь Печора вылө Тер Миш веськалис водз тулысын. Юлөн төвся шебрасыс лөзмунöма, кытсюрö паськыда польдöма дор ва. Некод нин эз ветлы ю кузя. Тер Миш некыдзи эз вермы воөдчыны гортөдзыс, райцентрö йөрмис, пукалис көрт туй вокзаллөн тыртём залын да майшасис. Военкоматö пыравлём бöрын Тер Миш веськөдчис паспортной столö.

— Шуан, паспорт колö. А кытчö тэнö пропишитны? Көнi чужанінныд? — паспортнойын уджалысьяслөн шоммис чужöмыс.

— Большеземельскöй тундраын.

— Охо, вывтi лышкыд лоӧ, ӧтнасыдлы кӧ дзонь тундра сетны. Документад колӧ адрес. Стӧч адрес. Гӧгӧрвоан?

— Гӧгӧрво и тэ. Ме чужи тундраын. Чукъя мыльк бокын, рытывладор рӧчас, гӧна вутш юръяс костын.

— Помнитан весиг сэтшӧм посниторъяс?

— Кӧдзыдiнын чужӧмаясылӧн торъя крепыд паметъыс.

— Вьлитор кыла. А помнитан татшӧмторсӧ, со тэнад свидетельствоад лӧз чернилаӧн гижӧма, чужӧмыд кык лун чӧж. Чужан луныд кык лун: квайтӧд да сизимӧд майын,— паспортнӧйын уджалысь наяна нюмдiс.

— Забыль? Оз вермы лоны.

— На лыдды.

Тер Миш дыр бергӧдлiс чужӧм йылысь пасйӧда кабаласӧ, лыддис некымынысь, быд шыпас гӧгӧрбок видлалiс, медбӧрын ышловзис:

— Збыль тай. Ӑнӧдз эг казавлы. Тайӧ да! Сэсся нӧ...

— Документыд невернӧй, огӧ вермӧй сетны паспорт. Мун гуляйт.

Плешкас нӧшкӧн кучкӧм ӧш моз Тер Миш петiс ывлаӧ, лунсӧ ветлӧдлiс улич кузя, войнас бергалiс чорыд лабич вылын да жуглiс юрсӧ, мыйла быдӧнлӧн ӧти чужан лун, а сылӧн помся кык. Дерт кӧнкӧ, тани мыжаыс батыс, дыр абу нуӧма сельсӧветӧ, виччысьӧма ичӧт пиыслысь кулӧм. Но дзоля Миш турыштчӧма олӧм выв. Сӧмын кор тырӧма коймӧд арӧс, батыс повзьӧма мыждӧмысь, катӧдӧма сельсӧветсаӧс чомйӧ, дыр гӧститӧдӧма, корӧма пасйыны дзоля писӧ казеннӧй кабала вылӧ. Гыр д синма писарыс шляпкӧма Тер Мишлы кык чужан лунсӧ. Батыс вӧлi буква тӧдтӧм мортӧн, сылы ставыс мольыд, медтыкӧ гижыштӧма мыйкӧ еждыд буква вылас. Но Тер Миш ӧмӧй таысь мыжа? И мыйла паспортнӧй столын уджалысь крукасис татчӧ? Мукӧд служащӧйыс тай сӧмын сийӧс и кыйӧдӧ, кызди ӧдйӧджык ӧдзӧс саяс йӧткыны могӧн воысь мортсӧ. Но Тер Мишысь кокниа он мын, войбыд думайтiс, кызди дойда-наджык вочавидзны тайӧ веськодълунӧн шымыртӧм ныв-бабаыслы.

— Тэ бара нин тани? — паспортнӧйын уджалысь быттӧ чолӧмалiс Тер Мишӧс.

— Вои. Гуляйтсис менам,— ярскӧба вочавидзис Тер Миш.

— Ме жӧ тэныд ясыда шуи: документыд дзуглӧс, паспорт эн виччысь.

— Документыс правильнӧй. Сэни гижӧма стӧч сiдзи, кызди збыль вылас эм.

— Но-но... кызди нӧ тэ кык лун чӧжсӧ чужин? Вись-тась. Эн и мудз, ха-ха...

— Ме чужи тундраын. Сэни зэв чизыр тӧлыс. Первой луннас мыччылі да садьӧс воштытӧдз чуйми, мися, кызди татшӧм кӧзӧдас овны кута. Сутки чӧж думайті-артаси да вӧлисти решитчи ыджыд олӧмас петны.

Паспортнойын уджалысь сералис тшӧкъялӧмӧн. Видзӧдліс Тер Мишлӧн скӧра сотысь синъясӧ да зумыштчис.

— Тэ тайӧс лысьтан меным висьтавны. Тэ тай нӧ... пошляк!

— Ме абу мыжа эсийӧ кабала вӧснаыс! Меным колӧ паспорт! Уджавны колӧ!

Паспортнойын уджалысь дышпырысь видлалӧ Тер Мишлысь документъяссӧ, кӧрлалӧ гӧрд парьяссӧ.

— Получитан паспорттӧ и мед сэсса татчӧ кокӧн эз вӧв тувчӧма: райцентрӧ татшӧмъясыс оз ковны! Гӧгӧрвоин?

— Есть! — Тер Миш радысла сетіс честь.

Агни пыртіс чай.

— Помалін эн? Ручкаыд тай век важ местаас куйлӧ. Рытывбыд «есть» керан-а.

— Ог тӧд, мый и гижны, медым эськӧ йӧзлы серам выв эз артмы,— ырситіс чайсӧ.— Пӧсь зэв чайыд и ӧна сакаралӧмыд.

— Би вылысь чайниксӧ босьті сӧмын. Юмолыс, мися, гижан уджтӧ, гашкӧ, ӧдзӧдас. Но гиж нин мыйкӧ!

Тер Миш гижӧ: «Армияысь гортӧ воигӧн йӧрми райцентрӧ: Печора ю кузя кылаліс йи. Шландайті улич кузя весьшӧрӧ кык вежон, паспорт чуктӧді. Кызди паспортаси, пыр жӧ заводиті уджавны заводын, ветлӧдлі рытъя школаӧ, помалі кӧкъямыс класс».

— Шуан, юмолыс оз лӧсяв, со кызди шаркӧдӧ перӧыд, быттӧ тракторыд таргӧ,— гыррдза вылас шӧкасӧ пыкӧмӧн нимкодясис Агни верӧсылӧн гырысь шыпасъясӧн.

— Бара ӧд и торкин. На либӧ сэсса ачыд гиж!

— Помалышт нин, Мишӧ. Сэсса пӧсь шыд вая, порсь яй пиын жаритӧм проса рок.

— Видзӧд, мед рокыс оз сотчы.

— Пета, пета, — шаркӧдіс кухнялань Агни.

Тер Миш гижис: «Заводын тӧдмаси Агникӧд. Эг и казавлы, кызди гозйӧдчим. Ӧта-мӧд бӧрся кагаяс мӧдӧдчисны. Ковмис рытъя школаысь энотчыны. Ӧти зарплата вылӧ овны лои дзескыд. Сӧрнитчим гозъя да веськӧдчим сиктӧ, Агнилӧн чужаніӧ. Сӧксянь уджала трактористӧн. Агни фермаын лысьтысьӧ. Нӧль челядь быдмисны, олам быдтор вылӧ судзсянаа. Удж вывсянь унаысь сетлісны

Почётной грамотаяс. Тани лои коммунистон». Агни!

Которон пыро Агни.

— Мый лои?

— Помали. Ки чышкөд вай, брөд пөсяли.

Агни суйыштис Тер Мишлы киас еджыд ки чышкөд. Заводитис лөсьодны пызан выв.

— Они сэссия ыджыд начальникнас лоан да, он нин кут, Михаил Терентьевич, мазьось купайкато новлыны? Югьялысь плащ ньобам. Дзирдалан томана портфель. Эн коть готрась выльысь сэссия.

— Трактор вылас галстук да еджыд дөрөм кышала, выль портфельо ключьяссө тэча? — серөктис Тер Миш.

— Он өмөй мыйкө модтор кут керны. Трактор вылад и колян?

— Аттө жө тэ морт, Агни, чайтин, небыд креслоын, шоньдинын кута пөжсьыны курөг моз.

— Коть нин персональной машинасо сетасны?

— Персональной шопер тэныд эз ковмы. Съод тошка, векныд гача...

— Мый нө нин пөрысьо-нэмө вежөгтыны менө мөдин,— кос син дорьяссө чышкалис Агни,— менам од куйоднас вөдитчөмысь киясой со кызди потласьөмаось. Тайось небось он аддзы.

— Уджыс китө оз тшыкөд, та йылысь тэ меным эн мойд. Уджыс лөсялө кыдылы, сийө мичмөдө китө. Тэнад кыд, Агни,— Тер Миш жалитис нин, мый дойдис готырсо,— уна мыськис, пелькөдис, медбөрын, уна йөв лысьтис совхозлы. Найө некор эз мудзлыны. Наысь зарни киссьө.

— Зарни! Эз-ө ков тэныд больничао петкөдчывны.

— Колө эськө да век тай некор,— Тер Миш зырыштис веськыд боксо, кылис ёнтысь дой.

— Ок! Мый нө мян уджалөмысь төлкыс,— виччысь-төг зумышмис Агнилөн чужөмыс.

— Тэ нө мый, кытысь усин татшөмыс?

— Ми тэкөд кык йөйыс и колим сиктас. Вот!

— Сюсьмисны мукөдыс?

— Сюсьмисны. И ещө кызди! Коть зептыс тыртөм, оз шогавны, быд лун налы праздник. Война дырийн моз милөстина короны, куйма либө вита дзайгөны.

— Код йылысь нө тэ тадзисө?

— Коть Марин Кольөтө босьтам, тэнсьыд ёрттө, век кытчөкө вошөма. А тэ сы пыдди шойччан лун он төдлы. И мукөд пыддиыс мырсян.

— Ог од ме вермы удж вылас съөвзыны, колө кө. Дзик тай ку пысь мөдин петкөдны.

- Меным век жö кодöскö колö вежны.
- Колö кö нö, кызди сэсса, Агни, быть веж.
- А кытчö нö тадзисö воам?
- Аслад киссьöм колököльня вывсыньд тэ заводитин пайгыны. Лэччы, Агни, сэтысь! Бурөн лэччы.
- А челядыд мыйла быдөн карлань сетчисны? Кузь рубла?
- Мый тэ менсьым лолöс кыскалан, Агни?
- Эз кузь рубла найö карас сетчыны.
- Но, эз рубла, тöда. Сэсса мый? Таысь тэныд кокниджык?
- Ныв-пиянным мян, Михаил Терентьевич, мортöс корсьны туяс петисны. Бур мортöс, кодкөд позьö ёртасыны да гажöдчыны, быдторйын надея кутны.
- Кодкө нö вошис?— Тер Миш чайтис сёрнисö бергöдны серам выв, но тайөн сöмын ёнджыка ыззьöдис гöтырсö.
- Видзöдлы, кызди олам. Коді мянö пыравлö? Сöмын горш веськöдысьяс. Гөрд ныраяс да юмов синмаяс.
- Найö дöсадитчöны. Кöть иган сайын пукав.
- Ми, Михаил Терентьевич, съодас уджалігөн, воштим сиктсьыс мортсö. И уджас дзугсьöмаöсь.
- Дугды тэ лөвтнысö, Агни.
- Ог ме лөвт. Мися, та йылысь и колі гижны тэныд кызди депутатлы, а эз... Герой, тöлысьö лыйöма. Тэ понда тай тöлысьыс эз веж местасö.
- Тэ, Агни, менсьым службасö эн вөрöд, сэтчö эн зыртчы. Кылан, сэті эн вөрöд! А то ку пиысь пета... Сэки аслыд оз любö ло,— Тер Мишлөн вынаа кыпöдчыліс съөлöмыс. Дерт, тайöс казавтöг эз ов Агни.
- Ме сідзи, мися, кызди депутатлы шуа,— лöня шуис Агни.
- Мыйкö татшöмтор некымын во сайын Тер Мишлы висьтавліс Марин Кольö. Висьтавліс... абу сійö кывйыс, зэв небыда шуöма. Йинёньяс моз сатшйöдліс сэки Марин Кольыс кывьяссö Тер Мишлы веськыда чужöмас. Марин Кольыс вöлі код, но ас вежөрнас на сёрнитіс. Некутшöм пö тэ абу маяк, Мишö дядь, киссьöм овмöсын дöмас пö тэ, кыті пö розялö, сэтчö и тэнö йöткöны. Ог пö тэ кодь маякнас кöсйы лоны. И муніс öд, сьöвзис трактор вылас, няйт гуранö энөвтис. Некымын во сплав вылын бергаліс, сэсса сплавучастокыс бырис да бөр совхозö локтіс. Эз вермы сэки, кызди колö, вочавидзны Марин Кольöлы. Öні кö эськö... Быттьö коркöя öбидасыс тшöтш öні нуöдис сёрнисö.
- Кодкө öд, Агни, тэ серти абу жö тамышджык, ка-

зялёны жё тырмытөмторъяссө. Миян партия оз прөстаысь тшөкты выль ног котырты уджсө. Оз прөстаысь быдлаын пөрадоксө лөсьөдны. И вина юысьясыскөд чорыд тыш панөма, став мирөн сійө ёг турунсө выныштчөма нетшыштны. Тэ тайос гөгөрвоан?

— Гөгөрвотөг ог ов. Казяла, тадзинад некод оз нетшышт сійөс миян сиктысь.

— Тэ или ме тамышыс...— Тер Миш чышкаліс көдзыд ньылөм, чусалысь өгыр моз югнитөм мөвпсө пөдтіс дой.

— Сійөн өд и шуая, медым выляс гыжйөн и пиньөн самасыны.

— Тасянь и колі заводитны, а тэ кутшөмкө портфель да машина...

— Обидаыс тай босьтлө да сійөн...

— Мыйысь?

— Васьө пныд армияө мунас да чунь кыкөн көкны кутам.

— Васьөтөг на куимөн ыджыд мирас ветлөны, кодкө өд внуюс вайөдас жө.

— Сійөтө, гашкө...

— Гашкө, өні Варя нылыд том молодеchkөд пырас,— сьөлөм сетіс Тер Миш.

— Виччысь, паськыдджыка вомтө осьт да, оз-ө гут пыр...

Но Тер Миш асланьыс кыскис. Тані пө, кор карас лэччыліс, мыйкө сэтшөмөскодь гаралис Варяыс. Агни номйысь моз өвтчис, кый пө пу йылысь туриөс. Тайө здукө кодкө збоя таркөдчис өдзөсө.

— Бара нин кодлөнкө косьмө,— кывзысис Агни.

Тер Миш шай-паймуніс: «Коді нө эськө. Ёдзөсыс осьса. Горш веськөдлысьясыд торкөдчытөг ас гортаныс моз пыравлөны. Збыль төдтөм гөсть кодкө?»

Здук мысти тагөс вомөн оськовтіс Марин Кольө. Вомыс калык, мода вылас лэдзыштөм тошкыс быдсөн сералө.

— Мый торкөдчыны кутін?— паныд сувтіс Тер Миш.

— Ыджыд могөн да сійөн.

— Мыйкө лоис? Пес чипасыд, гашкө, киссис, кодөс эн на удит тэчны?

— Карсьыс гөтырпу катөді, колөкө, чукөста,— Марин Кольө докнитіс юрнас өдзөслань.

— Ме татысь мыйкө ог гөгөрво. Гөтырпусө аслыд вылө быттьө вайөдін? Либө козьнавын көсьян меным?

— Мый тэ, Михаил Терентьевич, тадзи шутитны кутін.

— Тэнад гортыс эм?

— Эм.

— Мыйла нӧ сідзкӧ ме ордӧ сійӧс пыртӧдан?

— Михаил Терентьевич, зэв матыссаӧн сійӧ тэныд лоӧ.

— Но... Сідзкӧ петкӧдлы.

— Варя, пыр!

Пырис Тер Мишлӧн да Агниялӧн шӧркост нывныс — Варвара. Агни турыштчис нылыслы паныд, но туй джынъяс джӧм сувтіс, быттьӧ мыйыскӧ повзис, лябмис ки-кокыс, кельдӧдіс чужӧмыс, ӧдва шӧпкӧдісны лӧзмунӧм паръясыс.

— Варя... Тэ нӧ кысь... Мый нӧ тэкӧд лои...

— Ми, мамӧ, сёрнитчим Марин Кольӧкӧд...

— Мый?! Марин Коляяс тэнад жӧник?

— А мый... Меным тай наперво кажитчӧ-а.

— Наперво...— Агни лэдзчысис диван вылӧ.— Миша, валидолыс шкапын?

— Варя, Коля, петавлӧй татысь, петавлӧй коридорас,— Тер Миш мырдысьӧн сорӧн йӧткис жӧника-невестаӧс посводзӧ.

— Агни, Агни... на кыв улад кут. Тэ весьшӧрӧ тадзисӧ, босьт асьтӧ киӧ,— котраліс джодж кузя Тер Миш, киас кватитліс то ӧтитор, то мӧдтор.

— Кызди нӧ прӧста, тӧда ӧд ме Марин Коляӧс, ӧг ӧмӧй тӧд. Ой, сэтшӧма съӧлӧмӧй жмитӧ,— лӧвтіс Агни.

— Чайсӧ гуниктышт, чайсӧ...

Тер Миш помя мыйкӧ шуаліс, сёрниыс киссис шер моз, бурдӧдіс гӧтырсӧ, дорйис Марин Кольӧс, бур гӧтыр дорын пӧ морт на лоӧ. А мый? Уджавны кужӧ. Везӧрсӧ воз абу на сёйӧма. И Варя нывсӧ ошкис, абу жӧ бӧб, аддзӧ кодкӧд ӧтлаасьны. Тер Миш кевмысис Агни водзын, чукӧстам пӧ том войтырсӧ. Дыр-ӧ пӧ на кутам кынтыны кӧдзыд посводзас. Коркӧ и Агни сетчис, чукӧст пӧ, но мода вылас няргыштіс на, кадсьыс водз тай пӧ кыз му улас сюаннуд.

— Варя, Коля, пырӧй нин! — кыпыда чукӧстіс Тер Миш.

Кутчысьӧмӧн пырисны Марин Кольӧ да Варя.

— Агни, шулі ме тэныд,— радліс кӧзяин.

— Туналӧмыд тай. Пуксьӧй пызан саяс,— ышловзис Агни.

Сэсса вой шӧрӧдз варовитісны вильӧн чужысь том семьялӧн лоана тӧждьяс, могьяс йылысь.

\* \* \*

Тер Мишлы эз нин удайтчы Марин Колькӧд пӧдрад сертиыс уджавнысӧ. Гӧрны петӧм бӧрын кык лун мысти сійӧ

кувсис. Буракö, деливö босьтöма да ыб шöрас и кусöдö-  
ма тракторсö, ачыс эжа вылас кысьсöма жö, гатшöн ню-  
жöдчöма, сэтчö и турдöма, синъясыс восьсабсь, веськодь-  
пырысь нин колльöдöны асыввывлань руныгысь кымöрь-  
яссö.

Агнилöн висьталöм серти, Тер Миш гöра-кöдза пома-  
лöм бöрын мöвпалöма водлыны больничаö. Выборьяс  
дырйи нин (найö вöлины мартын) заводитчöма бурдöдчыны  
кодлөнкö сöвет серти пакулаöн. Со пö пакулаыс пырис чо-  
рыд косьö менам нёрпалöмкöд, шмонитлöма гöтырыскöд,  
кодыр заводитлöма ётшкыны веськыд бокас. Сэтшöм нин  
вöли этшыс тундраса быдтаслөн, войнадырся събкыд воя-  
сөн калитöм мортлөн, весиг аслас висьöм вылын серав-  
лис. Этша сылы вичмыліс гажлуныс челядь дырйиыс и  
том пöранас, нюмсерлуннас и ышöдіс асьсö — кусöдіс ас  
кадö веськавлытöм сукöсьсö. Та вöсна и сылөн серамыс  
вöли курыд кöра, кутшöм овлö сэтөр дзоридзысь чукөр-  
тöм малөн — курыдөн да сълöмьяс бурдöдысьён.

Дзеванінас Агни шогысла дзикöдз воштыліс юр садь-  
сö, быттö став кывсö вунöдöма, гу дорас синва пыр дыр  
лыддис сійö кабалаторсö, кодöс гозья öтвылысь öти төв-  
ся рытö гижлісны. Со мый вылö шогмис Тер Мишлөн ас-  
лас олöм йылысь кыпыд пасйöдыс. Депутатö бöрьян бюл-  
летень вылас вöли гижöма мöд пöлöс кывьяс, мöд ногөн-  
джык.

— Талун ми медбöрья туйö колльöдам уджывса герой-  
öс, — шуис Иван Ефимович да косöдіс син дорьяссö. Тö-  
дöмысь, сійö медводдзаысь шуаліс веськыд кывьяс.

Кымöрьяс костысь мыччысьліс чуймöм шонді. Сэсся  
пызйыштіс кокныдик зэртөр.

— Кокниа тай тэнö примитö ас пыткас земля-мати-  
ыс, — шуасисны горт весьтö копыртчöм пöрысь нывбабаяс.

Мый тайөн найö кöсийсны висьтавыны, ставлы вöли гö-  
гөрвоана. Тер Миш йöз вежөрö колис бур ногөн казъты-  
лöм... и, дерт жö, сълöмьясö шоглун.

## «СӨМҮН МИЛИЦИЯӨ ЭН СЮРӨДЧЫ...»

Висьт

### I

Колхознөй кассаыс Федэрлы сетисны витсө шайт. Ставыс кызь вита да снитки вильөсө, нюкыльтис карта колода моз да суйыштіс шуйга зептас. Калидорын казяліс Федэрлысь шпынныалысь чужөмсө колхозса юралысь да быттьө нарошнө лөдсалыштіс көр видзысьлысь ыпьялысь радлунсө.

— Но, Федэр Михайлович,— топыда кутліс кисө председатель,— бура шойччы, медым сэсса во чөж эн гажтөмтчы тундраад. Ковмас кө — шыөдчы, сьөмтө век ыстыштам.

«Дивъя өні овны,— гортланьыс восьлалігөн сьыліс сьөлөмыс Федэрлөн.— Сөмын рөбит бура, колхоз деньгасө оз жалит, ачыс председатель вөзйө, эн пө яндысь — кор».

Ас керка дорас воис да эз уськөдчы гортас, быттьө мыйыськө падмыштіс. Педзыштіс кильчө водзын, дыр пыркөдіс гөна көмсө, төбөксө, абу лымсьыс, поводдяыс көдзид, лымйыс ньөти оз сибды. Сійө кыпыдлуныс, кодөс апыштіс контораын, локтігас руаліс помөдз. Лючки пө шойччы, тшөктіс председатель. Но сійө, комын вит арөса мужик, муддзис өмөй нө мыйыськө? Федэр ногөн кө, сөмын өти пасө веськаліс председателыд. И збыль, көр видзысьлы өвлө шуштөм төвса кузь войяснас стада дорын дежуритігөн. Сэки и чужис мөвпыс — ветлыны ылө-ылө, ыджыд-ыджыд карө, көні өлөмыс варкйө-пуө, кызди налөн ыджыд сьөд пөртйын чөскыд яя шыдыс. Но кытчө мунан? Висис кө эськөн, колхоз курортө ыстыліс, нуөдіс на, гашкө, кодкө... «Мыйла нө, Канев, шойччан керкаө путөвка он кор?» — вөзйыліс өтчид профсоюзса веськөдлысь. Пастук немтор эз вочавидз, быттьө эз и кывлы, ачыс думыштіс: «Тэ өмөй нө менө ки пөлөд нуөдан?»

Веськыда кө шуны, Федэр эз на петавлы паськыд мирас, стөчджыка кө, некытчө на эз ветлы. Лым вылын чужліс, и со тундраын верстьө кадсө коллялө. Весиг армияө

эз босътны ичөт туша вöснаыс. Сöмын кö ичөт туша вöснаыс, эз на и, гашкö, «еджыд билетавны», виччысьыштисны на. Но öд сылөн, войнадырся мöритчöмаыдлөн, и вөсыс эз судз. Военкоматö мунöм водзвылас бабыс (мед лөн-ня узьö мöдар югыдас, дзодзöг пук кодь сьöлöма вöли) тöлысь чöж паччöр вылын куйлöдис, мöс выйөн паньöдис, здук кежлö ывлаö эз лэдзлывны, шлапкис пач костö ыджыд цинкöвöй ведра, со пö тэныд, дона пи, кутан кö тыртны тайöс луннас, армияад стöч нин сгöдитчан. Но Федэрлөн гос эз чöжсьы, мöдарö, шогысла ли мый ли, неуна на быттö омöльтчыштис. «Ойя да ойя,— жалитис бабыс.— Кутшöм бур сөян изведитин, а тöлк эз босът».

—Эн на бракуйтö,— кевмысис сэки военкоматын дас кöкъямыс арöса зонка.— Войвывса козыйд öд ньöжйö быдмö.

— А-а,— серöктис кодкö комиссияса членьяс пövстысь.— Тундраса багульникод пожöмöдз оз нин во.

— Мурч курччис льöбьяссö Федэр да аслас тундраö веськöдчис. А весьшөрö кедзөвтöмаöсь сийöс, кызь ар тырöм бöрас Федэр нюжалыштис, ёнмыштис, паськалисны пельпомьясыс, ылысянь кö видзöдны, шөркодь тушаа кымын öнi лоис мортыс. Некутшöма абу и ичөт тушаа. Сэки нö няньтöгыс, куш байдöг яй вылас да тундраса кизьöр сынöднас кызди вермис туны-быдмыны? Öнитö мый, öнi тай быдлаын öтмоза быдмöны йöзыс, харей пуяс моз енжлань ээлöдчöны тундраын кöть лунвылын.

Татшöм ногөн öнi лөньюдис асьсö Федэр том дырйиыс чуткылöм дойсьыс, кодöс сийö зэв кузя пöжис ас пытшкас да öдва ректис морöс кудсьыс.

Мед кöть öнi Федэрлы лов вылас эз вöv долыд, öдзöссö вöсьтигөн чужöм вылас нюмтор на петыштис. Кызди нö мöд ногыс, кöзяин гортас локтö, жугылявны кö кутас сийö, сэки мукöдыслы мый кольö вöчны. Федэр зэв пыдди пуктö асьыс семьясö, лёк русö налы некор оз мыччöдлы.

— Мыйкö бара ликмöма,— вочаалис гöтырыс.— То-о, кöр сюр моз чашкалöма вомыс.

— Кор да мый меным, Феклукö, эз ликмывлы. Отпускö лэдзисны.

— Коран кö, көнешнö.

— Бöрдтöмтö оз бурöдлыны.

— Код вöрса отпускö тэныд думыштöма-а,— вежсис чужöмыс Феклалөн.— Горштö тыртны кутан? Али кынь кыйны мунан?

— Сыктываркö лэбзывла, вок ордö,— ыджыда ышловзис верöсыс.

— Тэ?!— каньлөн моз гогрөсмисны Феклалөн съод синьясыс.— Самолётас и юсян.

— Самолётас водкасö оз вузавны. Пöра нин та йылысь кöть тöдны. Кутшöм местаөн тэ, сё зөлöта гöтырö, думайтан-а?

— Тэнад нö мый сы вöсна юрыд висьö,— дзикöдз пюзис гöтырыс.— Кутшöмөн окотита, сийөн и думайта тэ йылысь, ыджыд тай начальник сэн лоöма. Помнитан, Еп Федот ыджыд местасас петавлис да кык пöвста казенной бумага бöрсяныс воис — милицияын, гашкö, куимысь, некрещеннойыд, узылöма. Медбöрын бригадирсыс прöстой пастукö вуджөдисны. Тэ öд абу жö сысы бурджык.

— А кодi ме, тöдан?

— Федэр.

— Вот и эн веськав. Мужик ме тэныд. Сидзкөн, öтлаын и мунам отпускавнысö. Вок тай ёна жö корö век.

— Тэкöд?!

Шуасис тадзи, но аслас кывьясысь повзис пастук. Кыдзи нö аддзас воксö? Адресыс эськөн эм. Но öд сийö сöмын бумага вылын шыпасьяс, кытыськö воём юöртор. Абу сийö тöдса мусюр либö шор бок, кытi сийö аслас дадюлөн гывъялö. Шуöны, кывийд пö медбур ясөвöйыс. Важ йöз на казьявлöмаöсь, мый сы отсөгөн позьö Киевöдз воёдчыны. Но öд кодлөн кыдзи на, мукöдыслөн быттьö вийён мавтöм дзир вылын бергалö, дерт, сэтшöмыслы — ясөвöй. А сылөн быттьö кос хасырей<sup>1</sup> вылö вужьясьöма — бöрö ни водзö. Федэрлөн ясөвöйыс — синьясыс, сылы колö кöть öтчыд аддзывны, сэсся некор нин оз вун. Сэсся бара жö яндзим дзик бокөвöй морт дiнас шыödчынысö. Тундраын абу сийö модаыс, пöшти быдөн öта-мөдсö тöдö, кык дадюла паныдасысны да доза дыр варовитасны, сэсся медбöрын нин могнысö восьтасны. Артмас-ö сидзисö сылөн карас?

— Мунан он?— выльысь юалис Федэр гöтырыслысь.

— Тэкöдыд? Милицияын узылыны öмöй коран...

— Он мекöд. Бускокöд,— заводитiс кусыс петны и Федэр.

Сэсся гозья ланьтiсны. Кыкнанныс асланыс думьясö вöйтчисны. Федэр шогпырысь мөвпыштiс, буракö, таво бара на оз артмы вок дорас гөститöмыс. Кымынöд во нин век косö. Фекла нюммунилис пытшкөснас верөсыслөн карө корөмсыс, быттьö шондi югөр малыштiс морөс увсö. Да, том нывбабалы окота жö петавлыны паськыд мирас. Сийö

<sup>1</sup> *Хасырей* — (ненец.) кос нюр.

өд Федэр моз жö чужлис да быдмылис тундраын, позьö шуны, синмыс сьод көртöдä, шырөн-каньөн ворсысь кодь жö тöдтöм карас. Но нинёмөн эз петкөдлы Фекла öти здукö ыпнитлём радлунсö, ышловзис сöмын да зильджыка кутчысис дзоньтавны верöсыслысь нярмём төбөксö. Сэки Фекла син водзö сувтис зэв шуштём серпас. Гожёмнас верöсыскöд волисны моребердса ыджыдкодь посёлокö. Федэр кык лун бучкис-юис да шöйтис. Фекла, Буско понныс моз, бöрсянныс вöтлысис, медым верöсыс кытчöкö эз сгинит. Федэрöс юысьөн он шу, тундраас некымын төлысьөн вомас курыдторсö оз босьтлы, но сиктад личöдчö, быттьö кабакö локтö. Федэр ногөн ичöt сикт — дзоля кабак, ыджыд сикт — гажа кабак, а карыд сылы — аддзывлытём на кабак.

Тадзи кымын донъялис Фекла ассыс верöссö.

— Мөдöдчынысö тэ думайтан он?— выльысь торкис чöвлунсö Федэр.

— Тэкöдыд?! Карö? Эг на öд дикмы.

Федэр (окотитас кө быттьö) көть лакируйтём пызан пöвъяс сизьдас ыджыд гөрба нырнас, сэтшöма нюкыльтчис сьылдзирйыс гöтырыслөн увтыртöмысь. Бара кынь кыйны? Дерт, пастук радейтö капканасьнысö. Но быд во öтитор, вир умöма. Сэсса öд öти төлысь чöжнас кынныс оз на кытчöкö лыс Море-ю дорсыс. Видзöдлас кө тайö здукас Федэр вылö бокöвöй морт, нюмдас на, гашкö, көть эськөн сылөн лөнъ чужёмбаныс ньöти абу серам петкөдлысьлөн. Федэр тувсовъя сера байдөг кодь, быттьöкö вурöмаöсь сийöс кум торйысь: сьылыс и чужöмыс, кытi зэлыда век сибöдöма малича юрыс, еджыд: ныр-вом гөгöрыс, кытi төв и гожём век осьса, кытi помся вундö чизыр вой төлыс, гөрд руч бөжөн ымралö; рудов юрсыс төвса көр гөн кодь сук, но кажитчö быгалыштöма нин. Чужём вылас пастуклөн медся тöждысянторйыс ён тшигыркодь нырыс. Колö сiдзи лоны, кум во сайын кынтис сийöс. Сэксянь, быттьö пуз кагалы, век мыйкö инмö, гожöмын, дадиолөн сук растi писькөдчигөн, кос рос парсыштис, төвнас спас абу — кымалö. Федэр весиг пуртöс кодьöс тшöктылис гöтырыслы вурны. Шоныд эськөн ичöt гона мешöк пыткас ныртö видзны, но йизьö, энөвтчыны ковмис. Неважөн вöли зэв чирыд турöб, йи кодь лым чирьясыс емөн моз бытшлалисны, нырыс кызыштис и көрт пач моз доналис. Öни, карö мөдöдчигөн, быттьö тшötш сылы паныд сувтö. Абу кутшöмкö сэнi лиходей, аслас рөднöй нырыс паныд. Öни Федэрлөн кызкö нем думайттөг матыстчис кийс ныр дiнас, ямыштöма нин пыкöсыс, но дойыс

кылө на. Гашкө, пытшас, гочас, гырдыс лэччис. Колө и сэтї видлыны. Федэрлысь майшасьомсө казялө шөркост нылыс — Настук, батыслөн медся радейтанаторйыс. Нывка гусьбоник, шыр моз, сибөдчө пызан дорө.

— Ысь, няр пеля! Код тэнө корө?— Федэр көсийө скөрмыны нывка вылас, но оз вермы, сэтшөм нин сылөн этшыс. Корсюрө Федэр ыршасьлө гөтыр вылас, ок пө өд лёк, дурма кө, меліаджык пө гөграв ме бердті. Фекла сөмын дышпырысь лөвтыштлө, тэнсьыд пө скөрлунтө выя няньон на сөям.

— Ачым локті,— водзө дөзмөдчө вильыш Настук.

— Ме тэнсьыд пельтө пасья көрпилысь моз,— грөзитчө бать.— Сэки казялан, да сөр лоө.

— Но-о, менсьым жө оз позь пасйынысө, менам няр, сэтысь вир петас,— Настук өбидитчөмөн мунө мамыс дорө.— Айко тай, мам, дзик йөй вөлөма, бара пельөс көсийө тшыкөдны.

Федэр гыжъялө гынмөм баялөжсө и чорыда мөвпалө. Збылысь веськөдчыны-ө карас? Нырыс висьыштө. Но и мед. Карас өмөй этша гөрд нараясы? Тырмымөн жө, шуоны. Сюйсяс на костө, шуам, оз кө аддзы воксө, да на моз жө йирсяс-пөткөдчас столөвөйясын. Медым помөдз пөдтыны падъялөмсө, медбөрын шкапысь Федэр кыскө водка доз да лөсыштө стөканөн. Со и став майшасьомыс быгаліс. Карысь повзьөма, тундраыс со мый ыджда да оз джөмдыв. Карыд, буракө, мерайтны кө, өти паськыд нюр кодь лоө, туруна кос хасырей кодь, коді өти вой кежлө и тырмө сылөн куим тысячаа көр стадалы.

— Муна!— равөстіс Федэр да кышаліс маличасө. Сы бөрся вөтчис шөйөвошөм гөтырыс.

Харей посөлокысь некор уна мунысь эз вөвльыс, сы вөсна билетъяссө вузавлісны самолёт пуксигас нин. А аэропортыс ичөтик пу керкаын, радистыс и кассирыс өти морт— Самолёт Олексанөн ыдждөдлөны, зэв нин дыр уджалө аэропортас да сійөн, буракө.

— Билет,— нюжөдіс Федэр сьом.

— Кытчөдз?— мода вылас юаліс Олексан, көть билетсө сійө век вузавліс сөмын Печораөдз.

— Помөдзыс.

— Кутшөм помөдз, Му шар помөдзыс али матөджык?

— Мый юасян, век өтилаөдз тэнад дадюлыд вайөдө. Джын туяс эн жө коль, менө, помөдзыс вай билетсө,— вашъяліс көр видзысь.

— Миян чом дорөдз сет билетсө,— велөдіс аэропортса

начальникос Фекла.— Мед кошукодыс<sup>1</sup> лэдзасны чом весь-  
тас, сэки казялас, оз мёд өнія моз диклунсө песны.

— Ог төд ме тиянлысь чом местасө,— лөня вочавидзис  
Өлексан, буракө, повзъыштіс Феклалөн скөрысла ыпъя-  
лысь чужомысь, эз пыр венө.

Самолёт шытөг пуксис сикт горулө, лыжня АН-2,  
быттьө, сывъяссө шевкнитөмөн, дзодзөг лажмыньтчис  
аслас поз вылө. Федэр медбөрын сюйис юрсө көрт лэбач-  
лы нель рөча гыркас, кодкө нетшыштіс малича бөжөдыс,  
бергөдчис — мада Фекла, төлысьлөн кодь гөгрөс чужөма,  
еджыд малича юра, жальпырысь дзоргөны съод сэтөр  
синъясыс:

Эн нин көть милицияас сюрөдчы...

— Давай, давай, йөзсө эн манит,— тэрмөдліс Федэрөс  
лётчик, клопнитіс ён өдзөссө да крукаліс-игналіс. Буракө,  
медым пастук бөр эз чеччы. «Татысь он пет»,— думыштіс  
көр видзысь, и ёкмуніс сьөлөмыс. Мыйла и кытчө сійө  
мөдөдчис? Мыйла энөвтө челядьсө и гөтырсө? Кутшөм  
нужда сійөс вөтлө? Серамыд петө, гаж корсьны мунө,  
карө. Абу өмөй шудыд да гажыд аслад чужанінын, ас  
киясөн шонөдөм да пелькөдөм позйын? Ох, Федэр... Кут-  
шөм на бөб тэ вөлөмыд. Öні сылы сэтшөм жаль лөи гө-  
тырыс да Настук нылыс, көть эскөн бөр петас. Но само-  
лёт вөрзис нин, со нетшыштчис лым бердсьыс, качис  
енөжө, вөчө сикт весьтөд кытшов. Қолва юлөн векныд  
нырд вылын шлапвидзө сылөн сиктыс. Кутшөм сійө ичөтик  
кажитчө помтөм-дортөм лымъя эрд вылас, коді вөссис  
сылөн син водзө самолөтсаянь, керкаясыс лясмунөмны  
джуджыд лым толаяс пытшкө, быттьө съод быкъяс сюйөм-  
ны ныръяснысө, медым апыштны кынмөм му бердсьыс  
пыш кодь кос да юмов ягельсө. И со ю вылас, медбөрын  
мый аддзис Федэр, быттьө төв йылын кык ичөтик по-  
нөль — гөтырыс да нылыс...

## 2

Самолётысь петөм бөрын Федэр кыліс став вир-яйыс-  
лысь мудзөм. Туйыс вөлі кузь, лэбисны төв паныд, само-  
лөтыс матө кык час дорө зөркөдіс Печора карөдзыс.  
Торъя нин мотор шыыс виис, лёк чизыр төв моз лыөдзыс  
йиджис, пель вуж дінас швачөдіс, дзик йөй кодь лоис.  
«Дадювнад медся на лөсьыд войлынытө»,— думыштіс көр  
видзысь да лэччис самолөтсаянь неылө лым вылас. Регыд  
сы дорө веськөдчис съод ыж ку пася кыз нывбаба, кияс  
сійө кутіс кутшөмкө кабалатор. Сы серти, кутшөм зумыда

<sup>1</sup> Кошукөдыс — (диал.) шошаөдыс.

сійо восьлаліс джуджыд морөссө водзлань чургөдөмөн, веськыда, ёсь шыла моз, бытшкис видзөдласнас — Федэр гөгөрвоис, мыйкө зэв омөльтор сійо вөчис. Вермис кө эськө, Федэр тайо ёсь синъяссыс байдөг моз лым пиас репис.

— Гражданин, тані пукавны оз позы!

— Ме шойччышта,— лөня шуис Федэр.

— Сы вылө эм гостиница. Марш татысь! Шөйтө сэн быд... вина гагыс.

— Тэ аслад мужик вылад командуйт, а ме тэныд лоа бокөвөй морт,— мөдіс пыксыны пастук.

— Хам! Чукөста милицияөс, аддзасны тэнад местасө өдйө.

Федэр звирк чеччис, төв ныр моз кучкисны гөтырыслөн, самолөтас пуксигөн, шуалөм кывъясыс, сөмын пө милицияө эн веськав. Со и шедіс! Из моз топавліс сьөлөмыс, вежынтьчыліс вомыс. Вынйөра нывбаба, буракө, казяліс Федэрлысь шөйөвошөмсө, лөнджыка нин шуис:

— Со гостиницаыс,— индіс вит судта ыджыд кирпичнөй здание вылө.

— Охо,— чуймис Федэр.— Сэтчөсө доза унаөн төрасны.

Федэр эз дзик пыр веськөдчы гостиницалань. Сөмын крепыда вурыштіс вежөрас: со, веськыдвылас джуджыд кирпичнөй труба, мыйкө кизьөр ру кодь сөдзтысь сөсыянь, шуйга вылас — көрт труба, ок сьөд тшын пуркйө, быттьө гырк пытшкөсыс сісьмө. Кык труба костас и гостиницаыс, көть лунвывсянь, көть войвывсянь сы дорө матыстчы,— век нин инман. Федэр медводз шуис шөйтыштны карөд, кыйкъяліс быдлаө да ас ногыс донъяліс, медвойдөр сійөс чуймөдіс өтитор: быд паныдасысь сюся видзөдлө сы вылө, мукөдыслөн весиг нюмыс петыштлө. Федэр гөгөрбок лөсьөдіс асьсө, маличаыс выль и сьөд ной кышөдыс, кодөс павгөма малича вылас, абу некыті лякөссьөма. Недыр мысти сійө гөгөрвоис помкасө: сылөн паськөмыс ёна торъялө карсаясысь. Со ставыслөн туша гөгөрныс лөсьыда сибалысь пальтояс, лөсталысь көмаөсь, гачьяснысө утюжитөмаөсь пурт дорыш моз. А сійө быттьө байдөг кельөбө веськалөм сьөд рака. Самолөтас на татшөм мөвпыс вирдыштіс. Но гыррдзатө тай он курччы. Торъя моднөй-өсь нывъясыс. «Эсійө авъя важенкаыс,— көр видзысь мөвпаліс водзнырас восьлалысь сьөд шубаа томиник нывбаба йылысь,— буди пружина вылын сулалө-а, пельпомъясыс быттьө кынмөмаөсь, оз небось вөрзьявны. Кытчө бара тюрөдө-а». Федэр весиг өддзөдіс вөськовсө, видзөдліс синъясас, быттьө визув юө вөйтчыліс, ыркмуніс,

мыйӧнкӧ сотыштіс виччысьтӧг, а сэк жӧ зэв кокни да нимкодъ лои лов вылас. Но мыйлакӧ кисьмӧм оз кодъ чужӧмаыс бергӧдчис мӧдарӧ, пӧлынтьіс вӧсныдик сьылісӧ, быттӧ сійӧ, Федэр, чизыр вой тӧв, мыйысь быть колӧ сайӧдчыны. Федэрлы тшӧтш лои яндзим, мыйкӧ бара эз сідзи кер, кольчыштіс тӧкӧтӧ бӧрлань. Асьсӧ ылӧдігмоз заводитіс донъявны мукӧдъясӧс. Тапиктіс паныд олыштӧм нывбаба. «Татшӧм важенкаястӧ ми бракуйтам нин», — жальпырысь думыштіс пастук, кодыр чӧвтліс видзӧдлассӧ сылӧн быгалӧм чужӧм вылӧ. Лӧзӧдз бритӧм кос щӧка лыяса дзор мужичӧй прӧйдитіс аслас думъясӧ вӧйтчӧмӧн. «Ыджыд эськӧн мыгӧрыс, но татшӧм быкыд омӧля нин додсьӧ кыскӧ...» Юрсӧ муӧдз ӧшӧдӧмӧн довгис шӧр арлыда мужичӧй, сылӧн кос пельпомъяс вылын паськыд фуфайкаыс лӧтъяліс вешалка вылын моз. Татшӧм дон сылы вичмис Федэрсянь. «Тайӧ весьӧпӧрӧм хорасӧ<sup>1</sup> юр висьӧм личкӧ». Зілюн кодъ том зон шаркӧдіс асфальт кузя кыз пыдӧса ботинкиясӧн — намнюку<sup>2</sup> на, усьпаньвыв пуксьытӧм, йӧй русӧ песысь...

А со и гостиницалӧн биа стекляннӧй трубкаӧн гижӧм нимыс «Печора». Кыз стеклӧ сайын дізьвидзис администраторшалӧн банійӧм ныр-вомыс, сы дорын некод эз гартчы. Федэрлы быдсӧн нимкодъ лои, сідзкӧн, здукӧн и местаӧ индас шонді кодъ чужӧма тайӧ нывбабаыс. Кӧр видзысь перйис питшӧгсьыс да нюжӧдіс розьторті паспортсӧ.

— Тэ лыддысьснысӧ кужан али он? — стрӧга юаліс гӧстиницаса кӧзьяйка да зурӧдіс чуньнас еджыд панера пӧвійӧ, кытчӧ ясыда гырысь букваясӧн вӧлі гижӧма: «Мест нет».

— Та ыджыда кӧрӧминаас ӧти мортлы места оз сюр? — чуймис Федэр.

— Да? Тэ ӧтнад и ветлысьыс. Ном мында йӧзыс — геологъяс, строительяс, нефтяникъяс, газӧвикъяс, быд сикас командированнӧйыс. У-у-у... Газетъяс колӧ лыддыны, ключӧн пуӧ олӧмыс миян крайын. Бӧрӧ кольӧм морт...

Кӧр видзысь сӧмын лапйӧдліс синъяснас збой кӧзьяйкалы, збыль этша лыддысьсӧ, век ывла вылын, чомйын пемыд, гожӧмнас да тулыснас, стӧч югыд пӧраас, почтасӧ вайӧны гежӧда, кык-ӧ-куимысь, оз унджыкысь. Сэсса Федэр пуксис паськыд диван вылӧ да заводитіс ас кежас лӧня мӧвпавны. Артмӧ, бӧбйӧдлӧ сійӧс администратор-

<sup>1</sup> Хора — (диал.) ай кӧр кык арӧсысь ыджыдджык.

<sup>2</sup> Намнюку — (диал.) том ай кӧр.

шаыс, газетъяс пѣ колѣ лыддыны, сѣсся боктѣ гѣгрѣдлыны гостиницасѣ, медым не дѣзмѣдны сылы... «Мудер асланыс, ок, мудер»,— лыддѣдлѣс Федѣр лѣсьыд чужѣма нывбабаѣс да аслыс чорыда шуис: «Ме татыс некытчѣ ог мун!»

Регыд Федѣрѣс бертѣс мудзыс, тѣдчис асѣя юыштѣмыс да кузь туйыс, и уна сикас карса выль серпасѣясыс. Кыдзи и век, кѣр видзысѣѣс ѣдѣѣ да чорыда сывѣялѣс унымыс. Здук мысти Федѣр кузяа шкоркнитѣс. Сѣѣѣ удитѣс на некымыныс няркнитны, кытчѣдз сы дорѣ шыш моз кок чунь йылас эз матыстчы шондѣ чужѣма нывбабаыс.

— Гражданин, танѣ абу спальня!

— Танѣ нѣ мый?— шѣѣѣвошѣмѣн унзѣльпырысѣ юалѣс пастук да выльысѣ кунис синѣяссѣ.

— Кылан?— чорзис гѣлѣсыс нывбабалѣн.— Пукавны позьѣ, узыны — оз. Первойысѣ предупредита.

Федѣр мый вынсыс чашкѣдѣс куньсысыс син лапѣяссѣ, жальпырысѣ мѣвпыштѣс, мыйла сѣѣѣ тундраас эз велѣдчы узыны восьса синмѣн, шуам, сюзѣяс оз куньлыны синѣяснысѣ войын ни лунын, кутшѣма эськѣн сѣдѣитчис ѣнѣ татшѣмторѣыс. А мый сѣѣѣ гежѣда шкоргыштас, лыддисны эськѣ прѣстѣ висѣѣмѣн, кутшѣмкѣ шева пытшкас йѣршитчѣма пѣ. Налѣн сиктын эм ѣти пѣчѣ, лун шѣр луннас петук моз чуксасыны заводитлѣ, и некод сысыс оз вомав. Федѣрлы сѣлѣм вылас вѣлѣ шуштѣм, да и лѣк уннас кедзѣвтѣс служитысѣ мортѣс, администраторшалысѣ шыльыд чужѣмсѣ визѣѣдлѣсны сѣдѣ тѣв нырѣяс, кыдзи лѣк поводдя водзын лѣнь тылысѣ веркѣссѣ, сѣѣѣ дзоньнас серѣссис. Ок, буракѣ, службаын абу ѣмидз вотѣм, бонзѣытѣдз песѣ нервѣястѣ... Мыйла нѣ эськѣ тайѣ шань нывбабаыслы сѣтшѣм ѣдѣѣ нем абусысѣ пузынысысѣ? Сѣмын сы вѣсна, мый кодкѣ узыѣ пуксѣн. Кыдзи нѣ танѣ он вугырт, татшѣм лѣнь да шоныдѣнас? Та мындасѣ ѣд колѣ жѣ вежѣртны! Кымын зѣльджка кодѣысис вежѣрас, сымын ѣнджка кутѣс кедзѣвтны сылань видзѣдысѣ ыкша нывбасасѣ. Некутшѣм мичлун сылѣн и абу, скѣрысла ныр-парѣыс мудзѣм кѣрлѣн моз чашмунлѣ. И Федѣрлы юрас воис вильыш мѣвп, «пѣрѣявны» тайѣ асныра кѣзѣякасѣ. Нывбаба аддзис Федѣрлысѣ веськыд боксѣ, сѣдзкѣн, восьсѣн колѣ видзны сѣмын ѣти син пѣвсѣ, медым кѣзѣяйка эз казѣв сылысѣ узыѣмсѣ. Та могысѣ Федѣр шѣри чегис истѣг тув да кыклатѣ пыкис син лапѣяссѣ, видзѣдлѣс паныда рѣмпѣштан вылѣ и нюмдѣс: синмыс лѣѣма нѣль рѣча. Омѣль сѣмын ѣтитѣрѣысѣ, зѣв ѣна доймѣ, но унымыс личкис ещѣ ѣнджка и Федѣр шуис аслыс миритчыны татшѣмторнас. Сѣѣѣ ещѣ

артыштіс օтитор, дой дырйныс оз вермы чорыда унмовсь-  
ыны, сідзкօн, оз мօд и шкоргыны, артмօ гօгօр бур.

Но артмис сідзи, кыдзи пастук эз чайт, кутшօм нин  
узьօм, чуть эз ойзы дойысла. Кօмօдіс кօ — сօмын асьсօ.  
И век жօ օти пօрйօ личօдыштіс, быттьօ кодкօ перйис  
истօг тувьяссօ, збыль вылас, быздісны пыкօдьясыс, Фе-  
дэр сунгысис джумйօ моз, — сэтшօм օдйօ шымыртіс  
кօнкօ зэв матын гօгралысь унмыс. Сэсся регыд, кыдзи  
օтчыд чуймօдліс нин, кузяа шкоркнитіс ныр пырыс. Садь-  
мис кօр видзысь гора видчօмысь:

— Мутиясыс тайօ вина гагсօ ме вылօ ыстісны. Чеччы,  
чучелօ! Кылан! Звօнитла օд кытчօ колօ — сэки садьман.

Кօть Федэр эз на тырвййօ садьмы, но сійօ лючки  
гօгօрвоис, кутшօм «козин» сылы вօзйօ тайօ ырьянитысь  
нывбабаыс. Со талун мօдысь нин милицияօн повзьօдлօны,  
абу прօстаысь Феклаыс такօдօма самолёт дорас. Тадзи-  
над збыльысь кытчօкօ йօршитасны. Федэр весиг эз видз-  
օдлы гօстиницаса кօзьяйка вылօ, петіс тэрыба ывлаօ.

Улича вылас лунся серти (водзынджык Федэр бура-  
кодь кытшлаліс, кыдзи ачыс чайтіс) йօзыс тօдчымօн  
сукмօма, быттьօ кодкօ вօльнօя йирсьысь стадаօс понма-  
лօма, чуктօдօма сѣянінъясыс — шонді бана шор пօ-  
катьясысь, зօридз туруна хасырейясысь сибօдօма кут-  
шօмкօ пастук стадасօ, дзескօдօма, векныд воргаясті  
кытчօкօ веськօдօма. И визувтօ йօзыс югыд биясօн  
пօртмасысь уличаяс кузя бօрօ и водзօ, быттьօ вабергачօ  
шедօмаօсь. Федэр видзօдліс киса часі вылас — квайт  
гօгօр. Ывла вылын Федэр палялыштіс, эз нин кыв сійօ  
сьօкыдлунсօ, коді личкыліс гостиница диван вылын. Кօр  
видзысьлօн тօкօтьօ сјумалыштіс кынօмыс, но сыысь шо-  
гыс эз вօв, карад мортыдлы йирсянінъясыд тырмымօн, да  
зэв пօтасайсь. Кымын магазин, столօвйօ да кафе нин па-  
ныдасыліс, весиг օти ресторан аддзыліс. Магазиньясас че-  
риыс и яйыс нин пуօма, кօрт банкаясօ иналօма, восьты и  
паняв. Банкаясыд эськօ и абу ыджыдօсь, но некымынօс  
кօ помся нылыштан, — он каитчы, из моз кынօмад  
шняпкысьօ — ды-ыр пօтօслунсօ кылан. А юмовторйыс?  
Видзօдлан да синьясыд шармылօны. Лօсьыда карад  
олօны, ставсօ водзвыв артыштօмօн. Сօмын օтитор эз во  
сьօлօм вылас Федэрлы, узяніныс оз сјур, весиг улич вы-  
лас оз лэдзлыны вугыртлынысօ, быттьօкօн мортыс кօр-  
тысь, быттьօкօн сылы оз йидж мудзыс, быттьօкօн сылы  
дурпоп моз век колօ кок йылас бергавны. Мыйла? Фе-  
дэр бара видзօдліс часі вылас, юрас вирдыштіс выль  
мօвп: став тайօ пօтօса йирсянінъясыс вой кежлас пօд-

ласьоны. Тулыснас тадзи жö чорыда чарöмыс томнавлö кöръяслы сёянсö. Кöр видзись, кодi вунöдлö сийö пöра йывсьыс, коньöрö пöрлö. Ёна нюжмасьöм вылö кадыс эз нин коль, Федэр збоя воськовтис дзирдалысь гастрономö. Медводз кык «Экстра» пинжак зептас пуктис, позис и унджык, запасыд мустö оз зырт, но сэссия некытчö, малича сосьясас консерв банкаяс тэчис, гираяс моз увлань личкöны. Но кöни и кодкöд ректыны дозъяссö? Öтнaслы? Федэрлы сийö медся зывöктана уджыс.

Но пастуклөн майшасьöмыс вöлöма весьшöрö, магазиньсь петöм мысти пыр жö сийöс сувтöдис паськыд бушлата дядьö.

— Куритöд, друг, верман кö.

— Сийөнсö ог балуйтчы,— чатöртчöмөн видзöдлис Федэр кузь дядьöлы гырдемöм синъясас.— А юрид кö висьö, верма веськöдны.

— Верман?! Но кызди нö оз вись, век сийö менам висьö, асывсяньыс и заводитö поткöдны,— вашъялис дядьö.

— Помсьыс гуниктан?— Федэр мыччис дозсö.

— Помсьыс? Ме öд абу кутшöмкö гöлик, буракö, стöкан аддза.— Дядьö ветлис кытчöкö, но регыд бöр локтис.

— Эз сюр. Закуситöны ли мый ли стöканнас.

Недыр мысти бушлата дядьö да Федэр восьлалисны орччөн важ тöдсаяс моз варовитигтыр.

— Сийö менам сэтшöм друг,— ошйысис дядьö,— кöть кор ог пыр, абусö и эмсö пызан вылас лэптас. Вот ачыд аддылан.

Дядьö туй чöжыс шмонитис, торъя нин тешкодьөн кажитчис Федэрлы сылөн нимыс — Кузя. Туй кузя пö алилым кузя, чиктылис Федэр. Сэссия сувтисны öти судта лашмунöм зэв кузь керка дорö, татчö пö и пыравлам.

— Тöдмась, Ёша!— пемыд коридорьсь öти жырийö пырöм бöрын кыпыда юöртис Кузя.— Со! Тундраса öти кутшöс вайöди — Федэр нима.

Кöрласьöм да сера чужöма Ёша зэв жугыля видзöдис гöстьяс вылö.

— Бар-р-ра сёр-рр-мис,— чолöмасьöм пыдди ёрис кодöскö Ёша.

— Кодi?

— Кур-р-р... кур-рр...

— Кодi?

— Кур-рр...

А-а,— нюжöдис Кузя,— гöтырыд эз лок. Оз вош. Некод

на некытчо абу вошлөма. Кылан, Ёша, пызан вьвтө лосьод,— тшөктіс Кузя.— Со кутшөм гөстьөс вайөді, позьө шуны, тундрасьыс медглавной көинсө,— водзө шмонитіс сійө.

Ёша чөла вевтис пызансө газетөн, бузнитіс мешөкторйысь сукаръяс:— Кө-өин кө, пиньыс ён — ги-и-рскөдас.

Федэрлы вөлі зэв яндзим, мый сійөс тадзи пөчитайтөны, но и бөр петны эз вөв лосьод, сэки эськөн дзикөдз скөрмөдас вьль другьяссө. Коліс мыйкө вөчны, а сійө сөмын вашьялө, быттьө сылы, Кузялы моз жө, нимкодь татшөм кимөститчөмыс.

— Ещө мый эм?— кыпыда юалис Кузя.

— Сэссия сө-өмын абуыс ко-о-льыштис.

— Ладнө,— вежыньтис чужөмсө Кузя.— Көть нин сійөс ичөтика личөдышт.

— Да нинөм оз ков, менам ставыс вьйим, — тэрыба шуис Федэр, быттьө сійө повзис, мый зэв зывөктанатор өні лэптас пызан вылас көзяиныс. Көр видзысь малича соссьыс заводитис гылөдны консерв банкаяс. Медбөрын шлопкис пызан вылө водка дозьяссө. Сылөн вөрөм бөрся зэв сюся видзөдісны ёртьясыс, налөн синьясысь позис лыддыны шензьөм и нимкодьлун, татшөмыдкөд пө дивья на другасьнытө.

— Но-о!— шлопнитис кияснас Кузя.— Татшөм мотивыс меным любө. Пөрччысь, Федэр. Кызди отчествойд?

— Михайлович.

— Менам дедлөн тай. Пуксьы, Михайлович! Ло кызди гортад. Эн пов ни эн яндысь. Ёша менам медбур другыс, кызди шуласны, эмнас и абунас юксяс. Дерт, медсясө абунас, но өд кодлөн кутшөм мода, нинөм он кер.

Первой стөкан кымыньтөм бөрын бур здук ставөн вакисны. Көр видзысьлөн личалисны жө төждьясыс, весиг думыштис: «Со тай кытчө и колөма пырнысө...» Кузя водзө нуөдіс асьыс мойдсө.

— Төдан, Михайлович, кутшөм менам олөмыс — быттьө сермөдавтөм вөв вылын пукала, ог төд, кодарө сійө и рөдтөдас, геологөн вөвлі, кочегаркаын шонтысьлі, стройкаяс вылын тірзылі. Ог соссьы, профсоюз чырыштльывліс, а мукөд сьөлөмаджык начальникыс и ачыс вөлі справитчас, корас кабинетас да лабутнөя кисө нюжөдас, прөщайтлы пө, Кузя, мед менам син водзысь весасин сэссия! — Сермөдавын, сідзкө, колө вөвтө...— ньөжйөник шуис Федэр.

Кузя мудера видзөдліс пастуклы синьясас.

— А ме некытчö на эг йöрмывлы. А тöдан мыйла, сы вöсна мый менам эмöсь бур другъяс, Михайлович. Тэ кодь ёртыдкöд он вош.

Лябмис кöр видзисьлөн быдтор жалитысь сьёлöмыс:

— А тэ ме дорö лок, тундраö.

— Мый сэнi кута керны? Кодзувъяссö лыддыны.

Кöр видзисьлы вöли тешкодьöн татшöм юалöмыс. Со öд сылы, кутшöмкö торъя удж колö? Оз лöсяв налөн пас-тукалöмыс. Кузялөн ыкшалуныс парснитис Федэрöс и сылы окота лоис шмонитыштны тшапитчысь морт вылас.

— Ме тэнö сувтöда медся джуджыд мыльк вылас,— шуис Федэр.— Тэ кутан вурзавны, кöинъясöс чуksавны.

— Мыйла?

— Ме неылö дзедся да мöда лыйлыны найöс.

— Быд вой колö вурзавнысö?

— Быд вой.

— Узьнысö кор тшöктан?

— Кор кöинъясыс — луннас.

— Оклад?

— Окладыс кöинлөн кодь жö.

— Нельсё, витсё...

— Сёй кöть поттöдзыд. И ставыс.

— И ставыс?

Öтпырйö куимнанныс гөрöктисны. Недыр мысти Кузя жугыля видзöдлiс ректöм дозъяс вылö да нюжöдiс:

— Лаймыны тай мöдiс бипурным. Кодi лöдсалыштас?

Федэр кыкис зепсыс кызь вита, öвтыштiс сынöдас, ме пö гаж пестысыс, здукөн пö вайöдла.

— Пуксы, Михайлович, — небыда шуис Кузя, — тэ гöсть. Ёша ветлас. Ёша, гөгөрвоан обстановкасö.

— Ассыд челядтьö велöд, а менам нин пи-и-ньясыс киссьöмабсь, кур-р-р...

Федэр мыччис Ёшалы кызь витасö, но сийö эз босьт, пыркöдiс юрнас, öти кондасыс нö бипурыс оз öзйы. Охотниклы пö татшöмторсö тöдны колö, пырöдчис сёрниö и Кузя. Федэр яндысигтыр (быттьö тайö шань йöзыс кутисны сийöс ки пöлöдыс мыйкö омöльтор вöчöмысь) мыччис мöдöс, дай коймöдöс.

Регыд гажыс выльысь ыпнитис. Федэр казялiс, кыськö пызан сайын лоисны выль йöз, но эз мöд юасыны, кодъяс да кытысьсöсь, юöны да ызгöны тай-а. Первойöн ладсö торкис Ёша, заводитис видчыны, колö пö мунны гöтырсö корсьны, да лёк нуждаыс кутö, сьöмыс абу. Федэр мездiс пикö воём мортöс. Сы бöрын «удждысис» Кузя, пинжак соскыс сырзьöма пö, да быттьö сылыштис. Сэсся öта-мöд

бөрся дзайгыны кутисны мукөдъяс. Федэр скөрмис, кыс став сьомсө да шыбитис пызан вылө:

— На, пурсьө, поньяс!

— Нецензурной кывьясөн вөдитчан!— горөдис паныдөн пукалысьыс да лөсыштіс Федэрлы щөка лыас.

Та бөрын гажыс дзикөдз кусі, быттё эз и вөвлы.

### 3

Федэр садьмыштіс да чөскыда очсовтіс, сэсса, кор тыр вежөрас воис, быттё войтөв кыскыштіс став тушасө, турдліс здук кежлө. Мыйла сійө узьө шоньд шебрас улын да еджыд прөстыняяс костын? Водліс жө сійө, кыдзи помнитө, лым вылө, стөчджыка кө, туй вылас, кыті ветлөны йөзыс. Коді нө сы вөсна тадзи төждысис? И бур водзө-ө татшөмыс? Вөрөдыштіс Федэр пыктыштөм щөкасө да ойөстис, эз сэтшөма дойсьыс, кыдзи төрытъя мисьтөм серпассьыс, коді өні бара син водзас сувтіс. Төрыт щөка лыас сетыштөм бөрын кык мудилө тэрмөдлөмөн йөткисны комнатасьыс, өдва и слөймис маличасө юрас суйны. Колльөдыштісны да сьыліө лөсыштісны, тшөктисны вунөдны бөр туйсө. Федэр некор на сэтшөма эз пузьывлы, паськыд малича пыткас лон дзескыд варкыйсь лөглуныслы. Окота вөлі изки костын песны сійө пеж позсө, көні неважөн на гажөдчис. Федэр ещө пызан саяс на ырыштычліс кодлыкө судзөдчыны нырөдзыс, пон рөдыслөн медся ляб сәті. Сылы збыльсь найө кажитчисны урөс поньясөн! Но найө век ас кадө тшапкылісны шеныштчысь кисө. Коліс мыйкө вөчны, тадзикөн некод на сійөс эз кедзөвтлы. Сьөлыштісны и тойыштісны, мөд ног он и шу. Федэр бергөдчис бөр, корсис кузь сьөд бараксө, кытшовтіс, кутис дум өзтыны сійөс. Но мыйлакө кытшаліс, быттё корсис, кытісянь кокньыдджык тшын йыв лэптыны. Сувтіс өти өшинь улө, питшөгсьыс перйис истөгсө, чиркнитис өти тув, кутыштіс здук, шыбитис лымьяс, эз стөнас. «Тані өд олөны зэв уна йөз...— быттё ылысянь кодкө шөпкөдис Федэрлы.— Инмас-ө биыд налы, кодлы дасьтан?» Көр видзсыслөн лөгөн ыпьялысь сьөлөмө йиджтысис норлун. Йиджтысис ньөжйө, но сайкөдис, кыдзи пасьтөм мортөс чизыр вой төв. Тальыштіс истөг көрөбсө кок улас скөрысь, мый вынсьыс тальяліс лым пиас, медым збыльсь не вөчны кутшөмкө пакөсьт. Петис туй вылө, ылыстчис зывөктана керка дорысь, довгис кытчө нуө кокыс. Онтая ярлуныс ваймис, кыдзи лөдсавны вунөдөм, энөвтөм нөддя, сы пыдди самасис сьөлөмас сьөд шом кодь гажтөмлун.

Татшом шогыс одвако корко сийос личкылис, весиг туроба войясо, кодыр стада дорысь кывлис тшыг койнъяслысь омляломсо, кодъяс вермисны ныр увсысь нетшыштны кор стадасо, пастуклы воли се пов кокныдджык — нэмөвөйся гижтом закон, эмось коръяс, бергалоны на гогор и койнъяс. Федэр они эз жалит воштом съомсо, весиг эз думайт «другъяс» йывсысь, съолыштіс найос вир сорон, кызди вом пышкөссысь чегом пиньсо. Шогыс писькодчис модласянь, ляскысис көзод няйтон. Окота воли сылы городны тайо здукас: «Мыйла но татшом уна йоза карас ме отнам? Мыйла но сылон уличаяс выло сивломма сэтшом хитрой лэчьяссө да октома капканъяссө?»

Федэр сунгысис лымйө. Бурако, регыд унмовсис. Водзо нином оз помнит. И со кодко вайодома, порччодома и водтодома кровать выло. Сийо некыз эз вермы вежортны, кони, кодъяс ордын они гоститө. Видзодлис гогорыс, койка вит-о-квйт тыдало, быдлаын узыоны-стынитоны, кодсюрояс весиг ымзышталоны, бурако, мыйко неладно воталоны. Сонын оти койка ворзөдлытом, рочас перинасо вештыштомон, медым не нокны, полгтыр пукало косиник съод дядьо. Сийо воли Федерсянь оти койка сайын. И Федэр лючки адзис сылысь шог чужомсо. Садмыс корко и орча койка вылын узысь, кыз голосон шыасис пукалысь дядьо дорө:

— Семон, те но мый тирзян куш майка кежсьыд. Эшкын улас мый он пыр?

— Шмонит,— жугыля вочавидзис съод дядьо.— Видзодлам, коди борыннас модас серавнысо.

— Мый но? Те войбыд эн и водлы?

— Зев дона сувто тайо койка вылас узыомыс,— курыда нюмдис майкаа дядьо.

— Гашко, чайтан, штрафсо тэнсьыд милицияыс оз босьт? Ошкасны, мый койкаыд ворзөдлытом?

— А те кызди чайтан! Алкогольной рожанад дзик выль подушкасо... ог нин висьтав. И прөстыняыд някралом промокашка кодь. Тэнсьыд... сонын таысь колө се шайт перйыны!

— Философ те, Семон! И татшөмыскөд ме торыт сырмытодз бучки-юи.

— Видзодлам на, кодным йойыс. Те мынтысян, а ме — ог. Меным мыйысь, висьтав, мыйысь! Ставыс состом, весиг тэнад койка рочын колляли войсо.

— Мынтан, Семон. Закон серти мынтысян. Сийо быдонлы отмоза инмо.

— Ог! Меным дзик нинöмысь... Сійö тэныд инмö.

Қык друглөн зычитöмысь Федэр гөгөрвоис, веськалöма сійö вытрезвительö. Сюрис стöч сэтчö, кытысь медъяна тшöктисны видзчысьны Фекла гöтырыс да ёртъясыс. Буракö, збыль, неминучаыд оз öткөн морт вылас сöв. Медыджыд тöждыс Федэрлөн öнi вöли, мыйөн мынтыяс войсö узьтöдöмысь, öд сылөн көпейка сьом абу. Телеграмма кө швачкас, дерт, пырысьтöм-пыр жö ыстасны. Но öд и телеграмматö уджйöзöн оз мöдöдны.

Қык друглөн вензьöмысь садьмисны палатаса мукöд войтыр, корисны ланьтны, но Семөн öнi нин ставыслы мый вынсьыс тувъялис асьыс мудер мөвпсö, мый весьшөрö эз коль унтöм войсö, сійö тöждысис семья вöснаыс. Öтияс бергöдчылисны мышкөн, мöдъяс ваксисны, коймöдъяс дакайтисны, ошкисны сылысь водзмöстчöмсö. Сöмын Семөнлөн ёртыс, кыз кынöма мужичöй, заводитис ку писыс петны, майкаöдыс асланьыс кыскис ёртсö:

— Ещö öти кыв! И ме тэ вöсна мöд штраф кута мынтыны.

Асывнас Федэрöс милицияса дежурной дорö корисны медводзын. Милицияса капитан Иван Сямтомов асылöдзыс на сюся видзöдлис Канев Фёдорлысь паспортсö, көр видзысьлысь көм-пасьсö. Кутшöм могөн сійö кыссис татчö? Сямтомов ачыс чужлис да быдмылис войвывса коми сиктын, тöдö, прöстаысь тундраса морт оз кут шöйтны карöд. Гөститны локтис тöдсаяс ордö? Вермас лоны. Но мыйла сідзкө узьлө туй вылын? Сьöмыс сьöрас ньöти абу. Танi мыйкö неладнö. Быть кодьяскö кабыр улö веськавлöма. Капитан эз тэрмась садьмöдны туй выв мортсö, медым пöттöдз шойччö. Мыйлакö жаль лои тайö тундраса мырсьысьыс, весиг кылис асьсö быттö мыйөнкө мыжаөн сы водзын. Сійö тырвийö вежөртис, кутшöм налькйö веськавлöма тöрыт.

Капитан пыравлис палатаö, көнi узис Федэр: петыштöм бандзибъяса, төв йылын гожъялöм чужöма щöкаыс пыктыштöма да кажитчö öнi сійö нель рöчаөн. Гашкö, пиньыс висьö? Но нырыс! Қызди видзöдлис сы вылö Сямтомов, тöкөтьö эз горöд — ыджыд да гөрд. Став мича думъясыс, кодьяс заводитлисны чужны капитанлөн сьөлöмын, öти здук вежсисны. Дерт, юöмысь бурдöдчыны, көнкö, локтис карас. Но мыйла некод оз колльöд сійöс? Некутшöм кыв **кутöм абу сельсöветса** юралысьяслөн. Öнi вöли яндзим сысыс, мый сорсис, сьöдсö чайтис еджыдөн. Оз позь сылөн удж вылын лоны нямöдөн. Сідзикөн сійö некодлы оз отсав, сöмын делöсö дзугас.

Сямтомовлөн ки пыр быдсяма йёзыс прёйдитліс, но сійо век сяммыліс лючки торйодны збыль уджалысь мортос, прёсто лытайтысьсысь. Ачыс рабочой коллективысь петіс, токараліс армия бёрын Ухтаса оти заводын. Казялісны йёз дорё сибалысь том мортос, ёртъясос пидди пуктысьсөс, корисны отчюд парткомө, вёзйисны водзө велөдчыны, дасьтыны асьсө милицияын уджалом могысь. Думыштіс да докнитіс юрнас, сөглас пө.

Сэсся «огсө» шуны сёр нин вөлі. Дерт, нимкодь, мый сійос ыджыд начальство чукөстіс, велөдчыны ыстоны ыджыд карө — ставыс тайө ышөдіс, но, мөдарсянь кө, и польштіс, милицияад уджыд зэв кыв кутана — путьмас-ө. Оз-ө лөсявтөм сійос кышав?

Буракө, выль формаыс лючки лөсяліс, дас во нин сэксянь лэбыштіс, эз и казавлы. Мый эз ас серти сэки туйсө бөрийы, сэтшөм думыс эз на бергавлы. Начальствосянь ошкөмыс ликмылө. И аслас сёлөмыс шонавлө, кыдыр кутшөмкө ылалом мортос веськыд туй вылө вермылө петкөдны. Сэки быттө выль ёртос аддзө аслыс, быттө мыйөнкө озырмө сылөн олөмыс.

И өні видзөдө, тайө көр видзысьыскөд ёнакодь ноксыны ковмас, юөртны колхозас, инавны, кытчө колө.

Федэр пырис дежурной дорө пасьтасьөмөн нин, лэдзчысис индөм стул вылө, водзас кутіс лөсьыда тубыртыштөм маличасө. Первойсяньыс, кызди Федэрлы кажитчис, начальник буқыша видзөдліс сы вылө.

— Лечитчыны, шуан, мөдөдісны. Бур делө. Направлениеыд көні?

Федэр чөв оліс, сөмын мырдысьөн нюмдыліс, сійө эз гөгөрво, мый йылысь сёрнитө капитан.

— Көні направлениеыд? Справка, кодос тэныд сетісны сельсөветад, гөгөрвоан?— выльысь юаліс Сямтомов.

— Менам некыті оз вись.

— Төда, меным оз ков кытшлөдлыны. Нырыд любөй справка серти бурджыка висьталө, коді тэ.

Федэр заводитіс вежөртны, мыйын делөыс.

— Менсьым нырсө пургаөн сотіс.

— Турөбыс өд абу шонді. Кызди сотіс?

— Миян сійө и шондіыс төвнас, сідз лыдды, сэсся и гөгөрвоан.

— Но кызди вермис сотны? Кодос тэ бөбийөдлан!

— Лачкис, сідзкө, емөн моз бытшйөдлө йиа турөбыс, лун и вой пөвсалө, төлысь чөж.

— Оз өмөй позь кызкө сайөдыштны?

— Нырыд өд абу табак көшель, зептад он суй.

Сямтомов нёровтчис улөс бөр вылө, Федэр эз казав, кызди вежсис сылөн чужоьмыс. Көр видзысь вөлі тувьясьома синъяснас джоджө. Таган вылө өшөдөм пөрт моз мулань нетшкысис көр видзысьлөн сьөкыд думьясөн сөвтөм юрыс. Сийө сэтшөм мыжаөн кыліс асьсө төрытъя лоөмторсьыс, дась вөлі кувны, тшөкіс кө эськөн тайө ыджыд начальныкыс. Но сийө та йылысь эз на гарав, и Федэр кутчысис.

Буракө, не адзвывны сэсся сылы гөтырсө ни тундрасө. Со тай кутшөм тэрыба перөнас шаркөдө, дерт нин, дзескыдинө йөртас. Но пастук тани сорсьыштіс, капитан видзөдліс сы вылө меліа, весиг вильшасигмоз, быттьө зэв тешкодьтор төдіс Федэр йылысь, но яндысис веськыда шунысө.

— Кутшөма узин? Юрыд оз вись?— небыда юалис Сямтомов.

Федэр виччысьтөмысла тшөкмуніс, сэсся кызөктіс, весалыштіс сімөм гөлөссө, нёровтчыліс өтарө-мөдарө, нинөм эз шу. Друг кыліс асьсө зэв мудзөмөн, быттьө кузь лун чөж лызь вылын пушыд лымйөд собалис, тіралісны пидзөсьясыс — тэрыба вевтис малича пөланас. А капитан юасис, кытчө муно и кутшөм мөгөн. Федэр вочавидзалис дөзмөм ученик моз өти-кык кывйөн.

— Сьөмтө кытчө воштін?— быттьө кысянькө ылысянь чунгис Федэрлы виччысьтөм юалөм, «со төдмалөма нин» — вирдыштіс аслас юрын. Шуны, мый сийөс бөбйөдлісны, стөчджыка, мырддисны сьөмсө, Федэр эз вермы. Öти-кө, эз көсий коньөрө уськөдчыны ыджыд чина морт водзас, мөд-кө, ачыс тырвыйө эз эскы, мый сийөс збыльысь грабитісны.

— Уджді төдсаяслы,— вашнитіс пастук.

— Щөкатө малыштісны удждысиганыс?— нюмъөвтіс Сямтомов.

— Уси.

— Мый вылө?

— Төрыт ме видзышті — и уси. Сийө өд позьө?

— Позьө,— веськодя шуис капитан, сылы эз кажитчы, мый көр видзысь оз веськыда сёрнит ськөд. Ас ногыс гөгөрвоис сылысь зумыштчөмсө Федэр:

— Меным ыстасны деньгасө, кора кө, мөд сы мында мөдөдасны. Мынтыся.

— Телеграмма вылад эм?

Федэр чөв оліс, капитан мыччис сьөм:

— Переводыд воас да мынтысян. Сэссия, кытчө талун думайтан узьмөдчыны?

— Ме бөр татчө локта, меным кажитчис, вольпасыс шоныд и сөстөм. Некод оз мешайт,— кыпыда вочавидзис Федэр. Капитан гораа серөктис:

— Казеннөй койка вылө вежыд петө, та вылө, другө, мыж колө вөчны. Ладнө,— серам сора синвасө чышкалис капитан,— гостиницаө видла овмөдны. Час дасын кымын ме прөстма. Тэ ветлы почта вылас да бөр лок сэк кежлө.

Сямтомов оліс гостиницасянь неылын, сылы вөлі кывыв колльөдны Федэрөс. Прөст местаыс эз вөв, шуисны, рытнас пө, гашкө, прөстмас да сәки овмөдасны вөзъян клиентсө.

— Кыдзи нө, Канев ёрт, тәнө чомъяд величайтөны,— гостиницаысь ывла вылө петөм мысти юалис Сямтомов.

— Федэрөн, а корсюрө и Федэръянөн, сідзисө син сайын сөмын. Шуам, Федэръянлөн тайө дадюлыс либө көрыс.

Капитанлөн бара гылыда серөктыссис, зэв нин тешкодьөн кажитчис көр видзысьяс ног бергөдөм коми ни-мыс. Сэссия сідзи и колис нюмдөм пасыс чужөм вылас, эз тэрмась энөвтны көзьяинсө. Сямтомовлы лов вылас вөлі кыпыд, непөштө лючки коллялөм дежурствосыс либө сысысь, мый водзын сійөс виччысис кык шойччан лун. Ещө, эз вөв окота Сямтомовлы торйөдчыны Федэркөд. Оти-кө, коліс жө лючки төдмавны, кодъяскөд төрыт коллялөма сійө рытсө, мөд-кө, мыйся олөм сылөн сәні тундраас? Мый сійөс сәні кутө, код сылы тшөктө нэм чөжыс лым вылас тірзыны?

— Менө тэ, Федэръян, Григорьевичөн шу, сідзисө ладнөджык лоас,— бара вашмуніс капитан. Кора ме тәнө ас ордө чай юны. Гөтыр, көнкө, пөсь блинъяс воигкежлө пөжаліс. Кыдз та вылө видзөдан?

— Сяа бур делө. Блиныс, выйыштан кө, кокниа кылалө, сөмын ныылав,— Федэрлөн пыксьөм мода эз вөвлы, көть коді эз чукөстлы гөститны, петитчыны эз радейтлы.

— Выялам,— шпынняяліс Сямтомов.

Капитан оліс куим жыръя патераын. Гөтырыс удж вылын, челядыс, шуис, өти — школаын, мөд — яслиын. «Абу менам мында»,— думыштис Федэр, сылөн көдзыд чомйын вит челядь, а талөн и шоныдінас оз паськав рөдыс, но көзьяиныслы та йылысь немтор эз шу. Збыльсысь, найөс виччысьөмаөсь еджыд тарелкаын чукйөн пөсь блинъяс. Тэрмасьтөг юисны чай. Федэр мөдөдчис да

южмөм воргаод моз рөдтис, быдторсө сяркөдіс-висьталіс. Корсюрө капитан көрльвліс плешсө, сылы унатор эз вөв гөгөрвоана көр видзысьлөн олөмысь. Федэр и сійө здукъясас эз пикө во, немтор пө, волы пө ачюд коркө тундраас да места вылас петкөдла. Сэсса коркө-некоркө, Федэр эз дзик пыр казяв, кызди капитан веськөдіс сылысь вөжживыв көрсө мөд туйө. Пастук өдыввсьыс и сәті войөдіс-висьталіс немтор дзевтөг төрытъя лытайтөмсө. Сійө здукас Федэр вунөдліс сы йылысь, коді сы водзын пукалө. Сөмын кодыр Сямтомов юалис, төдасө өні найөс, паныдасяс кө туй вылын, Федэр тшөкмуніс, ылөсас вочавидзис, гажә пө ёна вөлі, өдвакө. Федэрлы кажитчис, мый сійө вузалис кодөскө, вөчис зэв мисьтөмтор. Од думыштны кө, Кузя да Ёша сьөмсө збыльысь сылысь удждісны, эз мырддыны, кызди первойсө чайтис скөрйывсьыс, көть эськө энөвтны другтө, кызди найө вөчисны, абу жө мичатор. Эз полөм, а ёртъяс вөсна ас ногыс гөгөрвоөм төжд кутіс Федэрөс, тшөктіс кутшөмакө ылөдчыны капитан водзын, кодөс сылы зэв жө эз вөв кокни вөчнысө. Веськыда кө шуны, Федэр, дерт, некодкөд эз сорав Кузяөс ни Ёшаөс. Мукөдъяссө, гашкө, дзугис, паныдасис кө быттьө, сәки помланьыс ёнакодь нин коддзис. Федэр крепыда аддзысьлөмъяссө вежөрас көртавлө, мед кузь туйяс вылас эз разьсы да пазав. Сідзи велалөма челядьдырсяньыс, көр видзысьлы мөд ног некызди оз позь. Шуам, кык тысяча стадасьыс некымын көр пышйис мөд бригадаө. Он кө ачюд найөс сәтысь аддзы, коді тә пыдди ликтас. Дерт, кодсюрөяс и юөртасны, волөмтө оз виччысьны, но оз быдөн. А Федэрлысь он дзев, быд көрөс стадасьыс вежөрас кутө. Сідзикөн, кызди сійө вермис вунөдны мортөс, кодкөд өти пызан сайын пукаліс? Йөзыд өд абу на көръяс, налөн торъялөмыс өта-мөдсьыс, кызди Федэр өні казяліс, зэв ёна синмас шыбитчө. «Буракө, ёна мыждас менсьым другъясөс, веськаласны кө капитанлы ки улө»,— мөвпалис Федэр. Артасис көр видзысь, и эз ышты налы вөчны омөльторсө.

— Кылан, тэнад другъясыд кодөскө ещө мөдөс көмөдасны, он кө тә миянлы отсав,— пөся сёрнитіс Сямтомов, быттьө лыддьөма пастуклысь мөвпъяссө. «Таысь он дзев»,— пөсь вирыс кучкис Федэрлы чужөмас, жугыля вочавидзис: — Вочаася кө, сәки төда жө да.

Капитан водзө эз мөд юасьны, мыйкө думайтис ас кejas, Федэр чөв жө оліс, майшасис, мый Григорьевичлы козьнавліс ковтөм төждлун, и аслыс тиөтш.

Сэсса өбед вылө воис Григорьевичлөн гөтырыс, выль-

ысь нурьясисны. Зинаён висьтасис, кодыр небыд кисо чургөдліс Федэрлы. «Мичаник нывбаба Зинаыс»,— шуис аслыс көр видзысь. Да и нимыс быттьо сьыланкыв, выя бордйон малыштө сьөлөм дортө. Сы вөсна, мый коркө Федэрлы кажитчыліс Зина нима ныв. Синмө шыбитчө Зиналөн юр чукас гаровтөм ыджыд шмакыс, жаль весиг, бөрвыв песовтас көзаяйкалысь сьылдзирсө. Да и синъяснас Зинаыс ворсөдчө, гөгрөсмөны син аканьясыс — сийө ёна шензьө, нюжмунлөны — повзьөм петкөдлө. А сідзисө Зинаыслөн быдлаті шыльыд-мольыд, ачыс дзоньнас, неблюй<sup>1</sup> малича моз, гортса шоньдлунөн ымралө. Неблюй маличаыд медьёна көдзыдсьыс видзас, сийө медся колана туйыввса мортыдлы.

Обед бөрын гөстинөй шөр комнатаын Федэр шлап-видзис-шойччис паськыд диван вылын. Паныда жырйө сайөдчисны гозья, Федэр ясыда кыліс налысь сёрнисө. Найө, карса войтыр, вунөдісны өтитор: Федэрлөн, кызди вөр-ваөд ветлысьлөн, вөліны зэв сюсь пельяс. Көр видзысьсөс век чуймөдліс, мыйла карса йөзыс сэтшөм гораа сёрнитөны, быттьо дзик пельтөмөсь, өта-мөдыслы горзөны.

— Тэ нө кытысь татшөм бубулясө корсин? — верөсыслысь юалис Зина.

— Ме тэныд шулі нин, көр видзысь сийө.

— Ваня, тэ вунөдан ас йывсьыд. Тэ — капитан! Ёртасян кодкөд... ог вермы висьтавыны. Коді сийө? Сітаннас лымсө сывдысь,— Зина долыда гиззис аслас сюсьлун вылө.

— Зина, көсьян кө төдны, тэнад капитаныд сы водзын сөмын... помощник. Государствоыс ёна вылөджык доньялө сылысь уджсө — сылөн зарплатаыс министрысь ыджыдджык.

— Хи! Выйсө нянь вылас чуньнас пескыляліс-мавтіс. Диван вылас тырыс гөн чирйөма. Гөна министрыд меным оз ков.

Федэр водзө эз кывзы, мый сы йылысь сёрнитісны, ки пөлас босьтіс маличасө да кок чунь йылас петіс — сы мында и аддзылісны. Ывлаын дыр эз вермы воны ас выяс, быттьо дадь вывсьыс летөбсис да юкмөсө дзумгысьліс.

Шөйтіс кар кузя и пєслаліс кывлөмторсө. Первойсө ставыс гудрасис турөб дырйи моз, нөйтчысь вежөрас дзенгысисны ыкса нывбабалөн кывъясыс, кытысь пө татшөм бубулясө шедөдін. Доналөм көрт здукөн ыркалө

<sup>1</sup> Неблюй — (диал.) куим-нөль төлысья көрпиянлөн куяс.

жар пачысь кыскөм мысти. Татшөм жө этшыс и Федэр-лөн, ывла вылыс век сылы вөвлі лөньюдысьөн. Мөвпьясыс вуджисны капитан вылө, министрысь пө сійөс, Федэрөс, вылөджык донъялөны. Сідзкөн сійө медколана мортыс госуударствоас. Пастуклөн некор на эз вөвлы татшөм здукыс. Кыдзкө зэв ясыда и шоныда мөвпавсис, мый эм сылөн чужанінын шыльыд тундра и гулыд ягъяс, көні позьө рөдмөдны да видзны гырысь көр стадаяс. Медся любө сыысь, мый сылөн вөчөмторйыс эрдын, синмө шыбитчана — ставлы колана. Федэр видзөдліс тротуар кузя шывгысь ныв вылө и выль гыөн койыштіс радлуныс: мунысылөн пельпом вылын узис тундраса еджыд кынь, кокъяссө шонтө көр кысысь вурөм пими. Федэрлы окота ышнясыштны тайө ныв водзас, окота сувтөдны да чуткыны пельпомас, ме пө эсійө кыньсө кыйи, көръясөс пө дөзьөрита и, тундраыс ни вөрыс оз йөрт.

Нылыс ылө нин тюрөдіс, мед, ассыс көсйөмъяссө суөдө. А көр видзысылөн жалыс петө. Кыдзи нө эськөн, не кө Федэр коддьөмъяс, татшөм ыджыд көдзыд төвсө оліс сійө, гөна көм-пасьтөгыс. Дерт, нөрпалөмөдз воис, больничәө веськаліс.

Эз, эз прөста, сідзкө, и шу Григорьевичыс, мый Федэр министрысь коланаджык. Председатель ошкывліс жө Федэрөс собраниеяс вылын, но мыйлакө сылөн шуалөмъясыс эз сэтшөма мөрччывлыны. Буракө, ми дубавтөдз нин велалөмаөсь сэтшөм нога «гөститөдөмъясас», кодыр өтиясөс век гөн нылыд шыльөдөны, мөдъясөс паныда чажөдөны. Видзөдан да, өтиыслы и мөдыслы — веськодь. Григорьевичлөн кывъясыс сотыштісны, быттө выль лов пөльыштісны морөс пытшкас, быттө воддза серти винөвджыкөн да өнджыкөн мөдіс кывны асьсө. Федэрлы вөлі, кызди некор, кыпид, мыйкө зэв мичатор пөжасис сьөлөмас, кодөс тырвийө гөгөрвоны да донъявны эз на вермы.

Рытъявылыс Федэр пыравліс почта вылө, кызди и чайтіс, сьөмыс виччысьөма нин сійөс. Зептас бөр төрытъя мында лоис, колхозса предныс гөгөрвоөма пастуклысь корөмсө.

Федэр тэрыба осьлаліс гостиницалань. Сійө лючки төдіс, мый колө вөчны сылы тайө здукас, сійө эз вөв төрытъя моз шөйөвошөма. Сійөс виччысис Григорьевич, кодкөд пастук кыліс асьсө зумыдджыкөн да вынаджыкөн. Григорьевичкөд өтлаын сылы вөлі гөгөрвоанаджык карыс и уна рөмөн пөртмасысь ыджыд оломыс.

Со и бара колис отпуск. Федэр бара самолётын. Өні нин лэббө мөдарө, гортас. Первойсө ыджыд көрт лэбачөн сынөдсө поткөдіс, а медбөрын ичөтикө сөлөдісны, коді стөч нин Харей дорөдзыс вайөдас. Федэр мөдіс нин гаж-төмтчыны гөтырысь, челядьысь, көр видзысь ёртъясысь. Дерт, найө кутасны юасыны, көні да мый вөлі. Бурьс и омөльыс вичмис. Ставсө кө помся висьтавыны, зэв дыр лоө, кывзысьясыс дөзмасны. Эз кө веськав милицияс да другась сәні капитан Сятомовкөд, код төдас на, кызди отпусксө колляліс. Гашкө, эз веськавлы и Сыктывкарас, эз паньдасылы воыскөд. Корис ёна да Григорьевичыд шойччан лунъясө колльөдіс Сыктывкарөдз, воыс дорөдз пыртіс. Көсийс эськөн Федэр сувтлыны Печораас, видлыны Григорьевичөс, но кадьс эз нин вичмы, гортас виччысьөны. Сыктывкарас лэбзытөдз уна рыт помся ветлөдлісны Григорьевичкөд войся уличясөд. Кыкнанныс вөлі карсаяс моз пасьтасьөмаөсь. Федэр почта пыр ыстіс маличасө да төбөксө гортас, магазиньс костюм да пальто ньөбис; Григорьевич сідзи тшөктіс. Но весьшөрө шөйтісны, эз паньдасыны сылөн воддза «төдсаясыс». Кывсис, мөд посёлокын пакөститчөмаөсь да сюрөмаөсь. «Мый корсян, сійө и ликмө», — ышловзьө Федэр да вежө думъяссө.

Воыскөд кыкысь драмтеатрө ветліс. Кыкнаннысьсө комиөн ворсісны, зэв гөгөрвоана вөлі. Өтиас тошка дөдө лөсьыда сыыліс да йөктіс, абу өти изки пөслөма, война вылас и гортас на дзескавлөма, а серамбана олан визьсө абу воштөма, дзор тошка нин, а помся корасьө. Тундрад сэтшөм дедъясыд эмөсь жө. Мөд спектакльын ыджыд да ён нывбаба асьыс жөниксө мөздорас новлөдлө, гөг ортөдзыд көть сералан налөн кимөститчөм вылө.

Тані Федэрлөн думъясыс орисны, ланьтөм пассажирьяс шызисны, сумкаяснысө кватлалісны, самолёт жбыр пуксис Харей посёлок горулө. Федэрөс виччысисны гөтырыс да челядьыс, өта-мөд бөрся кытчөкө сійөс нетшкисны-кыскисны, тэрмөдлісны. Федэр нюмъяліс да дакайтіс. Федэр гөгөрвоис, өні оз артмы дасьтөм сёрниис, коркө тундраын прөст кадө оз өти пөв «мойд».

Век жө чай юөм бөрын, кодыр Феклакөд колисны кыкөн, эз вермы кутчысьны:

- Төдан, Фекла, медся бур мортыс карас коді?
- Шоперьясыс.
- Абу.

— Лавочничаясы либө, көнкө, өчередьтөг винатө сөтисны да.

— Абу.

— Парикмахершаясы, көнкө, балябөжтө гильөдисны шыригмозыс.

— Абу.

— А-а, төді, мыйла водзджык юөр эз во. Нывьясы!

— Абу.

— Но! Сідзкөн бабаясы, гөрд парьяөсь тай зэв.

— Абу!

— Но либө эн ворс мекөд... Карысь воөма сәні!

— Вот и эн төд. Милицонерьясы!

— Сюрлін өмөй сэтчө?

— Кыдзи нө сытөг...

— И бөр лэдзисны?

— Мыжтөгыс нө коді менө сәні видзас. Ме дружитчи өти милицонеркөд, көсйис коркө тундраө волены. Ме сылы палкан<sup>1</sup> быкьяссө лямкаала.

— Федэр, тайө тэ-ө, эз-ө кодкө веж.

— Коді менө вежас, ме өд абу төбөк.

— Гашкө, пөдруга лөсьөдін? Зэв тай варов лоөмыд.

— Ок, путьтөм ме сы вылө.

— Висьтав, висьтав!

— Көсйылі, но нинөм эз артмы,— сөрыштіс Федэр, медым эсканаджык вөлі, медым збыльысь омөльтор эз думышт гөтырыс.

— Мыйла эз артмы?

— Дуракөн менө шуис, кор матыстчи.

— Правильнө вөчис.

— И тэ тшөтш сы дор?!

— А мый? Ме эськө бан бок шонті, вөлі кө сэтөн...

\* \* \*

Чорыд лым эж вывті тюрөдіс дадюла, дадь вылын пукалісны кыкөн: мужичөй да нывбаба. Тайө вөліны Федэр да Фекла. Ылысянь кажитчис, бытьбө найө сунөны море моз дзирдалысь да төвся шондіөн ойдөм тундралөн ыркыд питшөгө, коді вөлі налы мелі гортөн.

<sup>1</sup> Палкан — (диал.) еджыд.

## КОРСЯ ПЕЛЬЕТОН

*Висьт*

Аттё аслам мам-батьлы, налөн чуйдөдөм серти вос-  
сис менам син водзё тайё югыд светыс. Кор лои верстыё-  
өн, да и өні на тшөкыда ыркмула: өд тайё гажөдчан  
жыръяс, югыд енэж улас меным өдзёсыс вермис и не вос-  
сыны... А усис кө югыдыс — и ылөдз видзөдлы. Олөмад  
пырөдчөмыд тай быттё ваё келөм: кымын водзё — сы-  
мын джудждаммө. Тайёс ме аслам олөм серти шуа.

Ас кадө помавлі шөр школа, ас кадө институтө весь-  
калі да коставтөг жө велөдчи сэні. Кыдзи ёртъяс шуис-  
ны, весиг ас кадө гөтраси — нельөд курсын. Буракө та  
вөсна, мый менам ставыс муніс оръявтөг, некытчө мытш-  
ласьтөг, лючки эрдалісны (стөчджыка кө, ачым сюсь-  
ми) ёртъяслөн тырмытөмторъясыс. Шуам, кодкө водз гоз-  
йөдчылөма да ичөт каганыс оз сет лючки велөдчынысө. А  
кодъяскө нин торйөдчөмаөсь да воддза сертиыс ёнджыка  
кыйкъялөны — выльөс корсьөны. Ог нин шу ичөтджык  
нелючкияссө, мукөдыс не местаын вөв моз гөрөктөны-  
серөктөны либө, мый ещө на мисьтөмджык, ёся несъялө-  
ны. Татшөм казялөмыс, колө шуны, пуктіс ассьыс пас ме-  
нам олан этшө: заводиті помся шпынпявны (нелючкисө  
век казяла да), быттё кутшөмкө кокныыдик насмука ся-  
ма висьөм меным көвъясис. И ёртъяс пөвстын регыд кыв-  
сис, мый ме, Ульныров Петыр, зэв шмонитысь, серамба-  
на морт. Ог соссы, таысь меным вөлі нимкодь.

Институт помалөм бөрын уджавны колисны карө. Ве-  
сиг газетө босьтісны. Первойя луннас төдмаси уджалані-  
нөн, ветлөдлі коридорөд да шпынпялі, өтияс кажитчисны  
меным зумышөсь, мөдъяс — мый понда кө, торъя төж-  
дысьысьөсь. Ачым думайта, мыйла, мися, татшөминас,  
шоньд да лөнь жыръясас, торъя вийсьынысө. Тадзи мый-  
сюрө вөчыштигмоз да коридорын тшынасигмоз төлысь ко-  
ли. Оти асылө шпынпялігтыр пыри редактор ордө. Лакөн  
югъялысь пызан сайын пукаліс шөр арлыда еджыд чу-  
жөма мужичөй. Чөвтіс өчкисө да козыналіс менө мудзөм

видзёдласён, пуксы пö, довкнитіс юрнас. Ме парквайи да сайöдышти чужöм вылысь шмоньлунöс.

— Но, мый, Ульныров ёрт, кутшöмджык жанрö тэнö медсясö кыскö? — юалис редактор.

— Сідзисö ме мортыс серамбана,— виньджылясьышти казенной улöс вылын.

— Сідзкö, лючки кö тэнö гөгөрвои, бура казялан тыр-мытöмторъяссö йöзлысь и олöмсьыс.

— Челядьдырсянь сійö висьöмнас нёрпала.

— Пельетонсянь заводитам, — сьöкыдырысь жебиник нюмтор меным чуктöдіс редактор. — Босьт командировка. Ветлы сиктö, видзöдлы гөгөрбок. Гашкö и серамнымöс петкөдлан миянлысь мыйöнкö.

Босьті командировкатö матысса сиктö, но эг на тэр-мась петны туйö, мися, пельетонид меным сюрас и карысь. Қодъясöс медся ёна зуавлөны газетъясын? Дерт жö, коммунальщикъясöс. Көть юрсіөс неважөн лөсьөдіс гөтырöй (гөтрасьтөдз век шырліс мамö), пыри парикмахерскöйö. Думайтa, виччысьны ковмас час-мөд, но мед, таысь локтö меным зарплата. Лун шөрнад парикмахерскöйид вöлі тыртöм, залын пукалісны лезь юрсиа некымын дядьö. Пушыд сойяса еджыд халата нывбаба регыд и чукөстіс менö. Меститчи шырсян улöс вылö. Видзөдлі нывбабаыслы чужöмас. Ме моз жö нюмсермунöма, таысь менö лёк ногөн кезнитөдіс. Да, тайö воём шеп рöма юрсиа нывбабаыс оз кöйы пырны менам пельетонö. Эськö лёка кö рукөстіс да букышөн видзөдліс, сэки любөджык вöлі, а сійö бөрсянь шыльөдö юрсіөс да вашъялö:

— Қызи тэнö, том молодечöс, шырны тшөктан?

— Босьт шыран да и шаркөд, — мыйлакö менам чорзис гөлөсöй.

— Абу өд тэ, буракö, бальö. Лючки шу, кутшöм прическа вöчны? Медым бөрнас эн каитчы.

Ак, мый нö шуны? Ме некутшöм прическалысь нимсö эг төдлы некор, менö век шырлісны мам либö гөтыр, найö вöчлісны сідзи, кызди аслыныс кажитчыліс. Заводиті чорыда думайтны, пыркөдны бусөсьсöм көлуйөс моз асьыым том вежөрөс. Қывлі, мужичöйяс медсясö кутшөмкө гез нима прическа новлөны:

— Гез...

— Кутшөм? — серөктіс нывбаба.

— Капроновöй... — ме дзикөдз шөйөвоши.

— Пенькөвöй оз ков, либö шнуравны тэнö оз ков. Ок тэ, шнуравтөм ботинки. Канаткаөн шусьö сійö шырöмыс.

— Да, да...

«Весьшөрө сөмын сьомсө видзи, некутшөм пельетон вылө абу вөлөма тани материалыс»,— майшаси касса до-рын.

Восьлала вөляысь асфальт вывти, кыйкъяла арлань нөрөвтчөм лажмыд шонди вылө да лөньода ачымөс, мися, пельетонид кок улад оз туплясь, туплясис кө, командиров-катө сийөс гижөм понда эз сетны. Ньөби билет карбердса өти сиктө. Да и газетыс, кытчө пыри уджавнысө, ёнджы-ка гижис сиктса олөм йылысь, тырмытөмторъяссө эрдө-длїсны збоя, козынавлісны лыддысьысыдылы сийө бурсө содз тырөн. Сїдзкө, и меным нинөмла повнысө.

Сиктыс тыдаліс асфальт туйсянь бокланьын. Сылань кыссис вижов лыа туй. Өтар-мөдар боксыс зарни кыддза расьяссө ылыстїсны паськыдкодь сьөд муяс.

Восьлала, видзөда ыбъяс вылө да зэвта вежөрөс, уджа-ла өти сайысь и нырбордьяснам, думсьым апала чөс-кыд му көрсө, унаысь лыддывлі, зумыдлун пө сийө мор-тыслы сетө, а лябджыкъяссө пө (кодї первойысь на) ве-сиг кольмөдө. Мый вынысь йөтка сімыштөм тыясам (ка-рын ола да сы серти шуа) сөдз сынөдсө. Бур удждон эг на босытлы да кайта ачым, абу грек өтчид коддзывны зептысь мынтытөг. Уна-ө юи чөскыд сынөдсө, стөча шу-ны ог лысьт. Көть эг коддзы бур йөзыс моз, но юрөй пот-ны-висьны кутіс. Дугдї горшасьнысө, мися, сийө бурөдз оз вайөд. Ичөтика сынөдсө лэдзыштала ас пытшам, сы пыдди сюся видзөда му вылас, всиян юр вемөс зэвта. Му-ыс комөкъяса, сїдзкө, кодкө гөрөма. Мыйла комөкъяса? Сїдзкө, лөка гөрөмаөсь. «Тайө менам пельетонлы колана-тор»,— радлышти ачым. Но мыйла гөрисны арнас? Мый быдтїсны тани? Дерт жө, көнкө, картопель, быдлаын тай сийөс вөдитөны. А кыдзи урожайсө идралісны? Дерт көн-кө, ёна колялісны, сийөн и гөрисны тэрмасьөмөн, медем син улас быдөнлы эз веськав. Но тайө нин дзонь пелье-тон. Кучки плешкам и тайө здукө дугдїс висьны юрөй. Радпырысь воськовті сьөд му вылас да ёсь ботинки ныр-нам мөдї гудйысьны сәні. Көть эськө картопельыд дзик пырсө эз сюрава, но сьөлөмөй долыда дїльк пуис, мися, юр вемтө кө он жалит, крепыда кө сийөн изан, век нин мыйтакө да нуртор артмас.

Гудйыся эськө сьөд васөд муын ёсь ботинки нырнам да тшөкыда чужөмөй кутіс шом көра шмоньөн вежыньт-чывлыны. Сө дивө! Көть мыйта ог гудйысь, өти гөгыль оз сюр. Кывлан, век пө тай уна кольө картопельыс. Мудз-ышти весиг. Аддза, му пөлөныс кельдөдыштөм эжа ку-зяыс тапиктө крукыль беддя пөльө:

— Мый корсян? Нидзув?

— Картупель...

— Но, зон, анькытш сора зөр тани быдмис, ытшкисны да гөрисны нин со мусö.

— А ме чайтi...— кежи му вывсьыс да эжаас мöдi чышкыны кöмöс.

— Мый нö картупельсьыс тэныд?

— Тэ, пöльö, восьлав водзö аслад туйöд. Мед шыдыд пачад оз шоммы.

— Гусьясьыс али мый? Арнас мешöкөн сюсьджыкъясыс кыскалiсны, а тэ коляссö öктан. Йöй гусьясьыс али мый? Карса жö?

Ме скöрмöмысла воштi кыв-ворöс, ок, мися, кодкö кывлас кö тайö йöй старикыслыс больгöмсö. Кок чунь йылын шöтъясьöм мышкуа кань моз матыстчи сы дорö, быттö кöсьи голяöдыс тшапкыны пöрысь мортöс. Но эг тшапкы, ме сöмын кöсьи чуйдны сийöс, но пöльыд мыйлакö ньöти эз повзъы, та вöсна содтöд скöрысь пинь пыр сöдзöдыштi:

— Некутшöм ме абу шыш! Пельетон корся, сэтшöм могыс менам. Гөгөрвоан тайöс, пöрысь вужля.

— Но зон!— гылыда серöктiс старик.— Тулыснас эз пельетонлысь кöйдыссö татчö сюйлыны да кысь нö сюрас сийö. Пельетонсö кызди сөйöны, нянь вылö мавтыштöмөн али сiдзи?

Стариклөн сирöд серамыс дзикöдз пузувтiс ляпкыдик том вежөрöс.

— Аддза! А ог кö— тэ йылысь гижа пельетонсö,— и төв ныр моз шутөвтi еджыд тошка старик ныр увтi.

Сиктö пыригкостi лөнъыштi, мися, быд выживыслысь шуалöмсö кö сьölöм кудъяд тэчны, костi пöрысьман. Видзöда, рудöдöм керъяса керкаяссиянь бокланьын турвидзö кирпичысь тэчöм не то гараж, не то карта, кöть öшиньястöм, но шипер улын нин. «Тö öд,— мөвпала ачым,— заводитасны стройкатö, а сэсса оз помавны». Гөгөртi энöвтöм стрöйбасö да вежөртi, гараж тай, буракö, öдзöсьясыс зэв гырысьöсь. Со, мися, пельетонид куйлö, бур шипер улын, оз сiсьмы, дыр, көнкö, менö виччысис, шлаккöда кинам рудмыштöм стенас, долыдмыштi. Кöть туйыс вöчтöм, но кокöс эг няйтöсьт— коркö кульлöм эжаыс турунасьöма нин. Кыйкъяла гөгөр, чайта, кодöскö чукöстны да стöчмöдны ассьым вежөртасöс. Тайö здукас мыччысис неылitи прöйдитысь канаваысь, кодöс ме мыйлакö эг дзик пырсö казаяв, көрт зыръя, фуфайкаа дядьö.

— Ко-о-одöс корсян? Лок та-атчö!

Матыстчи. Шөр арлыда мужичёй көрт зыр йывнас гудйысис рудов сёй пиын, ичотикаон шыблаліс вывлань.

— Чолөм, зіль войтырлы,— шыаси ас пайысь.

— Здорово! Пу-уксы пөвтор вылас,— индіс меным канава дорышас.— Ө-ө-шөд мудзөм коктө, ныртө ча-атөрт да о-ошйысь,— дядьө лышкыда шмонитіс. Татшөм ногөн серам петкөдлөмыс сылы лөсяліс, төкөтьө мөмья-лыштө, ачыс рыжөй, стөч свежөй ёкыш кодь, кутшөмөс тай корсюрө вузавлөны «Океан» магазинын, бур ногөн лөсталө чужөмыс, дзоньнас быттьө пытшкөссяныс югзё, мый висьталө көзяинлөн завидьтана дзоньвидзалун йылысь.

— Сі-ідз,— ёкыш кодь мужичёй кокниа чеччыштіс сёй гуранысь да пуксис мекөд орччөн.— Кутшөм могыд? Кок-ни удж корсян?

Ме мыйлакө докниті юрнам.

— Бур делө-ө! Өти вөзйысис нин да эг при-имит. Вышитчысь! Магазино до-озла эз мун. Ме тані ыджыдыс — зве-еньөвөйыс! Кылан?

Ме мыйлакө докниті юрнам.

— Та-йө гаражас шоныд ва нюжөдам. Куим во нин!— ёкыш кодь рыжөй дядьө гылыда серөктіс.— Төвнас кодьям — тулыснас быздө, гожөмнас пыкам — арнас ваён ойдө.

— Мыйла нө трубасө ас кадө онө суйө?— лабутнөя юалі, лючки өддзис висьтавын мортыд да мед эськө не торкны.

— Абу тру-убаыс! Ө-өтчюд эськө вайлісны да лымсө весалігөн бульдозерыс нюклялөма. Тэ-э эн шогсы, по-озьө уджавны. Ремонт канавы... Но-о..., — ёкыш дядьө лэптіс кисө. — Эн ө-өбидитчы, веськыда шуа, миян контораын ыджыд раз-раз-рад оз сетны тэныд.

— Мыйла?

— Висьлөс чужөмыд. Миян начальствоыд та кузя ок стрөг. Чужөм — портянка, вешйы бокө.

— Сідзкө, звеноад кыкөн и лоам, тэ кутан уджавны, ме, кызди ичөт разрада, магазинө котравны?— менам бара съөд кунваыс кутіс лыбны лов пыдөссыым.

— О-о, дона друг, ме-е тані өні абу өтнам. Ми-иян трех-сменка.

— Сідзкө, лун и вой уджаланныд?

— Эн гө-гө-гөрво. Ө-өти уджалө — кыкөн шойччөны,— докнитіс юрнас неылын тыдалысь понөльяслань.— Сэні кыкөн гожъялөны, тэно кө примитам, нө-ель смена котытрам.

— Мыйла нӧ ставӧн ӧтвылысь онӧ шойчӧй, сідзисӧ ӧд гажаджык. Профсоюзсысь позьӧ путёвка шедӧдны...

— О-о, пинь пырыд эн сӧ-ӧдзӧд кывъястӧ. Тадзи кӧ, миянӧ он веськ-ав... Тшу-уп нырад! Про-изводство сув-тӧдны оз позь! Лю-любӧй здукӧ вермас гры-ымкнитны начальство. Руба эм?

— Сі-ідз,— кыски пинджак зептысь гӧрд записнӧй книжка да лӧз шарикӧвӧй ручка.— Памилиеясыд, коді мырсьӧ тани? Кутшӧм учреждениеысь?

— Коді тэ?— чуймӧмӧн сувтӧдіс ме вылӧ синъяссӧ ёкыш дядьӧ.

— Ме газетысь.

— Нем абусӧ эн сӧр,— ёкыш дядьӧлӧн ыпмуніс чужӧмыс, весиг ньӧти эз кут мӧмъявны.— Татшӧм начальствоыд оз овлы. Подӧн ветлан... костюмыд быгалӧма. Чужӧмыд... быттьӧ во видзӧмаӧсь картофель гуын. Оз, татшӧм начальствоыд оз ков. Миян начальникъясным быдӧн зӧрйӧн вердӧм вӧвъяс кодьӧсь. Пельпомъясныс — во! Чужӧмъясныс ыргӧн таз моз волялӧны. А тэ, тьфу!

Ме полігтыр суйи морӧс зептам киӧс, мыйлакӧ эз вӧв окота сетны тай ас ногыс мудер да наян дядьӧбыслы снитки выль удостоверениеӧс.

— Кӧсъян, документ петкӧдла...

— Нолы! Нолы!— Сійӧ тэрыба сетчис мелань, быттьӧ кӧсйис тшакныны кысь документӧс. Ме здук чорыда кабырам кутіс сійӧс, падъялышти.

— Со и повзин. Абу аслад, кӧнкӧ, удждін, кӧнкӧ, кодлыськӧ. Эй! Семӧ! Ваньӧ! Мый сэн узанныд? Пӧжар!

Тайӧ здукӧ понӧल्याс костысь кыпӧдчисны съӧд кымӧр кодь кык ылжыд дядьӧ. Найӧ ньӧжйӧ матыстчисны миянлань, мыйкӧ броткисны вомгоруланыс. Ёкыш дядьӧ дыр видлаліс корреспондентскӧй удостоверениеӧс, мышсянь и водзсянь, весиг шонді водзас паськӧдліс.

— Со, корреспондент воӧма, кӧсйӧ миян йылысь газетӧ пасйыны,— висьталіс воысьяслы звеньевӧйыс.— Ӧдйӧджык кианыд зыръяс босьтӧй. Қаллянынтӧ колӧ сӧсся дженьыдджыка гаровтны. Но, зон, эн ӧбидитчы,— мычис звеньӧвӧй меным документӧс.— Ме ӧд шутиті тӧкӧд. Сійӧ трехменка йывсьыс и мукӧдторсӧ сідзжӧ...

Ме пыркниті пинджакӧс да веськӧдчи сиктлань, тӧді, найӧ ӧні меным оз висьтавны асьыныс памилиенысӧ ни строительнӧй организациянысӧ. Коді менӧ дӧльӧдіс шуны ачымӧс газетчикӧн? Ӧні быттьӧ пельетоныс и эм, но збыль вылас сынӧдас на ӧшалӧ. Бара на колӧ корсьысьны. Пыравлі магазинӧ, выль куритчан ньӧби да доза дыр тшы-

наси ывла вылас. Сайкалышти. Скөрöйла гудыртчылöм вежөрö лöзвартискодъ нин, кыдзи тай асыв заводитчигөн овлö, кор войыс вешйö. Лючки мöвпала, планъяс вöчала, мый водзö керны. Медводз вежөрти — сёйны колö. Видзö-да да, стöч магазин дорас и столöвöйыс, мися, бөрö-водзö шöйтö йöзыс. Шома капустаа пöсь шыд паняли, небыд котлетъяс нямырти. Бур. Мый сёссия и колö том мортыдлы. Медбöрын изюмысь пуöм кöдзыд компот пыткам кисьти. Шпыньмуни быдөн. Дзик бур лои. Сёссия планам суйи пункт — сиктсö кытшовтны. Шöйта, быд пельöс исала. Вель кузь вöлöма сиктыс, рытöдз нюжалис кытшовтöмыс. Сиктыс шöркодь, абу дзикöдз киссьöма, аслам пельетонö суйöм вылö торъя пас эг казав. Совхоз контораын до-лыд лыдпасьясөн чöсмöдисны, кольöм во серти пö унджык картупель муяс вылысь перйим да мöсьяслысь йöв лысь-тим. Дерт, тайöс пельетонад он суй. Но юөртисны и сэтшöмтор, кодöс, ме думысь, некытчö он вурышт: эз тöдны, кутшöм строительнöй СМУ лэптö гаражсö, под-рядчикыс пö тшöкыда вежласьö да стöча шуны öни огö вермöй, ассьыныс пö юалö. Но ме юалi нин öтчид. Со и шедi нин öти лэчкö. Дерт, позьö аддзыны подрядчиксö, но та вылö колö вель уна кад, кыксö тысячаа карысь, кöни абу öти дас строительнöй организация, веськавны кола-на СМУ вылö абу кокни. А, гашкö, тайö кирпичнöй гара-жыс некодлы оз ков, сы вöсна и оз тэрмасьны лэпты-нысö? Тайö мöвпыс и йөткис менö öния гаражö, видзöд-лыны кыдзи меститöма техникасö.

Гаражö пыранины менö паныдалис öнтая пöльыс, кодкöд ме варовитi локтигам му дорас.

— Лок, корреспондент ёрт, видлы миянлысь кöрта овмöссö, быдлаö нин, кöнкö, волiн. Миянöс тай эн жö вунöд. Сийö и бур, уна аддзылан — уна кутан тöдны, ре-гыд дзорман, но сыысь эн пов. Ме танi кöзяиныс, кор гаражас некод абу. Кутшöмкö могөн кö...

— Сидзкö, стөрöж.— Ме сюся видзöдлi пöльыс том мортлөн кодъ на вильыш синъясас.

— Так точно— збоялыштитс дедö.

Мöдöдчим ми ськöд гараж кузя. Стрöйбаыс пуысь, сальзьöм стенъяса да джодж плакаясыс лöсталöны лöз-мунöм сьдөн. А сидзисö немтор некөн оз туплясь, быд-тор ас местаын. Тайö мöвпнам пыр жö юкси пöльыскöд, а сийö лöня вочавидзалис. А кутшöм пö сёссия сылы и ло-нысö, абу öд горнича. Сöмын öтитор эз лöсяв. Пуысь стрöйбаыс, биөн несъялысь машинаысыс вермасны коркö

өзтыны, думышти ас кежысь. Мыйтакö техникаыс сулаліс и прöстö навесъяс улын. Уна пö да, дерт...

— Кызди лэптисны гаражсö, сэксянь и видзöда сы бöрся,— висътасис пöльö.— Томджык на сэки вöлі... Кадсö он йöрт. Со стрöйбаыс пöрысьмö, и ачымöс нин колö беддöн пыкны,— старик бара мыйлакö гылыда серöктіс.

— А эсія мый?— инді öтчукөрö шыблалöм кöрта кöлуй вылö.

— Металлолом.

— Мыйла тані сісьтöны?

— Коркö суббötник дырйи нуасны жö карö либö свалка вылö.

— Вермасны и свалка вылö?!— ме бара тэрыба перйи гöрд записнöй книжкаöс да лöз авторучкаöс.

— Шуткуйта,— серöктіс пöльö.— Но и стрöг жö тэ, зонмö, вöлöмыд. Колökö öд сэтшöма тэныд пельетоныс, менсьым олöмöс кабала вылö пукта да и. Висътала кö, кувтöдзыд сералан. Серавнысö кужан?

— Сы вылö, ме думысь, велöдчыны оз ков.

— Оз эськö... но мукöдыс тай шпынняялöны сöмын. А-а...— öвтыштіс кинас.— Мунім. Чайöн гöститöда.

Старик бара емыштіс сьölöмöс, но чöла довги сьлөн ичötик будкалань. Пырим. Плитаа пач шоныда ломтысьö, сы вылын чайник руасьö. Ичötик чайникö пöльö тэчис уна сикас турунъяс, сэсся бöрын нин чепöльнас пуктыштіс чайсö.

— А абу чай, а шыд,— тöлкуйтіс меным.— Уразнöй турун, вижъюр, туй дор лапкор, кöртдой турун, чöд дзоридз, сьöd сэтöр кор, дерт и, лежнöг, медся сійöс радейта. Шыдтö ме ог и панявлы. Татчö кö ещö пань тыр мöс вый чöвтан... Пуктышта выйсö?

— Эн,— тэрыба вочавидзи. Пöльö мыччис стöканөн сирва кодь юантор, ю пö, некутшöм пөрös оз босът.

— Кулан и врачъяс оз тöдмавны, мыйысь пезьдін,— видлі юанторсö, кажитчис кöрыс. Мися, поэяна.

— Вöрса шорысь пö васö вайи,— бара на ошкис ассыс «чайсö» пöльöыс.

— Да, тшук делö йывсьыд эг вунöd,— кыпыда заводітис пöльö.— Пельетонтö менам нимөн и тшуп, сідзи и гиж, **Фома**, гырысь букваясөн, медым ставлы синмö дзык пыр шыбитчис.

Ме татчö прысь серöкті, чайöй весиг киссис. Фома пöль тэрыба чышкаліс пызан вывсö да такöдіс менö, эн пö тайö добра вöснаыс шогсы, асланым пö вөр-ваын

быдмө. Со пö нимсянныс и серамыд петіс, артмас пö пельетонид.

— Памилиеö Шуктомов,— здук мысти водзлань веськөдчис Фома.— Тайöс позьö ичөт буквасянь гижны. Чужи ме, видзөдлан кө менам ройсялөм рожа вылө, ачыд гөгөрвоан, важөн нин. Котрالی школаö пыртөдз көмтөг да гачтөг. Талялі зарни тусь небыд турунсө да ещö мыйсюрө, шуам, карта горувьасті кытшлалігөн зэв небыдінө веськавлі. Но гут моз сэні эг нюжмась. Öні мый овнысö, көть дас гач кышав, а сэки вöлі гач пыдди кузь дөрөм новлам. Майбыр, быдлаті жульөдө-быгөдө. Но да та йылысь тырмылас. Эн вунөд пасйыны, том дырйи ёна йөктыны радейтлі. Быд войпукын гымөда-йөкта, сэтчөдз ылалі йөктөмас, весиг армияö мунтөдз гөтрасьны эг удит. Учтит, сэки эг нин гачтөм Фомаөн вөв, новлі хромөвөй сапөг да сьөд ной пинджак нин.

— Сьылысь жö вөвлін?

— Радейтлі жö. Кыдзи горөда сьывны, матынджык пукалысьясыс бокланьö вешйөны. Тайö занятиесьыс ме регыд энөвтчи. Тайöс позьö не гижны пельетонас. Тані вөчлам кост пельетоныслы.

— Война заводитчис. Фронт вылө веськалі. Войнаыд, зонмө, ыджыд экзамен быдөнлы — пöрысылы и томлы. Гашкө, кодъяслыкө и веськавлісны шуда билетъяс, но ми сы йылысь эг думайтлө и эг төдө.

— Гашкө, Фома пөль, тэныд шуда билет жö веськаліс: тэ өд сійө ыджыд бисьыс ловйөн петін.

— Да, зонмө, меным тайö кызкө и юрө эз волы. Кывзы, корреспондент ёрт, война вылад овлө жö тешкодьторйыс. Тайö и пельетонад лөсялас. Сідз, ручкатө лэпты, веськалі ме Волховскөй фронт вылө. Ачыд төдан, унаысь миян войска выныштчылісны Ленинград гөгөрсә кытшсө пасьвартны. Крепыда фрицыд кутчысис. Паныд сувтисны кык ыджыд фронт, кызди овлө тулыс локтігөн, кор көдзыд да шоныд сынөдыс венласьö,— гымыс и чардыс, слөтыс и шерыс — ставлы пөтмөн вичмис. Но тайöс пельетонад эн гиж. Сідз, ми сулалім öти нюр дорын, помнита, лымъя нин вөлі. Мышканым вөр, водзаным — кушин. Фрицыд нюр кузяыс кыссьö. Миянлысь окопьястө пушкаясыс и миномётысь лыйлө. Сыркъялө муыс, пуяс пöрласьöны. Ме пулемётчикөн вөлі. Ачыд төдан, пулемёт кузяыд медся ёна лыйлө прөтивникыд, пуляыд швичкө и снарядыяс мусө гөрөны. Дерт, и ми прөста огө пукалө, сяркөда пулемётысь, и öтар-мөдар бокам, кылө, винтовкаяс хлопайтöны. Век жö немечыд матын нин лои миян

окопьясянь. Мися, кыпӧдчылӧй сӧмын, думайта ачым. И тайӧ здукас дзик дӧнын мина пасьмунӧ, кокьясӧ быттӧ доналӧм кӧртӧн дзужӧдӧсны. Тшыныс разалӧс да аддза, немечьяс атакаӧ кыпӧдчисны, сяркӧдӧны автоматысь и мян окопьяслань котӧртӧны. Пулемӧтӧй лӧкысь бергӧдчӧма, лӧсьӧдӧи эськӧ сӧйӧс важ местаас, но, вӧлӧм, жугалӧма, оз лыйлы. «Мый вӧчны? Мый вӧчны!»— Бергалӧ юрын ӧти мӧвп. Повзьӧмсьыс ли, мый ли и коксьым дойсӧ вунӧдӧи. Мися, граната кӧ эськӧ вӧлӧи. Немечыд зӧв матын равзӧ, быттӧ пель дӧнын. Вот-вот уськӧдчас мян окопьясӧ. Видзӧда да няйтсьыс чурвидзӧ кодлӧнкӧ орӧм сапӧг пӧв. Нем думайттӧг кватитӧи да шыбитӧи фрицьяслы, на, мися, тайӧс нятшкӧй. Ланьтӧсны фрицьясыд, суйисны нырнысӧ васӧд муас, взрыв виччысьӧны, чайтӧсны, буракӧ, граната. Ачым тӧкӧтӧӧ эг серӧкт, мися, жаль паж ловныд. Гашкӧ, минута, гашкӧ, кыкӧс немечыд куйлӧс. Сӧсся бара кыпӧдчисны, но тайӧ здукӧ ловзис орча взводысь станкӧвӧй пулемӧт. Буракӧ, джӧмдылӧма жӧ. Техникаыд эм техника, войнаыд — война. Сӧнӧи кӧртӧн кӧрт кусыньтӧны. Биӧн би пӧдтӧны. Меным сӧтшӧм любӧ лӧи станкӧвӧй пулемӧтлӧн гора шыыс, ки-кокӧй здукӧн личалӧс, радӧйла воштӧи садьяс.

Садьями сӧмын госпитальны. Куйла койка вылын, белитӧм пӧтӧлӧкӧ дзорга, думайта, дыр узьсьӧма. Видзӧда, койка дорас сапӧгьясӧй оз тыдавны. Чукӧстӧи медсестраӧс, гусьӧн моз юала, мися, кӧнӧи нӧ менам ялӧвӧй сапӧгьясӧй. Жаль, небыд гын пытшкас видзи да. А медсестраыд вочавидзӧ, тӧныд пӧ, салдат, оз ковмыны сӧсся сапӧгьясыд, кӧстыльяс пӧ сетам.

Гортӧ кӧстыльяс вылын локтӧи, пидзӧс горувтӧи тшӧтшӧдӧмаӧсь кыкнан кокӧс.

— Кӧнӧи нӧ танӧи пельетон вылас материалыс?— шога юалӧи ме.

— Менам ӧнӧи на серамӧй петавлӧ,— вочавидзис Фома пӧль.— Эг кӧ ӧд ме сӧки немечтӧ ылӧд, ӧнӧи тӧ водзын, корреспондент ӧрт, эг и пукав. М-да, жаль, тайӧ шуан, пельетон вылад оз туй. Но водзӧ кывзы, кадыд кӧ эм. Водзас стӧч нин пельетон кодь лӧӧ менам олӧмыд. Ручкатӧ эн на босьт. Ола сиктын, мам дорын, улич кузя кӧстыль вылын ветла. Мый верма эськӧ отсая колхозлы. Сийӧс-завод дзоньтала. Сьӧм пыдди трудодень гижӧны. Но тайӧ ӧмӧй удж мужичӧй мортлы? Думайта, кокьяс кыськӧ колӧ корсьны. Быд вой вӧтала, клубын зымӧдайӧкта. Садьяма, бара кокьяс йылысь мӧвпала, мися, кӧтӧ нин эськӧ кутшӧмкӧ, кӧтӧ кӧртысь, кӧтӧ пуысь, медым

сөмын мездыны киясөс, өні өд менам найө өти сорысь и кок пыдди уджалөны. Протезла колө вөлі ветлыны Кировөдз. Война кадө мян съөд вөр пельөссянь тайө абу кокни туй, торъя нин көстыля мортлы. Сэки өнія моз эз лэбавны самолётъяс ни эз журъявны автобусъяс. Буракө, та вөсна менам туйө петөмыс век нюжаліс и нюжаліс. Миян войска нырис нин пеж вөрөгөс аслас му вылын. Мися, немечлысь сьылідзирсө бергөдны путьмим, а ме кутшөмкө протез вөсна йөрмөма. Плотницкөй инструментсө и шылатө ичөтсянь лючки кужлі кутны кыин. Вөчи өти протез. Эзджык кажитчы, сэсся мөдөс лөсали. Первой көстыль вылө мыджсьөмөн на велөдчи. Сэсся и көстыль-ястө энөвті, сөмын бедьтор вылө мыджсьышта. Победа лунас и бедьөс вошті. Мися, вошис кө и оз ков. Быттьө выльысь кокъяс быдмисны, төдтөм морт кө оз и казав, мый протезъяс вылын ветлөдла. Аслам сиктын, дерт, быдөн гуг и бан менө төдөны и некодөс он ылөд. А мунны кө йөзө? Сэки өд лоа бөр важ кодь удал зонмөн. Тайө мөвпыс кыскис менө ыджыд стрөйка вылө. Өти строительнөй площадка вылын мөді уджавны инструментальщикөн. Плотникъяслы быд сикас инструментсө кесла-лөсьөда. Некод эз норасьлы ме вылө: быдтор ас кадө дасьтылі. И начальствосянь сөмын бур кыв вичмыліс. Овмөдчи ас кодь жө фронтовикъяскөд общежитиеө. Быд субөта и вөскресенньө том йөз мунөны клубө. Дерт, оз кино сэні видзөдны, мича нывъяскөд йөктөны. А ме бергала жергысь съөд патефон водзын, ассым томлунөс казътыла, кызди рытйысьлім армияө мунтөдз чужан сиктын. Дырө кадөн пу кокъяс мөдісны кывзысьны менсьым. Дерт, ог воддза моз пелькыда, но кутшөмакө йөктыны верма, кызди шуасны, позьө нин йөзлы петкөдчыны. Ми сійө кадас вальсьяс да тангояс бергөдлім. Сійө йөктанъяссө паратөг некызди оз позь. Өні тайө и паратөг йөктөны, петас кругас да и летйысьө. Сідзинад и гортад позьө вежнясьны, некод кө тэныд оз ков. Шуи тай, мися, парасянаджык сэки вөлі модаыс. Ме и улич кузя параөн мөді ветлөдлыны. Таня нима нывкөд лөсялім, мичаа йөктіс, гылыда серөктыштысь ачыс, восьса сьөлөма, бурсө и омөльсө пыдө ас пытшкас босьтысь. Таня сійө жө стрөйка вылас, көні ме уджалі, штукатуритчис. Стрөйкаыд вель ыджыд вөлі, уна йөза, быдөнөс он и төд. Дерт, Танияөс ме клубө пыравлытөг эськө эг и паныдав. Видзөдла Таня вылө и сьөлөм сьылө, ачым думайта дзик мөдтор йылысь, мися, эг кө велөдчы йөктыны, кысь нө меным, кын кокалы, татшөм лэбачсө кутны. Мися, тө-

дін кӧ эськӧ, Таня, кодкӧд окасян. Ӧд коркӧ эрдася? Но мед не сӧмын ӧні, быд пӧрйӧ вӧтла ас пытшкысь тайӧ сьӧкыд думъяссӧ. Таняӧдз ме ветлӧді нин ӧти нывкӧд, висьталі протезьяс йылысь, сылӧн сэтшӧма укшальмис чужӧмыс, мый нӧ пӧ сэтшӧм дыр нюжӧдін, ылӧг морт пӧ тэ, ещӧ и фронтовик, и бергӧдчис мышнас. Но ӧд нэм чӧж он дзебсясь! И сэки ставыс киссяс. Дерт, оз ӧти здукӧн. Таня шань сьӧлӧма ныв, но ньӧжйӧ, кызди тувсовъя йи, рушмас... и сылӧ. Тайӧ думсыс ме лӧк ногӧн ньылӧда, кызкӧ чери ног нильӧгася.

Ӧти рытӧ Таня пыртис менӧ гортас, оліс сійӧ ӧтка бабӧ ордын торъя жирыйн. Дерт, эськӧ эз ков пырны да он тай водзвыв тӧд, кытчӧ джӧмдан. Тагӧс дорас и крукаси. Эг, кӧнечнӧ, кокнам. Тагӧс дорас пӧ пӧрччы мича сапӧгъястӧ — ӧдзӧс восьтигас веськодпырысь шуыштіс Таняйд, а менсьым быттӧ ёсь гыжъяснас кулыштіс сьӧлӧм кучикӧс. «Миян бара некор коктӧ оз пӧрччывны». «Кӧні нӧ пӧ тиянсӧ?» Висьтаси Печора йылысь. Старӧверьяс пӧ ӧмӧй? Да, мися, зэв важся старӧверьяс, ӧти кывйӧн кӧ, нитшсялӧм йӧз. Мыйся нӧ бара сэтшӧм вера, шензьӧ Таня. Гашкӧ, ті и вольпасяд сапӧгнаныд каяд? Видзӧдлі Танялӧн лӧсьыда идралӧм койка ылӧ и кызмырдӧн моз чуктӧді ас пытшкысь приговор кодь кывъяс. Да, Таня, сӧмын сапӧгӧн. Ывла вывсянь пӧ веськыда, Таня чӧвтліс жӧ видзӧдлассӧ аслас сӧстӧм койка ылӧ и ме казялі мыйкӧ сьӧд вуджӧр кодь пагыртис сылысь алӧй чужӧмбансӧ. Мый нӧ ме вӧча?! Кӧсья ӧлӧдны ачымӧс и ог вермы, водзӧ сӧра и ёнджыка ньылӧда. Абу пӧ некутшӧм ен, мый вынсьыс тӧлкуйтӧ меным Таня, быдӧн чужӧмыс вирсялӧма. Мися, эз кӧ вӧв енмыс, кытысь нӧ ми тӧкӧд свет вылас лоим? Мися, ме ӧд первойя морт йывсьыс сёрнита. О, чуймис Таня, тэ пӧ тай дзик сьӧд мыр. Школаӧ пӧ ветлӧдлін? Мися, зэв этша, во витквайт. Коридорас ӧмӧй нӧ пӧ велӧдчин? Мися, тшӧкыда ыстывлісны, гашкӧ, стӧч сійӧ урокӧ коридорас шӧйті. Енлы эскан и кулиганитан пӧ, да тэнад вераӧн, кӧнкӧ, быд лӧкторсӧ позьӧ вӧчны. Тэ пӧ, Фома, гашкӧ и пывсянас он ветлывлы. Чужӧмыд тай зэв сӧстӧминик-а? Ок, мися, думайта ачым, зэв тай ылӧдз тадзинад позьӧ мунны, косышті, мися, пывсянтӧ, Таня, зэв радейта. Паськӧмнад жӧ пӧ пывсян? Ог, мися, пывсянад миян вераыс тшӧктӧ мамлӧн сетӧм паськӧмнад пырны. Мыйкӧ пӧ ог гӧгӧрво ме тэнсьыд вератӧ, он-ӧ пӧ, Фома, мекӧд ворсӧдчы? Ог, мися, Таня, ог ылӧдчы, зэвта юр вежӧрӧс, мися, кызкӧ эськӧ не прӧступитчыны жӧ. Тӧдан, Таня,

мыйын делёйс, көні менам вералён вужйис. Енмыс став благородной пемёссё чужтылёма мича көмөн, шуам, мёсьясёс, вёвьясёс, ыжъясёс, көръясёс и сідзи водзё. Сёмын йёзлы медъёна дёзмёдчысь пемёссё, ёрём зверсё, крысаёс вёчёма няр кокаён. Со мый вёсна меным, Таня, оз позь пёрччысьнысё, пола ен ёрёмысь. Ойя, Таня дзебыштіс ассыс кокчёрсё шальён, сёр нин тай пё зэв, вай аски сёрнитам. Мися, аски кө и аски, пёсь пывсянысь кодь нылөдёмөн петі Таня ордысь. Думайта, ылөдчөмыд ёна жё сьёкыд удж велаптөгыд.

Аскинас Таня вёлі пасьталёма кузь платтьё, сайёдёма кыз пёкъя кокчёръяссё. Таня мыччис меным книга чукөр. Со пё лыдды. Пөдругаыс уджалё, вөлөм, библиотекаын. Ставыс религия йылысь. Лыддя өти книга и Танялы котөртөда. А Таня юасё медводдза лист боксяныс пөмөдзис. Ошкыштлө на, бур пө паметъыд. Быдсяма религияыд свет вылас вөлёма, быд народлөн аслыспөлөс. Дерт, быдөн лыддылөм ассыс медбурён. Не сёмын вензылёмаёсь вера вёснаыд, но уна вир кисьтлөмаёсь. Да кусёма тай религияыд. Сюсь вежөра йёз сійөс пазөдөмаёсь. Ыджыд сьөд гөра йёз вежөрсёс чуктөдөмаёсь. Но мыйла меным өні ставыс тайө колө? И кытчө татшөм ворсёмыс менө вайөдас?

Кор вайи Танялы медбөръя книгасё, сійө юалис, өні пө эскан на аслад сьөд вералы? Мися, эска, дед-бабөй чорыда накажитлісны. Мый нө пө сэссия меным тэкөд, Фома, вөчны. Майшасьё Таня. Вераыд кө өд вёлі ещө на йёзлөн кодь, а то... Видзөда меліа-меліа Таня вылө, лапйөдла синлысьясөн и немтор ог вермы шуны. Ме сэки комсомолөчөн на вөлі. Пукала өтчыд собрание вылын и кыла, өні пө Шуктомов Фома йылысь сёрнитыштам, сылөн вера йылысь. Гызисны ставөн, кыззи пө ми эгө төдлөй, но и пө конспиратор. Таня тані жө мекөд орччөн, юрсө өшөдөма, буракө, ачыс абу рад, мый норасис секретарыслы. Думайта, со кытчөдз нывтө вайөді, быть ковмас висьтасьны. Но кыззи? Висьтасьөмнас өд өні дзикөдз янөда Таняёс. Мый сэки думыштасны сы йылысь? Серам выв лэптасны, а гашкө пө, абу и вераын делёйс Фоманымлөн, гызыны мөдасны. Секретарыд ещө ассяныс «мичмөдыштөмөн» мойдіс менам гудыр вера йылысь. А меным окота горөдны, мый война вылысь вайөм тайө вераыс. Яндзимөн шусьё, но ог вермы шунысө. А залсянь тэрмөдлөны, дыр-ө пө ещө кутан эскыны аслад лөк енлы. Мися, дугда, талунсянь дугда. Видзөдлам пө, Көкъяс пө кымөны, йөктыштны колө, горзөны залын.

Сідз, тэрмасигтыр, и шняпкисны меным выговорсё. Урок пё Фомалы, медым верасё вунодас. Со, мися, мый корсян, сійо и сюрё, пиняла ачымёс. Збыль пё дугдан енлы эскёмсьыд, ывлаын юалис менсьым Тая. Мися, эз и вөвлы менам торъя ен, мися өти мян тэкөд енмыс, тайё шуда олёмным. Висьтаси сэки ассьым воюйтөмсё. Бөрддзис Тая да некыдзи дугдыны оз вермы, морөсөс и чужөмөс көтөдіс синванас. Өти кыв сөмын шуалө, йөй пө тэ, Фомушко, сумасшедшөй.

Мый сэсся водзё уна висьтавны, гозъяөн лоим. Нэм чөж кыдзи сямми, аттьөалі Таяөс. Куим челядьөс быдтім да мортө вайөдім.

— Корреспондент ёрт,— здук мысти стрөга кыв көрталіс сёрнисё Фома пөль.— Тайё стөч нин пельетон вылад туяс. Бурджык, мекөд эн вензьи.

— Абу тайё некутшөм пельетон,— лэпти ме еджыд кабырөс аслам чужөм дорө.— Драма тайё, зэв ыджыд драма. Тайёс лючки кө гижны, позьө... дзөнь шор синва лэдзны!— чорыда лэдзи кабырөс пызан вылө да видзөдлі веськыда синъясас Фома пөльлы. Лыдди сылөн синъясысь кутшөмкө наянитысь вильышлун, паръясыс дасьөсь быд здук серөктыны.— Абу тайё пельетон, матын абу вөвлөма сы дінын,— шусис менам кызкө лөнджыка нин.

— Этша велөдчөм мортыд тай он и сяммы кодөс кыдзи лючки шуны. Но эн дивит менө таысь. Сьөлөмсянь көсийи отсавны.

Сэсся здук пукалім чөв, сук туруна чайөн выльысь тяпөдчим. Фома пөль өні юасис ме йылысь, кытысь да коді. Мися, карын ме и чужлі, мамлөн өтка пи. Мися, газетад көть төлысь нин бергала, первойысь на татшөм командировкаад ыстисны. Мися, быть меным пельетонтө колө пуктыны редакторлы пызан вылас, ог кө вай, пөръялөма лөө. Мися, ог вай сійөс, пу грөш меным доныс.

— О!— виччысьтөг горөдіс Фома пөль да чорыда тувкис меным бокө.— Өні, корреспондент ёрт, тэныд дзик гөтөвөй пельетон ныр улад шляпка. Пыр жө ручкатө босьт киад.

— Мед сэні войнаыс эз вөв, эз некутшөма төдчы сэсся,— шуи ме да босьті ручкаөс, көть эськөн водзвыв төді, нинөм гижанторйыс оз ло.

— Войнаыс ылө нин бөрө колис, йөз вежөрысь сійө заводитіс нин вушйыны,— мөдөдчис Фома пөль.— Ме нин вөлі нелямынланьө матыстча, челядь аслам школаө ветлөны. Миян страна, кыдзи меным сэки кажитчис, бурдөдіс жө нин войнаөн кольөм дойяссө да пасьяссө. Че-

пöсйис водзлань, эбöссяліс, тайö вöлі быдлаысь кылан и казялан. Мойдын моз вель каръяс чужöны, кöрт туйяс, пармасö поткöдöны, ю вомöн кöрт посъяс водöны. Мойдад тай öти войöн дворецъястö лэптылöны, страна пасътаыс кö артыштны, сідзи кымын жö артмас. Позьö шуны, вель фронт воссис, стрöительнöй фронт. Ме сэтчö пукті жö ассьым пай. Помнита, цементнöй заводлы фундаментсö сюйим, кöрта-бетона вужсö сылысь пыдö муас крепыда тувъялісны, медым некор эз вöрзыы местасыс. Уна нэм чöж сулаліс. Уна и техника муркöдчис, да и йöзыс вель уна бергöдчис. Бетонсö вöлі лун и вой вайöны да гургöны-кисътöны кытчö колö. Да абу та йылысь пельетоныс. Тэ, корреспондент ёрт, кызди верман дженьыдика таті пасйы. Сідз, водзö рöдтам. Висъталі тай нин, уна йöз бергöдчис стрöйка вылас. Уна пöвстад быдсяма дивöыс и овлö. Вöлі сэтшöм Лёня Качев. Шопераліс, бетоннöй раствор кыскаліс. Сійö мыйöнкö ёна торъяліс мукöдъясысь. Ыджыд тушаа, паськыд пельпомъяса, векныдик ныр-вома том зон. Мыгöрнас синъястö сибöдысь морт. Сöмын видзöдласыс йинёнъ кодъ кодзыд. Да и некод вылö сійö лючки эз видзöдлыв. Кодкö кö чолöмавліс, вочавидзліс дöзмöмпырысь, став вöраснас петкöдліс, меным пö тэ коддьöмыскöд абу кивыв сёрнитнысö. Столövöйын век сюртчывліс öти пызан сайö. Быдөн гөгöрволісны, мыйла Лёня тадзи вöчліс. Сійö сёйигчöж вашъяліс еджыд кöсынkaa том пöварикакöд. Кодкö кö водзджык веськавліс сылөн местаö, Лёня тшöктыліс вешйыны сылы мöд пызан сайö. Кодкö кö лысьтліс артачитчыны, сэки Лёня ачыс нуліс сылөн ныр улысь сёянсö мöд пызан вылö, чорыд кабырнас сатшкысьліс фуфайкаа пельпомö, весась пö и мöдысь тöд ассьыд местатö. Сэсся Лёня любöпырысь пуксьыліс аслас местаö да паньсö вом дорас вайöдтöдз видзöдліс лöсьыдінник Нина вылö. Нина мыйлакö нюмъёвтліс сылы воча. Гөгöрволіс-ö тайö тöv юра нывкаыс, кутшöма увтыртö Лёня мöд мортöс, ассьыс вынтöмджыкöс. Буракö, эз. Та бöрын быттьö пöдтана укшаль ру öшйыліс пызанъяс весьтö, быдөн быттьö мыйыськö яндысисны, чöла уджалісны паньөн аслас руалысь тасьті весьтын. Ставлы вöлі деливö. Но сэк жö мыйкö падмöдіс войтырсö веськыда паныд сувтны вельмöм мортлы. Дерт кöнкö, мövпаліс, мый и сійö вермас веськавны Лёнялөн кабыр улö. Ок, кутшöм ми вынтöмöсь, кор быдөн думайтам сöмын ас йылысь.

Кызкö сідзи нин велалісны йöзыс, тшöкыда Лёнялөн местаыс пызан сайын кольліс тыртöм, виччысис кöзяинсö.

Буракö, та вöсна, кор йöзыс столöвöйын вöлі унджык, ме веськавлі сійö пызан саяс. Сöмын на алюминиевöй паньсö вайи вом дорö, кыскö сьöд төв ныр моз уськөдчис столöвöйö Лёня Качев. Подноссö босьтiгмоз чöвтыштiс меным:

— Дядьö, бурөн вешйы, мöдысь шуом эн виччысь.

Да, ме, дерт, Лёнялы арлыд серти дядьö, паняла капустаа шыдсö и ог кыв сылысь некутшöм көр. Первойя мөвпөн вöлі, кор пызан дорö матыстчас Лёня, шыд тасьтiсö шляпкыны сылы юр вылас. Дерт, та бöрын Лёня көрт кабырнас кисьтас менсьым пиньясöс. «Оз туй тадзи, Фома,— öлöда ачымöс,— война вылын воштiн кокъястö, öнi кутшöмкö дур пон Лёня вöсна көрт пиньясян». Мыйлакö дум вылö уси выльöн вöчöм протезьясöй, кодöс ме лöсали кокныдик том пипуясысь. Сійö снитки выль протезьясыс öшалiсны менам инструменталкаын, вывсяньыс вевттьöма фуфайкаөн. Та йылысь тöдiсны сöмын матыса ёртьяс, кодьяс öнi тшöтш жö сёйисны тани.

— Тэ тай, дядьö, сьöкыд пеля,— Лёня матыстчис пызан дорö.

— Лёня, ме тэнö бура кыла и тöда, тэ збой морт, тэ вывтi збой зон,— кыпöдчи и ме пызан сайысь.— Но вай заклад вартам и тэ та бöрын вöчан кө, мый тшöкта, век кутан тани сёйны, некод оз лысьт сэки мöд пуксьыны татчö. Гөгөрвоин?

— Давай,— нюжöдiс паськыд лапасö Лёня.— А мый меным колö вöчны.

— Зэв ичöтиктор, зэв кокныдиктор колö вöчны тэныд, Лёня.

— Но! Öдйöджык, эн лолöс кыскы!

— Тэ верман аслад машинаөн прöйдитны менам кок вывтi.

Столöвöйын здукөн пуксис виччысьтöм чöвлун, Лёня дыркодь лапйöдлiс синъяснас.

— Трус тэ, Лёня, вöлöмыд,— кодкö ыззьöдiс залын.

— Мый-й!— букуштчис сы вылö Лёня.— Да ме, колö кө, юр вывтiыс прöйдита.

Серам сорөн куим плöтник, кодьяс тöдiсны менам протезьяс йылысь, орöдiсны кияснымöс. Котлетьяссö нямялигмоз, Лёня бергöдчылис мелань да тыра вомнас шешьялис:

— Шенö, джаджö, пенсия либö ыджыд бюллетень корсян?

— Пенсия?

— Мед менö некытчö эз вöv кыскалöма, а то бөрнас... тöда тэ кодь жуксö.

— Эн пов, Лёня,— өлөдिसны ёртъяс.

— Ме коть о́ни горшо́дыс тшапка татшом жуксө!—  
Лёня мыйлакө заводитис скөрмыны.

Столөвөйысь ставон петим отлаын, быдөнлы вөли окота төдны, мыйон помасяс тайо не то шмонитомыс, не то збыльторйыс. Ме нюждо́ди важмом пу кокос машина бөр колеса улас, медым Лёня прөйдитис сточ сәти, кыти колө, водзвыв прөстмөди протез көвъяссө. Лёня пырис кабинаас, заводитис моторсө, но регыд бөр петис:

— Эй тэ, жук, кабалатор гиж.

Регыдон вайисны ручка да еджыд бумага лист и ме гижы, мый колө. Кырымасисны и свидетельяс. Лёня нюмъевтис да кабаласө иналис морос зептас.

— Смотри, хмыр, коктө эн кыскышт водзвыв,— тшөк-  
тис меным кабинасяньыс нин.

Менам протезъяс гаджмунины, сапог пытшкас емасис пуыс. Машина сувтис неылө, кабинаысь мыччисис вашъя-  
лысь Лёня, сийө победитель моз морөссө чургөдомон ма-  
тыстчис ме дорө. Менө ләптисны кык ки костө.

— Лёня, тэ фашист?

— Мый?!— Лёня быттьө тангысис ён плешнас бетон-  
ной стенаө.

Мыйла нө сәтшом скөрысь сотоны йөзыслон видзөд-  
ласъясыс? Од сылон справка, сийө ньоти абу мыжа. Либө  
сийос көмөдисны, йөйос моз сюйисны ләчкө?

— Кыдзи нө тэ вермин? — повзёмысла гөгрөсмөмаөсь  
синъясыс мичаник Ниналон.

Инструменталкаын ме көмалі виль протезъяс. Найө  
вөлины водза серти төдчымон кокныдикөсь, кокын  
югъяліс виль ялөвөй сапог. Ме тэрыба воськовти ывлаө.  
Лёня өвтчис шызьом йөз водзын ноксьом кабалаторйон.  
Йөз, кор адзисны менө важ кодь дзоньвидзаон да кыпыд  
чужөмбанаон, пыр жө ланьтисны. Сэсся кодсюрөяс шөп-  
көдисны ота-мөдлы мыйкө пеляс. Юөрыд тай өдийө пась-  
калө. Сэсся өд, менам протеза кокъяс йылысь төдисны  
унаон. Бөб моз видзөдліс ме вылө Лёня, сийө быттьө эз  
төд менө, ас синмом адззылі пө легъялысь кокъяссө и  
со важ кодъыс? Торъя чуймөдис Лёняос сийө, кор чукөрт-  
чөм йөз отвылысь ызөбтөмон серөктисны. Лёнялон ве-  
кыштчис чужөмыс, быттьө някляліс шомкор.

— Тэ нө коді? — индіс ме вылө.

— Ме сийө, Лёня, кодлысь тэ колеса улад нярвартін  
кокъяссө,— перйи мешөк пиысь пазьмунөм пу кокос.— На  
босьт прөмыстө.

— Пөръялін, насмекайтчин, жук! — Лёнялысь сәтшом

шоглун шымыртіс шөйөвошөм чужөмсө, скөрысь шыбитіс кабаласө, мышкыртчөмөн довгис машиналаньыс. Йөзлөн серам ещө на өддзис.

— Босьт добычатө,— кодкө вувзис протезсө сылань. Лёня висьысь морт моз кайис кабинаө, форточка пыр виж дулльөн сьöлыштіс еджыд лым вылө. Скөрысь не-тшыштчис местасьыс машинаыс да өдөба лыйыштіс водз-лань, быттьө кодкө сы бөрся вөтчис.

Та бөрын Лёня дугдіс сөйны миян столөвөйын. Отчыд смена бөрын шыасьлөма Нина дінө, корөма ветлыны кино вылө, мөдыс вочавидзөма, тэ пө, Лёня, он песовт менсь-ым сьылдзирйөс либө чегъяв кокъясөс. Та бөрын Лёня кытчөкө воштысис дзикөдз, эз мөд новлыны миян стрөйка вылө бетоннөй растворсө. Но мый, корреспондент өрт, ставсө лючки гижин, татшөмторйыд, чайта, стөч нин туяс пельетон вылад.

— Оз туй, Фома дед,— тотшниті-пукті ручкаөс пызан вылө.— Мыйкө тані эм мелодрама сяма, но фактыс ачыс важ, нитшсялөмтор нин.

— Ог төд сэсся, кызди тэныд и отсавны, нинөм сэтшөм дивө кодь выльторйыс менам и абу, ачым нин важ да и,— гылыда серөктіс Фома.— Ме өд сэсся, челядь быд-мисны да, бөр татчө, чужан сиктө, карсьыс кысси. Дас во нин лоө стөрөжалөмлы. Во витсө пенсия вылын нин.

— Мыйла нө, Фома дед, гортад он пукав, пенсияыд өд, көнкө, абу дзоля.

— Пенсияыд йөзлөн кодь, ог норась. Абу рубын делө-ыс. Кызди тэныд бурджыка шуны, медем эськө тайө шу-өмыс эз пельетон вылө веськав. Тайө гаражыс быттьө ме-нам аслам. Дыртө уджала да сійөн, гашкө. Механиза-торъяс пөвстад быдсяма войтырыс эм. Кодкө сөрөн воас, ме бара юавтөг ог коль. Неыджыд сиктад быдөн синма да пеля и та вөсна менө пөръявны абу өна кокни. Қывлан, мукөдлаас пө гаражад и стопкаасьöны, а татчөдз ме йөз-тө эг лэдз. Венласьны крепыда ковмыліс, мися, гаражыд абу ресторан ни кафе. Мися, гаж кө колө, йөз ног и гаж-өдчөй, а энө порсь моз көнсюрө луасьöй. Ачыд аддзан, гаражыс пуысь, не видзөдны кө сы бөрся лючки, өдйөн на и тшын йыв каяс, та вөсна ог көсйы кутшөмсю-рөыслы ки вылас кольны, көть мукөддырйиыс висьөдча жө нин...

Ме сөрөн нин петі стөрөжкаысь, бөръя автобусыс вөлі нин лэччөма карө. Узьмөдчи совхозса управляющөй ор-дын. Со мый сійө висьталіс гаражса стөрөж йылысь.

Быдөн кө пö Фома дед моз гөгөрвоис ассыс могсö, сэки пö зев кокни вöлі уджавнысö мян коддьöмыслы.

Дзонь лун шöйтi карса уличьяс кузя, пыравлi уна сикас стрöительнöй контораясö. Кыдзи юöрта энöвтöм стрöйка йылысь, начальникьяс пыр жö заводитöны öвтчыны кыкнан кинаныс, быттьö ме збыльысь чушканзi, наянитöмөн пыри лөнъ кабинетаныс да көсья ватшнитны-курччыны гöрд сылiнысö. Быдлаын кылi öтитор, абу мян сэтшöмыс, некөн абу и оз вермы лоны. Гөгөрвоин, татшöм ногөн некор ог аддзы колана конторасö. Сэки дженъыдика юöртi сы йылысь народнöй контрольлы, эски, сэтчöс сюсь йöз öдийö корсясны тайö гартчöм гезйыслысь помсö. Шыödчи народнöй контроль дiнас медсясö сы вöсна, мый менам пельетон гижан биыс сьöлöмам вочасөн кутiс ваймыны. Чайтi, гижны мыйкö сэтшöм кокныдиктор, но веськалi вабергач джумйö. Шуам, тöдмала ме кум морта звеноыслысь уджалан адрессö. Но найö öмöй мыжаöсь, мый коялöны пур вылысь ва, кыдзи меным тöлкуйтiс Фома дед. Сидзи нин кодкö котыртöма налысь уджсö, мый мöд ног сэсся найö и оз вермыны. Сидзкö, колö эрдöдны збыль мыжаяссö? Но тайö нин вöли мöд тема, кодөн колiс на меным тöдмасыны да сьöлöмөн висыны. Артмас-ö на сийö? Öнi ме мöвпалi Фома дед йылысь. Пуля шер улын пансьылöма Фома Шуктомовлөн олан туйыс. И мыйта сьökыдлун ковмöма венны бöрнас. И став йывсыс висьтасьö öнi серам сорөн. Кутшöм завидьтана сöстöмлун новлöдлö лов вылас тайö мортыс, сьökыд кадөн калитöм коми пармаса мортыс!

Ыззьöм лолö пессис лун и вой, садьмыли вой шöрын да юавлi ассым: Тэ, Ульныров ёрт, Фома дедыслөн этшöн-ö олан? Он-ö кокныдик нырвизь корсь аслад олöмын. И мый тэ сэтшöмторсö вöчин, кодi эськö сетiс позянлун сёрнитны йöз нимсянь, торъя нин донъявны налысь оласногсö. Пыдiсянь-ö тэ гөгөрвоан тайöс?»

Пельетонсö ме сидзи и эг гиж, народнöй контрольсянь юöртiсны редакциялы, мый сэтшöмтö генподрядчик вежон чöжөн бырöдöма сийö нелючкисö, кодöс ме индыли.

Редакторлы пызан вылö ме пунктi пельетон пыдди ас нимсянь шыödчöм, көнi кори мездыны удж вылысь. Редактор дыр лыддис менсым дженъыдик гижöдторйöс.

— Ни öти ошыбка абу шыödчöмад, школаад, тыдалö, бур оценкаяс тэчлöмаöсь,— сийö бөр нюжöдiс меным шыödчöмöс.— Гашкö нö, мöд сикас жанрö кутчысьлан?

Ме бөр босьтi шыödчöмöс. Век на уджала газетын, но пельетоньяс ог гижав.

## ДЗОЛЮК

повесть

Ывлаыс, видзёдан да, гудрасьё айнас и мамнас... Тундра пасьтала шлапкё нальпак<sup>1</sup> лым. Гудыр енежод нейджыд костьясён, орьясьём кёр стада моз, руныгёны дундём кынёма съод кымөрьяс. Дивё да и ставыс! Нюжодчысь арён мөритигтыр кынтём му вылас сапкё водз асывсянь. Важ лёкас ещó на сөвтö. «Мый нö пöжассяс татшём дуркөс рокөсьсыс, кодыр еджыд бугыльяснас со- тыштас войпельыс?» — юасьё лайкйöдлысь кёр дадь вы- лын аслас мөвпьясён нёрпалысь Виктор Канев. Ачыс жö вочавидзö: «Кöрт кодь лоö тундраыс, сэтчöдз кынмас».

Шлывгысь дадь сюв улас выльöн шлапкём лымйыс сөнiк моз пыдзыртö. Викторöс таысь неморт ногөн йирм- öгалö, кезнитöдö, быттьö сийö öти дөрём кежысь веськы- да ва му вылас туплясьö...

Канев пемыдөн на петiс Харуты посёлोकысь кузь туйö. Поводдя оз майшöдлы кёр видзысьöс, теля вольясысь вурём быг кодь кокни малича пытшкас шоныдыс ымралö, да и кокса выль төбökьяс вылö оз норась. Но пастукöс емалöны чорыд думьяс, сийö аддзö нин быттьö, кызди көрьяслөн чорыд съод гыжъясыс парсалöны йизьём тундралысь эжсö, чуктöдöны кöрым. «Кым-кам-кам» — клопöдöны йиа мыльк юрö кöрт кодь ён лапаяснаныс, быттьö кöсийöны садьмöдны тундрасö, юавны, мыйла сийö сэтшём милöстьтём аслас быдтасьяс дiнö. Но кыза йизь- öм му оз верд көрьясöс...

Гöгрöдлö и мöд сикас дум... Виктор Канев тöрыт волiс Харуты посёлкö, кодi дор вöрын нин, абу тундра шöрын. Таво вылö, тулыссянныс первойысь, керкаын узис, эз чомйын. Паськыд койка вылын мудзсö личöдiс, лым кодь еджыд прöстыня вылын, нимкодясис. Весиг эз öтнас — тöдса нывбабакöд, Светланакöд. Öнi на кылö Светлана- лысь лов шысö, парьяссö. Светланаыс, позьö шуны, Вик- торлысь сьölöмсö бурмöдысь, аддзылас сийöс Виктор да

<sup>1</sup> *Нальпак* — (диал.) вöльд.

кокнявлас лов вылас. Та могьсь со сё верст сайсянь да-  
дюла кокөн нюждчыліс. Абу-ө тайё йёй ру песём... Чум-  
саясыслы висьталіс, вошөм көръяс корсьны ветлас, лун  
куим мед эз виччысьны. Мый нө? Көръясыд вошласьёны.  
Өтиясөс висьөм кутшөмкө раскө «домас», мөдъяс ас вө-  
ляөн ылөдчөны. Сөмын дыгыд пастукъяс оз корсьны сай-  
мовтчөм пемөсьясөс. Збыль вылассө, ставыс лючки-ладнө  
Виктор бригадаын. Веськыда кө висьталіс могсө, эз жө  
кутны дивитны. Том морт өд, пөсь вира...

Светланаыс да сы йылысь помавтөм мөвпыс ру моз  
вошис, морөс кудсө бара зэлөдіс тундра йылысь төжд,  
стөчджыка, сійө казяліс поводдялысь вежсян ру, көть  
ньюжйө, но вежсьө: сынөдыс чорзьө. Тайё төждыс брига-  
дир морөсө важөн нин поздысьөма, мукөддырийыс кыз  
унмысь пальөдө...

Сентябрь помын көр пидзөсөдз лым уси. Октябрь за-  
водитчигөн ульдіс, шливгис-зэрис. Мылькъяс вылысь шо-  
ныд руыс да зэрыс помөдз нуисны лымсө. Гөптайнъясыс,  
ньювкөс ластаясыс, кодъяс торъя озырөсь ялаөн да не-  
быд веж турун заясөн, сөнік улө веськалісны. Дерт көн-  
кө, инмис ульдлөмыс и вөраинъясө. Мун да и корсь сэсся  
төвся йирсянінъястө. Шуам, вермас на шондөдлыны. Но  
өдвакө нин сывдас лымсө да, быгөдігмоз, косөн кынтас.  
Сэки эськө сё пөв любөджык лоө тундралөн чужөмбаныс.  
Но өд он тшөкты енэжса начальникыслы, телеграмма он  
кучкы, кыз көр видзөмын главнөй зоотехник Митинлы.  
Кылө-ө сійө тундраө матыстчысь уськөттөсө? Митиныс?..  
Митинсө, көть и шуөма коланаөн, быттьө оз и ков көр  
видзысьяслы. Олө торъя мөгтөг, мыгөр вылас. Код төдас,  
гашкө, тшөтш тані эм пыдө дзөбөм кутшөмкө туйдөм.  
Шуам, видзөны жө стадаын менурейясөс — кодзөм быкъя-  
сөс. Найө зэв статясь, ёнөсь. Стадаын ёнджыкасө ме-  
нурейясөс видзөны мич вылө. Любө видзөдны тыр вир-  
яйөн ворсөдчысь пемөс вылад. Но кутшөм мичлун весь  
олысь мортлөн? «Тайё, буракө, кутшөмкө пөрөс», — кыв  
көрталіс мөвпсө Канев. Кытысь и мыйла тайё пөрөсыс  
олө йөз пөвстас и кызди сійөс бурдөдны, та йылысь көр  
видзысь эз мөвпав. Татшөм визяс сылысь вежөрсө некод  
эз веськөдлы.

Лунтыр усис лым. Пемыд войыс Каневөс суис туяс.  
Көть нөйтөм пон кодь жугыльён кыліс асьсө Виктор, вер-  
мис на эськө чомлань нырвизьсө кутны, но сувтөдіс да-  
дювсө ичөтик шор бокө. Быттьө кодкө вөжжисө кисьыс  
мырддис, сэтшөм веськодьлун шымыртіс зонмөс, кутіс  
кажитчыны сылы йизьөм тундраыс ковтөмөн. Дерт, лө-

кыс эз на дзикöдз таяв, но Каневлы кажитчö, мый заводитчысь неминучаыс быть вöтöдас. «Кызди сыысь пышыны?...» — со кутшöм тöжд сизьдö көр видзысьлысь юр вемсö. Харейыс ачыс уси пастуклөн кийсь. Вöжживыв көрыс пыр и зутш сувтис. Дадювса мукöд көръяс — пелейяс — сунисны нырнаныс лым пиö, тшöкаяс тэрыба вөрöм сертиыс тöдчис — самасисны турунаинö. А вöжживыв көрыс, юрнуöдысьыс, чатрасьыштис здук, оз-ö көзяниныс веж думъяссö, но көзяин быттьö измöма аслас дадь вылö. Вöжживыв көр сулалыштис на бур здук, веськөдис мудзсö да вöлисти кокыштис васöд лымсö.

Виктор, дерт, дом йылын новлөдлөмөн көръясöс пөткөдны эз вермы, көть эськө доза дыр кежлö чеччылис дадь вывсьыс да варгылясьыштис көр кок кодь табъя тöбкөкъяснас, исöдалыштис ас думсьыс нитшаджыкинъяссö. Ыджыд вытяöсь көръясыд: час-мөд кө оз коксыны, быттьö абу на и сөйлöмаöсь...

Шор бокас, кытчö озджык инмы тöлыс, Виктор домис дадювсö. Амдөр увсьыс — еджыд көр воль улысь, кодс вöли павгöма дадь вылас — перйис прöдукта мешöкысь тупöсь нянь, шöрыштис кыза, чунь кыза вый торъясөн сийöс вевттис. Тупöссьыс коляссö Виктор вердис Дзюлюк нима вöжживыв көрлы. Шыбитис тор и Лыско понлы. Дзюлюк öтнас, морт кийн быдтöмаыс, кызди пастукъяс шуöны, авко пөрöдааыс, чöсмасис нурторйөн. Мукöд көръяслы веськөдь няньыс, ичöt дырйиныс абу велавлöмаöсь да. Зэв кө нин дзескаласны, сэки, дерт, сөясны жö, тшыглуныд и пу велöдас йирны.

Дзюлюк кокниа ньылалис нянь шөрöмъяссö, байкөдана унзиль руөн юрас кучкис вына нянь көрыс, лигышмуніны кокъясыс, куньсисны синъясыс. Дадь бокас, небыд лым вылö веськыд бокыв, пастуклы чужöмлань, лэдчысис-ритшнитис сьökыд тушанас, кокъяссö лöсьыда сюркнялис кынём улас, кыпöдчылискодь на быттьö, лöсьöдис улыссö да ланьтöдчис. Сийöс пөтöса горзьöдис. Мукöд көръяс нетшкысисны на, корисны Дзюлюкös водзö йирсьыны, но сийö эз пыдди пукты налысь чуксасьöмсö. «Йöй нисьö прöсужъяс, — элясис думнас Дзюлюк ёртъяс вылас. — Онö öмöй гөгөрвöй. Морт шойччыны көсийö». Оз радейт сийö öтиторсö сө пöv дольны, он кө кывзысь, лы пома харейсö ныр бокад исöдас, либö мыш кузяыд сяркнитас, көть кув дойысла. Дзюлюк гөгөрвö да кывзысьö Мортлысь быд шеныштчöм. И Морт оз кедзөвт, весиг вуңодны нин кутис Дзюлюк, дойдана-ö сылөн харейыс. Кызди он пöслукөн ло! Морт медся вынаыс да вежöраыс. И

зэв мелі сійö мукöддырйныс... Тадзи кымын мөвпаліс Дзюлюк аслас көзяин йылысь, коді куйліс öні сы бокин көр воль вылын. И. вöліны Дзюлюклөн сы вылö аслас пом-каяс.

Да, Дзюлюк эз тöдлы важенка-мамлысь мелілун, и стадаын дзик некодлысь, Мортлысь кындзи. Көр первойысь восьтіс синъяссö да аддзис лымъя эрдсö — тірзыны кутіс, повзис: көдзыд, сöмын жмитö, весиг шыавны эз лысьт, медым көдзыд руыс эз сатшась горшас. Сэки и матыстчис сы дорö öнія көзяиныс, зыраліс кос гöна кепысьнас, чорыд лымйөн зыраліс дыр и гөгөрбок, васöд гöныс косьмис, пашкыртчис. Вошис кытчөкө йирмөгыс, быттö шонді югөръяс койыштіс сьөлөм дорас небыд кепыся Мортыс, заводитісны ымравны турдөм кокъясыс и дзоньнас öйыны вир-яйыс. А сынöдыс, кодөс морөс тыр-нас мөдіс апавны көрпи, эз нин бытшлась йинёньясөн, и кымын унджык кыскис ас пытшкас, сымын ёнджыка шоналіс. Сэтшөм нимкодь и долыд лои көрпины, весиг чужйыштіс кокъяснас да көсйис сувтны, быттö яндзим лои сыысь, збоя мөдіс ризйөдлыны бөр кокъяснас, нетшкысьны вöля вылö, первойысь ньөжйөнник рукөстіс. Но Морт эз лэдз вильшасьны, чабыртіс кынөм улас кокъяссö, гаровтіс малича кышөднас<sup>1</sup>. Көрпи ланьтіс, но сöмын недыр кежлö, мыйкө ёнтыштіс морөспань увтыс, а сэсся зöлитны заводитіс, ньылаліс дульсö, но таысь эз кокньöд. Дзюлюк (тадзи сійөс бöрыннас нимтісны) бара рукөстіс. Регыд Морт суйыштіс вомас мыйкө небыдөс да юмовөс. Сыысь и бурдіс морөспань улыс. Татшөм чөскыдтор вылас унаысь чуксавлісны сійөс көр стадаысь: «Нянь, нянь! Дзюлюк!» Но мыйлакө первойя няньыс вöлі зэв небыд и юмов? Дзюлюк öні дзикөдз нин вунөдіс, мый сэки көзяиныс някляліс вомас сакарөн кос сукар да вердіс сійөс кыдзи ичөт кагаөс. Но сы пыдди Дзюлюк бура помнитö, кыдзи сійөс тшөкыда юктөдлісны шыдөн. Зэв чөскыд и пötөс сёян. Но мыйлакө дугөдісны жö. Сы пыдди көрпи ёнджыка мөдіс чөсмасьны турунъясөн. Шомаыс, юмолыс, курыдыс — кутшөм көрыс сöмын абу вежөдөм тундраас. Дзюлюк сэтшөма велаліс торйөдны öта-мөдсьыс дукъяссö, медся паськыд веретя вылысь сійö вермис кокниа корсьны сылы колана турунсö. А аръявылыс кутшөм любö котравны тшакъяс бөрся. Бара жö колö медся бурсö казьявны мукөдъясысь водзджык. Дзюлюк пыр жö гөгөрвоис: гөрд шапкаа еджыд кока тшаксьыс чөскыдыс нинөм абу.

<sup>1</sup> *Кышөд* — малича вылас матерчатой вевттьөд.

Морт весиг тшөкыда мыччывліс сылы, уртшакөн нимтіс. Да, Дзолюк некор эз элясьлы аслас нырис вылө. Өні лым вылын куйлігөн сійө лючки кыліс шор көджысь веж заяса эжөрлысь көрсө, а төв вылас көнкө мятаөн өвтыштө, сійө сідз жө вежөн и куйлө лым улас. Сійөс, буракө, кылөны и ёртъясыс, оз прөстаысь нетшкысьны. Но Дзолюк оз сувт, сійө кывзысьө Мортлысь. Сэки, кор дугдісны юктөдны, артмө — бур вылө жө вөлөма. Кызди нө тундра-са көртөгыс? Позьө өмөй сійөс мөдторійөн вежны! Сійөн, буракө, и эз ёна майшась шыд вөснаыс. Сөмын кор матыстчыліс Морт дінө, исыштліс сылысь шом көра да солакодь кепысьсө, бара ёнтыштліс морөспань увсө. Но Мортыд век на лючки гөгөрволіс сійөс, ки улас кө сюрө сукарторійыс, пыр нин нюжодас. Либө кутшөм любө кывзыны, кызди сійө зырало ном-гебійөн вильөдөм нырбуктө, пыктыштөм нэриник на сюръястө.

Мортыд мортөн, а Дзолюк вөлі көрпійөн и унджык кадсө сійө колляліс стадаын, сылы вөлі гөгөрвоана ас коддьөм ёртъяслөн оласногыс, көсйөмъясыс. Дзолюк пыр жө вежөртіс аслас ичөтик юр садьөн: жебъяслы стадаын коньөр олөм. Торъя нин төвнас, кор джудждө лымйыс: сөмын пискөдчан сёянодзыс, а вынаджык нин тувкө пакад ёсь сюръяснас, весась пө, ме видзөдла, мый сәні бурыс эм. Вот и кежан бокланьө да лөгтө песан, пиньяснад герчкөдан тыртөм вом пытшкад. Сөмын кор пөтасны наньясыс да водасны рөмидзтыны, кыськө-мыйкө колясь-яссө кокыштан. Сэсся кызди он чом дорө котөрт, Морт ки помысь сөмын и адзылан чөскыдторсө да пөтөслунсө. Со кызди коліс Дзолюклөн ашшөр олөмын первойя төлыс.

Но Дзолюк вөлі ай көрөн и эз ляб рөдысь. Мөд гожөмнас сылөн быдмисны ён сюръяс. Арьявылыс найө кутісны ёна лудны. Дзолюк сьөлөмсяньыс лачкис-кесліс найөс ляк бадьяс костын. Кульсис гөна кучикыс сюръяс бердсьыс и дугдіс луднысө. Кыа рөмөн дзирдалісны виль сюръяс. Стадаын сөмын Дзолюк кодь жө ай көръяс (хораяс) вермисны ошйысьны ыджыд ён сюръясөн. Дзолюклөн ар кежас сэтшөма паськаліс морөсыс, кызіс сьыліыс и ён сюръяссө сійө новлөдліс кокныдыка, кызди вөсныдык зын турун заөс. Любө вөлі кывны асьыс дзоньвидзалунсө, кызди быд мускул сылөн ворсө, окота чеччыштны енэжас кытшовтны тундрасө. Но мыйла лыйыштны кытчөкө төв йылө? Кор сэтшөм лөсьыд стадаын! Сы мында том важенка, өти мөдысь мичаджык, синмыд паськалө. Дзолюк важөн нин казяліс: важенкаяссянь өвтө аслыс-сикас көрөн, быттөкө найө чукөртөмаөсь ас пытшканыс

тундраыслысь став чӧскыдторсӧ. Апыштас Дзолук матісянь и зэлаӧ дзоньнас вир-яйыс, кольмӧ юрыс. Дзолук радейтіс жӧ асыӧ петкӧдлыны тшапӧн да удалӧн, сувтас мыльк выӧ важенка водзӧ, чатӧртас енежлань юрсӧ, паськӧдас вына морӧссӧ и вылісянь збоя дзоргӧ, кыа пӧртмасыӧ сыӧн синъясын, дзирдалӧны мырдгӧрд сюръясыс, тӧвру гильӧдӧ пӧсь нырбуксӧ, шыльӧдӧ снитки выль пасьсӧ, кодӧс сійӧ лӧсьӧдіс кольмӧм гождӧмын жӧ. Сылысь пасьсӧ пожъялісны зэръяс, сыналісны сук расъяс, пӧжис шонді, но таысь гӧныс лоис сӧмын мичаджык да сукджык. Мыйта чуймӧм и шензьӧм важенкаӧн раминик синъясын, кор сійӧ видзӧдӧ Дзолукӧн молодецкӧй статьяун выӧ.

А Дзолук сибӧдчылӧ ӧти дінӧ, мӧд дінӧ, быттьӧ корсьысьӧ, бӧрйысьӧ, кӧть эськӧн ставныс найӧ ӧткодь шаньӧсь. И со съӧд том важенка, сы кодъ жӧ арлыда, сы дорысь Дзолуклы здук кежӧ абу окота торйӧдчывны. Сійӧ том сыричаыс<sup>1</sup> абу мукӧд важенкаяс кодъ. Не сӧмын дзоридз кӧръяссӧ сійӧ ӧктӧма ас ордас, но тундраыслысь мичлунсӧ абу кольмӧма бокӧ. Сы дорын чуймӧма, шызьӧма Дзолук, быттьӧ аддзӧ сійӧ матісянь лӧзалысь тундралысь мыгӧрсӧ, кодӧс ӧна ичӧтмӧдӧма да пелькӧдӧма сылы нимкодьясьӧм могысь. Небыдика лайкнитчӧма сыричалӧн коскыс, кызди кык мыльклӧн лӧсалыштӧм костыс, кытчӧ сійӧ дзевсьыліс чизыр тӧвъясысь, тувччалӧ — лӧнь ю шлывгӧ, некыті, небось, лӧк ног оз вӧрзъы. А дурыштӧ кӧ, песовтӧ кӧ гилялысь вир-яйсӧ том важенка, то би кыв моз юкалӧ-гижлалӧ веретя выӧ бисер моз разӧдчӧм стадасӧ — тайӧ ачыс тӧв вильшасыӧ паськыд эрдъясын.

Некутшӧм тӧжд абу, сӧмын тайӧ шызьӧдан здукуыс. Нимкодьясь эськӧн сӧмын аслад мусуккӧд... но — он на! Стадаын олӧны природаӧн лӧсьӧдӧм законъяс серти. Дзолук кодъ жӧ томиник хора ӧтарӧ бергӧдлӧ сылысь пӧвсӧ, нырбуксӧ весиг инмӧдліс важенкаӧн лайков мышку выӧ. Сэсся кызди оз пузыы вируд! Дзолук ватшнитіс хоралы мышкас паськыд сюръяснас, быттьӧ юалис, кытчӧ пӧ тэ суйсян, бӧлбан. Но и хора эз кӧсйы бурӧн эновчыны, гудыр скӧр синъясӧн видзӧдліс водзлань чургӧдӧм сюръяс пырыс. «Но, сідзкӧ, ме тэныд петкӧдла пуж», — думыштіс Дзолук да лӧсьӧдчис жӧ зургыны. Кык хора ӧтвылысь сяркнитісны сюръяснаныс, уна вожа чальясӧн крепыда пысасисны, нель вожсьыс быттьӧ кык сюр артмис. Кыкнанныс бур здук сулалісны сідзи падмӧмӧн.

<sup>1</sup> Сырича — (диал.) энъ кӧр кык арӧсӧдз.

Кык йойыд сэтшөма тангысисны, төкөт्यों эз воштыны садьнысө, юр чашканыс дойысла, коньөръяслөн, сотчө, но нем он кер, колө на и бертчыны. Гашкө, час джын нин йөткысьёны хораяс, резсьө кок увсьыныс муыс, гөгөр нин съод лои, но некод на некодос эз вен. Төдчө, Дзолюк вынаджык ёртсьыс, но и мөдыс винёв, нинөм бур вылө оз өтдортчы. Сувтласны, лолыштасны и бара выльысь тойлысьёны. Гөгөрвоис Дзолюк, оз ков веськыда нырны, заводитис тракйыны сюръяснас өтарө-мөдарө. Калькалисны сибдылөм сюръясыс. Ёртыс сатшкысьёма нырбукнас муө, кузнечной мек моз чашйөдлө ныр бордъяснас, но и Дзолюклөн тырөма лолыс. Öнi эськөн турыштчыны Дзолюклы да мый вынсьыс сатшкыны ёсь сюръяснас хоралы пакас, тыдалө, сийө водзсянныс бара вачкөм виччысьө. Көть эськөн варкйөмөн варкйө лөгыс Дзолюклөн, но век жө вир кисьтны оз көсйы. Дзолюк абу вир выв ош, абу көин, сийө сөмын бертчысь, сылы сөмын колө петкөдлыны важенкаяс водзын вынсө да збойлунсө, но не скөрлунсө. Сы вөсна өдөбтчис да тувкис ёртыслы пакас веськыд пельпомнас, мөдыс, буракө, эз виччысь татшөмторсө, тiмбыльтчис бок вылас. Тайө нин вөли Дзолюклөн победа. Дерт көнкө, важенкаяс адзывтөг эз овны. Эз тай сийөн дыр нимкодьясь сөмын-а.

Артмис сiдзи: первойяыс и лои медбөръяөн. Эз на удит Дзолюк тырвийө көдзавны, төвзис нин сыланьө корскигтыр ыджыд ай көр: дурмөдөм синъяссө путкылялө еджыднас. Дзолюк серти, гашкө, кык пөв ёнджык. Дзолюк паныд эз уськөдчы, но и бөрыньтчыны эз думайт. Ыджыд хоралөн сюръясыс вөлины төдчымөн паськыдджыкось Дзолюк серти, сы вөсна найө тангысисны кымөс на кымөс; би кольчаяс киссисны Дзолюклөн синъяссьыс, но эз пөр, сөмын водз кокъясыс лыбисны мусянныс дөза нин вылө, а ёртыс век лэптө и лэптө сийөс. Со нин пөвсалөны өта-мөднысө көрт кодь чорыд гыжъясөн. Дзолюк өти здуко гөгөрвоис, колө уськөдчыны бокыв, вермас суны омөльтор. Но вөли сёр нин. Сийө жө здукас вына хора йөткыштіс сийөс бөрыв. Дзолюк усис мыш вылас, ёсь сюръясыс вуж дорөдзыс сатшкысисны васөд момгаө<sup>1</sup>—небыд нюрө. Весьшөрө Дзолюк чужьясис лыбөм кокъяснас, найө эз инмыны муөдз. Кысь нин нетшыштан сибдөм сюръястө! Дзолюк аддзис öнi сөмын енэжсө, кодi кажитчис өти пөрийө то съөдөн, то вижөн, то гөрдөн. Повзис Дзолюк: не нимкодьясьлыны эсся сылы тундра мыгөрнас, тадзи

<sup>1</sup> Момга — (диал.) васөд нюр.

гатшөн куйліг сөмын дзоргыны тыртөм енэжас. А важенкаыс, сылөн мусукуыс, көнкө, өні сералө сы вылын, со тай кутшөм капканө веськаліс, топыда зэлөдөма сылысь юрсө, бөрө ни водзө он вешйы. Эз ков тшукөдчыны гудыр синма хораыскөд плешнас, ёсь сюрсө колө вөлі веськөдны сылы нырбукас.

Дзолюкөс ёнакодь нин шогөдіс гатшөн куйлөмсыыс, юрас лэччис вирыс, горшас локтіс асья сөйөм турунъясыс, кор сы дорө матыстчис өнія көзяиныс. Виктор, кызди коркө шонтыліс небыд кепысьяснас, өні кулөмысь мездіс — перйис сибдөм сюръяссө. Дзолюк эз вермы дзик пыр чеччыны кок йылас, бытбөкөн лайкъяліс-гыаліс муыс. А кор кыліс ас увсыс зумыд мусө, казяліс: көрталөмаось нельнан коксө. Домалысыс эз вөв Виктор, кодкө мөд, кодкө лым кодь еджыд кышөда ноксис сы дорын, пань кодь паськыд клещи кутіс киас. Сійө здукас сэтшөм чорыд дой кыліс бөр көкъяс костсыс, төкөтьө эз вошты садьсө. Сэсся дойыс дыр на кыліс.

Мый вөчис сэки ськөд сійө лөк мортыс — Дзолюк эз гөгөрво. Эз төд, мый сідзикөн кусөдісны ай көрлысь вынсө, көсйөмъяссө. Та вөсна и өні кажитчө Дзолюклы воддза олөмыс сөмын вөтөн, йөйталөмөн. Эз ло окота ризъявны тундра пасьтала. Важенкаяслөн дукуыс эз шызьөд воддза моз, весиг вукөдө наысь, ёна кө матынөсь. Гашкө, нырысыс торкисс? Эз, тундрасө воддза моз жө кылө, сійө медся на чөскыда өвтө, сылөн паськыд пызан вылын быд сикас сөяныс тыр: тулысын өти пөлөс, лым улысь мыччысьөм медводдза дзоридзьяс — вутшъяс вылын дөлалысь гөнаюръяс, гожөмнас мыйта юм көра бадь йылыс, и төвнас чөсмасянторйыс сюрө, он кө дышөдчы. И ставсө тайөс сійө воштыліс кутшөмкө важенка вөсна. Збылысь өмөй тадзи вермө лоны? Кызди нө татшөмторсө он шу вөтөн. Дзолюк төв кежлас воддза серти ёнмис. А хораясыс, кодъяскөд сійө нуөдліс вир кистана косьсө, дзикөдз весьөпөрисны, сюръясныс гылалісны, вылысаныс, стөчджыка кө, чурвидзысь лыяс выланыс сөмын омөлик кучикныс быгалө. А кодсюрө и кысьяснысө нюжөдісны, сюръясныс нюжалісны да раныс эз куась, шоммыны заводитіс, юр висьөмысь пезьдалісны. Татшөм туй пом, гашкө, виччысис и Дзолюкөс? Но Морт мөдар туй вожө кежөдіс. Дзолюк лонс стадаын том менурейөн — медся ён да статья көрөн. А шуда-ө сійө вөлі? И мыйөн? Дерт, статья мыгөрсө да ёнлунсө казявлісны стадаса көръяс да нимкодьясьлісны, көнкө, сыөн. Но Дзолюклөн пытшкөсыс вөлі руш: быгалісны сэтысь

быд сикас кӱсйӱмъясыс — стадаын став кӱрыс сылы вӱлі ӱткодӱн, пӱрысь ли, том ли, важенка ли, бык ли,— некодӱс эз торйӱд на пиысь, некод дӱнӱ эз гӱрддзась ни муслун, ни жалитӱм, весиг эз ло некод вылӱ ни завидьтӱм, ни лӱглун. Дзолук сӱмын някляліс еджыд тугъя нитшсӱ да, чӱскыда вугралӱгтыр, рӱмидзтӱс кокъяссӱ шоньд кынӱм улас сюркнялӱмӱн.

Дзонь во тадзи Дзолук рӱмидзтӱс да сӱксяліс. Стадаын мич вылӱ оліс. Сӱсся лямкаалӱсны дадь кыскавны, вӱжживыв кӱрӱн лон, мӱд ногӱн кӱ — юрнуӱдысьӱн. Кор первойысь кышалӱсны вылысас кучик заводсӱ, зӱв ӱна нӱйтчис, пеласис, но сӱсся велалӱс, быттьӱ сӱдзи и колӱ, весиг нимкодъ шойччӱмывывсыс дадьсӱ чажгӱдны-кыскыны чарӱм вывтӱ ли, веретя кузя ли, мудзсӱ кӱвтны, сӱсся азыма сӱйны да бура чӱскыда ойбыртлыны.

Дзолук быдтор кывзысьсӱ кӱзяиныслысь, но аслас вежӱрыс эз жӱ косьмы, кор Морт вӱлясӱ сылы сетӱ, дзи-кодз личӱдӱ вӱжжисӱ, уна верст сайысь стадасӱ коряс и зӱв ылысь чомса тшынсӱ кылас, кытчӱдз бур час на рӱдтыны.

Дзолукӱс некор эз мӱритлы кузь туйыс. Сутки чӱж пӱшти некутшӱм шойччытӱг зӱлӱдывліс саямкасӱ. Кывнысӱ ӱшӱдывлісны ӱртъясыс, бокса пелейясыс, сӱйӱ и кылан, кыдзи гӱгрӱс лы пома харейыс чеплялӱ налысь лядвейяссӱ, а сылы — вӱжживыв кӱрлы — оз инмывлы некор, весиг заводитӱс вунӱдны Дзолук, збыль-ӱ дойдысь сылӱн ӱтарсянь кӱрта, а мӱдарсяныс лы пома кузь беддыс — кӱзяиныслӱн харейыс. Збыль ӱмӱй мукӱдыс нӱйтӱгӱн сӱмын чепӱссьӱны? Сылы тай зӱв любӱ век пановтны кодӱскӱ, лоны водзын. Дзолук аслас ичӱт вежӱрӱн эз вермы гӱгӱрвоны ӱтитор: вӱліны кӱ пелейясыс сы кодъ жӱ ярӱсь, то сӱйӱ эськӱн эз и туй вӱжживыв кӱр вылас, песовтӱсны мукӱдъяс, ӱтнӱгыльтчисны ставӱн. Кодӱ код бӱрся эськӱ сӱки вӱтчис? И котӱртӱсны-ӱ кытчӱкӱ? Эм кӱ пелей, колӱ вӱжживывсалы тшӱтш лоны.

Думъяс гартӱсны и Дзолуклысь кӱзяинсӱ, кодӱ ӱнӱ куйліс сы бокӱ вольсыштӱм воль воньн, вӱжживывсалы лӱпатка вылас юрсӱ нӱровтӱмӱн. Шебралӱс кӱзяинсӱ и сылысь дадӱвсӱ васӱд лым. Ывла лов шыыс кодъ жӱ гажтӱмӱсь вӱліны Виктор Каневлӱн мӱвпъясыс. Шуштӱм серпас сӱйӱ виччысис водзсыс.

Да, лӱк тӱв пуксяс, йизяс муыс, кӱръяслы омӱля ку-тас шедны сӱяныс, кузь каднас дзикӱдз жебмасны. И тулыснас, кор киӱн нюжӱдчан ылнаын лӱӱ сӱяна пӱраыс, заводитасны гылавны арся кор моз стадаса кӱръяс, ме-

дым бөр муо пөрны... Дерт, гижасны актъяс, отвылысь мыждасны енэжса канцеляриясо. А сылы пось ни кодз-ыд... Мый тэ вийсян, Виктор?! Овлө жö сідзи!.. Овлө. Шуам, көнкө лунвылын кодзасны зэв паськыд ыбъяс вылө шобді. Тусь оз во. Косьмас либө шер жугөдас. Бальябөжтө сэсса коть кызди гыжъяв бөрыннас, грамм пызь сысы оз изсы. Большеземельскöй тундраын кö чиныштас көръяслөн лыдыс, мый сәні шогсянаыс? Öд оз сöмын Каневлы, ставлы öтмоза инмас лөкыс. Ставлы... Сыын и омöлыс, мый ставлы. Öтилөн шогыс ыджыд шуд пиад лым чир моз сылө. Кор öтувъя, сэк дыр оз ям, шорбокса кыз тола моз кутчысьö.

Виктор выныштчөмөн дзоргö сап пемыд енэжö, быттьö мыйкө кöсийö аддзыны либө казаявны сэтысь, сэсса бур здук кывзö, кызди шуйга лөпатка улас вынаа кöрт мөлөтөн гыпöдö Дзолюклөн збой сьölöмыс. Чайтсьö Викторлы: сийö вийсьö жö мыйыськө. Гашкө, сылы неладнö жö поводдяыслөн лөк ногөн дурöмыс?

— Но мый, Дзолюк, кутам югыдсö тані виччысьны либө мөдöдчам водзлань?— Виктор тшöкыда сёрнитö сыкөд, юксьö медся гуся думъясөн, тöдö — оз вузав некор ёртыс, оз дойд лөк кывйөн.

— Да, юра көр тэ вөлөмыд, Дзолюк. Ми тэкöд ладмылим и пыр кутам. И некор некод оз торйöд мянöс. Тэ кывзан менö? А тöдан он, кызди ме тәнö аддзи? Дерт, он, некор на эг висьтавлы да. Сырича мамыд тәнö эновтис чужöм бөрад, эз нюв мукöд важенкаяс моз, весиг эз исышт, сэтшöма тэ сылы и колін. Тэнад мамыд ачыс на кага кодь вöлі, ачыс мам бөрсяыс вөтлысис, весиг ичöt чойсö кедзовтліс, коді сийö жö тулыснас чужліс. Яндысьтöм синмыд öд някавліс пöрысь мамсö. «Тшыксьöм» көр сийö тэнад мамыд вöвлі, Дзолюк. Тэ на, гашкө, тшуптöм вöлін, арнас айко, менам бать, Вань дядь, кызди ыдждöдлісны сийöс йöзыс, тшöктыліс: кут пö эсийö сьöd сыричасö забойö, ассьыс мамсö пö «видзö», чөвтас пö сэтшöмыд телясö тулыснас. Шеныштчылі нин ме сәки нярталанас, но быттьö кодкө сойö öшйис, сьыліас эз веськав кытшыс, мыш вылас шлопкысис. А мөдысь вуззыны нярталасö эз нин кийö лыб, сэтшöм статья да тэрыб кока вöлі сийö сыричаыс. Мича зэв. Век коть любуйтчы. Бур, мый абу кутсьöма сәки. Кызди нö, Дзолюк, тэтöг тундратыс ме ветлі эськөн. Тэтöг эськөн ёна сьökыд вöлі меным. А вермим и не паныдасыны öд. Вермим. Помнитан, гашкө, кор сюръяснад небыд момгаас сатшыкыслін, верстьö öд нин сәки вöлін. Эг кö сәки вылысад веськав и бара ян-

салім. Да, паськыд морёса, зэв кыз сьыліа яр хораён тэ сөвмин... Он жё од лөг кут сэкья кодзёмсьыс? Быть од, Дзолук. Быть. Айко жё бара чуйдодіс, зэв пё охоч тайё важенкаяс дорас, помөдз асьсё бонзьодас, сэсся төв пуксигас и чергыяс юр висьом либё копытка нажөвитас. Менам жаль петіс, мися, мед нин, кодлы мый урчитома, воштас кө юрсё, гашкё, сы пыдди ас бөрас ён көрпиясөс коляс. А бать асланьыс нырө, паськыд морёса пё, бур вөжживыв лоё. И веніс сэки пөрысьыд. А мый, Дзолук, гашкё, эн көсйы тэ татшөм олөмсө? Төв и гожөм со лямка кыскан. А? Чөв олан. Он гөгөрво, мый омөльыс и мый бурьыс. Сійөн и кыскан. Гашкё, бурджык вөлі, ыпнитін кө кос чаг моз, кос спирт моз кө өти здукөн ньылыштін тэныд индөм сроскө, а эн өтарө кизьөрт сійөс да помтөг нюжөд, нюжөд. Ме зэв ёна мыжа тэ водзын, Дзолук. Меным мукөддырйиыс овлө вывті яндзим, быттьөкө зэв донатор гусялі тэнсьыд. Тэ, друг, эн өшөд ныртө, воштан өтитор, аддзан мөдтор, олөмад тай пыр сідзи. Сы пыдди тундраыслысь став серсө аддзылан. Гашкё, ми тэкөд и пыді пармаясөдз на нюжөдчылам. Карса шыльыд уличаяс кузя войлыштам. А? Полан машинаысысь? Да, найө повзьөдчысь кодьөсь ми вокыдлы. А век жө мянлы ладмөдчыны накөд колө. Мөд ногтө ми асьным сгинитам. А кодьясөн ми сэки лоам көрта «зверьяскөд» өтув олігөн? Сөстөм тундралөн быдтасьясөн-ө сэки ми лоам?

Виктор ланьтіс, пөттөдз вичмис кыв песөмыс. Бөръя кадас, кор Каневөс дөсадитіс жугыль висьом, кызди батыыс шуліс, шог гаг пё тайё вуджөдө, сибдылө пө сэтшөмыс том дырйиыд, өкмас арлыдыд да дзикөдз мынан, сэки, сэтшөм здукьясас, пастук сёрнитліс Дзолуккөд, либё, кор другыс эз вөв матын, мөд көркөд, кодөс ёнджыка пыдди пуктыліс. Торъя нин Дзолуккөд сьөлөм востөмыс личөдлывлис Викторлысь ловсө. Сідзи лон и тайё пөрийө, ланьтіс да здукөн Викторөс заводитіс вугрөдлыны, кызди и век, ывлавывса морт дінө унмыс сибөдчис кокныда да шымыртіс аслас крепыд сывьясө.

Канев садьмис кадө, көть некод, некутшөм ковтөм шы эз торк чөскыд унсө, прөстө востіс синьяссө и аддзис асьыс еджыд тундрасө. Дугдөма улис турөбыс, сэзьдөма, кам кынмөма гөгөр. Киас часі сертиыс, оз кө сөр, Виктор шкоргөма квайт час, а быттьөкө здук кежлө и куньліс синьяссө. Вежөрыс шондіа тувсов лун кодьясыд и сөстөм. «Абу на тайё керка жырьяд йөршитчөмыд»,— нимкодьпырысь думыштіс пастук. Төкөтөь кодзальштөмаөсь кокьясыс, нымөн вөрөдыштіс найөс и пым

ру лэччис увлань, а сэсса и ставыс ымравны мөдіс. Викторлы любө вөлі кывны тайө асыя здукас аслас том вир-яйлысь завидьтана дзоньвидзалунсө. Пастук кокниа эновтіс узянінсө. Дзолук пыр жө чеччис (пелейяс йөжгы-лясисны нин, сёйны нетшкысисны) да заводитіс нюдз-ласьны, бытьөкөн ёна нин виччысьома көзяинлысь садь-мөмсө. Виктор туйө лөсьөдіс дадьсө, пыркнитіс лымсө да дадь вылас крепыда көрталіс амдёрсө<sup>1</sup>, код вылын узис ачыс.

Шойччөм көръяс лым чирөс моз нөбөдыштісны шыль-ыд веретя кузя Викторлысь чача кодь пелькиник дадьсө. Каневлы окота вөлі сывны да дадювса көръяс моз аслыс ризъявны кам дорөм да таысь сөдзалөм тундраті. И збыль эськө Виктор лывкйөдліс кутшөмкө төдса мотив дзик чом дорөдз, кызди сяммис, некодысь яндысьны, мый көть гөлөсыд жергыштө сімыштөм брунган моз йиа ваяс-нас тшөкыда горшсө веськөдөмысь. Да бара төрытья мөвпъясыс, йизьөм тундра йылысь мөвпъясыс нопъясис-ны сы вылө.

Мыйысь сійө зэв ёна поліс, со суөдіс.

Быть коліс мыйкө вөчны.

## 2

Виктор аслас чумйө воис рытсёрөн. Бригадир ветліг-кості вөрзьөмаөсь чомнас, не кө Дзолук, эз на и дзик пыр веськав, доза на эськөн корсьысис. Рөмдігас Дзолук чушнитіс нырнас да шыбитчис крута веськыдыв, бытьө вугралөмысь садьмис, өддзөдіс воськовъяссө. «Тыдалө, көр стадаыс либө чомйыс төв вылас веськаліс»,— ним-кодпырысь думыштіс Канев. Бригадир төдіс: сэні, ко-дарө өні чепөсйис Дзолук, абу йөз көралөн йирсянінъяс, көть эськөн стөч маршрутъяссө быд торъя стадалы некод эз индыв. «Югыдлань» совхозысь первой номера стада бокөвөй йөрө оз кежавлы, век өти ордымъясөд пырө: ту-лысын — тундраө, аръясын — вөръясө писькөдчө.

Дзолук эз сорсы. Виль местаын көръяс дзик на чом гөгөрсө трөпитісны, сы вөсна Виктор матыстчигас ыджыд сюра көръяс костысь аддзис сөмын чом юрысь кытчөсюрө чурвидзысь бөдь помъяссө, кодъясөс шуөны ывъясөн. Сөдзтысис кизьөрник тшын, буракө, оз на узыны. Вик-тор писькөдчис көръяс костөд ньөжйө, медым не пов-зөдны. Кор нин сувтөдіс дадювсө да чеччис дадь выв-

<sup>1</sup> Амдёр — (диал.) ку, нарта вылын пукавны.

сыс, өти йөй руа кычан сөмын дышпырысь никөстис, сэсся казяліс, некод оз пыдди босьт сылысь шыасьомсө да, бөжсө легөдігтыр, бөр дадь улө дзевсис. Мукөд поньяс төдісны ас мортөс, эз шыасьны.

Виктор мынтөдаліс дадювса көръяслысь лямкаяссө, лэдзалис найөс да вөлисти нин пырис чомйө.

Чом шөрын ломтысис ыджыд көрт пач, гөгөр ыльгис небыдик кос шоньд. Чом шөрас жө кымын сальзьөдөм бедь дінө крепитөма карасин лампа, сійөс урчитөма стөч сідзи, медым дукус эз паськав, а кайис вывлань, мокота<sup>1</sup> розьлань, чом юрлань. Пельөссянь горалис «Спидола». Сыктывкарсянь ворсісны коми кыв вылын, кызди тані шулісны — «зырянскөйөн», спектакль. Пастукъяс пажнайтөм бөрын куйлісны көр вольяс вылын да сюся кывзісны радиосө. Кутшөмкө Макар Васька өтарө шмонитис да ылөдліс ас войтырсө.

— Миян Саньө Даньө кодь жө кодкө, тусь ни пызь, — любөпырысь зыраліс еджыд тошсө Вань дядь да син пөвнас зыркнитліс чом бокө, ывъяс дінө маличанас шыбитчөм том зон ылө. Саньө Даньө көр дорын ветлө мөдөд во нин, велөдчө пастукавны, но ёна водзөсө оз мун, век на быттө ученикалө. Төрыт дежуритис стадаын, дерт, эз өтнас, Вань дядь син улын, но омөля дөзьөритө ассьыс көм-пасьсө, буракө, косьтытөм вөлөма төбөкыс, кынмыштөма да талун нөрпалө. «Сөтана пиөс кымынысь велөді да нюкыль сюртө он веськөд, кытікө бара ас ногыс керас», — думайтис өні сы йылысь Вань дядь. Көр видзысьлы быдтор колө ас кадө вөчны, не сөмын стада бөрся, но и ас бөрсяыс сюся видзөдны.

Ставөн аддзөны пырысь Викторөс да кокниа лолыштөны, со пө и көзяинным воис. Марфида пыр жө эновтчис уджсьыд (сійө ныж көртөн вирскөдіс кыс, небзьөдіс кучиксө, вуштіс лым еджыдөдз яй рөма эжсө, буракө, кодлыкө лөсьөдчис вурны төбөк) да тэрыба лэптис пач ылө чайник да гөгрөс пыдөса сьөд пөрт, содтис пессө. Сөмын Пекләнняя оліс ещө спектакль йылысь думъясөн. Малича ылө теля воль шыльөдіг-небзьөдіг, сійө лабутнөя сёрнитис.

— Сыктывкарас тай беспути лөкаа... кудзсюрө олөны, гөтыръясаньыс да мужиканьыс пыр матайтчөмаөсь. Загреки жө нин өнія йөзыслөн модаыс.

Пекләнняялөн верөсыс Лыуров Степан, коді сідз жө

<sup>1</sup> Мокота — (диал.) чумлөн вылысыс.

пукаліс небыд вольяс вылын да кадысь кадō зырыштлывліс чукъя кынōмсō, чом пасьта быльс серōктіс:

— Вōрса баба тэ, сійō спектакль, абу на ачыс олōмыс.

— Ин, ин висьтоо, радионыс оз врит. Ме ог тōлько тонъя сертиыс шу.

— Кудз тэ тайōс он вежōрт, лешачиха, олōмыс — абу спектакль! — став сьōлōмсяныыс висьталō верōсыс. Степанлы ветымын сайō, тшōгыштōм мужичōй. Вōлōма фронт вылын, быдторсō аддзылōма, стрōка кō сюрас, пыр велōдыштō гōтырсō.

— Эн чашкōдлы дурмōм хора моз бракалаястō! Кык син костад лōсышта тайōн, сэки ас саяд вoан, — Пеклэння ырыштчō крука бедьōн, мыйōн сōмын на зыртіс кōр вольсō.

Степан чеччис да, вомгорулас броткигытвр, вуджис чом мōдар бокō, лэдзчысис Вань старик дінō:

— Куритōд, Вань дядь, тэнад чōскыдджык, — шогпырысь корис сылысь.

— Табакыс ставнымлōн ōти доддысь, — серōктіс старик, но окотапырысь мыччис кōшельсō.

— Эсійō, — каллян гартігмозыс, гусьōн моз, сōмын стариклы кывмōн заводитіс норасьны Степан, — инька<sup>1</sup> руыс бара кватитіс.

— Кысь сылы ненканас лонысō, ме Пеклэнняйдлысь мамсō бура тōдлі, лунладорысь зырянка сійō вōвлі, — ньōжйōник жō сёрнитіс Вань дядь.

— Айсяныыс чаллыс вермис вожавны, — эз сетчы Степан. — Ōд тундраас ōтлаын яранъяс пōвстын гудрасисны. Дыр-ō вирыдлы сорсьынысō...

— Степан! — гораа шуис старик. — Кыдзи тэ верман тадзи слōтитны мōдар югыдын олысьяс вылас. Грек вōд сэтшōмторйыс. Сэсея инькаыд ми вокыдлы медся на лōсялō гōтырпу вылад!

— Вывті ōдйō пузьōны найō, — нурбыльтіс Степан.

— Лым вылō пуктылōм чайник моз жō ōдйō и кōдзалōны, лōгавны оз кужны. А кутшōм мастерōсь, пимитō и маличатō быттьō вылысад вурыштасны. Миянлы на колō велōдчыны налысь, — лōньōдіс шызьōм Степанōс старик.

— Сідз эськōн, — бурасьыштіс Степан. — Ме ōд нинōм лēксō ог эськō вурзав, мися. Эсійō... менам кокни киаыс, лōсыштас да оз и чуқыртчы, быттьō физзарядка вōчō, — бара ōвтыштіс юрнас гōтырланьыс.

<sup>1</sup> *Инька* — ненка.

— Ачыл тэ, Степан, нитш кодь небыд, сэсса кудз оз нямрав Пеклэнняд...

Степан тшөкмуніс, быттьо табак тшыныс сатшасис горшас — Вань дядьд быдтор ас местао иналас и помас зэлыд гөрөдөн шыркнитас сёрнисо, нинөмөн нин сэсса он разь. Чөв усины. Степан бөр вуджис аслас чом бокө.

Марфида вайис пызан вылө тасьтыын черөн тшытш-йөдлөм кын пелядь. Йи пыр нин өти тысыс кыйисны. Видзөдліс өні Виктор еджыд яя да дзирдалысь сьөма пелядь вылас и казяліс: весиг чусыд лампа улас, рудоват пызан выланис чери тасьтыис моз югзьо, сы мында көвтөма чериыс сөдз ваыслысь дзирдсө. Викторлөн өна сюмалөма кынөмыс, весиг юр кучикуыс вөрны мөдіс — сэтшөм окота вөлі өдйөджык ньылыштны вайөм черисө. Сійө төдіс: Марфида ваяс на та бөрын ыджыд бекарөн пуөм яй, и сук чайсө на юас, мыйта колө, но мыйлакө чайтсис Викторлы, оз пөт ставнас тайөн. Оз тай артмы көр видзысьлөн век ас кадө пажыныс, да и велалөма ыджыд костнас овнысө, пөтөса сөянсө өтчыл лючки лөд-салас да, өдъя пачын моз шоныдыс дыр кутчысьо. Виктор вөсньыдика вөлалө пелядьсө, төкөттьо солыштө да лөдө кыв вылас, лым моз и сылө выя чериыс, весиг няк-лявны оз ков.

Первойя вытьсө лөньөдыштөм бөрын Виктор петавліс ывлаө да дадь бөрсые перйис кык «Экстра» доз. Чуймө-мөн видзөдлісны пастукъяс, кор шлопкис сулеяяссө пызан вылө.

— Айко, веськөдчывлы,— тшөктіс пөрядитчыны куй-лысь батыслы.

Вань дядь чуймыштіскодь, быттьөкөн мыйкө көсийс юавны пиыслысь, но эз. Виктор өні сөмын вежөртіс: тайө гөснечнас сійө эрдөдіс асьсө. Гөгөрвоисны, абу вошөм көръясөс корсьны ветлөма, кызди төлкуйтіс войдөр, а кутшөмкө посёлокөдз мыськовтлөма. Викторлөн нюмыс быдсөн петіс, со мыйта и мудерлуныс сылөн, нинөм дзевны оз сяммы, пыр и эрдасяс. Татшөм жө модаыс стадаысь ылалөм көрлөн, кор өткөн кольо: ёртъяс вөсна вийсьөмыс, шуштөмлуныс век йөткө шыльыд веретя вылө, венө весиг аслас лов вөсна нэмөвөйся полөмсө.

Өні пастукъяс пиысь некод янөдан кыв эз шу, эз мөдны юасьны көні да мый ветліс вежон чөжсө, сөмын нюмъя-ялігтыр сибөдчалісны пызан дорө, кокъяснысө ас уланыс зіля сюркнялісны, висьталісны став вөраснаныс: гөгөрво-ам пө, быдтор өд он горзы, вөвлім жө асьным томнас. Викторлы любө таысь, и аттьөавны дась, да кызди гораа

шуан, кор ставон чов олоны. Дерт, эз ко вай госнечсо, некод эз и тодлы. Но Виктор тадзикон сайодчыны эз и думышты.

Вань дядь кисьталіс стоканъясо водкасо, тост шуис, дзоньвидзаон воомысь по, дона пи. Садьмис сэтчо и Саньо Даньо:

— Чай юанныд да он и чуксало.

— Неважон на чаясин тай,— войпо Марфида.

— Тэнад чайыд сьолмомс оз бурмод,— сюся видзодо Даньо тыра стоканъяс выло. Вань старик мыччо и сылы:

— На, мед оз кодзав, босьт. Тэнад, Даньо, нырысид коинлон кодь жо «яран вир» вылас.

— Яран вирыс од сыа коньяк лоо, сыасо кок пыдос-одзыд сразу войодо,— вашьяло Саньо Даньо.— А таясо еджыд, изьватаслон, бурако, вирыс. Юан да кынومتо бура жо гильодо-а...

— И синъясто гудыртло,— содто Марфида.

— Менам найо пыр каньлон моз кодзлалоны,— пеласьо на Саньо Даньо.

— Кор ныр улад выйим,— ышловзис Марфида.

Сэсса Саньо Даньо вочасон лаймо, некод эз лодсав сылысь паном сернисо да. Тыдало, пастукъяслы не кывнысо песомодз.

— Таво тай му эжсо беспути лека кынтис-а,— заводито Вань дядь.— Водзланьтыс но кутшомджык? — юало Викторлысь.

— Бурджыкыс абу жо.

— Ворясыс кутшомджыкось таво-а,— ассьыс моз юало Степан.

— Видлыны эськон,— друг юрас воо Викторлы, коть тешкодьон на кажитчо нюжодчывлыны уна се верст сайо дадюла кокон, ещо ийрсянинъяс корсявны.

— Гашко, Митин сэни Сыктывкарас ставыслы бур товьянинъяс дасьтис нин, а ти сэни мыйко шогсянныд,— шыасьо Пеклэння.— Гожомнас сьоллом сетис, эн по печалитчы, Пеклуша, ме по тиян восна крепыда думайта.

— Косйысян кывыс сылон лытом,— вочавидзо Вань старик.— Сийо уль шлякаыс, коді вевтис тундрасо, сылысь муссо оз зырт, татшомыс гежода овло, Митин сы дино велавтом на. Ми ко кутам водзысь нем тодтог коръясос вотлыны — лэчко сюям юрнымос.

— А кызди ти, айко, водзсо мынтодчылінныд татшом нальксьыс? — юалис Виктор.

— Кодлон мый выло путьыс тырмыліс, сидзи и мынтодчылісны. Быдторйыс вовлі. Дышджыкъясыд кызсюро

лѣк воас тѳвйѳдасны, видзѳдан да, тулыснас мукѳд кѳра-  
ыслѳн сѳмын куш чумйыс кутшѳмкѳ мыльк вылын дѳла-  
лѳ.— Вань старик видзѳдліс веськыда синъясас пиыслы.  
Виктор сылѳн видзѳдласысь эз сѳмын майшасьѳм да тѳжд  
казяв, но и тшѳктѳм зильджыка нырччыны делѳ бердас,  
медым сійѳ ускѳттѳыс, мый йылысь висьталіс батыыс, эз  
тшапки найѳс горш кѳин моз.

— Дерт, тѳв пуксигас тундраыс и вѳрьясыс,— водзѳ  
нуѳдіс мѳвпсѳ старик,— эз ѳтмоза пѳжасыны, эз ѳтмоза  
быдлаѳ шлапки лымйыс, и шондіыс эз ѳтмоза вичмы,  
кытїкѳ лунвыв пѳкатъяс дзикѳдз сывлісны, кытчѳкѳ вой-  
выв морѳсьясѳ, шуам, эз йизьѳм выйѳдз во ульдылѳмыс,  
сїдзкѳ, кутшѳмкѳ мусюръясын му эжыс ѳтарас и мѳдарас  
туяна.

— Сїдзкѳ, сэтшѳминьяссѳ и колѳ корсьны,— гораа  
шуис Виктор.

Бригадирлы збыльысь зѳв нимкодъ лои, мый и батыыс  
сы моз жѳ мѳвпалѳ. Сійѳ ѳнакодъ нин бергѳдліс татшѳм  
думсѳ, кѳтъ гораа и эз писът шуны, зѳв нин кызкѳ пов-  
зѳдчысь вѳлі ачыс кѳсйѳмыс — петны ѳткѳн ылыс туйѳ,  
корсьны стадалы йирсьѳданінъяс. ѳні, кор батыыс ышѳдіс  
та вылѳ, Викторлы бытѳѳ вынаджык лов пѳльыштїсны  
пытшкас:

— Пока абу джуджыд лымйыс, колѳ ылыс вѳрьясѳ  
пыравлыны, дельнѳйтѳр висьталан, айко.

— Кодї нѳ ыштас сэтчѳ... дельнѳйтѳр вылас. Ме пѳ-  
рысь, позьѳ шуны,— синтѳм, ки-кокысь выныс воши,  
мудзѳны,— нѳжйѳ сѳрнитїс батыыс.

— Ме, айко, мѳдѳдча,— юѳртїс Виктор. Ставѳн чѳв  
усины. Быдѳн ас ног вежѳртїс шуѳмторсѳ: Виктор оз сѳ-  
мын асьсѳ кедзѳвт, сьѳкыдлунъяс ликмѳдѳ и бригадаса му-  
кѳд ѳртъяслы.

— ѳтнад? — юалїс батыыс.

— ѳтнам, дерт. Стадаас ѳд кодлыкѳ колѳ кольччыны.

— Но ѳд тѳ он вежѳн кежлѳ, кѳнкѳ, мун?.. — шыасис  
Степан.

— Оз на, Даньѳ другѳ, сійѳ быдѳнлѳн нѳльзы,— нѳж-  
ыслы ковмас.

— У-у-у-ю,— шутѳвтїс Даньѳ.— Маличаыд нѳльзяс,  
век ывлаын узьлігас.

— Оз на, Даньѳ другѳ, сійѳ быдѳнлѳн нѳльзы,— нѳм-  
йѳнник вочавидзис бригадир, но пастукъяс мѳд ногджык гѳ-  
гѳрвоисны сылысь шуѳмсѳ: «Эн ас сертиыд сѳмын донъяв  
мукѳдсѳ». Артмис, вомалїс Даньѳѳс Виктор.

— Кѳръяс колѳ начкыны бѳрйыны. Колва тын вич-

чысьоны. Та йылысь эн вунод? — кыпөдіс быгалом синкымьяссө батыс.— Менам нярталаыс киам оз нин шамыртчы. Даньё племенник эськөн том да сылөн, кор вувзя нярталасө, векджык көрыслы зад вылас усьо кытшыс. А войодысьсө репейодыс оз кутлыны, дженьыда вёрсалөн быдмылөма бөжыс. Куимсё көрсө Степан оз жö вермы өтнас кутны, сойтөмсяс. Кызди нө тэ решитін татшөм пөраас мянөс энөтны?

— Тадзисө ми джөмдам,— нора шуис Степан. Саньё Даньёос виччысьтөг мөдіс кызөдны:

— Ёсь лыөн виньді.

— Пыр тэрмаян кытөн оз ков,— вомалис Марфида.

— Меным туйө петавны быть ковмас,— водзө нуөдіс мөвпсө бригадир.— А кызди торйөдны забой вылас көрсө, асьныд думыштлий. Медым оз ло тиянөс кедзөвтөма, отпуск тшөт весьтө ветлөдла.

— А мый? — шыасис Даньё.— Стадасьыс өти рөч орөдны да и вөтлыны кораляс, яйыс өд өткодь, мый сэні бөрийьсысьсө.

Пастукьяс гораа серөктісны. Сөмын Викторлөн эз петнюмыс:

— Збыль өд, ми кутам бөрийьсыны, вунөдам медшөр төждсө — төвъянінъяс йывсьыс. А локтан тулысыс ас вөлянас «бөрийьсяс» стадаас. Мый сэсь коляс, мянлысь оз юав.

— А Даньё ногөн вөчөмсьыд юрөдыд оз жö малыштыны,— век на нюмъяліс Степан.— Йөз серамыс сэки и лас. А мыйла отпускыс? Тэ өд делө вылө мунан?..

— А ми неуна мөд ногджык вөчам,— пөся висьталіс Виктор.— Воськөдам стадасө векныд ордымөд и бөжсө орөдам, мыйта мянлы колө, өд бөжас висьлөс көрыс кольччө. А? А бурджыка шойччам мөд во нин.

— Тадзитө, гашкө и, позяс,— шуис Вань старик,— көнешнө, ичөтикасө кутасьны ковсяс на, но тайө ёна кокньодас делөсө, таджитө ми, пөжалуй, справитчам.

— Тадзисө өд некод жö эз на карлы,— венласис Степан.— Мый бара начальствоыс шуас-а, меным эськөн татшөм водзмөстчөмыс, колөкө, коскам оз лыйлы да. Татшөм отпускыд сыа, Виктор, оз ло зэв гажа.

— Но вай чөөв нин тэ,— дивитіс Пеклэння.— Абу висьөмнад век нёрпалан, пинялөмыс өд абу чом тшыныс, бугыльястө оз сөй.

— Мися, мортыс жаль,— гөтыр видөмсьыс йөжгылясис Степан.— Ме думайті, таво кытчөкө гөтыр кутны нин ветлас отпуск дырйыныс.

Чомйын ставõн гораа серõктисны.

— Сидзкõ лоис сёрнитчõма,— кыв кёрталіс Виктор.— Лыддьõй — ме отпускын. Тõлысьысь дырджык ог ветлы. Виччысьõй менõ Сандивей дорын, Плешка мусюр вылас.

### 3

Вежон мысти, гõгõрбок ставсõ артыштõм да дасьтысьõм бõрын, Виктор Канев петіс туйõ. Нырвизьсõ кутіс лун-вылõ, пармалõн небыд да ымралысь (йиа тундракõд кõ вочаавны) питшõгõ. Но татысянь, тундра шõрсяныс ок на ылын сыкõд сывъясьлытõдзыс.

Виктор кёрталіс дадь бõрас мешõк джын сукар, кын яй да чери, дерт, найõс ёна этшаджык нянь сертиыс. Дадь бокас кучик чеколын кык пищаль, мелкокалибернõй да дрõбовик. Найõс кõ уджõдан, яйыс пыр нин сюрõ, байдõгыс быд раскын жбыръялõ, кõчыс шор бокъяссõ ёна юждõ. Сэссия, чай-сакар кучик мешõкын, кõtасьõм бõрын вежсьõм вылõ паськõм. Медбõрын амдёр улас лэчyd чер суйыштіс, коркõ ковмылас шалаш вõчлыны, лючки косьтысьны да шойччыны. Эз вунõд видлыны ки улас дорышсõ рашпиль напильникысь вõчõм пуртлысь пастукъяс ног — чукрилысь, коді õшалõ паськыд серõдлõм тасма бокас лыысь лõсалõм пуртõсын.

Дадювса кõръяссõ бõрйис. Вõжживывсõ, Дзолукõс, падъявтõг лямкааліс, мудз тõдтõм кõр, но пелейяссõ унаõс кутліс да бõр лэдзис. Медбõрын куим ялõвõй вылõ сувтіс, мõд ногõн кõ, вайсьытõм важенкаяс вылõ, кодъяс гожея сёян вылас сэтшõма шыльыдмõмаõсь, дзик гõгрõс кантук кодьõс. Ёні со доддялõм бõрас йõй нога водзвыв чепõссьõны, вир-ййныс гилялõ да оз и тõдны кызди дурнысõ.

Шыльыд лапта вывті (посни мылькъяса веретяті) кокниа тюрõдõ Викторлõн нель кõра дадюв. Луныс кымõртõм, весиг шонді мыччысьлывлõ. Ноябрь помланьыд татшõм поводдяыслы кõр видзысь зэв нин рад. Со веськыдвылõ кольõны Ошка тыяс. Уна ты õта-мõдыскõд киясьõмаõсь, паськыдõсь и джуджыдõсь, майбыръяс,— волялõны ёні кынмõм плещъяснаныс, стынитõны нин йи шебрас улын. Ылõдз нималõны тайõ ваясыс, озырõсь выя пелядысõн да чиръясõн — со и судзõдчылõны сы дорõдз Нарьян-Марсянь и Воркутаянь.

Кõtь ошъясыд вõрса олысьяс, тані найõ паныдасьлõны жõ, на вõсна и нимыс сэтшõм — Ошка ты. Мый татчõ ошъяссõ кыскõ? Буракõ, чериыс жõ, вискõдыс пырысь-

петысьсö öктöны. Вискыс мый водзö, сымын джудждаммö, юö пöрö, Сьöд ним сетлöмаöсь, Печорскöй мореö петö. Ваыс вискас збыльысь гудыр. Гашкö, рöмыс зыбуч нюръяслөн, оз öтиöс вомöнав аслас туй вылын, оз этша сэтысь кыскы васö. Гашкö, мупытшса вирыс кытисюрö сöдзтысьсö. Бөръя воясö уна бурöвöй тувъялисны тундраса йиа муö. И оз весьшөрö. Эм тундра гыркын нефть ломтасыс. И газ эм. Ичöтик чомъяс нэмъяс чöж тшынасьлисны лымъя эрдъяс вылын. Жебиник ру пычыктысьлис мокота розьöд, кызди Вань стариклөн мундштук помöд. И со джуджыд көрт вышкаяс лыбисны енэжлань. И тундраыс оз нин вермы дзевны найöс. Овлö, сылөн биыс пемыд воясö тыдалö нелямын-ветымын верст сайсянь. Радлис көр видзысь, колö-ö таысь надёжнöйджык компасыс? Шонди да тöлысь дзевсясьöны, кодзувъяс вошласьöны, тöv ныр тшöтш видзöдö дзугны. Вышкаыд некор, оз. Уна и сёрни вöли нефть корсьысьяс йывсьыд. Дадювъяскöд орччөн поезд войöдас. Виль кар аслас югыд биясөн полярнöй войсö чашнитас. Машинаыс тырыс жуны кутас, йöй теляяс моз, кор тай мамнысö стадасыс воштылöны. Уличьяс вылас помся пи-и, пи-и чуксасыны мöдасыны, öта-мöдныслысь туй корны. Медсясö пастукъяс радлисны мöдторйысь: йöз гажөн ойдас тундраыс. Мортлы морт-колö. Лымъя эрд вылын олысьяслөн, кодъяс тшöкыда варовитлисны көръяскöд да дöзмöмысла нерлисны байдöгъясöс, сьöлöмныс восьса быд локтысь мортлы. «Кутшöм тöv ныр и вайö та ыджда шудсö?»— некодысь эз дзевны шензьöмнысö.

Виктор на моз жö чайтис.

Но кор тшöкыджыка Канев мöдис аддзысьлыны геологъяскöд, воывлыны бурöвöйяс вылö, торъя нин гожся кадö, гөгөрвоис мöдтор: оз байдöг кельöб моз цивилизацияыс шлапкысь тундралөн нэриник мыш вылö, оз зверьяслөн пашкыр лапаыс тапкöд кизьөр момгаа мылькьяс-сö, оз көръяс зыравны гöна паръяснаныс кын муö жебиник вужъясөн тöкөтьö пысасьöм керчьяс-сö, а морт вежөрөн чужтöм көрт багатыр, кодi аслас помтöм вынйöрысь тiралö став тушанас, быттьökөн збыльысь сийö мыйыскö скöрмöма, уялö тундратi, гыжъяснас парсалö небыдик му эжсö. Ок, пеж тай «багатыръяслөн» гыжыс вöлöма. Кызди копытка сисьтö көрлысь жугалöм гыжсö, сiдзи жö нёзьдöдö тайö гыжыс тундрасö. Тулыснас сийö вурысöдыс, кодöс артмöдисны тундраö воём көрт зверьяс, сяльöбтöны пöккатиноö ичöтик шоръяс да гудйыштöны ыджыдкодь гуранъяс. Сяммас-ö коркö тундраыс бурдöдны некодлы

ковтём нуйт потассо? Коланабсь-о сійо гураньясыс тундралён сөстём кучик вылын,— эз этша мөвпавлы кузь пемыд войясо көр стада дорын дежуритігөн Виктор. Сійо сьёлөмсяныс көсийс ладмөдчыны локтысь техникаыскөд, но вежөрыс шөпкис и шөпкис: абу шаньбөс тундралы сьод көрт зверьясыс; ок ёна жугөдасны тундра-со, мырддясны йирсянінъяссө...

Воліс Виктор Колва бокин өти бурөвөй вылө. Ыджыд көрт вышка да вагон-керкаяс шляпвидзисны еджыд нитшка паськыд веретя вылын. Эрдсө кызсюрө гижлалө-мабсь көрт гусеницаяс. «Этша вылө дас трактор котралөма»,— думыштіс Виктор. Сійо эз вермы дзевны шензьөмсө. «Мыйла нө налы ставыс веськодь?» Со бурө-вөйыввса няйтсө лэдзлөмабсь матысса тыө. Сійо письтө-ма и өні сэтысь гудыр ваыс лэччө веськыда юө. Эз өмөй позь бурджыка потшнысө? Виктор шыасис сэки шонді водзын вугралысь дядьө дорө.

— Лөк тайө делөясыс,— шуис Виктор, довкнитіс юр-нас тылань, код бокин пукаліс сьод фуфайкаа мортыс. Тылөн быздөм вискөд бузгис юө бензин да мазут сора гудыр ва.

— Эн нин сёрнит,— дядьө жугыля видзөдліс Виктор вылө.— Талун на вертолётөн вои базаысь, дас лун сәні олі. Юрө потө, синмө чуть эз войтышт местасыс. Көть сө грамма... Кылан? Старик...

— Да, тэ эн менө лючки гөгөрво,— курыда көрыштіс плешсө пастук.— Мися, оз ков няйтөсьтны! Юсө! Чериа сійө.

Дядьө синъяссө паськөдөмөн дыр видзөдіс Виктор вылө, сәсся нюм өзйис чужөм вылас, а недыр мысти мөдіс лөкысь нюклясьөмөн серавны. Сәсся коркө веськөд-чис да шлапкис Викторлы мышкас:

— Молодеч!

— Мыйла?— чуймис Виктор.

— Сы вөсна, мый дурак. Пыдди пукта прөстөй морт-сө. Тундраас тэ коддьөмыс уна? Но өні кывзы менө — ветлы чумъяд, вай өти доз. Ме сы кості тайө дзоньнас дуньга-юа да кыкысь воса,— дядьө бара кынөм пытшкөс-сыыс сөптөс моз мөдіс чуктөдны серамсө.

Виктор чөла веськөдчис аслас дадь дорө. Сьод фу-файка дядьө эз жө вөтчы сы бөрся, буракө, збыльысь чай-тіс, көр видзысь сылысь корөмсө могмөдны көсийө. Вик-тор перйис дадь подйысь вөжжи помсө, гарыштіс весь-кыд киас, лэптіс шуйганас муысь харейсө, көсийс войөд-ны, но матыстчысь шум тшөктіс виччысьыштлыны на.

Чулькъя момга вывті сунласигтыр өдөба тюрөдіс ыджыд вездеход, шылъыд веретя вылө кайөм бөрын здукөн шлывкнитіс вагонкаяс дорөдз, өдывывсьыс крутөя, салдат моз, бергөдчыштис, поводнөя кульыштис му эжсө, тшөк-муніс-сувтис, кусөдіс моторсө. Вездеходыс эз важ туйсө таяв, кыдзи чайтис Виктор, а выльлаті нырөдіс. Өні Каневлы вөлі гөгөрвоана, мыйла тайө мича тугъя көр нитшка еджыд веретяыс сьөд гыясөн визйөдлөма. Тадзи лёк төв ныр муткыльтлө лөнь тылысь бансө. Викторлы синва петтөдз вөлі жаль тшыкөдөм эрдыс.

Вездеходысь петіс лөз курткаа зон, ыджыд тушаа, паськыд пельпомъяса, смоль сьөд юрсиа, том чужөмыс кызіник, позьө весиг шуны, булки кодь пушыд, вөсныдыка гождьялөма, быттө банйөм шаньга, и яя паръясыс кись-мөмаөсь, нывкалөн кодь алөйөсь.

— Мефодь! Куштысь,— шыбитіс зон фуфайкаа дядьөлы кок улас кык утка. Мөдыс весиг эз видзөдлы прөмыс вылас. Вездеходса том зон көть шуис кывъяссө скөрысь, но, кор Виктор видзөдліс чужөмас, гөгөрвоис, сьөлөм вылас сылы талун зэв нимкодь. Гашкө, долыд мортыслы бура кыйсьөмсьыс, гашкө, мыйыськө мөдторйысь.

— Чолөм!— киасис ськөд бригадир.— Виктор Канев.

— Здорово, он кө спорө во,— вашмуніс водитель.— Косков.

— Өти сёрни эм,— кыдзи вермис лөня шуис Виктор. Косков видзөдліс бригадирлөн ыпъялысь чужөм вылө, весиг быттө мыйкө вөрзыштис пытшкас, повзыштис-кодь, но кыпыдлуныс эз вош, вашъялөмөн шуис:

— Ме өтпырйө радейта кыктор вөчны, мөдарникө,— ворсыштис синъяснас,— мыйла и та ылнаас вөлі локнысө. Сідз? Пырам вагонас, чай юигмоз и висьталан.

Виктор ышловзис да вөтчис зон бөрся.

Аслас жырыын, көні сулалісны пызан да нель койка, Косков электроплитка вылө пунктис чайник да восьтіс яя консерв.

— Угощайтчы,— корис гөстьөс.

— Аттьө, сөмын на сөйи.

— Ме талун сөрми нин котлопунктас да быть косөн нуръясьны. А могыд ме дорө кутшөм? Төдан тэ менө?

— Ог. Первойысь аддза,— быттө көдзыдысь чабраліс ассьыс княссө Виктор.— Ме со мыйысь көсья тэнө, Косков ёрт, вомавны— вывті ёна жугөдан тундрасө! Позьө шуны, көр волльөс моз кулян сійөс. Начкысян тэ, Косков!

— Ме некодөс на эг вилы. Сөран тэ?!— мича зонлөн

кисыс уси консерв банкаас луйкысян пуртыс, вомыс курыда вежыньтчис.— Тэ... тэ... сле-ду... ватель...— одва шөпкөдісны едждөдөм парьясыс.

Виктор падмыштіс жө, эз виччысь татшөм шызьөмсө, буракө, тайө зонмыс збыль новлөдлө лов вылас кутшөмкө мыж.

— Дерт, вездеходыд сынөдтіыс лэбавны оз вермы,— лабутнөя заводитіс Канев,— но тэ кө век өти туйөд ветлін, ёна этшаджык жугөдін-няйтөсьтін. Гөгөрвоан?

— Нинөм ог гөгөрво,— вылысь вирсявны заводитіс чужөмыс Косковлөн.— А-а-а... Тэ эсіё чери пастукыс... Рыбинспектор! Друг!— Косков нюжөдіс кисө Викторлы.— Видзөдны ог вермы тэнад быдтасьяс вылө, вукөдө менө печорскөй засолсыс. Ен кодь сөстөм тэнад черияс водзын.

— Көр видзысь ме, йирсянінъяс вөсна вийся. Дзескөдан тэ тундрасө, ичөтмөдан. Кыдзи тэ, Косков, он гөгөрво тайөс.

— А-а-а... Көрьяс видзан?— том зон кузя серөктіс.— Видз, друг, видз. Кысыс налөн крепыд, мича пимияс позьө вурны. Нывьяс менсым юасьлісны нин.

— Кынмасны нывьясыдлөн кокьясыс, тадзи кө водзө кутан пакөститны тундрасө.

— Кок шонтысь вылад, шуам, ме ачым на сгөдитча,— лышкыда нюмдіс Косков.— Меным дзик веськодь кыті прөйдита, тані асфальт ни светофор абу. Кывзы... Виктор, кажитчө, тэнө шуоны. Быд морт олөмас кольө кутшөмкө пас. Ме вот гижа, стөчджыка кө, рисуйта. Ме художник. Эсіё көбылаыслөн ёсь гижьясөн рисуйта,— Косков индіс ичөтик өшинь пыр ыджыд вездеход вылө.— Зэв крепыд пас сійө пунктө тундраыслы чужөмбанас, дыр кежлө. Қоркө во вит либө дас мысти таті мунасны мөдьяс и казьясны. Косков таті прөйдитіс. Кутшөм характерыс, сэтшөмөс и кольөма туйсө. А тэ, Виктор, көр видзысь, байдөг кокөн лымсө лякан. Сылас лымйыс — и абу. Тэнад дедьяс да батьяс тадзи жө кырымпасавлісны тундрасө. И мый колис на йылысь? Нинөм. Тундра дзескалас... Сөран! Отарө мунан — пом абу, и мөдарө — сідзи жө. Еджыд ватман сійө, гижны да гижны сэтчө колө. Вежөртан, көр видзысь...— Косков ветлөдліс комнататі, зурасьлывліс пидзөснас койка рөчьясө, но быттө эз казьяв, пөся нөшаліс Каневөс. Викторлы кажитчис тайө лөсьыдіник зонмыс дурмөм ай байдөгөн. Овлө, тулыснас сьөд мыльк вылө уль мымйысь вөчыштан чучела роскысь да лымйысь, модаысь сөмын байдөгыслөн. Но «кабер-каберыд» сэтшө-

ма заводитас видчыны да косясьны ськөд. Мыйкө сэ-  
тшөмтор жө аддзис Виктор. Первой кыпаліс лөглун, а сэс-  
ся шензьөм, весиг Викторлы эз ло окота сійөс сувтөдны  
ни вомавны кутшөмкө ногөн. Збыль, мый эськө сійө өні  
вермис вөчны? Чеччыны да лөсыштны пель бокас?  
Сысыс нинөм оз вежсы. Оз вермы Виктор книгагасыс  
лыддьөм өткымын геройяс моз мускулгяс отсөгөн помав-  
ны венсө.

Виктор чөв пукаліс аслас думгясөн, весиг дугдіс кыв-  
зыны Косковөс, но торгья кывгяс емалісны вежөрсө. Тані  
пө абубьс светофоргяс... и асфальтыс на вольсавтөм. А  
сөвестыд? Эз на чуж сійө? Эз кө — сійөс он водзөсав, со  
тай весиг инструкцияыс абу. Косков ногөн — светофорыс.  
«Синма мортыс, весиг өчки оз новлы, а нинөм оз аддзы,  
стөч велөдтөм пелей кодь»,— шоналіс Виктор сотчыс  
ярлунсыс, коді пессис өні морөс пытшкас.

Косков шлапнитчис аслас местаө, мудзис, буракө, чыш-  
кыштіс кымөссө, шылькнитіс лөсталыс сук юрсисө, водзө  
мөдіс ошйысьны аслас олөм-вылөмөн, көні ставыс зывөк-  
төдіс Викторөс, му вылас найө дзик мөд сикас йөз, вөлөм,  
ветлөны.

Канев пукаліс доза дыр, медбөрын, бытгьө садьмис,  
йирмөгыс моз пыркнитіс пельпомгяснас. Викторлы око-  
та лои матыстчыны и виччысьтөг чепөльтны тайө ышнясь-  
ыс мортсө, но пөдтіс ассыс көсийөмсө, тэрыба чеччис да  
петіс ывлаө.

Дадюв дорын бергаліс өнтая сьөд фуфайкаа дядьөыс,  
малаліс вөжживыв көрлыс — Дзолюклыс — еджыд  
кокгяссө, со пө көні добраыс. «Кутшөм нө сійө добра,  
тувсовгья көрыдлөн гөныс омөля нин кутчысьсө, дурак, тэ-  
над плешкыд моз жө өдйө нярмө»,— көсийс сылы воча-  
видзны Виктор, но эз вермы сійө сёрниө пырны. Сөмын  
лөньөдігмоз думыштіс: «Кыс сылы та йылыс төдны...»

...Виктор өні бара видзөдіс сійө ыджыд көрт вышка  
вылас, көні вичмыліс сылы «шуд» паныдасылыны кольөм  
тулыс Косковкөд да сылөн друг Мефодькөд, но важ төд-  
саяс дорө эз кеж. Кольөм вося аддзылөмтор йывсыс Вик-  
тор газетө гижліс. Печорасянь волөма рыбинспектор,  
выльыс потшөмаөсь няйтөсь тысө. А Косковлөн туйыс,  
дерт, эз эжсы. Сөмын лымйыс вевттис. Рыбинспекторыс  
шуөма: тундра эж оз пыр сылөн инструкцияө, васа олыс  
косын оз уяв, еджыд нитш оз сөй.

Рыбинспекциялөн сьөкыд да опаснөй уджыс, мед көть  
сійөс вөчөны пыдди пуктана йөз и сьөлөмсянь, Викторлы  
кажитчө пустөй ноксьөмөн, стөчджыка кө, челядьлөн

ворсѡмѡн. Ичѡт и ыджыд юяс кузя ва вѡссьѡм бѡрын за-  
водитѡны журйѡдлыны мотора пыжъяс, ѡтияс дона чери  
бѡрся вѡтлысьѡны, мѡдъяс прѡстѡ нимкодясьѡны юнас да  
сылѡн мича кыръясѡн. Налѡн лыдыс ѡдйѡ содѡ. Войвылѡ  
овмѡдчѡны выль йѡз. Веськыда кѡ шуны, ѡтилаѡ сорсь-  
ѡма и туристыс, и браконьерыс, збыль вылас зѡв абу кок-  
ни найѡс ѡта-мѡдсьыс торйѡдны. Сидзкѡн, унджык и колѡ  
рыбинспекторыс? Да. Но ѡд сылысь штатсѡ помтѡг он  
вермы паськѡдны. Сѡсся ѡд быдѡн, кодъяс ю кузя ветлѡ-  
ны,кѡсийѡны свежѡй юква сѡйны. Рыбинспекторыд ѡд морт  
жѡ. Браконьер содтѡ моторыслысь вынсѡ, рыбинспекторы  
оз жѡ позь кольчыны. Ѳти пызйѡ-пышйѡ, кѡсийѡ дзѡбсь-  
ыны, мѡдыс оз кѡсийѡ сйѡс лѡдзны. Кытчѡ нѡ вайѡдас  
татшѡм ордйысьѡмыс? Чери юясын чинѡ и зѡв ѡдйѡ. Чинѡ  
не сѡмын васѡ няйтѡсьтѡмысь да кыдзисюрѡ кыйѡмысь, но  
и шумсьыс, зыкссьыс. Мукѡд юяслѡн веркѡсыс ѡнѡ кажит-  
чѡ карса улича кодѡн, сы мында морт сѡтѡ живкъялѡ.  
Сѡсся кыдзи тайѡс он шу дуркѡса ворсѡмѡн? Гашкѡ, кад  
нин дугѡдны моторнѡй пыжъясѡн котралѡмсѡ? Кѡсьям кѡ  
водзѡ вылѡ чѡскыд чери сѡйны да сѡстѡм ва юны. Мѡдар-  
сянь кѡ видзѡдлыны, моторнѡй пыжѡн котралѡмыс некод-  
лы оз содты дзоньвидзалунсѡ. Сидзикѡн, сйѡ некутшѡм  
абу и туризм...

Виктор кѡтъ мѡвпалѡс сѡдз ваа юяс йылысь, мѡвпыс  
век бергѡдчыліс тундралань, кѡра ордымъяслань. Со и  
ѡнѡ синъясыс нимкодясисны сйѡн. Шондѡ югѡр улын лѡза-  
ліс тундра, клѡн дорѡма да шебралѡма сйѡс сѡстѡм-  
сѡстѡм лымйѡн. Узь, тундра, локтан тулысѡдз, узь. Шойч-  
чѡй пурт дорыша ѡсь мусюръяс, небыд нитшка алькѡс  
мылькъяс, сьѡд синкым кодь векныдик расъяс, кодъясѡс  
бытѡ дѡмас моз шляпкышталѡма шыльквидзысь тыяс  
да гурана шоръяс бѡкѡ. Шойччѡй. Гашкѡ, тѡ, тундра,  
кутшѡмкѡ дойяс кылан аслад еджыд морѡс вылысь? Гаш-  
кѡ, тѡнѡ видзысь жѡ колѡ? Эм кѡр стадаясын пастук, эм  
черияслѡн пастук — рыбинспектор. Пастук! Кутшѡм ыд-  
жыд вежѡртаса кыв. А тѡнад, тундра, кодѡ пастукус?  
Кѡнѡ сйѡ?!

#### 4

Туйын первойя войсѡ Виктор колляліс тундра шѡрын  
на, суис сйѡс пемыдыс Сандивейѡ вотѡдз паськыд лапта  
вылѡ. Викторлы тайѡ местаясыс зѡв бура тѡдсаѡсь. Ѳнѡ,  
лунвывлань нырчигѡн, шуйга бѡксѡ пыкис сылысь доры-  
ша мылькъяса кузькодь мусюр, веськыдвылѡдыс визувтѡ

Колва ю, сы сайын шыльквидзё татшөм жё пөв кодь шыльыд момгаа лапта, водзвылас — ачыс Сандивей ю. Сійөс кө вуджан, сэсся дор вөр заводитчө — сук пармалөн да няр тундралөн костыс. Тані нин мусюр лунвыв пөкатыясас кизьөреник тош моз съодасьыштөны вөр дяс. И век жё тайё тундра сюрёсыс на: сійё вөрсьыс, коді тыдалё, непөштё дадь либё харей он путьмы мастеритны, но и пескыд чомса көрт пачё омөлик ликмө.

Виктор бөрйис паськыдджык шыльыдин да сувтөдис сэтчө мудзөм көръясөс, дадь подйё көртыштіс вөжжисө, домөдсө вөчис кузьджыка, медым пелейяс вермисны бергөдлыны дадьсө да сідзикөн йирсьыны. Ачыс көзяиныс малича вылас кышаліс ещө гөна парка да нюжөдчис тундраса паськыд вольпась вылө: юрсө пунктис турдөм ичөтик вутш вылө, кокъяссө сүйис лым пиө. Көр видзысь-өс шебраліс джуджыд енэж, көні дзирыд синъяс моз вильшасисны кодзувьяс. Сэзь. Кыдзи тшөкыда овлө арся пөраас, өти өдөн жвучөдө төв ныр — ёсь, бытшласьысь. Но Каневлы оз мөрччы.

Виктор адзис водзвывсьыс, Колва ю бокысь, югыд бияса бурөвөй. Пемыдас сійё кажитчө зэв матын, көть эськөн збыль вылассө километра дас кокниа өкмас. Виктор вермис и шоныдинын узьмөдчыны, дас версттө ляпкыд лымнас көр кокъясыс часысь өдийөджык лыддясны. Виктор тадзисө эз вөч. Не сөмын сы вөсна, мый эз вөв окота паныдасьны Косковкөд, нинөм омөльсө Виктор сылы эз вөч, медым врагьясөн лоны. Да и юр сюяніныс сытөг эм, Иванов мастерыс сәні, вөлөмкө, зэв шань сьөлөма морт. Көр норасис Косков вылө, эз дөзмы ни эз пыксьы — да мыжаөсь пө, водзө вылө пө урчитам. Эн пө пов, дзонь-видза кольё тундраыд, и көръястө некод оз вөрөд. Асла-ным төждыс пө корадодь тыр, со и огө сразу казялөй лёксө. Виктор воывліс сы ордө. Газетас гижөмысь эз жө лөгась, көть и штраф мынтөма. Пукалыштны эськө өні мастерлөн югыд жырйын, видзөдны телевизор (бурөвөй вылын сійё эм), варовитыштны өттор-мөдтор йылысь, но Виктор тайөс эз вөч. Ланьтөдчас сійё экран водзас, сы кості кодъяслыкө окота лөб гывъялыштны көра дадю-лөн — быдсяма мортыс тай уна йөз костас сюрө. Кужтө-гыс жугөдасны дадьсө либё лэдзасны көръяссө. Татшөм притчаыс Викторөс эз на сулы, но и нинөмла сійөс корсь-нысө. Тані жө, паськыд лапта вылас, сійё быттё сө то-ман сайын, нинөмысь виччысьны ни повны, көть эськөн водігас ачыс пунктис жө бокас мелкокалиберной винтов-касө. Ёнджыка, дерт, мода вылас. Узьны ывла вылас пас-

туклы керка сертиыс любѳджик: сынѳдыс сѳстѳм, кын, сук, айбарч кодъ чѳскыд.

Виктор оз тѳрмась куньны синъяссѳ. Кылѳ, мышкас дадюлыс вѳчис некымын кытш да сувтис жѳ. Кѳръяс водалисны шойччыны. Виктор гѳгѳрвоис: му бердыс йиа, омѳля шедѳ кѳръяслы нитшкыс, сы вѳсна и водз дугдисны йирсыынысѳ. Ок, дзескалисны йирсянинъясыс. Дерт, чизыр тѳвъясыс жульѳдасны кузь кад чѳжыс, косьтасны му эжсѳ. Торъя нин февраляс да мартас вынаѳсь найѳ, непѳштѳ мыльк юрсѳ, боксыс багульник да керч увсѳ шупѳдас. Нинѳмла и тѳвйыны татшѳм лаптаяс вылас. Тулыснас найѳ ковмасны. Важысянь тувсаланинъясѳн найѳ шусьѳны. Но ѳткымынъяс вунѳдисны та йылысь. Вунѳдисны аскиа лун йывсьыс.

А вѳрыс кѳ таво лѳк жѳ, йизьѳм жѳ му бердыс? Тайѳ юалѳмыс йѳткис Викторѳс туяс, мед ас синмѳн видзѳдлыны, корсьны бур йирсянинъяс.

Виктор ѳти здукѳ личѳдлѳ вежѳрсѳ и казялѳ, кызди дзумгысьѳ пыдѳстѳм йирѳ, кѳсийѳ кавшасьны на сѳзы енѳж улас, но абу нин эбѳсыс водзсасьнысѳ... Некымын час кежлѳ пастук эновтлѳ асьыс тундрасѳ, тѳждъяссѳ. Воддза моз дзирдалѳ кодзула енѳж, ѳти вынѳн жвучйѳдлѳ чизыр тѳв да вольсалѳ пастуклѳн гѳна парка вылѳ небыдлым, кызди тані шуѳны — нѳѳнялѳ, му бердтйыс нѳбѳдѳлымсѳ.

Виктор садьмис сѳтшѳм жѳ ѳдийѳ, кызди и унмовсьлис. Видзѳдлѳс енѳжѳ — асья югыдѳдзыс ылын на, кѳръяс сувтѳмаѳсь нин, бара колскѳны-перйѳны сѳян. А енѳжѳ видзѳдысь Викторлы син улас веськалі кодзув, кодысь некыз оз вермы эновтчыны, быттьѳ дѳльѳдчис кодзулыс Викторлы. А сѳсся друг сйѳ нюмдис Светлана нюмѳн, кѳді олѳ Харуты посѳлокын да ѳтнас быдтѳ нылѳс. Виктор неважѳн вѳлі сы ордын... Кодзулыс вильшасис Светлана нюмѳн, кодкѳд адзысис Виктор нѳль во сайын...

Сйѳ сѳстѳмник тулыснас, кор Виктор пыр кежлѳ торъяліс Аннакѳд, пемдыліс зонлѳн сьѳлѳмыс, весиг тувсовья шондыс эз сяммы югзьѳдны. Сидзи тай вѳлѳм олѳмас: сьѳлѳм вылад кѳ югыд — и арся ывлаыс югзяс, тѳкѳд тшѳтш серавны, радлыны мѳдас. Пемыд сьѳлѳма Виктор уна сѳки вензис Аннакѳд. Сйѳ думнас корсис нывлѳн оласногысь мыйкѳ сѳтшѳмтор, кытчѳ эськѳн позис крукасьны да дивитны сйѳс. Омѳльсѳ нинѳмла и радейтны. Но Анналѳн оласногысь сьѳд чут эз сюр, шор ва кодъ сѳдзѳн да харей кодъ веськыдѳн чайтсис. Дивитны вѳлі нинѳмысь. Таысь и деливѳыс лов вылас, асьсѳ увтыртѳ-

мыс. Артмө, ачыс Виктор мыжа, эз сяммы чуйдны, шензбодны нывсө, кыдзи вертолёт вылас войлысыс.

Сійо гажтөм тулыснас Виктор уна шльвкъяліс чумйысь чумйө, быттө стадаысь вошөм көръясөс корсис. Весиг бурөвөйяс вылын манитчис, геологъяскөд төдмасис. Өти бурөвөй вылын сылөн дадюв дінө матыстчис сьөдіник нывка да гөгөрвоысь синъясөн донъяліс васөд кынөм увъяса (локтігас визув шор вуджис) пелейясөс, дадьсө тшөтш мелі видзөдласөн малыштис (дерт, нинөм сәні Викторлы ошйысыны, батыслөн мастеритөмыс), кажитчис, буракө, вөчысыслөн киподтуйыс. Сәки виччысьтөг Виктор шуис:

— Көсьян, войлыштам тундратыс. Ой визулөсь пелейясыс...

— Аддза, абу синтөм,— ныв восьтыліс пув дзоридзяс моз сяркнитчөм еджыд пиньяссө.— Верма и асьтө на войлөдлыны.

— Но! — чуймис Виктор.— Көр видзысьлөн өмөй кодлөнкө татшөм збойыс?

— Думайтін, гашкө, ыж видзысьлөн? — асьыс пайюаліс ныв.

— Позьө и сідзи чайтны, казашка либө узбечка... Быдлаысь тай татчө локтөны өні йөзыс,— шуис Виктор, көть пыр жө гөгөрвоис, мый изьваса диалект вылын сы водзын сёрнитысь инькаыс тундраса, чомйын чужлөма. Зэв на томиник, муртса кө на кык дассө тыртөма. Но пастук нарошнө төдтөм улө лэдзчис, медым здукөн не лаймөдны панөм сёрнисө.

— Төббөк да малича вурсыс ме вөлі. Өні тан бур йөз костас тай бергала-а,— петкөдліс ныв синнас как радөн сулалысь балокъяс вылө, кодъяс сьөкыд додыяс моз вөлі лемасьөмаөсь муас кыз керйысь лөсөм сүвъяснаныс. Бурөвичка өні ме.

А сәсся кокныдик сёрни гылыда нин кывтіс бөрийөм визьөдыс. Светаөн нылыс шусис. Виктор быдсөн ыркмунліс, кыліс нимсө да. Збыльысь, сылы татшөм нимыс стөч лөсяліс — югыд да, сөстөминик ачыс зэв, чумйын эськөн шуисны сы йылысь, югыд лун кодь пө тайө ичмоньыс, быттө верөссө кө тундрасаөс коркө бөрийис. Еджыд чужөма да и синъясыс абу векныдөсь, тундрасалөн моз тувсовъя дзирдсыс абу яндысысысь, көть эськөн юрсиыс кодь жө сьөдіникөсь и тшөка лысө абу тшөтшөдөма, сэтчө жө, веськыд ныра. Та вөсна кажитчө чужөмыс кузьмөсөн. Виктор эськөн некор эз чайт сійөн ненкаөн, эз кө асьсө өнтай вузав изьватаса кыв-ворнас. Век жө сюсь-

джыка кө видзөдлан, казялан и, кызди асьныс шуоны, яран пөрөдасө, векныдик синкымъясыс лыбыштөмаөсь плешланьыс да сералигас син потасъясыс ёнджыка нюжалөны. Буракө, лөсасыс комилөн и ненечлөн отувья. Кызди бөрынджык Виктор төдмалис, Светалөн мамыс вөлөма коми нывбабаөн.

Света во сайын помалөма дас класс. Архангельскө ветлөма. Медицинскөй институтө торкөдчөма, но оти «двойка» потшөма туйсө. Шуөма аслыс бурджыка дасътысьны локтан во кежлө да ставсө нин «триөдз» кыскыны. Дерт, кивывджык вөли мам-бать дорас учебникъяссө йирны, но ыджыд институтлысь паськыд өдзөсьяссө дзуркйөдлөм бөрын яндысьыштөма нин өдзөстөм чумъяс юрсө суйны. И со, геологыас ордын, балокъяс пелькөдө. Каневлы, дерт, парскис нывлөн чужан позсө кедзовтөмыс, но эз вомав — быдөнлөн аслас олөм да ещө оти, сидзкөн, ачыс и медвөйдөр главнөй начальникыс, кутшөм наряд, кырымалөма том дырйиыс, сийөс и муркөдас-песас нэм чөжыс.

— Абу өмөй окота лэчыд дадювнас гылыд эрдъяс вьвтыс шлывкъявнысө? — бара юалис Виктор, кодыр сёрныыс лаймыны кутис.

— А дадь боксыд он тойышт, кор ылын лоам? — вильыша юалис Светлана.

— Но! Татшөм мичасө, эг на өд дикмы, — виччысьтөг артмис Викторлөн, ыпнитис быдсөн аслас бандзибыс, челядь руаөн чайтсис тадзикөн шуасьөмыс.

Светлана гылыда серөктис да мөдис малавны пелейяслысь йөг кодь дженьыдик гөна сюръяссө.

— Вундалөмыд тай нин йывъяссө, а меным сэтшөм окота мора сёйны.

— Стадаас тай, майбыр, сюра көрыс көть мыйта. Кутин да и вундав сюръяссө, вот и мора лөб.

— Ылын?

— Да, со! — Виктор индис енэжтасас, сэни ылиас гут кодь ичөтик чутъяс вөрисны.

— Матын тай. Ме юала тётя Зоялысь, — Светлана таркнитис матысса балок өшиньө. Петис клеенка партука арлыда нин кыз нывбаба.

— Зоя Васильевна, — шыасис сы динө Светлана. — Ме морала муна.

— Мореас пыран, пөдан вөд, — гөгөрвотөма дзоръялис ныв вылө пөвариха, — йөй руыд өмөй кватитис?

— Мора — сийө көр сюр, кор небыд на, гөч кодь, — кинас өвтчөмөн төлкуйтис пөварихалы Светлана. — Сийөс

жарытыштөмөн сөйөнү, зэв чөскыд. Но... кызди тэн висьтавны, калбас кодь жө, сөмын шом көрыс да сов көрыс абу, сөмын чөскыд көрыс сылөн, сэсся некутшөм сорөсьяс абуось.

— А-а,— нюжөдіс Зоя Васильевна,— тэныд калбас ковсис, мед сідзи и шуин эськө.

— Мораыс, тэтя Зоя, зэв пөлезнөй быдөнлы, гормоньяс сетө, нэмтө нюжөдө.

— Мый, мый?

— Кык нэм кутан овны.

Шөйөвошөм пөвариха кыйкнитліс Викторлань. Көр видзись мудера нюмъяліс. «Кимөститчөны»,— скөрысь думыштіс томьяс йылысь Зоя Васильевна, здукөн вежсис чужөм вылас.

— Дзик збыль, тэтя Зоя,— кевмысис ныв.— Ме журналысь сы йылысь лыддьывлі, лунвыв гөраяс дорын специальнөй совхоз эм, маральясөс видзөны — найө өд көр пөрөдаысь жө. Налөн мораысь лекарство вөчөны — пантокрин.

— Мыйся нө лекарство?

— Томмөдө мортсө и бурдөдө.

— Кутшөм висьөмьяс?

— Мустө лечитө, вөркьястө, кынөмтө...

— Но-но,— тэрмөдліс пөвариха.— Сьөлөмтө лечитө оз?

— Буракө, лөсялө жө сылы...

— Буракө-буракө,— жугыля видзөдліс ныв вылө Зоя Васильевна.— Тадзикөн, ныланөй, кутан кө төдны, мөд во бара он веськав институтад.

— Бурдөдө, Зоя Васильевна!— кыпыда горөдіс Светлана, быттьө вошөмтор сюрис.— Пөмниті, бурдөдө сійө сьөлөмтө!

— Но сідзкө, ветлы, меным вайышт,— небзис пөвариха.

— Тэтя Зоя, вайлы сумкатө?

— Сумка тэныд вирөсьтны сета, кызди ог. Киад вай. Ой! — горөдіс пөвариха да уськөдчис балок пытшкө.

— Сьөлөмыс лыйис? — юалис Виктор.

— Пөртыйс, көнкө, пузис,— шпыньмуніс Светлана.— Мам пыдди сійө меным, век бур вылө велөдө.

Стада дорө воөм мысти Виктор кутіс некымын варгөсджык быкөс. Варгөсьясөн пастукьяс нимтөны пелейясөс, кодьяс озджык сетчыны морт ки улө, мөд ногөн кө, сюсялөны, медем гежөдджыка веськавлыны лямка улас. Сэтшөмьясыс и доддялігас нөйтчөны, өтарни виччысь, медем ёсь сюрнас эз перйыны синьястө. Мыйла сэтшөмьясыслы сю-

рыс? Бурджык наыс мездьсыны гождомнас, кор найо небьдось, гоноос на. Арнас чорыд лысо ок сьокыд лоо пилтнысо.

Июнь пом. Календарь серти ко — гождом, но тундраын тулыс на. Посньдык веж корьясон сероссьома керч — водом жебиник кыдзьяс, кажитчо мусьыс торьялома сылон сомын чаллыс, ачыс жо дзесьюма. Шондия моросьясо пискьодчис быд сикас небыд туруныс. Корьяслон чорыд парьяслы лючки нин суро октысьнысо. Ном да геб абуос на. Татшом туан-совман пореас медся сока морасыс — корлон вына турун моз ыткобтысь-быдмысь сюрис. Матисяныс морасыс мичаа лознитышто, быттьо оти ыджыд вир сон.

Виктор пелька лэчыд пуртон тшытшодалис сурьяссю, рана вылас пуктышталис йодон котодом вататорьяс, а кытысь энджыка содзтысис вирыс, весиг корталис шортон. Доймис-о корьяслон сюрис? Бурако, эз енасо. Найо веськодя видзодисны пастуклон «удж» выло, а лэдзом мысти пыр жо нырбукнаныс самасьлисны муо да заводитисны водзо някавны тундра-мамныслысь сеянсо.

Светлана сэк кості пыравлис матысса раско да вайис кос росьяс. Ломзьодисны бипур да лодисны сэтчо мораяссю. Мораыд эсько и яя сеян, но мортыдлы сысыс ыджыд потос оз чукты, коть мыйта оз чосмась, век быттьо коло на.

Ныла-зонма ныр водзнысо бипур дорын шонтисны, а мышнысо пожис шонди! Но ена жарыс эз ликмы отисыс ни модсыс, жебиник биторсо подтисны ота-мод вылас тэчом мораяс, а енежаыс уйис ули да сомын резис югорьяссю.

Со и вылісяныс сотчыштөм руд коркаасисны мораясыс. Виктор лэптіс отиос, нель пельо кузьмос огуречос моз чашкодис пуртнас, эз дзик помодзис, ичотика нылыштіс киас кутөм могысь, солыштіс да мыччис нывлы. Сийо огуреч моз и варскөдіс пель моз летьялысь гоча шоромьяссю. Виктор тэрыба сидзи жо вочыштіс и аслыс, ертыс выло видзөдігөн заводитіс петны дуллыс. Сейисны чөла. «Гашко, тайо и эм тундраын бытөм огуречыс да помидорыс», — думайтіс Виктор. Лунывса быдтасьяссю, кодьяссю эв пыдди пуктоны сэтчос войтырыс, армияын служитігөн первойа кадас Канев эз вермы сейнысо, вукөдіс, борнас велалис жо да ковны на кутіс. И век жо Виктор эськөн они нинөм бурысь эз откодяв лунывса козиньяссю со тайо тундраса чосмасянторйискөд: морасыс свежой яй кора и быттьо тшотш медся чоскыд турун дукьяс йиджтө-

ма сы пиё. Гашкё, ыджыд да мича му вылас эмось ёна шензьёданаджыкторъяс, но кёр видзысьлы нимкодъ, мый и сылён йиа чужаніныс эз пайтөг коль. Мыйён нё омоль сылён тундрайс! Йёзёс вердысь, кёмодысь и пасьтодысь, весиг бурдодысь!..

Со би вылын сылён медбөръя банийём мораяс. Светлана еджыд тугъя нитш бердё чышкалё саёссьём кисё, кёр кок туйё сёдзтысьём ваён мыськё чужёмсё.

— Витя, мыля тэ нинём ас йывсьыд он висьтась,— шыасьё ныв.— Куш менё юасян, карса жёникъясыс дзик мёд кодьось, наперво ас йывсьыныс, сэсся тэнсьыд юаласны бара.

— Нянь-солён моз водзёсасьёны?..

— Аха,— серёктіс Светлана.

— Тэ, Света, унаёс нин... найёс тёдан?

— Ог на,— быттьё жалитантор йылысь шуис ныв. Виктор быдсён чёв усьліс, но эз ёна пыдди пукты челядь руа кодъ ёртыслысь сёрнисё, лабутнёя юёртіс мыйлакё аслас бать йылысь.

— Ой,— Светлана шлапкис кияссё бокас,— код нё Вань дядьёс тундраын оз тёд, да быд понмыс сылён морёс вылас чеччыштас!.. Менам дедлён медбур другыс. Отарни кылан и кылан сылысь чушкёмсё: «Вань вок во-лас», «Вань вок дорё ветла».

— Кыдзи нё дедтё шуёны?

— Ярё Микул.

— Но!— серёктіс ёні Виктор.— Яр Микулёс нё коді оз тёд, зэв шмонитысь!

— А помнитан, кудз нья отпыр гёститёдчёмаось?— чиктыломён да отылаысь мёдлаё чеччалёмён кык друглён волысьёмъяс кёсий майдны Светлана.

Виктор видзёдліс нывлён ыпьялысь лёсьыдіник чужёмё, нимкодясис и тшётш сералис. Светлана кыв-мёд мысти семдылас да чышкыштас килутшнас шуда синвасё, сэсся водзё өддзё и өддзё, помся гигзьё, быттьё кодкё гусьён гильёдё. Виктор эськён немтор эз и гөгөрво нывлён висьталомысь, эз кё ачыс лючки тёд сійё историясё. Виктор син водзын ёні сулалісны еджыд да съёд старик — батыс да ненец Яр Микул, кодъяс кыкнанныс зэв радейтісны том дырйиныс шмонитан ёсь кыв. Сыысь, мый сэтшём сёлёмсянь да любёпырысь гигзис-сералис Светлана, Викторлы сійё ылё кольём серпасыс ёні кажитчис торъя нин тешкодьён. И Канев тшётш заводитіс быглясьёмён серавны.

Уна дас во сайын нин, кор Викторлён батыс абу

новлөдлөма на «дядь» на «старик» нимъяссө, кызкө лө-  
сявлөмаоьс да нэмыс кежлө ёртасьлөмаоьс изьваса көр  
видзысь Иванъян Вань да Большеземельскөй тундраса  
ненец Яр Микул. Найо и тундратыс ветлігөн тшөкыда  
бөрийылісны өти ордым. Шуам, Яр Микуллөн стадаыс го-  
жыйыліс дзик йна саридз дорын. Дерт, сәні сәяныс жебджык,  
но ыркыдджык, оз дөзмөдны көръясөс гебъяс ни лөдзяс.  
Иванъян Вань тувччаліс сылы бөж вылас. Шуам, жар  
дырийыс кө стадасыс кодкө торйөдчас да ыркыд море-  
лань уськөдчас (а мөдлао сійө кадас көрыд оз мун), быть  
нин Яр Микуллы стадаас веськалас. А сы ордыс корсьны  
оз ков, Микуллөн сюсь синъясыс пыр и казяласны йөз  
көртө. А веськылдунсө ненецлы некодлысь жө водзөсав-  
ны оз ков, ачыс волас да юөртас: «Вань вок, теляя важенка  
ме ордө тэнад сюрөма, вола да нуөд». «Вань вок» медыдж-  
ыд гөстыс Микул чумйын. Оз на удит Иванъян Вань  
лючки пестыны кузь трубкасө, а «Микул вок» кутөма  
аслас стадаыс медгоса телясө да айбарч нин вөчөма.  
Небыд да чөскыд куим-нөль төлысья көрпийдлөн яйыс.  
Медся радейтана «блюдоыс» көр видзсыяслөн — свежөй  
айбарч. Торъя дозийө Микул ёна солалөма вирсө, бытьө  
крепыд рөсол вөчөма. Сэсся тушасыс, кыті кажитчөдджык  
тэныд, вундышт лэчыд пуртөн да көтөдышт сола вирас,  
өтчыд видлан, мөдысь да коймөдысь. Сэсся айбарч  
дінсыс тэно пельөдыд оз вермыны некод кыскыны.

Иванъян Вань көть оз ёна пыдди пукты уль сәянсө,  
но сёрни костыс өти боксыс ордлысө (килограмм кымын  
яйыс лөб жө) кокниа няклялас. Көзяин өтитор ассыс  
дольө: «Вань вок, дыша сәян». Ачыс туша джынсө дзим-  
быртас, малыштас кынөмсө да ышловзяс, тэнад вылө  
видзөдігөн пө меным оз жө пыр, пинь помнам и видлыш-  
ті со. Сэсся чумйө пырасны да ыджыд чайник сук чай  
кисьтасны пытшканыс. Воддза серти пө ёна лөсьыдджык  
лои, бара малыштас кынөмсө көзяин, өні пө сэсся лун-  
мөдсө позьө устөитны.

Төвнас артмө мөдарө, сук пармаын төвийө стадаыс  
Иванъян Ваньлөн, вөр дорын, позьө шуны, тундраын —  
Яр Микуллөн. Чизыр турөбъяс дырйи көръяс корсьөны  
бурджык сайөд. Яр Микуллөн кө ордчас стада рөчыс,  
быть нин төдса ордмөдыс гөститны Иванъян Вань ста-  
даө воасны. Микуллы повны дзик нинөмысь, коми ёртыс  
оз вошты, оз дзөб сылысь көръяссө.

Төвся кадө тшөкыдджыка петкөдчывлө Иванъян Вань  
чумйын Яр Микул. Чумса көзяин гөститөдчынысө лют  
жө. Яйсө ыджыд пөртйын пуас, ыджыд тасытын мөс вый

сывдас. «Микул вок» ёна радейтö мöс выйсö. Пуксясны пызан сайö да кöзяин яйсö вый пиö чуткалö, чöскыда тьяпöдчö. Микул паньон вöдитчö, тэ ногыдтö пö, «Вань вок», чöскыд кöрсö ог кыв.

Отчыд тадзи гөститöдчигас лоас зэв виччысьтöмтор, кодысь Иванъян Вань кынöм висьмытöдз шогö усьлис. Викторлөн батыс лэччылас сиктö да велöдасны сэни сийöс яйсö сёйны горчицаон, а не сывдöм мöс выйон кöтöдны. Кор пуксясны чумйын пызан сайö, сэки и ошйыяс: «Со, Микул вок, ме сиктсьыд вайи мöд сикас вый». Эз на удит кызди колö инструктируйтны ёртсö Иванъян Вань, кызди тай Яр Микул лöсыштас горчицасö ыджыд пань тыр да и... дзыкöдз джöмдас. Лолыс некызди оз сюр мортыдлы, видзöдö Иван другыс вылö, а сийö кыв ни джын оз шу, синваыс сöмын тюрö. Ёртыс шай-паймунöма жö, бледöдöма быдсөн, со кызди артмис непутьöвöя, некутшöм лёк дум эз кут, а капканö муса другсö йöткыштіс. Бур здук тшöкъяліс да несъяліс Микул, сэсся коркö нин кывйыс шедіс:

— Кутшöм вый тае, Вань вок?

— Лешакыслөн выйыс тайö,— скöрысь шуис Ваньö да кöсийс койыштны горчицасö ломтысьыс кöрт пачö, но жалыс петіс, сьöм мынтöма.

— Оз позь татшöм сёянсö панявны, Микул вок, сöмын чутöдны колö.

— Лёк зверыдлөн и выйыс некытчö туйтöм,— выльысь пызан сайö пуксигөн шуис Яр Микул.— Меным мöс выйысь öтдор, Вань вок, сэсся некутшöм зверлысь выйсö эн пукты ныр улам, меным велалöмвывсьыд сёрно паньышт-сяс.

Отчыд Иванъян Вань шуис ёртыслы, лэччылам пö сиктö ми тэкöд пывсьыны. Зумыштчис Яр Микул, юрсö öшöдöмөн гудйысьö табак кöшöляс, думайтö ачыс, öні пö ог нин сорсьы, капканö шедлöм зверыд ёна варгöсмö. Тэ пö, Вань вок, водзвыв меным тöлкуйт, кутшöм вый сийö да позьö оз панявны. Шонтысьöм да мысьöм пö сийö. вежортöдіс Ваньö, зэв буртор, лысьöмтö небзьöдö, ме пö быд субöтаö сы вöсна сиктö вола. Видлам пö, Вань вок, видлам, кайтö Яр Микул, панявлам да вöлисти ошйысям бур йöзыслы.

Лэччисны кык друг сиктö. Кöзяинлөн, рыжöй коми дядьöлөн, пывсян дась руалö. Первой пö пывсьыштам, а сы бöрын стопкаон балуйтчам, велöдö кöзяиныс. Яр Микул кыліс стопка йывсьыд да бара падъявны кутіс, мый-ла пö водзвылас оз позь даръясьнысö. Сэтшöм пö закон,

вочавидзёны сылы. Лёк закон тай эськён пё да нем он кер, законыд сійё чорыд гез пё. майшасьё Яр Микул.

Пөрччысисны пывсян колаё, кёзяиныд тшөктё кык друглы нюжөдчыны пёлки вылас. Зэлөдчисны вокьяс, еджыд яйныс рысь моз дөввидзё съёд пывсян пыткас. Ок, шоныд пё, шуё Яр Микул, сөмын пё чорыд куйлынысё, кёсийсыё мөдысь кёзяинлы көр воль козьнавын, медым водзё сэсся эз нин дойдав ассыс кос лыяссё. Кёзяин нюмъялө, но оз веськөд Микулөс, асланьыс зэв жё мудар, чайтө, сгөдитчас овмөсад көр вольыс.

Пөсявны заводитисны көр видзысьяс. Лысва войтъяс чеччалёны кучик выланьыс. Яр Микул юалө, кысянь пё татшөма жарыс ыльгө. Ваньё другыс гор вылас индө, со пё кысянь. Микул тшөктё кёзяиныслы көдзөдыштны горсё.

— Ог гөгөрво,— шуё кёзяин.

— Васё, көдзыд васё койышт изъяс вылас!

— Öнi гөгөрвои,— ас ногыс вежөртис кёзяин, пельсаё дзумгис кос корөсьяс, чайтис, корөсьясны тэрмасьё сійё.

— Öддьөджык!— тэрмөдлө Яр Микул.

— Тэрмасьны колө көръяс дiнад,— лабутнөя вочавидзё кёзяин.— А мянлы, керка пельөс сiсьтысьяслы, сөмын төрөканъяскөд тышкасигөн оз ков нюжмасьнысё. На!— ыджыда койыштө гор вылө. Клопнитөны доналөм изъяс.

— Охо!— шензьё Иванъян Вань.

— Ещө!— горзё Микул.— Ещө!

Кёзяин коялө гор вылө да ас пыткас шензьё, но и кучик тайё көр видзысьыслөн, некутшөм жар оз мөрччы, час, думайтө, корөсьыс лысьөмтө небзьөдас да сьөлөмтө бурмөдас. Иванъян Вань өдва терпитө жарсё, но оз шыась, оз көсий лоны лябөн ёртыс водзын. «Микулыд, другө, ёнджык пывсьынысё»,— думайтө ачыс.

— Ещө! Ещө!— помся горзё Яр Микул.

— Тырмылас,— медбөрын лэччысьё кёзяин,— корөсьясыштам сэсся.

Сiйё неумынысь швачнитө мыш кузяыс Микуллы, талысь пё көрсө видлы.

— Ой, палитчи! Тшынася!— горөдiс Яр Микул да уськөдчис ыркыд пывсян колаё. Кёзяиныс öнi сөмын вежөртис, мыйын делөыс, гораа серөктис. Иванъян Вань матькигтыр петис жө другыс дорө.

— Тае, навернө, Вань вок, пөрийөдлiс мянөс эсiйö төрөкан кодь гөрд мужикыс,— сьөкыда упкис Микул, юрнас дөвкнитис пывсян пытшкын гораа швачөдчысь кёзяин вылө.— Ачыс, буракө, öзiйс жö... Кусөдны оз ков?

— Оз,— нора шунс ёртыс.

— Кылан, дзик би... Ва пыдди, буракö, кояліс этійö, помнитан, но, лешак вуйсö? Кудз думайтан, Вань вок, сійöс?

— Эз...

Кузь кадөн и Яр Микул мөдіс радейтны би кодь пöсь пывсянсö да ачыс тшöкыда серавліс первойя корöсясьöм вылас...

Дыр ваксисны да быгялисны шыльыд веретявивса еджыд нитш пиын гиялялысь лысьöма ныла-зонма. Налысь дурöмсö видзöдісны рөмидзтысь көръяс да вашъялысь ыркыд шонді. Кывзіс лөнь тундраыс. Матысса көръяс корсюрö чошнитлісны пельнысö, вугралысь гудыр синъясаныс здук кежлö ыпнитліс битор, быттьö мыйкö чуйдантор найö казявлісны ас дінсьыныс. Пемöсьяслы мортлөн ворсöмыс вöлі гөгөрвотöм, көръяс мутшкисны небыд турун, чөжисны вын-эбöс, налөн дуран пöраөдзыс — арөдзыс — ок ёнөн колö лоны.

Кодыр Виктор матыстчис кусысь бипур дорö да содытштіс росъяссö, казяліс паныда пукалысь Светланалөн мичаник чужöм вылысь букуштчöдысь кымөр чиръяс.

— Микул дедö öд кольöм во куліс,— юөртіс ныв.— Абу лөсьыд поконикуъяс вылад серавны, да? Тэ пондаыд...

— Ми öд тай ог лөкысь казтылö. Мичаа олöма дедыд, Света. Пияныслы да внукъясыслы паметяс коліс. Кулөм бöрас на со олö. Ми, гашкö сы ногсö ог и сяммö. Кымын арөн куліс?

— Көкъямысдас тыртöм бöрас. А мыля ми ог вермö менам дед мозсö? Сэтшöм прөстöя оліс да.

— Ог төд, прөстöя-ö. Ыджыд кыв кутіс ёртъяс водзас. Тайö главнöйыс.

— Но мыля?

— Сійөн, буракö, мый крепыда вöлі вужъясьöма аслас тундраö.

Яра ыпнитісны кос росъяс, гөгөр лонс воддза серти гажаджык да кыпыдджык. Дедсö ошкөмысь либö мыйыськө мөдторйысь воддза моз нимкодълунөн пöртмасисны-ворсісны Светланалөн вильыш сьöд синъясыс:

— Витя, куль маличатö, палитан.

— Менам татшöм добраыс,— Виктор летыштіс няр малича пöласö,— тэнад платтьö мында жö.

— Кыськö,— Светлана сибөдчис мышсянныс да тэрыба кыскыштіс юр пырыс сылысь маличасö, öвтыштіс би вesityти.— Сота!

— Эн!— горөдіс Виктор да чеччис места вывсьыс.

— Колö кö, вöтöд! А то тыас шыбита...— няр малича-  
өн шпорöдчигтыр котöртис Светлана.

Ставыс виччысьтöг да пелька артмис нывлөн, весиг Виктор вомсö эз удит восьтыны, медым такöдны торъя дурёмсьыс, шуам, збыль кö Светланаыслы сэтшöм нин зывöктана сылөн кышаныс да мöвпалö изведитны сийöс, то тавой, пöжалуй, Виктор сытöг помöдзыс гегдас. Но Виктор эз водзсась, сöмын тешкодя нюмъялис. А кодыр гөгөрвоис, мый абу маличаыс мыжа, сьөлöмыс топавлис, ясыда кылис, кызди зэлмунис сийö шуйга бокас. Код юра моз зон кыпöдчис местасьыс, первойя здукас весиг эз кывзысьны кокъясыс. А Светлана пелькиника тiркъялис-котöртис пружина кодь нитш вывтi, гоннялис тшапитчысь сырича моз.

Сийö вöли ылынкодь нин, но Виктор суöдис. Сэсся войбыд шöйтисны öти шор бокти, йиа ваөн мыссисны, медым ыркöдыштны ыпъялысь сьөлöмнысö...

Канев джуджыда апыштiс ас пытшкас тöвся кöдзыд сынöдсö. Весиг öни, нель во кольöм бöрын, эз вермы лöня казътывны сийö ышловзьöм кодь дженьыдик тувсовъя öти вежонсö. Сы кузьта и вöлины аддзысьлöмъясыс. Став мелiлунсö, кодi öкмöма кузь кад чöжөн зонлөн майшасьысь лов вылын, медбöръя войтöдз козьналис Светланаалы. Сийö сирöд шогыс, кодi сөникасьлöма вир-яяс, шоньд зэр улын моз небзис, рудзалис. Öти на, турдöм лым пиын туплясигөн, кылö нывлысь сийö пöсь лов шысö.

Асывнас Светлана век тэрмасьлис бурövöй вылö. Öтчыд зон паньд сувтiс. Мыйла быть бурövöй вылö, а не Каневъяс чумö, мöдис сэки тöлкуйтны пастук невестаыслы. Чум тшыннас пö ме важөн пöтлi, пыксис Светлана. «Эк, Витек, корин кö эськö мöдлаö...» А мöдлаас, кытөн Светлана ногөн ёна гажаджык, Канев эз ышты корны. Сöмын мурч курччис льöбсö. Кодi нö сийö көръястөгыс? Гар йирысь байдög, кодöс лым чирöс моз нöбöдö тöv, кодарö пöльтö, сэтчö и лэбö. Кытысь сюрас сылы татшöминыс? Кызди тайöс гөгөрвоöдан Светланаалы? Мöдарсянь кö, мыйла сылы колö тöv йылын чеччалысьыс? Быть öмöй сэсся сэтшöма кездовтны бать-мам мусö сöмын сы вöсна, мый тшына чумйын курзьилис синмыс?

Светлана казялис, буракö, сылысь нормöмсö, небзьиш-тiс сьөлöмнас, зэв пö тай тэрыб, гашкö и, вежа на думöс, эн пö пырзьöд бурövöй вылас туйсö. Виктор кöсийысис южмöдны сэтчö туйсö, но сöмын сы ног тай эз артмы...

Пуксис гожöм. Медым ном-лөддзыс эз суöд татчöс

лайкӧс улис местаясас, ковмис лун и вой кыссыны-уйны ыджыд кӧр стадаӧн йна саридзлань.

Сӧмын сӧр арнас, лым вывтӧ нин, Канев веськаліс бӧр сійӧ бурӧвӧй вылас. Светлана дадюлалы паныд эз усъкӧдчы. Дыр видзӧдіс Виктор вылӧ пӧрысь нывбаба Зоя Васильевна, сьӧкыдырысь тӧдмаліс. Гӧснечыд пӧ зэв ӧна кажитчис, вайыштӧн эн пӧ. Виктор вочавидзис, мый морасы овлӧ сӧмын тулыснас. Любӧй пиӧ пӧ, син доръяссӧ чышкаліс Светланаӧн «тьӧтыс», эг пӧ вермы кутны сійӧс, лӧбзис шоныд муясӧ. Мыйла нӧ пӧ тэ, зонмӧ, лӧдзин сэтшӧм мича гулюсӧ? Викторӧн юалӧм вылӧ «Кӧні адресыс?» нывбаба ӧвтыштліс кинас: кутшӧм пӧ адрес, югыд светас вийыштис-лӧбзис, вертолёт вылӧ пуксис.

Бӧрынджык Зоя Васильевна висьталіс, мый Светлана ӧна виччысьӧма сійӧс, шогсьӧма. А миян пӧ молодеच्याсыд ӧдйӧ казялӧны ныв шогтӧ да сяммӧны сійӧс ӧтвылысь юкны. Ӑти молодеч пӧ смилитис, нуис, эз висьтась кытчӧ.

Кык во мысти Светлана Лаптандер бӧр югдіс тундраын. Викторкӧд аддзысисны Харуты посӧлокын, магазинын. Канев аслас бригадалы ньӧбис сӧян-юан. Важ тӧдсаяс моз эз усъкӧдчыны ӧта-мӧдныслы паныд. Чаг моз кельдӧдіс Светлана, кор вӧйтчыліс Викторлы синъясӧ, лыддис, буракӧ, сыӧн видзӧдласысь коркӧя юалӧмсӧ, мый вылӧ сэки, югыд тувсовъя войнас, эз ышты ачыс стӧча вочавидзны. Кутшӧм вын нӧ тшӧктис Светланаыслы кельдӧдны, а сӧсся мӧдарӧ бергӧдны чужӧмсӧ? Светлана воӧма посӧлокӧ кагаӧн. Гашкӧ, таысь бергӧдӧ чужӧмсӧ?..

И со, Светлана дорӧ выльысь войӧдлывлӧ Виктор. Медводзаӧн вомаліс таысь Анна. Сійӧ ӧні агитбригадаӧн веськӧдліс, концертъяс чумъяс дорын вӧчавлісны, вертолётӧн лӧбалісны. Кыдзи нӧ пӧ тэ, Виктор, медся бур бригадир, кутшӧмкӧ энотӧм бабакӧд ноксян?.. Кӧсьян пӧ, зэв авъя нывкӧд тӧдмӧда, аслам пӧдругакӧд.

Анна кокныдикя сойбордас инмӧдчыштӧма Каневлы, кыдзи тай кутлӧны инвалидӧс, жальпырысь. Виктор нетшыштчӧ сы бердысь.

— Ме ог вермы тэ моз!— лӧкысь горзіс Виктор.— Тэ ставсӧ гӧгӧрвоан. Зэв бура гӧгӧрвоан менӧ. Тэ эн на вермы вунӧдны сійӧс...— Виктор первойысь ыштіс скӧравны Анна вылӧ, кодӧс сэтшӧма радейтліс, век пыдди пуктыліс, кыдзи медбур ӧртӧс. Виль банӧн воссис ставыс, мый лон вит во сайын, ӧти дженьыд гожӧмӧ, Викторӧн да карса томиник культуработницалӧн. Ӑні, чайтсьӧ, Виктор кӧ вӧлі сэки Анна пыдди, эз эськӧ вермы вӧчны сы мозсӧ. Зэв чорыд сьӧлӧма, вӧлӧм, сыӧн радейтана нылыс. Ӑд

Виктор кулõмьсь сійõс мездис, тундралõн йиа гыркысь нетшыштис. Ӑтка вошõм мортõс тундра шõрысь аддзис, быттõ югыдысь бергõдис. А Анна эз сяммы шуны сійõс радейтысь зонлы, Викторлы, ньõти мелі кыв. «Ме верõс сайын, Виктор»,— шуис сійõ, кор зон воис тõвнас Сык-тывкарõ экзаменьяс техникумõ сдайтавны.

## 5

Асья югьд тõдчигас Виктор энõвтис узяннисõ, петис туйõ. Бурõвõйлы паныдõн (кытчõ эз пыр тõрыт кõр видз-ысь) лõзалис джуджыдкодь мусюр.

Сійõ веськõдис кõрьяссõ мылькьяслань, медым видлы-ны, мыйся сәни йирсянннъяс. Шойччõм дадюлыс ләбõ-дыштис мусюр вылõдз. Кыдзи и чайтис Виктор, мылькья-сыс абу лаптаыс моз йизьõм му эжõсаõсь. Но мыльк по-дулыс, кõнi унджык веж турун вужийыс да нитшкыс тугьяджык, йиа жõ. Ёнасõ танi он жõ вердчы.

Виктор õти мыльк вылын бара на йирсьõдыштис да-дюв кõрьяссõ. Тырвыйõ нин югдис, весиг шондi мыччы-сис. Регьд Канев казялис, сылы паныд, йирсигмоз, ньõжйõ быгыльтчис кõр стада. «Сидзикõн, матын и чом эм, позьõ кежавны пõсь чай юны»,— вежõртис Виктор. Кõрья-сысь неуна боклантьi, медым не чуйдны найõс, сійõ весь-кõдчис стада помланьыс. Ӑти мыльк вылысь син улас сюри домалõм õтка дадюв. Дерт, кõнкõ стадаса пасту-кыс, но ачыс некõн эз тыдав. Кор матыстчис сы дорõ, лоис ставыс гõгõрвоана, пастук дадь вылас шкоргõмõн узис. Сійõ вõли код, весиг Виктор эз вермы садьмõдны сійõс. Викторлы õнi эз нин вõв окота мунны матысса чомъяс, татшõм «голикьясыд», кыдзи найõс серавлисны Каневъяс чомйын, некор оз путьмыны туй выв морттõ чайõн шонтыны, песныс вайтõм да оланнныс кõдзыд. Виктор тõдис узысьõс, «Дружба» совхозысь пастук, том морт на. Канев перйис узысьлõн юр улысь джынъялõм «Экстра», кисьтис стõканõ водкасõ да юнс. Сійõ асывнас чõсмасис кын яйõн да гурчкис сукар торъяс. Кõдзыд сәянсьыс йирмõг босьтис, сы вõсна õнi водкаыс зэв ас местаас. «Аттõ гõститõдõмсьыд, Лõптор!» Татшõм прõз-вищеыс вõли дадь вылын шкоргысьлõн, Ай-мамлõн сетõм нимыс эськõн Терентий, дженьыда кõ Тер. Но сійõ нимыс сõмын паспортас кольõма. Аслас сиктын Тер некутшõм удж бердõ лючки эз кõртась, быдтор курас-карас вõчыш-талис. Дõзмисны да ыстисны тундраõ, ичõт коллективас пõ сылы яндзим лоõ сайõдчынысõ, быть нин мыйкõ отсыш-

тас. Сорсисны ыстысьясыс: Терлөн «отсасьомысь» некодлы кокнилуныс эз ликмы. Но пон моз сапкысис тундрао: ас ногыс «мусмис» сылы сійо. Медвойдөр сійон, мый көр видзсыяс оз лыддысьны нянь-солон, пызан саяс оз удзодны курыдторнас, кор овло сійо. А вот ассыс нажоткасо Тер (мый чуктыліс) пызйыліс торйон. Ёсь кыла дядьояс шуисны сійос Лөпторйон. Оvlo тай, чечыштас синмад кутшомкө ёгтор, сэсся некызди сысы он вермы мездысьны.

Виктор кутіс кнас дозсо да падъяліс, эз тод, кытчө инавны: юны сійо либө кольны узысы пастуклы. Од садьмас сійо, содтас и рытодз шкоргас, дзикодз вунодас көръяссө. Сьорсьяс Виктор эз жө вермы босьтны — сэтшөм модаыс көр видзсыясслон абу, медым йозлысы мыйкө питшөгавны. Кисьтны кыс эз жө лыб — йозлон удж пуктома сы выло, абу сійос минеральной сов моз мусо вынсьодом выло вөчөма.

Мукөддырйныс юсыс верос выланыс дөзмөм нывбабаяс быд ногыс видчоны, мыйла пө и вөчоны зараза-водкасо. Быттьо сійо кө эз вөв, и ставыс ладмис му вылас. Од мортыс эз жө сійос лёк выло думышт — медым кымөм бөрын шонтысьны либө гөстьос гажодны, нимкодълун сылы козьनावны. Канев лыддывлис книгаысыс да газетъясыс, кодыр откымын сюс авторъяс көсийоны петкодлыны геройнысо вина юысыясос зывөктысьон. Татшөм геройыс век мырддьо дозсо вина юысылыс да пазодо кок улас либө кисьто форточка пыр. Со пө коді геройыс! А гөгөрбок кө артыштны, абу-ө юысыясскөд татшөм ногон венласысыс пикө воом нывбабаыс кодь? Тышкасыны кө нин, то не дозйыскөд, а сійо ловья лолыскөд, коді век тшыг курыд зелясыс. Мыйла нө сэтшөм «тшыглуныс» отияслон пыр водзө оддзө, а мөдъяслон — оз? Оти кывйон он вочавидз, кымын «голик», сы мында и воча кыв. Быдөнлөн аслас помка, торья «висьом». Кымын тшөкыджыка Канев паныдасыліс Лөптор коддьомъяскөд, сымын тырвыйоджык гөгөрволис со татшөмтор — юан помкаыс «голикъясылон» быдөнлөн торья, аслас, а вот чужөмбанъясныс отувьяось: наянөсь, вежавидзтөмөсь. Чайтан, вушйөма медшөр рөмыс, коді кыскө оти мортос мөд динө, коді сибөдө кык откодь ловсө.

— На,— Канев бөр суйыштіс джынъялом «Экстрасө» узысы пастуклы юр улас,— сөт... И пезж кывыс тэ выло менам оз сюр...

Канев вешйис аслас дадь дорө, амдөр увсыс перйис кын яй да мөдіс вөсьныдыка лөсавны, но айбарчасыны

тайё пöрийё эз нин сюр: матысь кыліс кыкысь дорвыв лыйём шы. Стада джынйыс чуйдчис, кырийё зурасьлём гы моз сетчис шөрланьыс, лөня йирсысь ёртъясыс дінын шызьём көръяс регыд бара усьпаньвыв пуксисны.

Виктор адзис, öти көр кольччö ёртъяссыс, кокъясыс виньджилясьöны, а недыр мысти тішмыльтчис кузь кокъяс вывсыс боквыв, суніс лёк ногөн.

Мыйкö неладнö керсис тані. Виктор дзедис дадювъяс-сö мыльк горулö, пöрчис сьод кышöда маличасö, сы пидди пасьталіс том көр куясысь вурём выльён усьём лым кодь жö пушыд еджыд парка, дадь бöрсысь перйис бинокльсö, бöр кайис выліас да вутш юр бокö лэдзчисис.

Дыр виччысьны эз ковмы. Регыд усьём көр дорö матыстчисны кыкөн. Канев син сертиыс лосьöдіс бинокльсö да лючки öні адзис найёс. Сьод кучик курткааöсь, лэдзём пеля кролик шапкааöсь, чужёмъясныс дон гөрдөсь, лыжитöгыд, дерт, абу кокни уявнысö кокчöрийөдз лымйөдыс. Öтиыс мынтöдіс мышсысь нопсö, мөдыс бокланьö пунктіс пищальсö. Со найö веськөдісны мышъяснысö, видзөдлісны Викторлань. Канев лолалөмсысь весиг дугдіс, сійö «кыйсысьсысыс»—эсіё Колва бокин сулалысь бурөвöй вылысь Косков аслас Мефодь другкөд. Со көні туйясныс падвежасисны. Көр видзысь на бöрся водзö видзөдіс бинокль пыр. Виктор чайтіс, öні найö кутасны кульны лыйём көрсö, но эз, справитчисны ёна öдйөджык, мыйён дзыкөдз шемөсмөдісны Каневöс: найö сөмын кералисны көрыслысь кокъяссö да сөвтисны вешмешөкö. Сэсся веськөдчисны выль прөмысла. Викторлы норасьлывлісны öткымын бригадиръяс, öні пö выль пөлөс «зверьяс» чужисны, көрыслысь пö сөмын кокъяссö йирöны, тушаыс дзонь кольö. Канев чайтіс, мудеритöны бригадиръясыд, медым вевттыны ассыныс лишнöй воштөмъяссö. Но, буракö, норасьбөмыс абу вөлөма дзык весьшөрö. Кыдзи нö поэьö тадзисö, сөмын кыс вöснаыс муö кольны та мында добра! Кыдзи нö татшөмтор вылас ыштö мортыслөн лолыс? Тайö весиг абу гусясьём, мыйкö зывөктанаджыктор на. Сэтшөмөсь öмөй нин ми озырөсь, медым шыбласыны дзонь туша яйөн?

Канев веськөдчис дадь дорас, перйис совхозлөн бригада вылö сетём мелкокалибернöй винтовкасö, бур, ылысь судзөдö да стöча инмö, Виктор оз норась тайö «чача» вылас. Сөмын гежöда сійöс бригадир перйывлө чехолсысь, коланлуныс абу, көинъясöс вертолёт вывсянь гындöны. И со öні ковмис босьтны киас...

Канев сувтіс көр кысөн кышом лызьяс выло — кокни-  
ось, паськыдос, оз вöйны лымъяс небось, да содтöд, руч  
лапаяс кодь шытöмось.

Виктор лосьöдчис найос паныдавы, но думыштіс да  
шуис матыстчыны мышсяныыс. Водзвылас, кодарö кыс-  
сисны кык «окотникыс», бара кыліс шковгöм. Канев  
мыльк сайö гаровтöмөн стöч вылысаныс петіс кык друг-  
лы. Аддзöм серпасыс бара на шемöсмöдіс көр видзысьöс.  
Косков кутіс коксö, Мефодь нчөтик черөн варкөдіс  
кытчöсюрö, некыдзи эз инмав öти местаö, чорыд лыыс эз  
сетчы сылы, гөн сора вирöсь яйыс öтарö-мöдарö резсис.  
Нинöм эз казавны ни кывны. Пурсисны быттьö тшыг  
кöиньяс. Косков тэрмөдліс ёртсö, киам пö варкөдö,  
öдйöджык нин орöд, он кө пö инмы стöча, лöсышта пель  
бокад. Мефодь чöла кералис. Виктор дас воськов сайын  
сулаліс мышканыс винтовкасö водзлань чургöдöмөн.

— Вста-ть! — нарошнö рочасис Виктор, медым мöрчча-  
наджык вöлі. Мефодьлөн водзлань лэбис черыс, быттьö  
кодкö гыррдза помас тувкис, Косков сідзи и турдіс көр  
кокас кутчысьöмөн, зэлöдчöма бөрвыв, быттьö вынышт-  
чöма сійос нетшыштны местасыс.

— Вста-ать!

Бок ногөн пукалысь Мефодь кыйкнитліс винтовка во-  
мас да ньöжйөнник кыпöдчис, сы выло видзöдöмөн сувтіс  
и ёртыс.

— Руки вверх! Не поворачиваться, — выль команда  
сетіс Виктор.

«Окотникьяс» дышпырысь, но лэптисны кпяснысö, сö-  
мын та бöрын Виктор пöрчис лызьяссö, кыскыштіс вин-  
товка йывнас Косковлысь лым вылын куйлысь двуствол-  
касö, перйис патроньяссö, пасьвартіс лöжасö кын вутш  
бердö, вуззис кыр горулö, бокланьö шешыштіс и Мефодь-  
лысь черторсö. Виктор ставсö тайос вöчис сятшöм öдйö,  
мый кык друглөн ньöти на эз удит разавны повзьöмыс,  
некыдзи на эз вермыны воны ас садьö, сулалісны кын  
мыр моз.

— Но, дона другьяс, — шыасис Виктор, — мый сэсся  
водзö кутам керны?

— А-а, Витёк, — быттьö ун йылысь садьмис Косков,  
паськөдіс потшöс кузьта сывьяссö. — Друг! Шутник тожö...  
Да менö тököтьö инфаркт эз кучкы, дурак. Думайтан он  
мыйкö, бөлбан!

— Со, Косков, — Виктор чургöдіс винтовкасö, — ковмас  
кö, ме верма кыкнаннытö мөдöдны мөдар югыдас. Со  
кыдзи тайö пöрйö ми кутам тэкöд другасыны. Аддзан, ме-

нам кыс оз тірав, он кө эскы, шапка пельтө чургө-дыштлы...

Косков мурчкөбтіс пиньяснас, му рёма лон чужомыс. Мефодь век на зымвидзис полокалө моз енэжлань кияссө чургөдомон.

— Да лэдз нин көстыльястө! Ы-ы.,— ырыштчис сы вылө ёртыс.

— Командаыс эз вөв.— курыда вежаньтліс паръяссө мөдыс.

— Дугды, Мефодь, пыксыны енэжас,— тшөктіс Виктор.— Кынтан чуныастө. Со мый колө вөчны,— водзө висьталіс Канев,— өні ми төд вылө уськөдам кыйсысыясылысь өти важся обычай. Водзвыв нырад тшупө отитор, ставсө кө кутанныд вөчны, мый тшөкта,— колянныд ловйон. Сэсся мөдтор вөзйыны ог вермы.

— Мыйся обычай?— скөрпырысь вирдыштіс синьяснас Косков.

— Медпервой тіянлы колө кульны «прөмыстө». А сэсся водзө аддзам.

«Прөмыслөвикьяс» перйисны зепсыныс кляпикьяс да босьтчисны уджө. Виктор пукаліс воськов кызь сайын да велөдіс найөс, кызди колө пөрччөдны көрсө сылөн гөна пасысь. Кульсысыяс уджалісны урөса, кучик дінас кызаа колялісны яйсө да госсө, вирнас резісны ассыныс паськөмсө.

Другьяс мырсисны, зэлөдлісны кучиксө, чөла, гусьон йирисны ассыныс думьяснысө. «Кулям көрсө да и пезьдөдалас мянөс... мудер самоедыд,— мөвпаліс Виктор йылысь Мефодь.— Кыссө и яйсө аслыс курыштас». «Оз, оз чергөд сійө мянөс,— быттьө ёртыслы вочавидзис Косков.— Көр видзысыясыдлөн оз лыб кыныс морт вылас, ловныс ляб». Но Косковөс падмөдыштіс мөдтор, Виктор абу сійө көр видзысыяс кодь, кодьяскөд вичмыліс паныдасылыны сылы, винаон оз ышмы, быдторйөдз сылы мог, кызди прокурорлы, весиг со тундрасө жугөдлөмысь вомалісны, дзескөдан пө сылысь йирсянінъяссө. Певсө со оз и лэдзлы личканінсыс... дыр-ө лёк вылад...

Коркө-некоркө эштөдісны жө другьяс көртө. Пытшкөс-сө прөстмөдісны и.

— Сэсся мый?— юаліс Косков.

— Ті быттьө вөралысыяс, лун чөж вөтчінныд асланыд добыча бөрся,— заводитіс Виктор.— Со, шудныд ныр улад, мөданныд сьөлөмянь айбарчасыны. Но торйөдөй кило кыка тор пай вылө и ме видзөдла, кызди ті тайөс сямманныд вөчны.

— КВН-өн ворсан, телевизорыс синъяснытö восьтис...  
көр ситанö юрбитысьяслы,— печласис Косков.

Мефодь торйöдiс аслыс ыджыдкодь кусöк да заводитiс  
няклявны, сöмын норасыштiс, мый солыс абу, сiдзисö  
татшöм КВН-ыс пö сылы тшаква кодь.

— Да менö сiдзи нин вукöдö! — горзiгтыр жöдзис яй  
туша гөгөр Косков.— Тайö пон сёяныс сöмын тiянлы... —  
Косков скöрысла курччалiс паръяссö.

— Сёян,— лöня висьталiс Виктор.— Сёйöмысь некод  
на эз пропадитлы.

Канев кöть шуис тадзи, но ачыс думаштiс мöдтор: сийö  
зэв ёна радейтö тундраын олысьяслысь, батыяслысь да  
дедъяслысь нэмöвöйся блюдосö — айбарчсö, но öнi Ме-  
фодь другъяслөн зывöктана курас-карас вöчöмторсö эсь-  
көн эз жö ышты лолыс сёйнысö. Но öд вöчисны асьныс,  
кодi мыжа. Öти здукö сийö весиг юалис асьыс, оз-ö выв-  
тi чорыдась, мый мырдöналö велавтöм йöзöс сёйны уль  
ййсö. Сэки жö мöд гөлöс ышöдiс: — Он! Шуам, Косков  
эз на удит велавны тундраса сёян дiнас. Но тöдтöгыс  
мыйла кедзовтнысö? Мыйла сьöлавны көр видзысьлы мед-  
ся восьсаинас, дойманiнас? Косков зывöктö нарошнö, ме-  
дым кокниджык вöли керны асьыс пез уджсö. Со пö ме  
ог ставлы колана добра шыблав, а пон сёян. Сöмын понъя-  
яслы вöлöга!

Косковлөн мудеритöмысь некор на кывлытöм лöглун  
лыбис Викторлөн морöсын. Сийö матыстчис на дорö:

— Сей! Вирназджык кötöd...— Виктор пöшти зургис  
винтовка помнас Косковлы калькмуном вомас...— Жöрит!  
Он кө, кутан йирны тайö көртсö.

Косков шлап пуксис туша дорö, лэдзис синъяссö увлань.  
Виктор бөр вешйис, колис некумын воськов местаöдзис,  
кор пель боктыс водзлань швычнитiс пурт. Виктор тэрыба  
бергöдчис, Косков сулалiс кельыд, буракö, виччысис лый-  
öм. Мефодь дугдiс сёйны. Но Канев эз тэрмась чургöдны  
сылань винтовкасö, лэптiс лымйысь пуртсö, видлалiс, быт-  
тö көсийис вежöртны, ёна-ö эськö мөрччис сийö сук гöна  
парка пырыс. Косковыс кө быттö öнi инмис сылы. Кля-  
пикыс ёсь и веса, лючки кө веськалiс, мөрччис, дерт. Ёна-  
кодь мөрччис. Виктор сайкмунис быдсөн, быттö йиа ва-  
ысь петiс. Со кутшöм кокниа вермис мездысьны сысы  
Косков. Кыдзи нö сийö татшöмторсö эз урчит? Виктор бөр  
шыбитiс пуртсö, кодi сатшкысис яй тушаö Косковлы па-  
ныдөн.

— Лэпты пурттö,— тшöктiс сылы.— Кут йывнас вылын  
пельпом весьтад. Вот сiдзи.

Трачкысьом шы кыліс, быттьо кодкө косаа кызөктіс. Виктор лыйомысь пуртыслон лезвие джынйыс пелькнитчис.

— Оні сэссия он кут шыбласны сійон,— шуис Виктор.— Пуксы, айбарчась! Ме кывйос ог веж...

Косков кокныдика ышловзис, гөгөрвоис, прөйдитіс Викторлон грөзыс, сійо сөмын көсйө тешитчыны на вылын, концертасыны, медбөрын сувтөдны пидзөсчань вылө. Оз ло сы моз!

— А тэ меным морөсө лый! — горөдіс Косков.— Мый базмин? Унджык аслыд эсйө пон вөлөгаыс кольө. Лый!

— Меным өти пуляыс абу жаль тэ вылө,— лабутнөя вочавидзис Виктор.— Но тэ вунөдін өтитор — ёрт йывсьыд, торйон тиянөс олөмсьыс киритны некыдзи ог вермы, оз позь: судті ветлөдлыны ог көсйы. Юалін тэ, Косков, та йылысь ёртыдлысь? Либө водзвыв нин сёрнитчөма тиян, век тэнад коклябөрө тальчыны? Сідзикон кө, позьө дугөдны айбарчасьомсө...

Бөръя кывъясыс өгыра каллян помон чуткисны Мефодьлы өти местаө, звирк чеччис:

— Сволоч! — вира дульнас сьөвзис чужөмас ёртыслы.— Тэ вөсна сгинитны. Гад! — Мефодь кватитіс көр коксө да лөсыштіс Косковлы сьылідзирьяс. Косков суніс айбарчасьом могысь лөсьөдөм вир пиө.

— Лак, лак! — горзіс Мефодь да дурмөм хора моз сьөкыд көр кокон гыпөдіс Косковлы,— менсьым и асьыд пайтө... Менам гөтыр, челядь виччысьөны. Со кытчө кыскин, гад... шоныд да мич көм семьяыдлы пө лөсьөдан. На! Менам челядь эм, тэнад пеж лолыд куш. На!

— Тырмас! — лөньөдіс Виктор, сійө эз виччысь ташөма шызьөмсө. Көр гыжъясыс көрт кодь ёнөсь, сійон позьө и ловсө Косковлысь пытшкөссьыс пыркнитны. Мефодь дугдіс кучкавнысө, но көр коксө кисьыс эз лэдз.

— Сөран, Мефодь,— Косков чышкасис соснас.— Менам көть шлюхаяс эмөсь, тэнад и сійө абу, сы вөсна мый тэ Мефодь...

Косковлон ори гөлөсыс, Мефодь выльыс сөтыштіс сылы балябөжас.

— Дугды! — горөдіс Виктор.

— Ша. Команда эм команда,— ёртыслы скөрысь шуис Мефодь.

Кык друг айбарчасисны. Мефодь тэрмөдліс Косковөс, өдйөджык тшөктіс нылавны, уль яйнас пө он виньды.

— Өти номер лон помалөма,— аслас пайысь медбөръя

кусөксө нылыштөм бөрүн шыасис Косков.— Сэсся водзө мый?

— Быд кыйсысьлөн медшөр могыс не воштыны прөмыссө,— юөртис Канев.— Тiян ещө өти культөм көр эм. Чайта, пөт кынөмнаныд сийөс өдийөджык нин помаланнды. Коді кыскас тайө яй тушасө сэтчөдз?

— Мефодь,— серөктіс Косков,— сылөн челядыс уна, мед вердас.

— Тайөс аддзылін?— Мефодь вайөдліс ныр улас ёртысы көрлысь паськыд гыжъя лапасө.— Чапнита кө кымөсад, йөй домө нуасны.

Виктор Канев вайөдіс кык другөс бурөвөй вылө. Яйсө да кучиксө найө кыскисны ас выланыс. Мастер Иванов скөра видзөдліс аслас уджалысьяс вылө да шуис, разберитчам пө. Виктор юөртис и стадаса бригадирлы, кодлөн стадаын «кыйсисны» Косков да Мефодь. Кор нин сөліс даддьө Виктор Канев, кыліс горөдөм:

— Нянь-солыс водзөса!..— горзіс дадюлөн войөдысьлы Косков.

## 6

Көть Канев ёнакодь манитчис бурөвөйвывса «окотникъяскөд», мөд луннас югыдөн на вуджис Сандивей юсө. Со и матыстчис, кызди көр видзысьяс шуоны, дор вөръясө, чизыр төвъяса лысьөмтө жульбодысь тундраыс колис мыш саяс. Ляпкыдик козъя вөр діяс сярвидзисны гөгөр, быттьө еджыд воль вылын кызсюрө тэчөм руд домасъяс. Тайө йирсянінъясыс медся лөсялөны арся да тувсовъя кадө. Но бөръя воясө ёна кутісны жугөдны и төвся кадө. Та вөсна, торъя нин вылыс местаясыс, кодъяс кушөсь төлын да водз мездысьөны лымсьыс тулысын, ёна жебмисны, көръяслөн чорыд паръясыс сьөд муөдзыс «окалөмаөсь» татшөминъяссө, А водзө на йирсьөдөны, яндысьтөг да сьөлөм висьтөг. Кытчөдз нө тадзисө позьө? И мыйөдз татшөм веськодлуныс вайөдас? Гашкө, таво тулыс нин тундраыс крапкас ассьыс чорыд кывсө. И югзяс сэки быдөнлы, ставлы лоө гөгөрвоана, мый кокньөдчөмнас овны да уджавны оз шогмы.

Виктор унаысь панліс та йылысь сёрнисө опытной көр видзысьяскөд. Да, лёка пө вөчам, водзө думайттөг, өти кывйө волісны найө. Но ставыс кольліс важ ног. Мыйла нө артмө тадзисө? Да, дор вөръясад кокниджык төвйынитө, паськыд вөръясын моз лызь вылын стада трөпатө кытшовтны оз ков, век дадь вылын и көръясыд пыр син

улынӧсь. Мудзые и туйыс этшаджык вичмӧ, тувсовъя йирсянінас кор төвсӧ видзӧны, сэтчӧ и суӧны югыд войясыс. Қольӧм во ӧтнас Митрей эз пыр парма питшӧгӧ, мӧд онас выль сэтшӧм чужӧма, ме нӧ пӧ мыйӧн омӧльджык. Тадзи и ӧкмӧны сюсялысьясид, кодъяс зэв мудерӧн лыддӧны асьнысӧ. А веськыда кӧ шуны, уна-ӧ и мудерлун колӧ, медым вильӧдны асьыд коктӧ. Збыль вылас сідзи и артмӧ: йирӧны сійӧ пуыслысь вужсӧ, мый вылын водзӧ сӧвмӧ кӧр видзӧмыс. И нем оз вермы керны накӧд видзму овмӧсса министерствоысь зоотехник Митин, оз ӧд сійӧ быдӧнӧс ки пӧлӧдыс нуӧд пыді вӧръясас. Дерт, оз. И штрапуйтавны оз лысьт, сідзи оз тырмы пастукуыс, кӧр видзысьтӧ ГПТУ-ын он велӧд. Кӧр видзысьлы колӧ чужны да быдмыны тундраын, чукӧртны пӧрысьяслысь опытсӧ. И Митин лючки гӧгӧрвоӧ, кытчӧ вермас вайӧдны тувсовъя йирсянінъяс жебмӧдӧмыс. Сійӧ кисӧ пидзӧс вылас шлапкӧмӧн оз жӧ пукав. Ыджыд начальствоылы Митин зэв кузя гижӧ «записка», кӧні сійӧ жальпырысь индӧ учӧнӧйясӧн чукӧртӧм фактъяс вылӧ, мый жебмисны, сідзикӧн и ичӧтмисны кӧр видзан пастбищеяс. Петан туйыс ӧти — чинтыны кӧръяслысь юр лыдсӧ. Кыдзи пӧ, чуймӧ начальство, дзескӧдны сэтшӧм колана производство. Корсӧй пӧ выль резервъяс. А резервъясыс эмӧсь, төвся йирсянінъяссӧ колӧ корсыны паськыд парма пытшкысь.

Кык во сайын Виктор Канев, сельхозтехникум помалысь, гижис дипломнӧй удж «Комины кӧр видзӧм сӧвмӧдан туйяс», кӧні шӧр мӧвпнас автор нуӧдіс, мый тувсовъя йирсянінъяслы колӧ сетны шойччӧг, мый найӧс позьӧ выльысь нитшсьӧдны сӧмын сӧк, кор ни ӧти стада оз кут төвйыны дор вӧръясын. Кутшӧм ногӧн автор вӧзйис асьыс планъяссӧ пӧртны олӧмӧ? Писькӧдны вӧръясті веськыд ордымъяс, мӧд ногӧн кӧ, вӧчны зимникъяс, техника отсӧгӧн талаявны пушыд лымсӧ, кыті эськӧн дженьыд кадӧн пыді пармаӧ, пӧтӧса йирсянінъясӧ, вермисны пырны уна стада, кодъяслы, шуам, индӧма төвйыны кутшӧмкӧ ӧти ю вожын. Татшӧм жӧ ногӧн тулыснас ӧдйӧ петны тундраӧ, кӧні сӧк кежлӧ кушмӧны төв йыв местаясыс. Зэв прӧстӧй мӧвп, но медым збыльмис сійӧ, колӧ водзвыв унатор урчитны. Дзугны тані нинӧм оз позь.

Кык во сайын, кодыр Канев шлопкис асьыс дипломнӧй уджсӧ Эдуард Иванович Митинлы пызан вылас, шонді бана жырйысь кӧзяныс зэв радпырысь, пӧся кутліс сылысь кисӧ, пуксьӧдіс небыд креслӧӧ аслыс паныдӧн, лышкыда нюмъяліс, весиг нимкодъысла куньліс веськыд син пӧвсӧ. Медводдзаысь на татшӧм кыпыднас Виктор

аддзис Митинӱс, кӱть тундраӱ волігъясӱ (сэні найӱ паныдасъльвлісны жӱ) оз жӱ вӱлі позъ шуны, мый сылы овсӱ омӱля, йирӱны мортсӱ курыд думъяс либӱ везъясӱма сьӱлӱм бердас шоглун. Но тайӱ здукӱ Эдуард Иванович лӱсталіс вывсяньыс и ломзис пытшкӱссяньыс. Виктор думыштіс сэки, мый Эдикыс шудаыс, буракӱ, сэсся свет вылас некод нин мӱд абу. Тыдалӱ, аддзис сійӱ олӱмсыс, мый корсис, и водзӱ вылӱ тӱдӱ, зэв бура тӱдӱ, некор нин шуда лызь туй вывсыс оз кеж.

А Митин быттьӱ яндысшытис гӱстьсыс, шылькнитис бӱрвыв сук рудов юрсисӱ. Лӱссыда сійӱ пушвидзӱ кӱзяинлӱн ыджыд юр вылын. Но ӱд и пызансайсалӱн пельпомъясыс паськыдӱс да сьыліыс кыз. Содтан кӱ ещӱ, мый сылӱн кузьмӱс чужӱм вылас джуджыд сук синкымъяс да ён веськыд ныр, сярвидзыс еджыд пиньяссӱ гежӱдика нюлӱны барышнялӱн кодъ яя паръяс,— сэки ставнас дась портретыс Эдуард Митинлӱн, коді ёна кажитчӱ нывбабаяслы, кутшӱмӱн на тӱдліс сійӱс Канев тундраын медводдза аддзисигӱн.

— Пызйыштам «Эжваын» дипломтӱ, Витя, татшӱмторйыс нэмнад ӱтчыд овлӱ,— тэрыба чеччис пызан сайыс Митин.

— Ог,— бӱр пуксьӱдіс Эдуард Ивановичӱс Виктор,— меным тані кивывджык.

Сэсся найӱ серам сорӱн казътылісны ӱтувъя олӱмнысӱ, кызди некымын во сайын дзонь сутки чӱж тірзисны кодзыд зэр улын, кодыр корсисны тундра шӱрӱ вошӱм культработница Аннаӱс. Лябмис сэки ловнас Митин, вӱйтчыны кӱсйис ӱти няйт тыӱ, киритны ассыс олӱмсӱ. Но Виктор эз лэдз омӱльторсӱ, тасма кӱртнас вайӱдіс ас садяс весьӱпӱрӱм зоотехникӱс. «Эз-ӱ прӱста сэки нем вӱчӱмыс мурдерит?.. — мӱвпаліс ӱні сы йылыс Канев.

Митинлы эз нин вӱв ставыс выльторйӱн Каневлӱн дипломнӱйын, сӱмын петан туйыс аслас, весиг пӱ зэв оригинальнӱй. Тадзи и шуис сэки Викторлы. Тайӱн и дона пӱ тэнад уджыд. Митинӱс эз веськодӱн коль Каневлӱн мӱвпыштӱмторйыс, плеш вылас сукмылісны чукуръясыс, зэлавліс вежӱрыс. Мортыс эз кор тундраса зэрыс дзессыны специальнӱй плащ либӱ сирваа тӱбӱкъяс. Думыштӱма вуж вйӱныс вежны ӱнія кӱр видзанногсӱ. Кутчысны кӱ быттьӱ, ок и муркӱдны-уджавны ковмас министерство-са главнӱй зоотехниклы.

«А мыйла кутчыссыныс? Мый бурыс, Митин, тэныд пырны жарас, медым бонзӱдны сьӱлӱмтӱ, ветьӱкӱ пӱртны волялыс чужӱмбантӱ. ӱд тэныд, дураклы, мӱд оклад оз

сетны. А джөмдан кө, көть и өти оклада, тырвуйо юаласны. Сэни, йёза пармаас, кутшөм на виччысьтөмтор вермас суны. И пельпом вылад юрыс өти...»

Усян кө, мөдысь өдвакө веськалан вылө кыптан пос вылө. Öнi кежлө вот веськалөма лон, сiдзкө, кутчысьны колө. Тундраын первой гожөм ветлөм бөрын чорыда керыштіс аслыс, сэсся воськов оз вөч сыланьө. Локтіс Сыктывкарө, пырис министерствоө, эз на дзик пыр асьыс могсө висьтав, исасьыштіс и колана туй вылө веськаліс. Öти олыштөм дядьө сибөдчис Митин дорө. Митин воссис сылы аслас думьясөн. «Э-э,— шуис сэки дядьө,— эн тэр-мась, сиктад мөсьяслысь бөжсө гартны некор абу сёр. Кык во мысти көр видзөмын главнөй зоотехникным пенсия вылө лөсьөдчө, Митин йылысь пө гаралис, өти пө высшөй образованиеаыс ветлө жө тундраас, оз кө торксыс, вежысь лоас». Кык во ещө мөритчис Митин тундраын. И веськаліс вылө катөдан пос вылө. Сiдзкө, колө кутчысьны.

Но Митин немтор тайөс эз петкөдлы.

— Со өти мөвп меным воис,— ылысянь заводитіс Митин.— Гижан, стадаяс бөрья воясө тшөкыдджыка мөдiсны төвйыны тувсовья пастбищяеяс вылын. Ми сiйөс танi төдам жө. А мыйла? Коді тшөктө сэтi йирөднысө, мыйла онө кывзөй менсьым индөдьяссө?

— Эдуард Иванович, тэныд та йылысь медводз колө төдны.

— Ме збыль, Витя, ог вермы гөгөрвоны налысь мудеритөмсө.

— Көиньясөс вертолёт вывсянь бырөдін?

— Меөдз нин сiйөс решитлісны.

— Тундраас, Митин, көні кок улыс пызан пөвйыс кодь тоныд, вөля көиньясыдлы, ветымын километра сайысь судзөдчыласны. Лөдзясысь ёнджыка дөзмөдөны стадаcө. Кутшөм нө сэни пастухыслы и көрыслы шойччөм? Ме ог нин шу, мыйта вошө. А вөрас пушyd лым вылас көиныс коктөммө, ягас пөшти оз пыр. Көиньяс, Митин, важөн вөтлісны стадаяссө пармаө, найө вөліны ёна пиняджыкөсь тэнад приказьяс серти. Көр видзысьясыд век кывзысьлісны природаыслысь... Найө некор эз паныд сувтлыны сылөн гижтөм, но чорыд законьяслы.

— Он-ө тэ вөзйи бөр көиньяс лөсьөдны? — чуймис Митин.

— Ог. Мөдтор вөзья. Торкны кө нин природасө, то колө гөгөрбок артыштөмөн. Колө вөчны, Митин, сiдзи, ме-дым эз көиньяс йөткыны, а көр видзысьыс ачыс окотапырысь котөртіс пармалөн пөтөса да шоныд питшөгө. Ме-

дым вѳрас пастуклѳн уджыс вѳлі кѳкниджык тундраын серти. Со мый колѳ. Со кодѳ вѳрзьѳдас кѳр видзѳмсѳ водзѳ. Ѳні матѳ вѳръяссѳ сѳйѳдѳма жѳ нин. Сэтѳн тѳвйѳм серти тундраад пѳтѳсьджык лѳѳны кѳръясыд, а пыдѳас пырысѳ лымйыс кутѳ. Та вѳсна и колѳ кѳр кѳкъясыслы отсыштны техниканас. Газетъясын ѳні уна гижѳны видз-му овмѳсын комплекснѳй механизация йылысь. Гашкѳ, и тайѳ кутшѳм кѳ ногѳн инмѳ жѳ кѳр видзѳмас. А?

— Инмытѳг оз ов,— лабутнѳя мѳдѳдчис Митин.— Ѳні уналѳн нин чомъяс электричество ѳзйѳ, передвижнѳй генератор кыскалѳны, телевизор кѳть видзѳд. Тѳнад оз на ѳзйы?

— Меным сйѳ оз ков,— ѳвтыштіс кинас Канев.— Солярканас ноксынысѳ дыш. Кѳръясыс полѳны дуксыыс, прѳмысыс киад дугдѳ локнысѳ, паськѳмад йиджас да сйѳ дугдѳ шонтынысѳ.

— Сйѳ тѳнад делѳ, ѳзтав сисьяс. Но ме, Витя, со мый кѳсья тѳныд шуны, он тѳ ѳтнад думайт кѳр видзѳмсѳ водзѳ сѳвмѳдѳм йылысь. Эм специальнѳй институт, кѳні мѳысь да тѳысь тѳлкаджык дядьѳяс пукалѳны. Прѳстит, мѳвпалѳны. Сыысь кындзи, эмѳсь опытной станцияяс, кѳні сѳдзи жѳ видзѳдѳны тѳнад муса тундра бѳрся,— Митин вашъяліс и сьѳкыд вѳлі гѳгѳрвоны, Каневѳс крукыштѳмѳн ради либѳ збылысь восьса сьѳлѳмсянь петѳ сылѳн шмонитана сѳрניים.— Наръян-Марса опытной станцияын уджалѳ ѳти учѳной. Дзодзѳгов фамилиеыс, лѳсьѳдчѳ дорйыны докторскѳй диссертация. Ме доза дыр варовитѳ сыкѳд, дерт и лыдди, кыз папка шняркѳдѳма. Да, Дзодзѳгов нинѳм оз дзѳб, веськыда гижѳ, кутшѳм серпасыс тувсовъя пастбищеяс вылас, бѳръя кызь вит во чѳжѳн вит, а кѳнсюрѳ весиг дас пѳв чинѳма кѳр нитшкыслѳн быдманіныс. Но — сюсь мортсьыд нинѳм он дзѳб — казялѳма сы пыдди: ѳнджыка заводитѳны петны турунъяс. Природаыд, другѳ, оз радейт весьтѳ овны. Сйѳ кыдзи мортлѳн лолыс. Узьѳ кѳ сйѳ — моль моз шоглун сѳйѳ. Ѳтияс пестѳны ловнысѳ радейтана уджѳн, мѳдъяс шонтѳны мусукасьѳмѳн, коймѳдъяс челядь быдтѳны...

— А кодъяслы оз югды тѳнад лыддѳѳдлѳмторъясыд?

— Водка юѳны,— серѳктіс Митин.— Тѳ менѳ торкин. Сѳдз, значит, турунсялѳ тундраыс. Кѳръяс ѳнджыка велалѳны сы дѳнѳ. Вот сэтчѳ и пысасяс Дзодзѳговыд, ѳддзѳдны пѳ колѳ, йѳткыны сйѳ процессѳ, турун быдмѳмсѳ.

— Кыдзи?

— Кѳдзны самолѳт вывсянь, кыскавны минеральнѳй совъяс.

— Кысь сы мында кӱйдыссӱ босьтан?

— Дерт, сийӱ регыдӱн оз артмы.

— Сэссия ӱд туруныс быдмас сӱмын увтасинъясас, кытысь джуджыд лым вӱснаыс водз тулыснас оз вермыны шедӱдны кӱръясыс сӱянсӱ. Кодлы сийӱ ковяс? Гожӱмнас кодзтӱгыс тырмӱ туруныс.

— Гӱран кӱ да минеральной удобрениеясон киськалан, быдмас и мылькъяс вылас.

— Гӱрны тундрасӱ? — выльысь юалис Канев.

— Да, Витя, гӱрны и химизация...

— Дурак тӱнад Дзодзӱговыд...

— Мый тӱ, Витя, но кызди тадзи позьӱ шуны, — тайӱ пӱрийӱ Митинлӱн веськыд син пӱлыс лӱк нога тупкысис, быттьӱ син пӱла сийӱ лои, чужӱмыс букуштчис. — Кандидат, регыд доктор... Сэссия мӱд кыв эз сюр? Словарной составыд тай вывтӱ гӱль. Лыддысян он кӱть сӱни? Сийӱ жӱ наука...

— Дурак! Колӱ кӱ, выльысь шуа. Медыджыд наукаыс — ачыс олӱмыс, — скӱралис Канев. — Дурак сы вӱсна, мый ыршасьӱ жугӱдны тундрасӱ. Быдмас ли оз ли сълӱн туруныс, ог тӱд, и дона-ӱ сэтшӱм кӱрымыс сувтас, ог жӱ вермы нинӱм шуны, но зверь-пӱткакыд да чериыд бырас, пужӱн чишкаласны химикатъясыд — тайӱс ме бура тӱда.

— Сийӱ думайтӱ, вӱзйӱ, но ӱд некод на сы ног оз лӱсь-ӱдчы вӱчны, мый сӱдзи повзин? — кыв кӱрталис венсӱ Митин. — Тӱ тай выльтор жӱ со вӱзъян...

Збыль-ӱ сълӱмсӱ вӱрзӱдӱс да ышӱдӱс водзмӱстчӱм вылӱ Митинӱс Каневлӱн дипломнойыс, сӱдз и бригадир стӱча шуӱмсӱ эз кыв. Дерт, панасыд колана, быд пӱрийӱ вежӱртӱдлӱс Митин, но сийӱ пӱ зӱв абу прӱстойтор, колӱ кывзыны овмӱсса веськӱдлысьясӱс, артавны выльысь, маршрутъяс корсьны, медбӱрын, ресурсъяс аддзыны сийӱс олӱмӱ пӱртӱм могысь.

Онӱ, йӱзӱм дор вӱръясӱ воӱм бӱрын, Канев став вир-йянас кылис, кутшӱма эськӱн лӱсялисны таво пыдӱ пармаӱ водзвыв писькӱдӱм маршрутъясыс, ӱд сӱни, лунвыв вӱр-ьясас, первойя усьӱм лымийыс, тӱдӱмысь, помӱдз сывлис и му эжыс сӱни кос. Но парма питшӱгӱдзыс Виктор воӱдчас ачыс. Ачыс тӱдмалас.

Кӱть Виктор ӱна чӱпсӱдлӱс харейнас дадювса пелей-ясӱс, пемыдыс сунс сълӱн урчитӱминӱ вотӱдз: водзын латш-кӱс козъяса сук вӱр. Вомӱналӱ эськӱ сийӱс кӱр видзысь-ясон писькӱдӱм ордым. Но татшӱм пемыднас сы вылӱ он веськав, вӱр пырыс жӱ воргатӱгыс дадювнас прӱйдитӱм йылысь и мӱвпавны нинӱм.

Виктор сувтөдiс дадювсö. Колiс эськö чукöртны пес да пузьöдны чай, но пастук эз тэрмась чеччыны дадь вывсьыс, сiйö век тшöкыдджыка кыйкнитльвлiс Сандивей кывтыдланьыс, кöни километра дас вит сайын пöртмасис аслас манитысь биясөн Харуты посёлок. Сэни олö-вылö Светлана. Мыйла нö абу сьлөн туй вылын посёлокыс, сэки эськөн Виктор эз таdzi падъяв. Викторлы кажитчис позьтöмөн каттывлыны кежöдысь верстыяссö, оз позь манитчыны. Но юрас öтарö бергалö югид бияса посёлокыс. Кымын дырджык таdzi весь вöрзытöг куткырвидзö аслас дадь вылын, сымын сьöкыдджык лоö сылы, медым орöдчыны местасыс, чукöртны пес, пузьöны чайсö. И заводитö гөгөрвоны, талун оз нин, буракö, татчö пестысь — гажтöмлун заводитö чепльöдлыны сьölöмсö. Сэтшöм шуштöм и кöдзыд лов вылас. Татшöм жö кöдзыд лолiс, кор чайтiс, дзикöдз торъялис Светланакöд, кодыр сiйö вöли мунöма бурöвöй вылысь «некутшöм адрестöг». Сэки Виктор кыпöдчас вöли дадювнас медся джуджыд мыльк вылас и гөгөр видзöдалö, син ортöдз дзоргö, быттö корсьö тундрасыс вошöм мортöс, кыdzi коркö зоотехник Митинкöд корсьлисны Аннаöс. Öд Аннаыс збыльысь вöли ылалöма тундраас öтнас, и найö дзик збыльысь корсьысисны. Но Светланаыс некутчö эз вош, абу сiйö тундраас. Мыйла нö сiйöс Виктор корсьö? Тöдö, абу и корсьö. Кодыр доймыны заводитлисны синъясыс, Виктор кымыньтчылис чорыд кос керч вылö да мöдлис никсыны кынь моз. Найö зэв вöсни гөлöсаöсь, торъя нин кыньпияныс, дзик кага моз бöрдöны, кор сямалö кынöмныс, чуксалöны мамнысö Викторлөн сыысь синва сöдзтысьтöдз петлис ас вылас жалыс.

Сэсся бергöдчис енэжлань чужöмөн да виччысьтöг вурзөвтiс. Буракö, сьлөн вурзалöмыс артмис кöинъясысь страшнöйджык: лёкысь нетшкысисны дадювса кöръяс, Лыско понийс чепöсийс мöд мыльк вылö да сэтысянь заводитiс воча омлявны.

Ачыс Виктор повзис жö. «Мый нö мекöд керсьö?» — юалис ассьыс, быттö коркö да кодкö вермис вочавидзны сы вылö.

Шулöны, кадыс пö медбур врачыс, быд пöлöс шогсö ньöжйöник песас. Но тайö пöрйö и кадыс эз уджав Виктор дор. Светлана эз вешйыв син водзсьыс, кыdzi водзвылад быгыльтчысь мираж, тэ нюжöдчан сы дiнö, а сiйö ылыстчö-йöткысьö. Арся зэв пемыд войясö, кодыр сэтшöм лөнъ, зыбуч нюръяс вылысь Виктор казявлис вуджөр кодъ би, кутшöмкö газ пö югзьö, тэ матыстчан, а сiйö пышйö. Кöдзыд биыс морт вуджөрөн котöртö водзвылад. Таdzi

кымын жö артмис Светланакöд, сийö эз кыв Викторлысь чуксалöмсö. А гашкö, кöдзйдöсь Викторлөн кывъясыс? Оз мörччыны ныв сьölöмöдз. Сэки Виктор мöдiс бöрийыны медся мичаяссö. Дыр песiс вежöрсö. Тайö уджыс вöли кыньпиян моз никсöм сертиыс ёна любöджык. Сийö судзöдiс йöзлөн кывйөн ворсан кудйысь медся мичаторсö, сьölöмсьыс нетшыштiс алмазөн дзирдалысь чача. Серав кöть бöрд, Канев тэчис сьыланкыв. Лöсалис да мольöдiс, кызди ассьыс пелькиник дадьсö. Гашкö, эз чуж сийö йöзлы коланаён, кудйö пуктанаён, но ассьыс тай сьölöмсö небзьöдiс.

Кайлы, шондiйö, джуджыд мыльк вылас,  
Нимъясь серöдлöм мальча пандынад<sup>1</sup>.  
Войвыв кодзулыс сутш кöть аддзылас,  
Зэв на мелiа нюмөн пандалас.  
Век мем пöртмасын визяордаён,  
Чатöр морöса гордöй важенка.  
Кушöм трöпаö, кытчö воштысин,  
Мыйысь чöv олан сэтшöм важöнсö?  
Код нö шыльöдö руч бöж кöсатö,  
Мелi авколөн дзоргö синъясад?  
Тöv ныр вурзалö, кодзув гылалö  
Лымъя эрдъяса оланiнъясад.  
Шог кö изъясяс юсьлөн морöсад,  
Норась тувсовъя ызгысь шор валы.  
Визув коськас кор кела пидзöсöдз,  
Кывза тэнсьыд сэсь кисьтöм норлунтö.  
А кор мудзöмла кыз ун пöрдас,  
Вола тэ дорö, чышка синватö.  
Чизыр йирмöгысь кодыр паляла,  
Тэлань таяла кöдзид лысвасö.

Эз кö тайö сьылöмыс чуж Виктор сьölöмын, гашкö и дзикöдз вöймис.

Водзын Виктор кывлывлiс, мый быд кöр видзысьлөн эм торъя сьыланкыв, кызди аслас дадюв да харей. Сытöг некызди. Батыс том дырйиыс нюркийöдлывлöма «Черный ворон...» Öтияс чужтöны асьныс, мöдъяс бöрийöны, кызди, шуам, магазинысь костюм. Тадзи и олöмас. Позьö выль лöсас керавны, позьö и кодлыськö коклябöрсö таявны.

Виктор некодлы эз эрдöд чужтöмторсö, ен мед видзас сэтшöм ышнясьöмысь. Сьывлывлiс, стöчджыка кö, норасьлiс сöмын лöзалысь тундраыслы. А сийö чöла-чöла кывзылiс, кызди сийöс гөгөрвоысь медся матысса друг. Артмис, абу сöмын мусюрывывса джуджыд мылькъясыс кывзылöмаöсь, вöсньыдик йöлöгаён тангöма сьылöмыс Светлана-лы инасьтöм сьölöмас, ныв бергöдчис тöдса трöпаяс вылö.

<sup>1</sup> Панды — маличалөн серöдлöм дорыс.

Но Светлана воис мѳд мортѳн. Збыль-ѳ сійѳ йѳлѳгаыс бергѳдѳс чужанѳнас?

И со Виктор Каневлѳн нѳль кѳра дадюлыс рѳдтѳ посѳлок бияслань, кажитчѳ, лунся сертиыс сійѳ пызйѳ тѳрыбджыка.

Стандартнѳй керкаяса посѳлокын увтчысь пон чукѳр ызгысис вылас, харейнас и дорйысис. Понйыс посѳлокас йѳзсыс унджык, пес кыскалѳны да ва ваялѳны наѳн. Майбыр, во гѳгѳр сѳяныс тырмѳ, неылын колхозлѳн забойнѳй пункт, колясьяссѳ ывла вылѳ шыблалѳны.

Светланалѳн посводзыс эз вѳв калича.

— Вѳльысь на волѳн, а бара нин локтан,— шуалѳ кѳзййкаыс порогѳ вѳськовтысьлы.

Светлана ветлѳма пывсянѳ, ѳнѳ тазйын купайтѳс кагасѳ, тыдалѳ, абу ыштѳма ичѳтсѳ кѳдзыд вывтѳыс нулыны. Виктор чуть гатшѳн эз усь тадзикѳн «чолѳмалѳмсьыс», но кор паныдасьліс Светланалѳн синъяскѳд, сѳтысь лыддис мѳдтор: нимкодъ аслыс. Личалис бѳр, ставыс на важ ног.

Светлана ѳтарѳ дзебѳ синъяссѳ Викторысь, аслас быд вѳрасѳн талун сійѳ кѳсйѳ тѳдчѳдны, мый сылы дзик веськодъ Викторлѳн воѳмыс, эз кор, эз виччысь. Мед сѳмын жаляддзаысла оз ветлы татчѳ, сытѳг на овсѳ.

Виктор нимкодьясѳ, кызди Светлана ворсѳдчѳ кагаыскѳд, тѳкѳтьѳ бергѳдчыштѳма бокѳн да еджыд быг пытшкѳ йѳршитѳ ичѳт мортсѳ. Кагаыс авзѳ, гашкѳ, ваыс пѳсьджык, гашкѳ, синъясыс курзисны. Но медъя шонавлѳ, медъя курзьывлѳ. Викторлы тыдалѳ мамыслѳн гѳгрѳсѳник ломзысь пельыс, лѳнтаѳн кѳрталѳм сьѳд кѳсаыс. Викторлы зѳв окота матыстчыны да тшѳтш ворсѳдчыны мама-нылакѳд, но вомалѳмысь полѳ.

— Но мый сѳся? — бергѳдчылѳ Светлана.— ѳд яндысьны кутан приданнѳя гѳтырсьыс. Босьт дадювтѳ да войѳд чомъяд.

Викторлы дзик пырсѳ эз сюр вѳча кывйыс, эз вермы шуны, мый сылы татшѳмторйыс веськодъ. Но сьлѳн шуанторйыс важѳн нин дась олѳс, сѳмын шуны колѳс. И Виктор пѳся, тѳрмасьѳмѳн шуис:

— Дзоля мортыс — мѳнам. Ме ог вермы тѳтѳг, Света. Ме тѳнѳ зѳв пѳся радейта. Пыравла пармаѳ, йѳрсьѳдчанѳнъяс корсьны, а бѳр петѳгѳн куимѳн мунам асланым чомйѳдз. Марфида пѳрысьмѳ... Кодлыкѳ ѳд колѳ чайсѳ пузьѳдны, менѳ, пастухѳс, рѳбѳта вылысь виччысьны. Мѳнам сьыланкыв гижѳма тѳ йылысь, Света...

Век мен пөртмасын визяордаон,  
Чатөр морөса гордөй важенка.

Кутшөм трөпаө, кытчө воштысин,  
Мыйысь чөв олан сэтшөм важөнсө?..

Виктор виччысис, мый шуас та вылө Света.

— Босьт кагасө да койка вылас пукты,—рама шуис Света.— Кутшөм тэ гөгөрвотөм. Кыдз нө челядьтө быдтыны мөдан?

— Тэ нө мый вылө,—Виктор топөдис небыд рузумө гартөм дзоля мортсө морөс бердас, быттьө полис сылөн чепөсийөмысь, усьөмысь. Мыйлакө дум вылас уси, кызди тулыснас босьтліс да шонтывлис морөс бердас чарөм вылө эновтөм гегдысь көрпиянөс. Сөмын сэки ассыс шоньдсө юкліс, өні артмис мөдарө, ачыс шонтысис тайө пөсь рузумторнас. Сэсся Викторлы лои яндзим Светланахалысь аддзөмторсө көрпикөд өткодьялөмысь.

Виктор ки вылын кага некымынысь кыскыштис йөла сюрсө и сырсмуніс, дзикөдз лябмөдис пөсь ваыс ичөт мортсө.

Асывнас Виктор шензис сыысь, кутшөм виччысьтөг да прөстөя артмис сийө кывйыс, мый вөсна сэтшөм дыр песис лолыс. Но сьөлөм вылас вөлі и нелөсьыд. Од сийө сыланкывсө коркөя Светланахыслы лөсьөдліс.

## 7

Сандивей вуджөм бөрын некымын лун мысти Виктор Канев веськаліс геологъяслөн зимник вылө, кыті, тыдалө, бурөвөйяс вылө кыскалөмаөсь грузьяс, трактор гусеницясөн таялөм туйыс чуксалис көр видзысьөс асыв-лун-вылө. Виктор босьтчис пырны техникаөн писькөдөм ордымөд, ышөдис веськыд да южмөм туйыс. Татшөм туйөдыс весиг йирсянінъяс видлалігмоз позьө рөдтыны луннас километра ветымын-квайтымын.

Шлывгө өтка дадюла зимник кузя. Оз нин өти лун. Нель көр кокниа лэбөдөны сийөс паськыд туй кузя. Корсюрө гирснитлө волялөм дадь сювйыс, кор инмө гусеницаөн парснитөм няйт корөгө, либө гаджмунө княнича йи, увсьыс ваыс кытчөкө исковтөма да абу удитөма кызысө. Колян луньясас, көть костьясөн, но поводнөя лымъяліс, торья нин сийө төдчө тани, дор вөрьясас, кодөс збыль вөрнас шуны сьөкыд на, но и абу нин тундралөн шыльөдөм эрдьясыс. Пуясыс ичөтикөсь, чайтан, вөрыс зэв на том, но матыстчан да найө ставныс нин ройсялөмаөсь, дзор пөль-пөч кодьөсь. Мусяныс и заводитчөны пашкыр лапьясыс, быттьө полөны пөрөмысь, збыль өд кын муас омөля вужьясьөмаөсь найө. Нюрьясыс, кодьяс

тшөкыда на паныдасьлөны, абу нин тундраын кодь сөстөмөсь, еджыд рач вылын моз вөр дяс съодасьоны. Но ёна на тани жвичөдоны чизыр төвьясыс, куштоны мусюр плешьяссө, чажөдоны нюрьяссө да шор бокьяссө, сэк жө дөбельки тыртоны вөраиньяссө да быд сикас гөпьяссө. Сы вөсна тайө вылі местаясыс, шонділөн тулысө бергөдчөм бөрын, водз мездьсьоны лымсьыс. Көраяслөн тувсаланіньяс. Тайөс төд вылын кутөмөн Виктор геждика кежлывліс тракторной туй вылысь да кытюрө койбедьнас гудйышталіс лымсө. «И тайө мыльөсторьясыс сэтчө жө йизьөмаось таво»,— скөрысь мөвпаліс пастук да рөдтіс водзө, джуджыд да сук вөра пармалань.

Ноябрь пом. Сулалісны, буракө, медбөрья шондіа луньяс. Та йылысь лючки висьталіс ачыс шондіыс, ыджыд и мырдгөрд, быттьө биа висьөм пузьөдөма сійөс. Дерт, турөб водзын. Но Викторлы эз парскы шонділөн лөксө туналөмыс. Көр видзысь надейтчис, мый татшөм туй кузяыс и турөбыс оз дзуг сійөс. Талун со мыйта шаркөдіс, козьясыс лоисны ёна кузьджыкөсь да пашкырджыкөсь.

Вой кежлас Виктор бөрийис лунвылө морөса шор пөкат. Дадювсьыс көрьяссө лэдзаліс йирсьыны. Куим хапторкасө, кодьяс зэв на вөйөсь, чоталіс, өти водз коксө да өти бөр коксө гезторйөн йитіс, мөд ногөн кө, чинтіс воськовсө налысь. Тадзинад найө некытчө нин оз вермыны пышйыны, а сөянсө ылысь оз ков корсьыны, шор пөлөныс кузь эжөрыс веж на, төкөтьө сайөдөма выль лымйыс йывсө налысь, сөмын нырнысө колө суйыштны көрьяслы. А Дзолуксө лэдзис чотавтөг — сійө ылө оз мун.

Көрьясөс иналөм бөрын ачыс Виктор сувтіс паськыд лызьяс вылө. Сөмын на пищальсө чөвтіс пельпом вылас, пыр жө чошкөдіс пельяссө да юалана видзөдліс көзяин вылас коз улын куйлысь Лыско, а көзяиныслысь могсө гөгөрвоөм бөрын пелька чепөсйис шор горулө.

Канев веськөдчис шор йывланьыс. Кыдзи и век, өти-мөдлаысь койбедьнас гудйыштіс лымсө, төдмаліс, ёна-ө йизьөма му эжыс. Регыд сетіс гөлөссө Лыско. «Эз-ө нин дозмөр кыськө аддзы»,— радлыштіс Виктор. Со өд шор бокас весиг пожөмьяс овмөдчөмаось. А налөн вужьясыс пыдынөсь козьяс серти, сідзкөн муыс дөвөль нин сывлө. А со көнюрө и ичөтик нияяс эмөсь. Гашкө, и збылысь татчө дозмөрьясыс овмөдчисны, өд ыджыд вөрьяссө мортыс ёна нин бырөдіс.

Кольөм во Печора бердса Дібөж сиктын өти кыйсьысь паныдасьлөма арнас кабанкөд. Пөрысьяс оз помнит-

ны ни абу кывлөмаось пөчөяссянь татшөм дивөсө. Мыйла нө лунвыв пемөсыс локтөма сэтшөм ылө войвылас?

Специалистъяс гижоны, зэв пө уна сийө рөдмөма лунвылас. Сидзкө, корсьоны вель пастбищеяс? Дерт, арнас кабаньслы эм мыйон чөсмасьны, ты дорьясас эжорыс морт судта, вужйыс юмов, весиг мөскыслөн йөлыс содө сыысь. Но өд төвнас сийө кык метра судта лым улө дзевсьө! Гашкө, өти йөй кабан и смелмөдчис? Гашкө, эз войвывса чөскыд туруныс сийөс кыскы, а мөдтор. Кабаныдлы яя сөяныс колыштө жө. А кольөм во, и водзынджык на, Печора вылө кыскө саранча мында уськөдчисны шырьяс, видзяссө мудйоны, гөрөмөн гөрөны. А гашкө и ладмөдчас кабаньс көдзыд войвылас. Войнаөдз пө Печора бердса вөрьясын абу вөлөмаось йөраяс, а өни олөны сэни. А мыйон нө эськө дозмөрьясыслы омөль тани? Но тайө пөрийө Виктор сорсис, понйыс вөтлысис көч бөрся. Со и ачыс шондөбаньс, еджыд ёкмыль тирөдө паньд, сөмын пель йылыс да ныр помыс съөд. Көз улө сувтыштлис, йөйыд, быттьө лыйөмсө и виччысьө.

Эз радлун шымырт Викторөс прөмыссө лэптигөн. Бара ковмас сийөс кульны көдзыд вылас! Көр видзысьлөн даддяс эм на дзонь көч туша, байдөгьяс. Луннас байдөгьяссө рос вылысь лэдзис, радейтөны өд найө шондө водзас нимьясьнысө. А көчсө Лыско атөдис өти ты вылө, вильыд йи вылас веськалис табья кокаыд да чепөсийны оз вермы, шливьялө сөмын. А Лыско абу йөй, йи вылас оз кай, ты дорсө гөгрөдлө.

А збыль вылас таво көчыс вывти уна, тайө шор боксьыс быд куст гөгөр быттьө көр стада трөпитөма. Со Лыско бара нин чеччөдөма көчөс да сылань увтөдө. Виктор чукөстис понсө и сийө эновтис көчсө. Лыско зэв кывзысьысь пон. Бөжнас өвтчигтыр матыстчис да бөрөн лэччысис лым вылө, мыжапырысь видзөдлис көзяин вылас, мый нө пө неладнөсө вөчи?

— Тырмас мянлы сөяныс вежон кежлө, а лишнөй грузсө нинөмла кыскавны,— Виктор кепысьнас шильөдыштигмоз инмөдчывлис Лысколы кык пель костас, мөдыс радпырысь ворыштитис бөжнас, гөгөрвои пө.

Гораа трачкөдчис кос кондаясысь вөчөм бипур. Кыдз вож вылө кык бөр көкөдыс өшөдөмөн Виктор мешөк моз пөрччис көчлысь еджыд пасьсө. «Мыйта на прөста вошө мян татшөм прөмысыс,— веськодпырысь думыштитис ачыс, но сэки жө вомалис асьсө:— Буди, сидзи и колө». Унджык кө көчыс, пөтөсджыка олөны ручьяс да кыньяс. И көинлы эм мый вомас тшапкыны, этшаджык кутас-

ны усьласьны кӱрӱяс ыллӱ. Со на кыдзи ставыс йитчӱма! И Каневлы дум ылас усис серпас, кодӱ чужтӱс ӱнӱ сы сьӱлӱмын лӱглун. Кольӱм во сӱйӱ веськалӱс Харей посӱлокӱ. Тшӱкыда сэтчӱ воывлӱ, ненецӱяслӱн да комияслӱн сиктӱ, ордӱйсыӱны налӱн кӱр видзан бригадаяс, опыт ӱта-мӱдлысь босьтӱны. Челядь ворсӱм кодь эськӱн сӱйӱ, опыт паськӱдӱмыс. Но мед. Шуӱны тай, колӱ. Стӱч вӱлӱ нуӱдӱны общӱй колхознӱй собрание. Виктор тшӱтш пукалӱс залас. Быд овмӱсын ашӱр могӱяс да ашӱр норасьӱмӱяс. Ставсӱ сӱйӱс Канев пель пӱлӱн кывзӱс, но ӱтитор самасис сьӱлӱмас. Кӱр стадаяс кындзи, сиктас комын гӱгӱр мӱс видзӱны, медым сэтчӱс войтырсӱ свежӱй йӱлӱн вердны. Ферма пӱ бара ыджыд убытка вайис, юӱртӱс тӱвся тундра кодь шыльыд юра председатель. Танӱ пӱ медся мыжаӱсь кӱчӱяс. Гожӱмбыд пӱ крукыля косаясӱн ӱвтчам, номӱясӱс вердам, рожаясным тувсовӱ чарӱм моз сарӱгӱссыӱны, тундра номӱйд, кӱть зӱв дженьыд нӱма, ок скӱр да наян. Со кыдзи пӱ турунсӱ старайтам. А, видзӱдам да, тулыснас зорӱдӱясным кушӱсь, кӱчӱяс руз-развӱчӱмаӱсь. Кӱчӱястӱ пӱ лудӱкӱясӱс моз колӱ травитны.

— Охотникӱясыд мый кутасны вӱчны?— кывлысис сӱки Виктор.

— Кӱчыдлӱн куыс донтӱм, а яйыс юмов, олам натӱг,— эз йӱрмы председатель.

Виктор сӱки водзӱ эз нуӱд венсӱ. Мый весьшӱрӱ кыв песны? Сӱйӱ оз гӱгӱрво, мый вӱр-ваын абу ковтӱмторӱйс, ставыс йитчӱма ӱта-мӱдыскӱд, виан химикатӱясӱн кӱчӱясӱс — жугӱдан и кӱр видзӱмсӱ, ськӱд йитӱдын и мукӱдтор. Но председатель дӱбелыки скӱрмӱдӱс сӱки...

Виктор неыджыд сьӱдасыӱм пӱртӱын пуис кӱчлысь чигӱяссӱ, а кос сюрӱссӱ Лысколы чӱвтӱс. Сӱсся коз улӱ мастеритӱс лыс чом да пажнайтӱс.

Сӱзь. Тӱлысьтӱм. Пемыд енӱжас шӱтӱма сы мында кодзув! Бытӱӱ гожӱмнас сьӱд момга ылын сярвидзӱ кисьмӱм гӱрд мырпом. «Ой, ой, кутшӱм ыджыд мусайса олӱмыс». Виктор оз нин первойысь мӱвпав та йылысь, ӱнакодь ылавлӱ, ылӱдз-ылӱдз вежӱрнас ветлӱ. Водзӱ, водзӱ котӱртӱ мӱвпыс и бытӱӱ кытчӱкӱ ӱдвывсьыс тангысьӱ. Мый нӱ сӱнӱ? И повзӱӱ. Садьмӱ кыдзи гӱгӱрвотӱм вӱтысь и бӱр тувчӱ аслас кын тундра ыллӱ. Танӱ ставыс ас и гӱгӱрвоана. Уна миллион вояс чӱж лымӱя эрдӱяс ыллӱ дзоргисны кодзувӱяс, тӱлысь, шондӱ, вильшасыш-тӱсны рытӱя да асья кыаяс. Со и ставыс. Со тӱнад нӱмӱвӱйся став рӱдняыд, йиа тундра! Со кодӱяс чизыр

төвъяскөд өтвылысь банийдисины ас ногөн мелі чужомбан-  
тө. А өні, Виктор Каневлөн том кадө, локтис виль рөдня...  
му вылө лэччисны кодзувъяс... Весиг коз увсяньыс Вик-  
тор аддзө, кыдзи Колва бокин сулалысь бурөвөйясянь  
дугдывтөг саякйө кельыдгөрд югөр. Тайө ломзёны газ-  
лөн факелъяс. Войся пемыдас паськыд эрд вылас найө  
югзёны быттьө кодзувъяс. Пемыд вөръясянь йиа са-  
ридзөдз тундра вомөн нюжөдчисны джуджыд көрт выш-  
каяс... Морт аддзис тундралөн морөс кудйысь кельыдлөз  
ломтас — газ. Коді, вөлөмкө, зэв радпырысь чолөмасьө  
морткөд, судзөдчан кө сылань, ыджыд зыкөн чепөсйө  
ортө. Мукөддырийыс стшөм «радпырысь» выныштчө та-  
ладор югыдас, төкөттьө оз лыбөд көрт вышкасө. Буракө,  
сйө вывті нин ёна дөзмөма весьсө овны му гыркас. Мед-  
шөр аддзөмторйыс, дерт, кизьөр ломтас — нефть. Сйө  
лөнджык «характера», но и ськөд пакөстьяс овлөны,  
эз нин этша сйөн юктөдны Печорасө, весиг чериыс бен-  
зин көра.

Көдзыд йиа тундра, кыдзи ышнясигмоз ыдждөдлөны  
романтика корсьысь войтыр, ылөдз өні шыалө. Да и кутш-  
өм нө сйө йиа, сы мында пөсылун кө дзебөма морөс  
кудъяс. Со кутшөм вынйөра техника вөрзис тэлань, тунд-  
ра, со кутшөм вын тэ нетшыштін асланьыд. Ыджыд  
фронт моз гузьөбтис ставыс. Виль гыөн өдөбтис олөмыс.  
Тани Канев быттьө дойысь ымөстө да чепөсйө коз улысь,  
ырзөдө кусысь бипурсө. Оз, оз мыйкө ладмы сылөн визь-  
ын, көр видзөмас, ыджыд өда олөмас, буракө, тшөтш.  
Сылөн «фронтис», көр видзан фронтис, бөрынтьчө. Көр  
стадаяс быттьө падмисны мыйыськө, өтарө чинтисны и  
чинтисны маршрутнысө, эновтисны вөрса төвъяниньяс. Мөд  
ногөн кө, көръяс жмитчисны тундра да вөраньяс заво-  
дитчан дорышө. Мыйысь найө повзисны? Коді таысь  
мыжа? Гашкө, весьшөрө собө-уйө Виктор вөръясти, пу-  
шыд лым пиөд кысьсө Митин дорө? Мый нө сйө вермас  
вөчны?

## 8

Виктор матыстчис ыджыд посёлокө, Мусинө, сы  
йылысь паськыда сёрнитисны и быдөн лыддисны, мый  
сйө регыд быдмас карөдз. И Виктор тырвийө эскис талы,  
кывсис, нюжөдөны нин сыланьө көрт туй. Мусин — ге-  
логъяслөн ыджыд плацдарм, кысянь шуөма выныштчыны  
йиа саридзөдз, шымыртны ставнас тундрасө. Мусинсянь  
визувтө нин кыз трубаяс кузя кизьөр ломтас ылө-ылө,  
стөчджыка кө, сэтчө, көні сйө медъёна өні колө. Сйө

«зарни» шорыс, а гашкө, и юыс век котөртө водзө и водзө, өтарө нюжалө, восьтө аслыс выль туй.

Виктор та йылысь не сөмын кывліс төдса геологъясыянь, но и лыддылыс газетъясысь. Йиа пө тундраыс, а со кутшөм пөсь вира гырк пытшкөсыс вөлөма. Кор и кысь сійө сэтчө өкмылөма? И мыйла быть сылөн тундраө? Медым шызьөдны, дзескөдны көръясөс? Мөд шаньджык местаыс өмөй сэсся эз сюр? Сэки эськөн и геологъяслы любөдзык вөлі. Налөн уджыс, кызди Виктор гөгөрвоө, абу жө дзоридз өктөм. Пөттөдз төлыс и турөбыс нөшкалө. И полярной войыс велавтөм морттө ветьөк моз песө. Но көр видзысылөн мөвпыс тшөкыда пагыртчыліс и мөдарө: оз-ө буртор вай став тайө панасыс, техника дінас сибөдчөмыс, оз-ө вуж выйөныс веж көр видзысыяслысь уджсө, оласногсө. Со и өні Виктор матыстчө Мусинө өти надеяөн. Сэтчө өні локтө шыльыд зимник, кыті сійө өдийө вермас пырны водзө, пармаө, воөдчыны Эжва вожъясө.

Вөлі и мөд помка, мыйла кыскис сярвидзысь бияса посөлокыс. Пөшти төлысь сійө туйын, өтнас. Медым не воштыны кыв-ворсө, сёрнитлывлө вөжживывса көркөд, Дзолюккөд, да видыштө либө ышөдыштө корсюрө Лыско понсө. Быттьө сы пытшкын олө кык морт, өтис юалө, мөдыс вочавидзө. Кымын водзө, сымын өнджыка кутіс дөзмыны мөдсыс, коліс коймөд, коді эськөн выль ног вочавидзаліс сылөн юалөмъяс вылө. Тадзи жө кымын овлө көркөд, мыйлакө торъялө кө стадаысь, заводитө нормыны, корсьны өртъяссө.

Канев дасьтысис йөз дорө петігкежлө ыджыд празник вылө моз, дзонь лун лызь вылын ветлөдліс, том пожөм сора ниа вөрысь кык дозмөрөс уськөдіс. Рөмдігас нин веськаліс таръяслөн репас вылө, өтиөс вешмешөкас иналіс.

Дадюв дорас воис да чоталіс пелейяссө, Дзолюкөс ас вөля вылө лэдзис, сійө, кызди и Лыско, оз эновт көзйиныслысь дадьсө. Виктор любөпырысь видзөдлывліс яр биясөн ыпъялысь посөлок вылө, стөчджыка кө, пемыд енэжын ворсысь югөръяс вылө; нефтяникъяслөн посөлок весьтын ыпъяліс морт киөн чужтөм кыа, кажитчис, сійө йөктө, сы весьтті исковтісны лымъя кымөръяс. Кыа павъяліс еджыд сарапаннас, копрасис, лаймавліс, юковтліс енэжсө, сутш сувтовкерліс, быттьө вөлі дзескыд, гөграліс, бергаліс. Кыа азыма йөктіс, быттьө выныштчис ещө паськыдджыка чашнитны войся енэжсө, быттьө ошйысис аслас помтөм-дортөм вын-эбөсөн, юөртіс мортлөн вежөрөн да

киён чужтём серпас йылысь. Сэні, сы улын, ас ногыс шыалысь олём йылысь.

Медбёрын Виктор пөрччис маличасё, виль пинжакасис да вылас ыж ку пась кышаліс. Сувтіс лызьяс вылө и веськөдчис посёлоклань. Сійёс өні позис чайтны геологөн, не кө кокас кузь гөленя пашкыр гөна төбөкыс.

Туй вылө петём мысти Виктор лызьяссө дзевис лым пиө. И со сійё восьлалө южмём туй кузя. Туй пөлөн, посни пожөма вөр костын, кызисюрө пуктём керкаяс. Öтиясөс ён керйысь тшупөмаөсь, орччөн пөвьясысь вөчөм оланін, кодсюрөяс весиг кышөмаөсь керканысө югьялысь жествөн, буракө, медым пөв костодыс төлыс эз жульөд. Чайтан, кодлөнкө гараж, но вевт вылас телевизионной антенна чурвидзө. А со и яр биясөн дзирдалысь ыджыд вит судта керкаяса посёлок, ачыс Мусиныс.

Виктор восьлаліс посёлок шөр уличаөд. Боктыс вына төв ныр моз жвичйөдлісны гырысь грузөвөй машинаяс, быдөн лыасө дзонь мылык вылысас нөбйыштөма. Сэтшөм чук вылас, гузыгыны кө му вылас, Виктор эськөн меститчис чомнас. И бөрө-водзө, бөрө-водзө, резина гөгыльясөн ургөны, чепөсйөмаөсь шондіводзса кодзувкотьяс моз. Кытчө та мында лыаыс да муыс ковмөма? Виль керкаяс сайын чурвидзисны краньяс, копёрьяс, гипөдісны железобетонной сваяяс, көть кын муыс, тувйыс бөрө оз чеччы, ымзө, ойөстө (кодыр швачкө газөвөй мөлөтыс), но век водзлань йөткө көрт нырсө. А водзынджык краньяс сайын утужитісны посныдик понөлясөс көрт амыся гөрд краскаөн лөсталысь капотьяса бульдозерьяс. Найө вөліны нель-ө-витөн, быттьө атакаө уськөдчөмны танкьяс, сөмын на водзын эз вөв враг, а войыввса нэриник козьяс, кодьясөс скөрысь вольсаліс тайө вөвлытём выныс. Нейлын кодйисны виль керка улө котлован, кранөн сөвтисны торпыригалөм кын мусө машина кузовьясө. Машинаяс, машинаяс... Кытчө оз видзөдлы көр видзысь, быдлаын муркөдчөны көрт сьөлөма дизельяс, дзижгөны электромоторьяс. Викторөс чуймөдіс и өттшөтш падмөдіс тайө виччысьтём серпасыс. Öти здукө Викторлы машинаясыс мөдлісны кажитчыны аслас көрьясөн. Öтияс руксігтыр ризөдөны асфальт туй кузя бөрө-водзө, быттьө шөйөвошөмаөсь, полөны кежны пушyd лым пиас, со и котралөны, корсьөны петанін. Мөдьяс камөдөны нин кын муас көрт лапаяснаныс либө нырнаныс, быттьө лёк тулысын чорыд чарөм улысь көрым перйөны; коймөдьяс, стадаын медся вынаясыс — менурейяс, ружтігтыр нырөны, налы ставыс веськөдь, найөс немтор оз кут, ок азымөсь,

сьоддз путкыльтоны йирсянінъяссө, весиг ньылалоны пуяссө. Со кутшөм көръяс «йирсьоны» пармаын. Сэсса кыдзи нө оз бертны сійөс. Викторлы жаль водзын тыдалысь пашкыр нияса вөр диторйыс, буракө, лыа сәті, со кутшөм кузьось пуясыс. Кыкладорсянь сыланьё писькөдчисны бульдозеръяс, лөсьөдчисны чышкыштны и сійөс. Мыйла эськөн не кольны сійө вөрторсө выль карыслы? Вель ыджыда нин паськалөма посёлокыс, ни өти пу на некөн оз тыдав. Чышкөмөн чышкөны. Сувтөд өні Виктор эсійө механизаторъяссө и шу, жалитөй пө нияяссө, кольөй выль карыслы мич вылө, серам выв лэптасны. Татшөм пө ён зон пуяс вөсна нёрпалан, миян пө мөд мог: дасьтыны шыльыд площадка! Мыйла мукөдъяслы абу деливө, кодыр аддзөны мисьтөмтор, мыйла абу деливө видзөдны, кор бурөвөйсянь пеж ва киссьө югыд шорө, кор ичөтик юлөн мыш вылө петөны лыд ни тшөт мотора пыжа, медым тешитны ас теш, ыркөдчыштны ва вылын. Мотортөгыс өмөй оз позь бурджыка шойччынысө? Юыс өд абу сөмын налөн. Мый нө кольө мукөдъяслы, кодыс вежасны миянөс?! Мыйла тадзи артмө? Гашкө, сы вөсна, мый ми тшөкыда на нимкодпырысь горзам, вежам пө войвылысь чужөмбансө. Сәтшөм өмөй нин сійө лөк, быть колө вежнысө? Сылөн сюрс воясөн чөжөм шыльдөдөм-пелькөдөм чужөмбаныс оз өмөй тырвийө лөсяв миян ловлы? Вөрвасө жалиттөг таргайтөгөн ог өмөй нө тшыкөдөй асьнымөс?..

Посёлокті ветлөдлігөн, почта керкаөд вочаасьөм мысти, Викторлы юрас воис мөвп звөнитлыны Митинлы Сыктыварө. Почтаыс вөлі неыджыд пу керкаын, тырыс бергалісны йөз. Висьталісны, звөнитчыны сылы позяс сөмын удж помасьөм бөрын, заказыс пө карыскөд уна. Но Митин уджалө сөмын лунын и сылысь гортса телефонсө Канев оз төд. Лун-мөд мысти шыльыд зимник кузя Виктор воас Печора карө, кытісянь быть нин йитчылас главнөй зоотехниккөд.

Гостиницаын, кытчө муніс Виктор почта вылысь пөтөм бөрын, местаясыс эз вөвны, а пастук шуис пыравны корөся пывсянө, нөбис вежсьыны улыс дөрөм-гач.

Корөсяніныс, көр видзысьяс ногөн кө, вөлі «пым». Збыльвылассө гөвкьяліс улис пөсь ру. Вөськыда кө шуны, климатыс тропическөй, сөмын сійө тропикыс эз дзоридзөн өвт, чапкис нырө майтөгөн да сисьмысь кыдз корйөн. Чизыр төвъяс вылын да кос көдзыдъяс дырйи быгалөм Виктор, шоньд ваө быгыльтчөм кер моз, заводіс нильзыны. Ты пыдөсса нуйт моз шлапкысис руыс

кӱдзыд кучик вылас, а сӕсся регыд и пытшкӱсас мӱрччис, тӱдчымӱн сьӱкыд лоис. Вылыс джоджын кынӱм вылас нюжвидзис кузь дядьӱ, кыкӱн швачӱдисны сийӱс корӱсь-ясӱн.

Викторлы ӱти швачӱдысьлӱн гӱлӱсыс кажитчис тӱдса-кодьӱн, а кор видзӱдлӱс сылы чужӱмас, тӱкӱтьӱ эз гири-люки усь пӱлки вывсьыс — ышмӱм Косков мый вынсьыс швачӱдис жарысла нӱпмунӱм дядьӱӱс. Сийӱ Косковыс, кодкӱд таво арнас паныдасьлӱс тундраын, кодӱс «велӱ-дис» пыдди пуктыны вӱралысьяслысь гижтӱм законьяссӱ. Первойя здукас Викторлӱн вӱлӱ мӱвп усыйьсны. Но кыдзи пывсьытӱгыс! Сӕсся Косковыс пасьтӱгыс, гашкӱ, оз и тӱд сийӱс. Либӱ оз жӱ ӱд кут пывсянас косясьны.

Но Косков казялӱс Викторӱс, джӱм воча сувтӱс:

— Тӱэ?!

— Буракӱ, ме— кыдзи вермис, веськодя вочавидзис Канев.

— Тӱдӱн менӱ!— лӱк ногысь серӱктӱс Косков да нюжӱдис кисӱ.— Здорово, братан! Ок, рад тӱнӱ аддзыны...— Косков векуштлӱс вомсӱ.— Пывсьыны кӱсьян — пывсьӱ-да! Лысьӱмтӱ небзьӱда... Кылан!

— Мефодь другыд кӱнӱ?— Виктор чайтӱс мӱдарӱ бергӱдны сӱрнисӱ.

— А-а... Мефодьӱй... Сволоч сийӱ вӱлӱма! Повзис гад, зӱв тӱрыба тапьяссӱ мавтыштӱс. Тю-тю Мефодь. Ме сы пыдди ӱтнам мынтыся, ӱнӱ на...

— Мый нӱ, курыда горзьӱдлӱ,— Виктор гӱгӱрвоис, бурӱн не мынны сылы Косковысь.

— Горзьӱдлӱ... талун кодсюрӱӱс горзьӱдас на, чайта... Ыркӱдчыштам, ӱти сайын тшынасьыштам,— пӱрччыся-нинӱ кыкис Косков. Виктор чӱла петӱс бӱрсяныс. Скамья вылӱ пуксисны орчӱн верзилӱ кодь Косков да ичӱтик Виктор. Косков видзӱдис Канев вылӱ вылӱсянь, кыдзи кань шыр вылӱ. Но гыжъяссӱ лӱдзны эз тӱрмась. Виктор вӱлӱ ставнас шыӱма чорыд мускулъясысь, еджыд кучик улас найӱ тӱкӱтьӱ быд вӱрзьыштӱмысь гӱвкьялӱсны-ворсӱсны. Косков шога бергӱдис чужӱмсӱ.

— Регыд бурӱвӱй вылӱ бара, кыдз шуласны, шойччышти, бура пыркнитӱ, бус чир зептӱ эз коль. Куритӱд!

Виктор чӱла перӱис пинжак зепсьыс витаӱс:

— Ог куритчы. Пиво аддзылӱ буфетсьыс. Вай тшӱтш...

— Пасьтӱгыс,— кӱрлӱс чужӱмсӱ Косков, но эз пикӱво, чукӱстӱс вугралысь пӱрысь банщикӱс.— Дас бутылка, сдачаыс оз ков.

Банщик вайис пиво. Косков өти бөрся мөдөс булькө-  
дiс пытшкас, гораа ойкайтiс.

— Чайтi пөкмелльөсө пывсянөн песны, кык пөлөс ле-  
карствонас өдйөджык бурда. Көнi олан?— тувкыштiс бо-  
кас падьялысь Викторлы Косков.— Ю. Свежөй пивойс.

Виктор бергөдлiс киас дозсө и чөв олис.

— Көнi, мися, олан?! Саасьөма өмөй пельыд.

— Тундраын.

— Кутшөм тундраын ещө?

— Большеземельскөйын. Мый, он төд?

— Мися, танi көнi бергөдчан?

— Пока танi.

— Войсө көнi чайтан кольны?

— Ме войяссө ог узылыв,— Виктор эз көсйи сибөдны  
Косковөс.

— Но сюзь!— сьөвзис кок улас Косков.— Аттьө, пи-  
восьыд. Лок, корөсяла мыштө. Уджйөзөн ог коль.

Парилкаын Косков кык корөсьысь вөчис өтиөс:

— Ньюжөдчы, тундра, полки вылас. Дыр кутан пом-  
нитны,— Косков коялiс доналөм көрт бөчка вылө, пөсь  
руыс сэтшөм вына кайис, кажитчис Викторлы, быттьө  
сйөс варкйысь пөртиө суйисны, но эз кут норасыны. Кос-  
ков швачөдiс мый вынсьыс ыджыд корөсьөн, матькис,  
чепльөдлө пө пельсө и кисө. Викторөс сотөмөн сотiс, но  
чөв олис, оз кө кучикыс потлась, мөвпалiс ас кежас, ба-  
ра на мортөн лоас, сөмын не петкөдлыны лябмөмсө Кос-  
ковлы. Сэки Косков бертас, сэки сйө сыли вылас вожа-  
сяс. А Косков старайтчө! Буракө, мудеритө нин, корөсь  
нуднас өвтчө, быттьө нөшкөн кучкалө мыш кузяыс. Сво-  
лоч век жө...

— Видлы тайө айбарчсө, тундра. Мый чөв олан? Лов-  
тө эн на пөльышт?

— Пыдын сйө менам, Косков.

— Висьтав, кор чуктас.

— Ладнө, уджав.

— Чу, Вөрсаыд, корөсьыс пазалис. Вөлөма на шудыд.  
Фу! Эбөсысь ори. Чеччы, тундра.

Виктор өдва лэччис полка вылысь, сәни раздевалкаас  
сөмын казялiс, кутшөма сйө мудзөма, син водзас пемда-  
лө, сьөлөмыс гудрасьө, окота ньюжөдчыны бетоннөй джодж-  
ас и куйлыны, куйлыны... Но со бокас, мудзөм пелей  
моз, пошиктө Косков, мөрччөма жө сылы, весиг пивосө  
оз ю, весиг кывйыс оз артмы. Сидзкөн вермис, бертiс  
Косковөс.

— Этша лоис,— норасис Виктор.— Мөдысь пыравлам.

Косков сэсса эз нин пыравлы парилкао ни мыссянінас, быззи пö и сьөлөмөс топөдө. Виктор нарошно нюжмасис, дасысь, гашкө, майтөгавліс юрсө, чайтіс, өтдортчас сысысь Косков, но весьшөрө вөлөма. Пасьтасьөм бөрас, кор нин вещьмешөксө вылысас кышаліс, кыськө былъе петіс Косков, вай пö ноптö лэптышта.

— Огö, кутшөм сьөкыд,— бытьбө радлыштіс йөз ноп вылас Косков.— Кытчö мөдөдчин?

— Лунвылө.

— Ветлам либө ме ордө — лючки шойччан.

Канев дыр падъяліс-артасис да ышловзис, медбөрын, ладнө пö. Буракө, сылы Косковысь ловъя юрөн не мынны нин, пывсьөм бөрас ывла вылас тірзыны оз жö шогмы.

Тайö здукө матыстчис на дорө банщик, мыччис Викторлы урнао шыбитлөм улыс паськөмсө, со пö вунөдөмыд, пиö. Оз нин пö сійö ков, дедө, өвтчис Виктор. Босьт пö и ставыс, долис ассыс старик, ичөт пö урнаыс да, гырысь ёгсө оз примит.

— Босьт, Витөк,— вашъяліс Косков.— Пемыдгорулас кодлыкө донтөм донысь вузалан.

Канев шамыртіс киняулас банщиклысь вөзъянторсө да медводдза тола пиас и суйыштіс сійөс.

Некымын воськов бөрын Косков выльысь юаліс, мый эм Викторлөн мешөкас.

— Дозмөр.

— Дзонь дозмөр?!

— Джынъялөмаыс оз лэбав.

— Манька дінө пыравлам. Самөварыс век руалө. Көть джоджас, да узытөдас, ывлаө оз ветлы.

— Мөд дозмөр на өд эм,— юөртіс Канев.

— Мөд?! Сідзкөн, Колька дінө веськөдчам. Лышкыд дядьö, свежөй закускаыдлы рад лөб. Сөмын гөтырыс... чирей мед өти местаө овмөдчас кобралы!

— Тар на өд эм.

— Тар! Тэкөд он пропадит. Гөгрөс Манька дінө мунам. Тэрмась. Сэсса нинөм абу?

— Абу.

— Ладнө. Ныртө эн өшөд. Содты воськовтө.

Викторлөн пывсян жарыс пытшкөссыс эз на руав, восьлаліс лабутнөя, тэрмасьтөг, но Косков нетшкысис чеп йыв пон моз, сэсса кутшөмкө латшкөс стрөйба дінті прөйдитігөн зутш сувтөдіс:

— Даддыд тай дзуртө. Мазь оз ков?

— Даддяс подшипникъясыс абуөсь, некыті сылы дзуртнысө, сійö абу тракторыд.

— Пывсян бõрын косõн?! Тэ абу кõ тундраса-а.

Канев õнi сõмын гõгõрвоис, кушõм «мазь» ковсьõма Косковлы, мыччис сьõм, ачуд пõ пыравлы. Косков здук педзыштiс юж туй вылын, мыйкõ падъялис, сэсся быттõ лõдз курччис, ньõв моз лыйыштiс гастрономõ.

Каневлы бара поздысис юрас мõвп, усйысьны татысь, мынтõдчыны Косковысь. Сэк жõ мыйкõ быттõ кутис, окота вõли помõдз тõдмавны, мыйся морт тайõ Косковыс, кодi сылõн ёртъясыс. Но оз-õ Косковыс сийõс кыскы водз-выв октõм налькйõ? Сэсся тайõ тõдтõм посёлокас õдвакõ верман сысы дзевсьыны. Сõмын Канев кõсийс саймовтчыны, кыдзи мышсяньыс сийõс чукõстiс Косков, пельõдзыс вашмунõма, зепъясас и киясас синва кодъ югыд дозъяс.

Косков вайõдiс брусось тэчõм кык судта керка дорõ, кушõмъясõс векджык лэптывлõны райцентръясын. Керкаыс виль, магазинса еджыд тупõсь моз быгмунõма.

— Коктõ бура чышкы,— мыйлакõ вõралась пон моз сынõдас исасис Косков.— Пõжасьõма кõзьяйкаыс.

Кок чышкыны вõли нинõмла и некõн, Виктор вачкышталiс тõбõкъяссõ õта-мõд бердас, сэсся веськыда тротуар вывсьыс йõткыштчисны пружинаа õдзõсõ, кодi бõрсяньыс ачыс тэрыба клопкысис. Коридорсянь некымын номеруйтõм жыр. Косков таркõдчис õтиõ. Восьтiс томиник нывбаба. Буракõ, эз вõв рад сийõ гõстыслы, кõрлiс гõрд паръяссõ, йинёнъ моз сатшкысьлiс синъяснас Косков вылõ.

— Со тõдмась, Маня, Виктор Канев — кõр видзось. Сы йылысь ме тэныд гаравлi нин,— тэрыба сяркõдiс Косков, быттõ полiс õдзõссõ ныр улас клопнитõмысь.

— Мыйсõ тэ он сõрлы да,— мыйкõ ас кежсьыс мõвпалiгтыр шуис Маня, но юрсяньыс кок улõдзыс видзõдласõн козыналiс Викторõс. Канев зёлõдчис стрõг старшина водзõ моз. Мича аньлõн синъясыс шоналiсны, õтка югõр кодъ нюмтор чужис вомкõтшас.— Пырõй! Рад тiянкõд тõдмасьны,— кõзьякалõн гõлõс вõли небыдик, кыдзи и кыыс, кодõс кампет моз мыччис Викторлы. «Со мыйла гõгрõснас нимтiс Косков, збылысь тай вый тупыль кодъ»,— донъялiс сийõс Виктор.

— Йиыс вõрзис,— пõрччысиганыс Косков шõпнитiс Викторлы пеляс.— Виччысь ытва.

Квартираыс вõли кык жыръя, õти комнатаын олiсны Маня квайт арõса нывкаыскõд, мõдас нывъяс, воасны пõ да адзылан, сьõлõм сетiс кõзьяйка. Маня торъя рад лоис нопйысь дозмõръяс перйõм бõрын, помся шуркъялiс

кухнясянь комнатаõ, кõни шахматõн ворсисны Виктор да Косков.

А сьõд синъяса вильыш Инка сувтõдис вõрса пõtкая-сõс комната пельсõ да некыдзи эз кõсйы сетны кушты-нысõ:

— Ог сет вõр-васõ сёйны! Ад горш!— шуалис мамыслы.

Мамыс, дерт, ньõръялыштіс. Инка ливзыны мõдис. Викторлы ковмис коридорысь пыртны гõна тõбõкъяссõ, со пõ кутшõм мичаõсь, ворс. Инка дыр видзõдис Викторлõн аслыспõлõс кõм вылõ, сэсся мõдис кокас лõсьõдны:

— Зэв тай ыджыдõсь, õтиас õмõй кыкнан коктõ колõ суйны. Дядя, кõмала да тундраад менõ босьтан?

— Босьта,— шахмат дінсьыс юрсõ лэптывтõг шуис Виктор.

Инка ас ногыс гõгõрвоис Викторлысь кывъяссõ, котõртіс кухняõ да кõсаõдыс нетшыштіс мамсõ:

— Сэсся ме тэкõд овны ог кут. Вот!— Дерт, Инкалы бара на вичмис, но сэсся бõрдны эз нин мõд, шурк кайис Викторлы водзас:

— Дядя...

— Мый?

— Тэ бур?

— Бур.

— Тõбõктõ мамлы юрас суй. Но?

— Сідзи оз позь, юрид абу кок.

— Гырысьяслы быдтор позьõ, сійõ ичõtъяслы сõмын оз позь.

— Шах!— горõдис Косков.

— Кыдзи шах,— чуймис Канев.— Тані жõ менам тура сулаліс.

— Сулаліс, сулаліс да и усис, кыдзи война вылын. Шахматыд — сійõ сраженньõ. Водзõ! Эн думайт.

— Тэныд жõ õти ход мысти мат. Гусялін õмõй тура-сõ? Бõр пукты! Кылан?

— Ладнõ,— õвтыштіс кинас Косков.— Лыдды: нитшъя!

— Нитшъя?

— Дядя Женя турасõ дядя Витялысь кокарнитіс,— юõртіс Инка мамыслы.

— Сідзкõн, накажитам сійõс. Лок картошка весавны.

Ужын дасьтігкості Инка да Виктор видзõдисны телевизор. Вõлі челядьлы передача, экран вылын дурисны пласт-массаысь понъяс. Регыд локтісны ещõ кык ныв, мõд комнатаас олысьяс. Вежсьыштісны да тэрыба телевизор дорõ

жō самасисны. Инка шōпкōдiс Викторлы пеляс, тѣтя Ли-  
да да Тая пō, мамыскōд стрōйка вылын уджалысьяс. Во-  
ысь «тѣтясыслы», буракō, муртса вōли кызь саяс. Яндысь-  
ōны — тшукōдчōмны телеэкранō и быттьō оз казавны бо-  
кōвōй мортсō. Либō велалōмаōсь нин татшōм кортōм  
гōстьяс дiнас? Пызан сайō — кор чукōстiс Маня — зѣв жō  
вежавидзōмōн сибōдчисны. Сōмын кōзяйка аслас мелi  
кыв-ворōн да нюмсера чужōмбанōн, тувсовъя шондi моз,  
азыма тōлōдiс ковтōм полōмлунсō, небыд вōньōн кыис-  
йтiс пызан сайын пукалысьясōс. Торъя кыпъялис Косков.  
Виктор эськōн шуис, шапъялō пō майтōг быг моз. Косков  
ногōн артмис, Викторкōд сийō зѣв нин важся другъяс, эз  
нин ѓтчидысь мездывлыны ѓта-мōдсō пикō воōмысь. Ка-  
нев мырдысьōн пōдтiс пычиктысь серамсō. Медбōрын,  
кор Косков юѓртiс, мый Каневлōн тундратi шавъялō кы-  
мōр кодь кōр стада, нывбабаяс ставōн шызисны, пызан  
увтi Викторлань чургōдiсны кокъяснысō, со пō кутшōм  
кōмаōсь ми, кōть моднōйōсь сапожкиясыным, но кōдзыдыс  
чепльōдлō, омōля и тōвнас петавлам ывлаас. Быдōнлы  
окоата лои тайō здукас аддзыны аслас кокысь кōр кысысь  
вурōм шоныдик да кокныдик мича пимияс, код пыр оз  
мōрччы войвывса чизырыс. Виктор нимкодясис томиник  
важенкаяслōн зѣлыд кокъясōн... и здукōн эз сюр кывйис.  
Найō ызгисны водзō ѓта-мōдсō панийōмōн.

— Ваян кō, ми тѣнō...

— Бура видзōд, размерсō эн вунōд.

Виктор шōйōвошис. Дерт, позьō и кōсийсыны тайō  
мича аньясыслы. Косков эськōн сiдзи и вōчис, со тай син  
пōвнас лапйōдлō, ышōдō. Сѣки эськō ставлы любō лōи и  
водзō содас гажыс. Но Виктор оз вермы кōсийсыны и не  
вōчны, кōть зѣв окоата сылы сьōлōм выланис воны пызан  
сайын пукалысь аньяслы, мыжа моз юрсō копыртōмōн  
сийō юѓртō:

— Ми кыссō и яйсō сдайтам совхозō, асыным ог ву-  
засьō.

— А тѣ пелькышт миянлы,— вашъялис Маня.— Бѓр-  
тинас он каитчы.

Бергалiс магнитофон, нетшкис-ворсiс «кокни руа»  
джаз, сōмын ньōжйōджык сы серти, кутшōма косявлōны  
ресторанъясын. Велавтōгыд да лōнь пармалысь медся  
кокни шыяссō кылысь Викторлы тайō музыкаыс, веськы-  
да кō шуны, зыркōдiс сьылiдзирьясас. Сийō кылис. быттьō  
дзик дiнас кōрта лысьсōмнас муркōдчис-тракйисис Косков-  
лōн керка кодь вездеходыс. Но Виктор нинōм кедзовта-  
наѓ эз шу, лōсялō кō, любō кō сийō татшōм авъя аньяс-

лы, кодъяс мича кыа моз ымралоны пызан сайын, сідзкө, мыйкө аслас юрас неладнө. А гашкө, тайö цивилизация потанын лелькуйтөм быдмөгъясыс дзик нин мөдөсь сы серти? Уна вуж нин налөн нетшкөма земля-мати бердсьыс, ылыс пöльяслөн оласногысь... Но Викторөс кутшөмакө кыкис на дорө, сійö зыка гаж дорас.

Канев öтвылысь азыма гажөдчи: йөктис-бергаліс шоныд сывъя небыдик көзяйкакөд, чеччаліс. Стөчджыка кө, вежнясисны кыдзи сяммисны вöсньыдик коска Танякөд. Кымын водзö, сымын ыззис гажлуныс. Воліснйт ешö гөстьяс. Öти ыджыд дядьö весиг төдмасис Викторкөд, Изварин фамилиеыс, зөв зіля йөктис, помся аслыс бекъясас клопөдіс, быттö вөлөс нөръяліс.

И кодыр пызан сайö колісны кыкөн Танякөд — чуймис. Кытчö вошины мукөдыс? Мыйла татшөм гажсө пазөдісны? Абу кө тыр сюсьөсь тані йөзыс-а!

— Көні нө войтырыс?! — медбөрын юаліс.

— Кадыс төдан уна-ө? — шпыньмуніс Таня.

Вөлі куим час вой. Кыкнанныс чөв олісны, быттö разалөм көръясөс кыскө зөв ылысь сибөдісны сёрнисө.

— Витя, тэныд кымын арөс? — шыасис ныв.

— Сө да комын, — серөктіс Виктор.

— Меным кызь кык, — чөскыда нюлыштіс ичөт вом дорсө Таня. — Куим арөса ныв быдмө. Мый нө? Тэ моз өмөй ройсявны колө.

— Ме нинөм ог шу.

— Аддза син сертиыд — дивитан!

— Нывкаыдлөн бать эм?

— Юысь да тышкасьысь вөлі, судитлісны.

Викторлы вөлі гөгөрвотөмторйөн, кыдзи татшөм шань нывбабасө вермис нөшавлыны верөсыс, но веськыда юавны эз лысьт, юалөмыс артмис ылөсас:

— Кодкөд вөлі тышкасьө?

— Хи, — серөктіс Таня, — көть кодкөд. Веськалан кө и — тэкөд на...

— А нылыд көні?

— Мамө дорын быдмө.

— Сэтысь, гортсьыд, и уджыс эз ликмы? — жалитөмпырысь юаліс Канев.

— Уджыдтө эськөн ликмис да, колана мортыс оз сюр-а, — ышловзис Таня.

— Тані найö тшак моз өмөй быдмөны?

— Сідзи кө эськөн вөлі... Витя, тундраас өтнад и шөйтан век?

— Кыдзи өтнам? Миян чомйын дзөнь бригада!

— Сідзи и чайті. Мыйла он гётрась? Полан, уна кага лоас, да?

— Сыысь месö ог пов.

— Мыйын нö делöыс?

— Ме виччыси öти мортöс, сэсса мөдöс. Воясыс тай öкмöны. Комын нин со.

— Виччысь, виччысь,— ышловзис Таня.— Сідзи и пöрысьман. Плештö со кöрасьяс нин поткөдлöмабсь. Ме тэныд ог туй? Но кыті лёк? — Таня кок пöв йылас бергөдчис Виктор водзын.

Көр видзысь дыр видзöдiс сы вылö, тайö важенкаыслөн вöлі ставыс шылыыд-мольыд да ладнö, ышловзис:

— Гөгөр бур да сöмын не менам чин серти... татшöм погоныс.

— А тэ эн пов,— Таня серöктiс зонлы да уськөдчис аслас комнатаö, бöрсяныс чорыда клопкис öдзöссö.

Виктор вольсалис кухня джоджö ыж ку пасьсö, юр улас пуктiс гöна тöбöксö да регыд гораа корснитiс чизыр тöвьяс йылысь калитчöм ныр пырыс.

Виктор садьмис пань-дозмукөн гольöдчöмысь — Маня идралис тöрытъя пызансö.

— Бобö, татчö и усин öмöй,— жалитыштіс Викторöс көзьяка.

— Нинöм,— шыасис Канев.— Менам велалöма нин, кытчö уся, сэні и узя.

Сэсса вöрны заводитiсны и мукөдьяс.

— Лёк делöясыс, Витя,— шыасис Косков.— Юрöй свинеч кодь, муас дась пырны. Тэныд кызди?

— Век öткодь.

— Мый водзöсö думайтан?

Канев эз удит шыасьны, тöv ныр моз уськөдчис на вылö Маня.

— Ме думайта тiянлы. Сідзи лöсышта скöвöрданас, син бугыльясныд чеччалас.

Пызан сайын чай юнгөн ставөн воисны öти кывйö: колö пальöдчыны ывла вылын. Танi Косков бара петкөдліс водзмöстчöм, чукöстам пö Изваринöс, сылөн пö вездеходыс öшинь улас сулалö, да мыськовтлам вöравны.

Шуöма — вöчöма. Регыд Косков вайöдiс Изваринöс, сийö вöлі нин пасьтасьöма туйö, лётчикьяслөн тövся кöма, сальзыны заводитöм мехöвöй сьöд курткаа, гөрд руч ку шапкаа; беринöсь чужöма ыджыд мыгöра рыжöй дядьö шумөн-зыкөн пырис квартирö:

— Окотникьяслы чолöм! Шырым-бырым! Мыйкö пыр нин вöр-васьыд тшапкам. Адыö! Машинаöс видла,— сэс-

ся нюжмасьтөг петіс. Исласьом вылө моз пасьтасисны Маня да Таня, ми пö тшöтш вездеходнас ветлам. И со кöрт дадь пытшкынöсь. Канев корис нырвизьсö кутны Колвалань, кытісянь тöрыт локтіс, коліс дзебöм лызьсö босьтны. Изварин шуис, сыланьö пö и думайтім, ягыс пö сэні бур. Вöрас пырöм бöрын вездеходыс регыд и сувтіс. Сэссия лызьяс вылө сувталісны. Изварин да Қосков вошисны пуяс костö. Канев на бöрся жö чепöссьыліс, медым водзвыланыс петны, но нывбабаяс чукöстісны, эн пö лысьт кольны, ылалам пö, тöдтöм лыжня вылө жежам да. Найö збыль вермисны вошны, и Виктор надзмöдіс öдсö. Лызьяс исковтісны кокниа, вöлі нейджыд кöдзыдтор.

Канев таяяліс Изваринлысь да Қосковлысь лызь туйсö. Қорсюрö найö торъявлісны, но ёнджыкасö вöтлысисны öта-мöд бöрся. Регыд ныршикалысьяс веськалісны Викторлөн тöрытъя лызь туй вылө да веськöдчисны туясьны, кöр видзысьлы эз сьöлөм вылас во татшöмторйыс. Мыйла налы йöз чöс туйыс любö? Виктор выныштчыліс вöтöдны найöс, но бöрсяныыс такöдісны, эн пö коль, полам. Виктор бöр надзмöдіс öдсö. Оз жö мыйкö омöльтор ло? Водзын ягас йирсьöны сылөн дадюлысь пелейясыс, чоталöм кöръяс, сöмын Дзолук ас вöля вылын.

Öти шор пöкат венöм бöрын бöрсянь вöтчысь нывбабаяс чукöстісны Викторöс сувтлыштны, лолыштны колö.

— Кытчö сідзи лэбан? — норасис Маня.— Ора тадзи-сö, пöда, уф.

— Дадюлыс менам сэні, водзын,— öвтыштіс кинас Виктор.

— Но, гажыд быри,— кывлысис Таня.

— Абу гажын делöыс,— нурбыльтіс Виктор.

— Сідзкөн и пукав,— кыв кöрталіс Маня.— Кöсьян кампет нёнявны?

Пукалöны кунмөн пушыд лым вылын да öттор-мöдтор йылысь баитöны. Викторлы эськөн и аслыс абу окота торйöдчыны тайö шань анясыскöд, да сьöлөм вылас деливö кöръяс вöсна. Яг нöрысас юковтіс кыкысь помся пищальысь шковгöм, стöч сэні, кöні, пастуклөн арталöм серти, колö вöлі йирсьыны пелейясыслы. Виктор звирк чеччис, быттö пуляыс шутөвтіс сы дінті.

— Всё!— горöдіс ачыс. Шур-шар лэбыштіс водзлань.

— Витя! Тэ кытчö?

— Эн коль миянöс!

Но Каневöс эз нин кутны налөн горзёмъясыс, сöмын тшын-бус пуркйис гöна лызь бöрöдыс. Регыд и суöдіс «вöралысьясöс», сöмын шор нырдсö вундіс. Сулалöны öти по-

жом дорын Косков да Изварин, нимкодясьоны озыр прөмысөн, вирөссыштөм нин лым вылын нюжвидзис Викторлөн пелейыс, гөгрөс мышкуа тшөг хапторка. Косков да Изварин кыкнанныс лымйын чулясьомаоьс, лызьтөмөсь буракө, уйөмөн сибөдчөмаоьс, чужөмъясныс банйөмаоьс, сылы костныс руасьө. Викторлөн, найөс аддзөм бөрын, пычыктысис лөг нюм. «Домөм көчсө бураа кыйөдінныд!»

— Менсым пелейсө нө мыйла лыйинныд? — гораа шуис матыстчыс Виктор.

— Памильсө тай эз висьтав, — көсийс шмонитны Косков. — Мыйөн ми төдам.

— Он аддзө, домөда көрыс?! — индїс Канев. Онї сөмын, буракө, «окотникъяс» казялісны, көрыслөн бөръя кык кокыс гезъя, дженьдөдома сылыс воськовсө, медым эз вермы котөртны.

— Сюрас кө гөрд тряпйө өшин, гашкө и, аддзис, — нурбыльтис Изварин. — Коксыс нө кызди... гөгөрво, мужик, миянөс, кокыс лым пиын.

— А дикөйсө, бытьө тиянлы позьө лыйлыны! — вөр пасьтаыс горзис Канев. — Черисө взрывчаткаөн позьө... Позьө?! Нефтьсө юас позьө лэдзны!

— Но мыжаөсь, — бара шог гөлөсөн нускыштіс Изварин, — штрафуйт закон серти, мынтам сө шайтсө.

— Көрыс — менам кокыс, — сьөлөмсянь төлкуйтис налы Канев. — Меным колө наөн мунны ещө ылөдз, видлавны пармасө, делө керны.

— Прөста шогсян, пуксы самолөтө — и көть кытчө воан. Автобус ветлө и.

— Оз лөсяв меным тиян техникаыс, ас киөн көсья малыштны пармаыслыс мышсө.

— Но сідзи кө... ме тэнө ог гөгөрво.

— Со! — горөдїс Косков да пу бокыс лэптис пищальсө. Буракө, Викторлыс гөлөссө кыліс да на дорө котөртис Дзолук.

— Лыян кө — асьтө чергөда! — горөдїс Косковлы Канев.

— Ме кызди тшөктан, — шпыньмунис Косков.

Дзолук нырнас чуткаліс Викторлы пельпомас, бытьө юасис, корин пө тай, а нинөмөн он көсийс чөсмөдны.

— Көть пемөс, а гөгөрвоө, — шуис Дзолук йылыс Изварин. — Гашкө, майшасьө лыйөм өрт вөснаыс.

— Кысыс кутшөм мича, — индїс Косков Дзолүклөн лым еджыд кокъяс вылө. — Лөсьыд пими петас.

Канев пукаліс лызьяс вылас пожөм дінө жмитчөмөн

и эз суйсы кык ёртлөн сёрниё. Сійё падъяліс, збыль-ё шыёдчывны милицияё. Тайё кык другсё медым чирыштны закон серти. Викторлы та вылё бара колё кад. Буракё, законнас найёс ёнасё он и повзёд, со тай Изварин шуё, мед пё штрапуйтёны. Сэсса Каневлөн дадювса кёръясыс асласёсь, абу совхозлөн. Совхозлөн кё вёлі, быть кытчёкё шыёдчы, акт ёд ковмас контораас, но ёні ставыс кёр видзысьлөн сөвесьть вылын. Каневлөн дадиюлас колис на куим кёр, дась туйёдыс, зимник кузяыс найё кокниа на гурёдасын. «Сідзкөн, бурён лэдзны?»— быттьё лёсявтём мөвп восьтіс аслыс. Мёдарсянь кё, зэв жё нин вельмёма-ёсь, такёдыштны век абу лишнёй, сэки мукёдъяслы озджык ло пөвадиё. Тани пастуклөн падъялёмыс орис.

Виктор казяліс, сылөн лызь туйёд тыдовтчисны нывбабаяс — Маня да Таня. Коліс быть мыйкё керны, тадзикөн куим мужичёйлы пукавны эз вёв лёсьыд. Мый найё думыштасын Виктор йылысь?

— Коді нё ті пыдди кучиксё мёдас пөрччыны,— шыасис Канев.— Гашкё, кёрыслысь бөр чеччём виччысянныд?

Косков да Изварин видзёдлісны ёта-мёд вылё, быттьё шуисны синъясананыс, со пё и сыліс тундраыс. Зіля кутчысисны уджё.

— Абу сідзи! — велёдіс «окотникъясёс» Виктор. Найё медводз кутчысисны кокъяс дінас, кёсийсны пөрччыны кыссё.— Кульнысё юрсяныыс колё заводитны. Да сөстёмджыка вёчёй, энё вирас гудрасёй. Сёян ёд, буракё, вёчанныд.

Манялөн да Танялөн шензьём-радлёмлы помыс эз вёв, со пё ті кутшём молодечыас вёлёмаёсь.

— Энё ті ёнасё радлёй,— ёлөдіс Изварин.— Виктор со штрапуйтны лёсьёдчё мянёс.

— Мыйла?! — ёттшётш артмис юалёмыс нывбабаяслөн.

— Викторлөн вёлёма кёрыс вёрас, аслас.

— Да... Мый нё сэсса керны...

Виктор пукаліс чёла, веськыда дзоргис вёртас вылын ёшалысь кельдөдны нин лёсьёдчём кыа вылё, быттьё сылы ставыс вёлі веськодь, мый ёні вёчсис сы гөгёрын, сійё чорыда нин шуис аслыс, прёста козьналас налы тайё кёрсё, мед сёйёны, мед казтылёны сійёс. Ачыс мыжа, ачыс тёдёмён тайё налькъяс юрсё суйис.

— Витя, збыль ёмёй судитчыны кёсьян? — небыда лэдзис Каневлы пельпом вылё шоныд кисё Маня, ёвтіс сысянь чорыд дукиён.— А, Вить?

— Сэссия некыдзи сытөг оз позь? — мөдар боксянныс Виктор динө сибөдчис Таня.

«Ок, мудерөсь!» — ас кежас шпынняяліс Канев, но ни өти сөн эз вөрзы чужом вывсьыс, көть зэв эз вөв кокни тадзикон асьсө кутны. Эз тшапитчөм ни лөглун тшөктыны сылы чөв овны, — прөстө көр видзысь нюжөдіс тайө вир-яйсө шызьөдысь здукьяссө. Нывбабаяс, буракө, гөгөр-воисны зонлысь небзьөмсө да ещө зільдзыка пөртисны олөмө ас водзаныс пуктөм могсө.

— Татысь позьө шапка вурны, — малаліс көр вольсө Маня.

— Вить, тайө тырмас пими вылө? — Таня мурталіс кыссө аслас кок серти.

Изваринлөн да Косковлөн ноксигкості Виктор чукөртис асьыс пелейяссө да лямкааліс даддьө, вездеход дорөдз яйсө петкөдлісны дадь вылын. Сөмын сәні, кор нин мөдөдчис туйө, Канев шуис бөръя кывсө.

— Кучиксө и яйсө козьнала нывъяслы, мед эз вөв кедзовтөма, — стрөга видзөдліс Изварин да Косков вылө.

— Кутшөм сёрни, — шевкнитіс сывсө Изварин. — Кодөн тэ мянөс чайтан!

— Витөк, сьөлөмшөр! — топыда сывъяліс да чуп окышитіс Маня.

— Ад горщ, — нетшкис куртка бөжөдыс пөдругасө Таня. — Эн пөдты зонсө!

— Эн вунөд мянлысь адрессө, — коркө-некоркө лэдзис жө сывсьыс Маня.

— Прөстит, Витя, төрытъя шуасьөмсьыс, — пөся шөпнитіс пель бокас Таня. — Ме дзик йөй! Да?

— Пөшти сідзи, — нюмдіс Виктор, сылөн гөлөсысь кыліс и жалитөм, и висьтавны позьтөм төжд.

Регыд Канев төвзис аслас даддьын зимник кузя, коді нуөдө пө Печора карөдз. Нель шойччыштөм көр кокниа, панъясигтыр лэбөдлісны вильыд суюъя даддьөс. Канев пыр жө нимкодпырысь вежөртис, водзө не собавны сылы дадюлөн сук расьясті да пушыд лым пиөд — сійө веськаліс Войвылын сөвмысь промышленностьлөн ыджыд вир сөн вылө, дерт нин, көнкө, сійө йитчөма страналөн медгырысь артерияяскөд. И няртала кытшысь мынөм көрлөн моз водзө чепөссис Викторлөн мөвпыс — веськөдны кө тайө воргаөдыс сылысь стадасө, позьө регыдъя кадөн пырны пармаө, кытчө, гашкө, уна дас во чөж нин эз инмывлы көр кок. Сідз жө өдйө таті шурөдас и аргышыс, көні додьяс вылө тубралөма көр видзысьлөн чомйыс, кутшөмсюрө

эмбурыс. А мыйла татшөм шыльыд туйёдыс уйны аргышөн? Ставнас аргышса көлуйыс лючки төрас өти кузовө. Лючки кө думыштны, мыйла татшөм вөраинас овны тшына чомйын, мыйла оланінтө черепахалы моз кыскавны вылысад? Позьё жө водзвыв вөчны керкатор. Бура кө артыштны, төвбыднад өти бригадаыслы кык керка и тырмас, кыклаө вешйылөмөн и позьё дөзьөритны стадасө. Сэссия өд оз өти во сөмын керкаыс сгөдитчы, оз өти чомлысь юрсө вешты кузь кад чөжыс. Да донын өмөй сөмын делөыс!

Но регыд Каневлөн югыд мөвпьясыс чусмисны, паныдасис аргыш кодь машина, гашкө, ветымын метра кузьта зэв кыз труба кыскө, көръяслы, дерт, ыджыд дивө, мыйся зверь эргигтыр паныд төвзьё, тшөктөм эз ковмы, лёкысь чепөйсйисны шуйгавыв, төкөтьё дадьсө эз пөрөдны. Викторлөн аддзылөмторсьыс лыбыштіс малича юрыс. Сійё ясыда сувтөдіс син водзас, мый вермас лоны, татшөм «зверыс» кө вочаасяс туй кузя нюжөдчөм көр стадакөд, туй өтар-мөдарас свисьёдласны пуля моз, лунбыд ковмас лызь вылын чукөртны — абу көр стадаяслы пармаө кокниа пырөм вылө пискөдөма тайө зимниксө. Весиг Каневлы лоис яндзим, мый татшөм кокниа ылаліс да ыззьөдіс асьсө ковтөм серпасьясөн. А век жө кымынкө лун кежлө кө дугөдласны машинаяслысь ветлөмсө? Сэк жө вочавидзис аслыс: өдвакө. Тайө туйыслөн могыс, буракө, ёна ыджыдджык көр видзөм сертиыс. Виктор гөгөрвоис и мөдтор: талун оз кө сэтшөм ёна шөтны машинаясыс, сөмын сы вөсна, мый веськаліс туяс вөскресенньөын.

Бур, мый төвзьё-мунө аслас даддын, эз ылав Мусин посёлокса выль төдсаяскөд. Накөд абу долыд Викторлы, көть и гажөдчис быттё тшөтш, весиг йөктіс, эз ладмы некодкөд лолыс. Та вөсна жө, буракө, кажитчис сылы, быттё мынтөдчис налькйысь, кыдзи тай овлө, кор лючки дадювнас петлывлө сук раскысь либө укшаль-нюрысь. Вермис и омөльджыктор лоны. Но сійё лючки петіс и позьё нимкодьясны. Сөмын кодыр көдзалаыштіс, быттё бокөвөй мортлысь, юаліс асьыс: «Мыйла нө тэ, Канев, тайө светас век өтнад? Мыйла тэ тундра шөрын дөввидзысь өтка понөль кодь? Ачыл тэ сэтшөм инасьтөм лов кодь либо тэ нө кытшалысь йөзыс некытчө шогмытөмөсь? Кодөс нө тэ виччысян? И мый на водзас лөө?»

И казътыссис тайө здукас Каневлы Митин, кодкөд веськаліс кыскыны көр видзөм сөвмөдөмын өти дадь. Но Митин, буракө, личөдіс лямкасө, сы вөсна сьөкыд лоис Каневлы. Не сөмын сьөкыд, но ёна сьөкыд: өти лямка вылө кө зэвтан став грузсө, сійё вермө и орны.

Шылыыд да веськыд туй кузя Канев өти суткиөн воод-чис Печора карөдз. Час мысти сийө сёрнитис нин телефон пыр видз-му овмөсса министерствоын көр видзөм кузя главнөй специалист Митинкөд.

— Чолөм, Эдуард Иванович! Төдін эн? — шыасис бригадир.

— Зэв төдса гөлөс,— кыліс трубкаын Митинлөн нюжөдлана сёрниис.— Витя, тэ... Канев? Көні тэ?

— Печора карын. Переговорнөй пунктын.

— Мый керан? Отпускө веськөдчин?

— Отпускын. Зэв лёк делөясис, Митин.

— Кодлөн?

— Ставлөн. Тэнад и менам өтлаын. Көр видзан делөясис чотны кутисны.

— Тэ верман нөдъястөг висьтавыны. Мый лоис?

— Тэ он төд?! Тэ нинөм он төд.,— Виктор заводитис чабравны телефоннөй трубкасө, быттё көсйис сэтысь кысыны Митинөс.— Меным кывьясыс оз сюрны... пөда.

— Лөнөдчы, Витя, лөнөдчы. Ме кывза.

— Төвъянінъясыс йизьөмаөсь, му эжыс йи коркаась-өма. Та йылысь он өмөй төд?

— Ох,— ышловзис трубкаын Митин.— Кутшөма повзьөдін, чайті, мыйкө бригадаыдкөд лоөма.

— Тайө мөй этша?!

— Тырмымөн. Ставлы вичмас төждыс. Но мыйла ма-лича гөнтө прөста пуркьян.

— Ме ог вермы телефон пырыс ставсө висьтавыны, менам эм зэв ыджыд сёрни тэкөд, сы вөсна ме тундрасянь мөдөдчи карөдз дадюлөн.

— Мыйла дадюлөн? Мый тэ вөчан?

Вертолётис менам абу на. Ме корся бур йирсянінъяс, корся налькйысь петан туй. Гөгөрвоин?

— Кывзы, Виктор. Кывзы менө бура — аски жө ме лэбзя Печораө самолётөн, адзсыям гөстиничаын.

Почта вылысь петөм бөрын Каневлы ковмис думыштыны, кытчө инавны көръяссө карын олігкості. Өти-кык лунөн Митинкөд оз ладмөдны могсө. Гашкө, вертолётөн на видласны пармаыслысь питшөгсө, йирсянінъяс корсь-төг бригадир бөр оз кос. Тундрасянь мөдөдчигөн Виктор чайтіс, иналас көръяссө кутшөмкө ылыс ягө — и прөст ачыс лоө. Но кызди тыдовтчис туяс, тайө көиньяслы вө-лөга шыбитөм кодь жө. Кардорса вөрсьыс, көть кытчө оз дзеб көръяссө, «окотникьяслы» пинь улө найө веськалас-

ны, нямляласны небыд лыяссө и Викторлы аттьö оз шуны. Канев юасис да веськöдчис дадювнас кардорса медся матыс сиктö.

Сельсöветын косіник мужичöй, арлыд сертиыс абу нин том, зэв сюся кывзис Викторöс, ус улас шпынняліс, корсюрö öйыштлісны руасьöм синъясыс. Канев час джын тöлкуйтис сылы, кысянь и кутшöм могөн сійö локтö. Мый сы водзын ещö сулалö ыджыд мог — волыны пармалөн ылі пельöсьясö. Сельсöветсалөн ньöжйöник пöльтчисны кöсичаас чукуля вир сөнъяс, кызис сылыыс, скөр петуклөн моз лыбис кошукыс. Медбöрын сійö тэрыба чеччис пызан сайысь да Викторлань наганöс моз чургöдіс кисö:

— Документы!

Виктор здук кежлö шйöвошліс, но сэсся вежöртис: тыдалö, сылы эз эскыны, пинжак зепсыс перйис паспортсö. Сельсöветса гөгöрбок бергöдліс документсö, сэсся кызкö виччысьтөг писькöдöм шомöс моз бөр ропмунис, дышника бергöдіс чужöмсö öшиньö, мыччис паспортсö:

— Нинöмөн ог вермы отсавны. Йöрмин кö — сдайт сельпо столöвöйö кöръястö да и.

Магазин дорын Канев уна дінö на шыödчыліс. Öти бабö быттьö сөглас нин вöлі дöзьöритнысö, но медбөрья здукас, кор нин Виктор веськöдчис сылөн йөрлань, заводитис пыксыны, мичаöсь пö зверьясыд, да сюръясныс есьöсь — пола.

Быд зильöмысь мыйкö да пöжасьлö. Сідз жö артмис Каневлөн. Аддзысис небыд сьөлöма нывбаба, нюмыд чужöмбана, кизь кодь чангыль ныра.

— Кывлі, дадювтö кодлыкö вöзьян?

— Дöзьöрит, кадыд кö эм. Туруналышт корсюрö и ладнö.

— Ин менö велöд, коркö тундраті жö лэбавлі, öні кöть бордьясным нярмисны-а.

— Сідзкö таö бур. Донсö мый коран — сідз и мынта.

— Кутшöм дон колö! — öвтыштис кинас нывбаба. — Гажöй нин бырöма кöрьясьсыс. Турунтор вайышта, пестор — сійö и доныс лöö. Со-о, ме эсійö керкаас ола.

Сійö жö луннас Виктор автобусөн воодчис карö, овмөдчис гөстиницаö. Асывнас Митин суис Каневöс койка вылас на. Нель морта номерын код юра дядьöяс вой шöрөдз бызгисны да тшынасисны. Канев водіс сёрөн жö.

— Дыр узян, кöрыд пышьяс, — шпынняліс Митин.

— Дзик öні озджык на, — нора артмис Каневлөн. — Гашкö, коркö...

— Мый сэтшөм жугуль? — инмөдчис пастуклы пель-  
помас Митин.— Пасьтась да лок менам номерö.

Виктор пасьтасис, мыссис да веськөдчис корсьны Ми-  
тинöс.

Канев казяліс Митинöс коридорсянь на. Сылөн жырй-  
ысь öдзöсыс вöлі ки пасьта восьса. Пыртөдзыс Виктор  
здук кежлө сувтліс, Эдуард Иванович гонняліс бергалысь  
небыд улöс вылын, чужөм вылас муткылясисны төждыся-  
на мөвпьяс. Көр видзысьлы син водзас сувтіс гоҗся öти  
серпас — зöридза нюрөд собис дадюлөн, метра дас сайын  
вутш вылын сьылісö нюжйөдліс лысөм дзодзөг, буракö,  
тшөктіс пияныслы пыдөджык дзевсьыны. Виктор сэки па-  
ныдасис энъ дзодзөглөн дрөб тусь кодъ сьөд синъяскөд и  
парквайис, койисны найö сыыджда шог да төдж, весиг  
Виктор мөдарлань бергөдіс дадюлыслысь нырвизьсö. Мый-  
кө татшөмтор жö öні пелаліс главнөй зоотехникöс. И  
Виктор падмис. Гашкө, Митинöс мам дзодзөгыс моз жö  
пыдзралö тавося йизьөд вөрьясын мөритчысь көр стадаяс  
вөсна төжд? Канев шытөг вуджөртіс Митинлөн югыд ком-  
натаö. Найö здук видзөдісны öта-мөд вылас чöла. Эду-  
ард Иванович быттьö ру пыр аддзис пырысьöс, видзөдла-  
сыс мыйкө төдчанаджыктор гудйис сылөн мыш сайысь,  
Викторлөн весиг воис дум бергөдчывны, но кутчысис.

Но Митин казяліс, индіс воча улöс вылө.

— Пуксьы, шойччы. Отпускалан, шуан. Бур. Ме вöлі  
жö төлысь сайын, шоньд море дорын гоҗъялышті,— тэ-  
рыба сяркөдіс Эдуард Иванович, мыйлакө син пöвнас век  
кыйкъяліс чашкалөм öдзöс вылө. Тайö пөрийö кыліс кори-  
дорысь ёсь каблукөн тотшсьөдөч.

— Öти здук! — горөдіс Митин да уськөдчис коридо-  
рö. «Со кутшөм шог йирöма сійöс», — вежөртіс Канев, лым  
пиö моз дзоньнас вөйтчис небыд улöс пытшкö.

Канев виччысис дыркодъ, весиг дөзмыны кутіс. Митин  
пырөмөн тшөттш висьтасис:

— Самолётын öти төдса нывбабакөд веськалі, зэв ин-  
тереснөй морт вөлөма. Но, вай, сёрнитам делöсö, Виктор.

— Тэнад сьöрсьыд эм карта? — юаліс Канев.

— Тэ кыдзи чайтан?

— Ме чайта, тэ вунөдін сійöс гортад!

Митин чöла перйис чемодансыс карта да паськөдіс  
пызан вылө. Картаыс көр видзысьлы зэв ёна воис сьөлөм  
вылө, сэні вöлі пасйöма быд ичөтик шор и нюртор. Канев  
петкөдліс, кыті сійö прөйдитіс.

— Но и мый казялін? — юаліс Митин.

— Тундраас, дор вѳрас и пармаас, кыті ме прѳйдиті, му эжыс йи коркаасьѳма.

— Но кѳні бурджык йирсянінъясыс таво?

— Тундраыс туянаджык на быттьѳ, но бара жѳ «но» эм.

— Да-а...— ышловзис Митин.

— Мый сідзи?

— Воддза индѳм маршрутъяс серти ѳткымын стада пырисны вѳръясѳ, асланыс сиктъяс дорѳ.

— Найѳ жѳ капканѳ шедісны,— горѳдіс Канев.— Кыдзи нѳ тэ тайѳс эн урчит водзджык?

— Сетѳма нин индѳд — не кутчысьны воддза маршрутъяс бердѳ. Тэ ногѳн, кѳні петан туйыс талун?

Канев матыстчис карта дорѳ, петкѳдліс, кытчѳдз, сылѳн чайтѳм серти, нюжалѳма лѳк полосаыс.

— Ме думысь, сійѳ вѳнялѳма рытыввывсянь асывлань кыксѳ километраа лентаѳн. Вот тайѳ лентасѳ и колѳ вуджны, медым веськавны пѳтѳса тѳвъянінъясѳ. Ме казялі со мый: кымын лунвылѳ сетчан, сымын вѳснялѳ йи коркаыс. Чайта, Ухта юлѳн вожъясын сійѳ помасьѳ.

— Ме чайта, корсьны йирсянінъяссѳ матысджык тундра дорысь,— шуис Митин.

— Абусѳ нинѳмла корсьны.

— Тѳда ме тайѳс, кывлі,— думыштчис Митин.— Но век жѳ ог гѳгѳрво мѳдтор: мыйла тэ тундрасяньыс кыссин подѳн. Эн жѳ ѳд сѳмын мекѳд аддзысьлѳм понда?

— Эг подѳн, а дадюлѳн!

— Абу ѳмѳй ѳткодъ?

— Ме ногѳн, абу. А локті со мый вѳсна: мянѳс, Эдуард Иванович, водзын виччысьѳ ыджыд ускѳттьѳ. ѳні ми сыысь мынны вермам сѳмын сѳки, лоас кѳ водз тулыс, оз кѳ чарѳмавлы. И то джын важенкаыслѳн теляыс пѳгибнитас. Но та вылѳ ичѳт надеяыс — дедъяслѳн примета серти, сѳрѳн кѳ пуксис тѳв, нюжалас и тулысыс.

— Век жѳ ме ог стѳча вежѳрт, мыйла тундрасяньыс коліс кыссьынысѳ, воштыны сы мында кадсѳ.

— Меным коліс аддзывны аслам синмѳн, мый керсьѳ ылыс пармаас. ѳд юаласны, мыйла сійѳ ускѳттьѳыс таяліс? Тэ аслад кузь «запискаын» кутан ыстысьны лѳк ар да тулыс вылѳ. Но ставыс сійѳ тѳнад ылѳг! Сыысь позис мынтѳдчыны, уджавны кѳ водзѳ думайтѳмѳн. Ме та йылысь ог мѳд чѳв овны. Тайѳс колѳ шуны веськыда, медым не ылавны мѳдысь.

Канев казяліс, главнѳй зоотехниклы сылѳн кывъясыс мѳрччисны. Тадзи кымын жѳ сійѳ весьѳпѳрліс, кодыр

найö, кык дадюла, корсысисны тундра шөрö вошöм Ан-наöс, кодыр найö, сунисöдз көтасьöмабсь, чизыр төв йылын лосьöдчисны колявны вой. Сэки Митин лябмыліс юрсö воштöмысь. Öні нö мыйысь? Кыдзи и сэки, Викторлөн бара жалыс петіс:

— Эдик, эг тэныд инфаркт көвъялөм могысь ме татчö веськөдчы,— ньöжйö заводитіс Канев.— Öтвылысь сöмын позьö аддзыны петан туйсö. Кыдзи зоотехник, тэ гөгөрвоан, мый öні вöчсьö пемöсьяскөд йиа пастбищеяс вылын?

— Да, кутшöмакö...

— Пастукъяс ногөн кө, көрыс öні мөритчö, стöчджыка кө, пемöсыс вынсö воштö унджык сы серти, мыйта босьтö кызмырдөн перйöм көрымсыс. Кымын водзö мөдас кызыны лым эшкыныс, сымын сійö костыс нюжалö, көрыд өнджыка омөльтчö.

— Мый, тэ ногөн, колö вöчны?

— Мудзи öтиторсö дольны. Көть кызди, а вуджны колö сійö йиа полосасö. Сэки лоас гарантия — оз таяв лёк тулысыс.

— Но и козыналін тэ меным задача. А кытчö и кызди вуджнысö тэ төдан он?— Митин тырвыйö вежөртіс, öні сы мында стада вөрзьöдны местасыс сылы не вын серти, но öд колö не сöмын вөрзьöдны, но и вайöдны местаö да бөр лючки петкөдны. Дзуган кө мыйкө?

— Кык во сайын тэнад пызан вылö пуктылі ассым дипломной удж. Көні сійö? Мыйла некутшöм воча кыв абу?

— Эн тэрмась, абу шыбитöма, мыйсюрö вöчсьö. Öти-тор көсья юавны, ёна тэ тундраад лыддысян?

— Тулыснас миян югыз, кор мича поводдяыс, стада дінын дежуритігөн позьö лыддысьны и лыддысьны. Ме дадь бöжын ящик тыр книгасö новлөдла.

— Правильнö. Эн лэдз вежөрылды нитшсявны. Но, другö, делöыс öд сын, мый лыддян. Көнкө унджыкыс эсійö... öта-мөд вöсна кузя ышлолалөм... эмоция...

— Веськавлöны и сэтшöмъяс,— төкөтьö нюмдыштіс Виктор.— Но и мый?

— Наукаö колö пырöдчыны! Вот көні олөмыслөн выныс. Öні практически позьö стрөитны сэтшöм дирижабль! Сійö лэптас сынöдö дзонь состав. Тайö керкасö, көні ми пукалам тэкөд, вермас нөббөдны кытчö колö. Но думайт,— Митин кызди дирижёр шенасис кинас, Викторöс збыльысь чуймөдіс сылөн висьтыс. Көр видзысь сюся кыйис Митинлысь непöштö быд кыв, но и быд вөрзьөм, тайö торъя нин

ыззбодіс ораторос.— Сувтөд син водзад сэтшөм серпас: мян минсельхозо сэтшөм машинасо уболитисны отиос ли кыкос. Тайо жо вуж вуйоныс вежо кор видзөмсө!— Виктор көсйис мыйкө вочавидзны, но Митин эз лэдз.— Эн тэрмась, эн тэрмась. Шуам, тэ стадатө, кызди өні, суйин каральө. И он төд, мый сийө стартөвөй площадка (тані Канев букыша видзөдліс главнөй зоотехник вылө). И сийө площадкаыс дзоньнас кыпөдчас енэжө и кымөр моз руньгас водзвыв бөрийөм йирсянінө. А тэнө сәні, Виктор, вичысьө керка, кытчө ставсө дасьтөма мый колө, весиг чомтө ни аргыштө оз ков кыскавны сьөрсьыд, кызди өні. А тулыснас, кор кушмас тундраыд, бара жо сідзи петкөдасны, тшөгөд көрьястө оти местаын арөдз. Лөсялө тэныд татшөмторйыс?

— Он-ө тэ мойд меным?— ышловзис Канев.

— Ог, Витөк, ог. Ми өні велалім тэрыба лэбавны сынөдөд, нетшыштсим космосө, быд сикас машинаөн котралам му кузя, гывъялам ва кузя. Но кор ставыс лючки гөгөрвоасны, мый зэв өна колө видзны мича планетанымөс, сәки окотапырысь мөдасны уявны сынөдөд, кызди черияс ваті. Со мый вермө вөчны наукаыд! Аддзан, оти здукөн став проблемасө лои решитөма. А тэ полан наысь.

— Но өд тайө кор на!— пөся шыасис Канев.

— Да, Витөк, абу аски, ог мөд вензыны,— Митин носөвикөн чышкаліс сьылісө, пуксис бөр аслас бергалысь улөс вылө.— Мукөддырйыс мөвпалан тадзи и синва петтөдз жаль лоан ачыд аслыд. Мөритчам ми тэкөд, Виктор, а мян бөрын... ма панялөм. Со тэнад помся чизыр төвьяс вылас быгалөмаось весигтө синкымъясыд, а чайтан, менам службаыс сакар тор — өтилаын заседание, мөдлаын собрание, летучка, местком и сідзи водзө, заводчис и мөдөдчис. Кор нө сәсся тэнад дипломнөйөн занимайтчынысө!.. Гортад телевизор, синнад и пельнад аплан став юөрсө, улич вылө петан и сәні шойччөг абу — шума, зыка карын олам, бензин дук нылалам. И ставыс тайө оти пөртйө воө,— Митин чорыдакодь, весиг скөрысь, котшкис аслас кымөсө.— Ыджыд-ө сийө?!

— Веситны кө быттьө тэнсьыд, ме думысь, килограмм витсө кыскас,— нюмдіс Виктор, ачыс весиг шензис, кызди сийө та ыджда пөртсө удитіс нин тыртны, ай да Эдик.

— Но сийө абу дирижабль, медым ставсө лэптыны. А ми сэтчө тувъялам и тувъялам, водз асывсянь да сөр рытөдз клөнөдам, көть грамм мында нин оз төр ни оз өшйы.

— Да, Эдик,— жалитыштис сійос Виктор.— Кымынтьлыны да выль шыдосон ко тыртны...

— Та восна и нервъясным элалом няртала кодбось, кор тай модар помсянныс нетшкысбо сы кытшо шедом йой корыс. Тэ тодан тайос. Овлө, брун орас нярталасыс кутшомко прать. Овлө?

— Сись ко нярталайд — да.

— Нярталасыд пратьсо позьо бор йитны, нервто — он. Вот. Ветлам обедайтны.

Сейисны кутшомко кафеын, аддзысьом могысь винаон чосмасисны. Викторлы ичот градуса винайд чай юом кодь лои, некытчо эз и донзъыв. Митинос варовмодис и ышмодис, бара норасис, кутшома мудзо карас олигон.

— Кывзы, Эдуард Иванович,— нора шуис Виктор улич кузя восьлалигон нин.— Ме ог тод, кор лоасны тэнад дирижаблясыд, но меным кажитчо, модам ко ми сийос виччысьны кияс кресталомон, кор стадаясыс сэтшомма ичотмасны, позьны кутас сийос кытчо колө лэбодны весиг вертолётон.

— Ого лэдзо сэтшомторсо,— чорыда шуис Митин.— Экстренной мераяс примитам.

— Кор?

— Кор ковмас. Тэ думайтан, нином оз вочсы — таво индома планын унджык начкыны телясо, кольом тулыснас коді чужис. Посни корыс од тулыснас медводз слабмо?

— Сийото сидзи,— мовпалигтыр вочавидзис бригадир.— Но поснисыд и пользаыс посни. Гырысьслон абу жо помтом эбосыс. Важенкаыс на вермас гылавны.

— Эн пов. Лек порас, суас ко сэтшом рокыс, комбикормон, кос турунон ловнысо кутам.

— Абу сийо кор сеян, тукъясын подом туруныд да комбикормыд, свежой сеян выло найо велаломаось, корыд абу мос.

— Вай эн на ловъявылысь гуась,— номйысь моз шеныштчис Митин.— Аски кезло кора вертолёт, лэбзылам кытчо косъян. Мед эсько поводдяыс оз торксы...

Поводдяыс бытго косийис отсавны Митинлы бур товъянинъяссө корсьны, градус кызя кодзыд, некон ру ни кымор чир эз тыдав, весиг шонди косийо петны, но, буракө, сомын выныштчылөмыс и лоө. Декабрь шор. Бур югыдон нин юрсигусь кодь вертолёт кыподис сынөдо Митинос да Каневос, лэбисны кыподчысь шондилы паныд, кажитчис — сийо кок увтиныс косийо кытчокө уйкнитны, сэтшом улити уйө. Митин тшөкыда матыстчылис летчик

дорё, индіс туйсё, Виктор нимкодясис воча котёртысь сер-  
пасъясён, корсис найёс карта вылысь, со посни пожёма  
вөр вуджоны, сы бёрын шор колё лоны. Сідзи и эм!  
Сэссия козьяс, кыддза расьяс да нюръяс. Татысь, буракё,  
неважён на пёрөдлёмаось вёрсё, лючки тёдчисны туйяс,  
паськыд да веськыд визиркаяс, талялыштны кө техника-  
ён пушыд лымсё, лёсьыд ордым воссяс көр видзысьяслы.

Со и сувтлыны шуисны өти нюр вылө, пожёма яг дорё  
лэччис вертолётис. Виктор босьтис моздорас лызьсё, кру-  
кыля койбедьсё да чеччис пуркнитчысь небыд лым вылө,  
пидзёсөдз вёйис. Уйёмөн петіс бергалысь бордьяс улысь,  
көть эськё найё вёліны доза вылынёсь мусяньыс. Батысь  
на челядь дырйиис такөдліс: виччысьысьтө пө весиг ен  
видзё. Сувтис лызь вылө, веськөдчис ягас, ылөдз эз и  
ветлы, йизьёма на му эжыс, көть эськё абу нин тундра-  
дорса вөръясын кодь.

Бара лэбисны.

Воисны джуджыд керөсьяса Таб ю вылө (Печоралён  
лунвывса вож), паськыд пожёма ягьяс вертолёт борд  
улын шыльквидзёны. Вертолёт бара лажмыньтчис нейдж-  
ыд кушинё. Виктор лэччис шор нылыдыс, сылөн пожө-  
ма, лунё бана джуджыд керөсьясыс вёліны мездысьёмаось  
арся йисыс. Му бердыс пыш кодь кос! Өні, койбедьнас  
кокыштан да, му дорас изөрмөм лым увсыс радпырысь  
чеччыштө воча ки вомлөс кызта еджыд булки кодь нитш.  
«Со көні төвьяніныс»,— төкөтё эз горөд Канев. Сійө  
век водзё и водзё пырөдчис ягас, окота вөлі төдны, ыдж-  
ыд-ө татшөм буриныс. Муніс тэрыба, ур моз чеччышта-  
ліс нейджыд гураньяс вомён, бөдь вылө мыджсьөмөн,  
медся крутой кыр йылас нёв моз лыйыштліс-кыпөдчыліс.  
Көр видзысьлөн ыпъяліс лолыс. Викторөс чуймөдіс и  
шензьөдіс адзёмторйис, татшөм йирсянінъясас тундра-  
бердса вөръясын важён нин эз веськавлы. Көр видзысь  
радліс, быттьө сылы сюрис зэв ыджыд озырлун. И збыль-  
ысь, тавося лёк воад тайё клад. И Канев тэрмасис,  
көйис стөча төдны, быдлаті-ө өткодь, абу-ө кутшөмкө  
пөйрөг.

«Татшөм озыр йирсянінъяс вылас,— мөвпаліс Ка-  
нев,— көръяс не сөмын кутасны гожөмын да арын көв-  
төм госсё, но и водзё на сөксяласны. Тані төвйөм бёрын  
инмас өмөй кутшөмкө «лёк» тулыс. Госа көрыд кык тө-  
лысь чөж чарөм вывті котралас, козьяс вывсыс ройсё  
нетшкас — и мор сійөс оз ви. Со кысянь, Митин, колө  
заводитны «лёк» аръяссө да «лёк» тулысьяссө бырөд-

ны», — грөзитіс Канев кабырнас вертолётын виччысысь главнөй зоотехниклы.

Вертолёт дінө матыстчигөн Виктор өвтчис кепысяс чабыртөм тугъя еджыд нитшкөн, горзіс Митинлы:

— Со кутшөм озырлун ныр улад и он казяв!

Пемыдөдз некымынысь пуксьылісны. Таб ю йылөдз волісны, карта вылө пасьялісны, кыті лөсьыдджык выль йирсянінъясөдз писькөдны көраяслы ордымсө. Видлалө-минас, стөчджыка кө Таб ю гөгөрын, Викторлөн арталөм серти, вермис төвйыны нель-ө-вит стада.

Мөд луннас көсйисны водзө корсьысьны, но гудыртчис поводдяяс, сапкис лым, непөштө мыйкө позис казявны мусьыс, коліс виччысьны ылалөмысь. Войнас эськө и воссьыліс енэжыс, но югдікежлас бара кымөртчис. Тадзи помся дэльөдчис поводдяяс. Митин да Канев пөжисны бокъяснысө гөстиницаын, виччысисны, жуглясисны.

Кадсө весь колигас Канев век тшөкыдджыка мөдіс мөвпавны асланыс чомсяяс йылысь. Кытчө төвйынысө сюртчасны? Кутшөм петан туй ликтас Вань стариклөн дзор опытыс? Виктор чайтөм серти, шудаөсьджык лооны, кольчисны кө тундраө. Таво вөрас колө зэв пыдө пырны, өтка стадалы не венны сы кузьта туйсө.

Сійө йирсянінъясыс, кодөс аддзисны Таб ю дорысь, кытчө Митин лөсьөдчө писькөдны туй вездеходөн, сөмын некымын стадалы. Викторлөн оз лыб кийс мырддыны налысь, кодъяс өні синтөм кутюяс моз пырөмаөсь йизьөм вөръясө, шөйөвошөмаөсь — водзө некытчө мунны и бөрө косны, тундраланьө вешйыны нюжмасьөны. Мед нин көть налы Митиныс отсалас мыйта вермас. Ассьыс мөвпьяссө көр видзысь восьтіс зоотехниклы.

— Ог гөгөрво ме тэнө, Виктор, — шуис койка вылын нюжвидзысь Митин. — То вөрө нетшкысин, өні — бөр тундраө.

— Ме кө ог пыр Таб ю дорө, ме местаө локтас мөд, кодлы өні некытчө воштысьны, дзоньвидзаөн кольө кык стада. Дерт, миянлы тундраас лоө ёна сьөкыдджык төвйынысө, но мый керан. Мый тані гөгөрвотөмыс?

— Кыдзи бөрсө муан? — недыр мысти юалис Митин.

— Ме чайта, тэ отсалан.

— Кыдзи?

— Миян сиктөдз, Селиванөдз, лэбөдан вертолөтөн. Сэні матын геологъяслөн база, төвнас тундрасянь вездеходъясөн волөны грузла. На туйөд и пета.

— А мыйла тундраөдзыс нелэбны вертолөтнас?

— Совхозса веськӧдлысьяскӧд колӧ аддзысьлыны. Аски эськӧ ме кӧсйи лӧбнысӧ.

— Сёрнитчам. Вайӧд дадювтӧ. Эн воштысь тундраас, Виктор. Выль воас нин карын лоас медбур кӧр видзысьяслӧн собрание. Тэныд тшӧтш ковмас волыны.

— Мый нин сэтшӧмыс?

— Таво кӧр видзысьяс шедӧдісны, колӧ шуны, эз омӧль результатъяс. Медся водзмӧстчысьяссӧ кӧсьям наградитны. На лыдын ме пасйи тэнӧ.

— Кызди колӧ тайӧс гӧгӧрвоны, Эдуард Иванович?

— Орден сетасны.

— Кызди гӧгӧрвоны тайӧс! Гашкӧ, ньӧбны думыштін? Медым чӧв олі...

— Мый тэ, Витя?! Кодысь омӧльдзык тэнад бригадалӧн лыдпасъяссыс? Тадзикӧн тэ менӧ кедзовтан...

— Ог награда вӧсна уджав. Нимкодъ меным сійӧс вӧчны. Кыла йӧзсяньыс — колӧ менам уджыс быдӧнлы. И аслам сьӧлӧм бурмылӧ... Со кӧні, Эдик, медыджыд наградаыс!

Асывнас Митин колльӧдіс Викторӧс тундраӧ. Вертолётӧ пыртисны дадьсӧ, а сэсся йӧткисны сьлӧн гырк пытшкӧ кӧръясӧс да Лыскоӧс.

— Бур туй! — кутліс Каневлысь кисӧ Митин.

— Эн вунӧд, Митин, тулысыс лоӧ сьӧлӧмтӧм прокурорӧн, — вочавидзис Виктор.

## 10

Селиван сикт горулӧ ӧшйис ыджыд кынӧма да вӧсньыдик сойбордъясса вертолёт. Сиктыс абу ыджыд, но ичӧтнас шуны он жӧ лысьт, сәні «Югыдлань» совхозлӧн быдса отделение.

Сиктсаяс шензисны, мыйла бригадир локтис вертолётӧн да дадюлӧн, но кор тӧдмалісны, мыйын помкаыс, шогӧ усины, сідзикӧн таво стадаяс оз сибӧдчыны матӧ сикт дорӧ, не чӧсмасьны налы свежӧй айбарчӧн.

Совхознӧй контораын ассыс бригадирскӧй делӧяссӧ могмӧдӧм бӧрын водз асывнас Канев петис туйӧ. Первой мунис охотникъяслӧн «буранъясӧн» таялӧм туй кузя, а сэсся, Лая ю вылӧ кежӧм бӧрын, веськаліс геологъяслӧн зимник вылӧ. Қоймӧд луннас и веськаліс асланыс чомйӧ, кызди и сёрнитчылісны, бригадирӧс виччысьӧмаӧсь Плешка мусюр вылын. Виктор ошйысис, кутшӧм пӧтӧса йирсянінъяс сійӧ аддзыліс ылі пармаысь.

— Том дырйи воylvлі сэтчаняс,— веськодъпырысь шуис батыс.

— Өні нө мый? Копытка висьом өмөй тшапкис?— дөзмөмөн юалис Виктор.

— Здравьеыс мөдджык, пиө, эг ло воддза кодъ удал!— дөзмис, тыдалө, и батыс. Виктор лючки гөгөрвоис, мый тайон көсийс висьтавны батыс. Өния том войтырыслон пө, кодъяс локтоны тундраас, көръяссө дөзёбитны кыдзи колө дыш.

Төлыс, кыдзи мукөд воясө, эз нимаv чорыд кос көдзидъясон, кодыр повзъытөдз гыөртчылөны пуяс, кышалөны ас ногыс медся шоньд еджыд паркасө, но и сы улын тирзьөны. Сэтшөм трөпөк лоө козлөн да пожөмлөн лыскыс, инмөдчыны полан, вөсньыдик стеклө моз пасьмунө. Зэв көдзыд дырйиыс и байдөгъяс оз пукаvны кыдзьяс вылын — усян да дойман, йөжгылясьөны репасын, таво ёнджыкасө сапкис коръя лым либө, кыдзи и Виктор Каневлөн лов вылын, гудрасис турөб. Февральын мыччысьлис шонди, но сийө вөли кыдзи көдзавны нин заводитөм морт. И збыльысь, енэжтасын регыд куслис.

Март помын рытиввывсянь пөльыштис шоньд ру, весиг зэрыштис, а сэсся пукисны ясыд лунъяс, бытьө выльысь, сёрмыштөмөн, вонс төлыс. Весът кызта чарөмөн дорис быдлати. Некымын лун мысти стада дзикөдз кыпөдчис төвся трөпасыс, өтитөг гөгөрвоисны, налы сэсся нектор оз чукты лым улысь. Көчьяс моз мөдисны бергавны пуяс костөд, роясьны, козьяс выльысь нитшсө някляvны, мөд сикас сёян сэсся көръяслы эз ликмы. Но ройыд абу нин сы мында, медым пөткөдчыны сийөн дзонь стадалы. Сэсся ройыс оз лётъяв быд пу вылын, кызвыннас сийө быдмө висьлөсджык, кондаө пөрысь пуяс вылын. Ройтө көрыс радейтө, сапкысьлөны пөрөм роя кондаяс вылад и арнас, кор лым увсьыс лючки шедө сёяныс, но ыджыд пөтөслун, буракө, сыысь оз жө өкмы.

Татшөм пөраад медся сьөкыд пастукъяслы, вермас разавны стадаыд, тшыг көрыд пуля моз лыйыштө, роя путө аддзас да. Паськыд вөръясын татшөм пөраын овны — веськыд мат. Сэтшөм здукъясө кыдзи позьө өдийөджык чепөсийлөны тундраса эрдъяслань. Дерт, чарөма вөрын ас вөля вылын көр тшыг оз кув, гашкө, мыйтакө көинъяс травитасны, но вошөмаыд сийө абуөн жө лыддысьсө.

Тайө сьөкыд пөраас Виктор Каневлөн чомйын вөлины сөмын кыкөн: ачыс да Саньө Даньө. Степан, Вань дядь, Марфида да Пеклэння ыли сиктынөсь, мысьсөны-пывсьө-

ны, вын-эбӱс чӱжӱны. Кызди асьныс шуӱны, кузь туй водзвылын «духнысӱ вежӱны». Дерт, найӱ ӱни сӱни шы-зисны жӱ, рация пыр сӱрнитӱс управляющӱкӱд, шуис, додыаснысӱ пӱ нин сӱвтӱны, бригадирлӱн чайтӱм серти, вежон мысти тани лоасны. Но ӱд сӱтчӱдз кыкӱныслы колӱ кутчысьны! Непӱштӱ узьӱм, йӱз ногӱн сӱйӱмыс оз вичмывлы: кын яйтор да сукартор гирскӱдыштасны и водзӱ — рояджык пуяс пӱрӱдлӱны, либӱ стадасӱ коланаинӱ веськӱдӱны. Ладнӱ, найӱ дор вӱръясын. Вӱрыс быдмӱ сӱмын юяс да шоръяс пӱлӱн. Мӱдарни кӱ, петӱс кысьныс ста-даыс.

Кык вой нин пастукъяс эз куньлыны син. Канев гӱгӱр-воис, дзик узьтӱгыс некызди оз позь, коркӱ-некоркӱ сунгысясны дадь вывсьыныс и тӱдлытӱг шкорнитасны дзонь сутки чӱж. Сы бӱрын не адзвывлыны нин кӱръяснысӱ. Торъя нин усурмунӱс Викторлӱн ӱртыс Саныӱ Даныӱ, весиг кыв-ворыс вошис, сӱмын гласнӱй шыяс вежӱрас колисны:

— Даныӱ, ветлы вала!

— А.

— Даныӱ, би песты!

— Ы.

— Даныӱ, сӱй!

— О.

— Даныӱ, мыйкӱ шу!

— Му-у!

Медым тувсовъя чизыр тӱв йылас дзыкӱдз эз быгав кыкнанныслӱн вежӱрыс, Виктор думыштӱс аслыссикас «узьланӱн». Стӱчджыка кӱ, ывлавывса «будильник» лӱсьӱдӱс. Пӱрӱдӱс роя пу, увйис. Увьяссӱ тӱчис кык чукӱрӱ. Ещӱ корсис вывлань вожа бедь. Виктор дадювсӱ тшукӱдӱс торйӱдӱм рой чукӱрӱ, ачыс мышкӱн нюжӱдчылис чарӱм вылӱ, юрсӱ пуктылис вожа бедь вылас, артмылис мыйкӱ юрлӱс кодь. Но бедьсӱ кӱрталӱма дадь подъяс гезторйӱн. Дадювса кӱръяс вильӱдасны налы индӱм увьяссӱ и веськӱдчасны мӱд чукӱрӱ, сӱк костӱ и садьман, дадюлыс нетшыштӱ вожа бедьсӱ и узьысь гыпкысьӱ чорыд чарӱм вылӱ баялбӱжнас. «Непӱштӱ тадзинад узьысь покони́к чеччас», — думайтӱс Канев. «Будильник» артмис бур. Уна-ӱ позьӱ шойччыны (час ли, час джын), сы серти Виктор и вӱчӱ кӱръяслы первойя чукӱрсӱ. Колӱ шуны, медводдза опытыс эз ӱна вӱв любӱ. Викторлы баялбӱжас йӱг кайис, сӱйӱ ӱна полис садьмытӱмысь, юр улас нальксӱ пысавлис метраӱн-джынйӱн кымын. Водзӱ вылӱ сӱмын весьт кузьта кутӱс кольны, и делӱыс ладмис.

Велөдiс тайö ремеслöас öти сайын Саньö Даньöс. Даньö зэв рад лоис, весиг шмонитыштiс, бурджык пö не көртасыны дадь подъяс. Бригадир зэв скöрысь видзöдлiс сы вылö. Даньö тшöкмунис.

Вой кежлас Канев тшукöдлiс стадасö кутшöмкö вөр дiнö и быть лунвывлань нырвизьöн: көръяслы көрымөн дзескалöм бöрын нэмöвöйся инстинкт тшöктö öдйöджык петны тундралөн шыльыд эрдъяс вылö, нюжöдчыны войвывланьö, век найö водз тулысын сэнi паныдавлiсны лымйысь мездысьöм мыльк чукъяс. Тöвся турöбыс найöс гöликөн моз чышкö, пыр и нетшыштö вöснъыдик эшкынсö, первойя ульдылöмас муыс эрдалö. Пемöсьяс вунöдiсны öтитор: сийö мылькъяссö важөн нин помöдз йирöдöма, көръяслөн ёсь гыжъясөн да сарөгöсь чорыд паръясөн жугöдöма не сöмын ягельсö, кульöма му эжсö, торвидзö еджыд лым пиысь öнi рудов торфыс. Оз прöстасысь найöс шуны вира» мылькъясөн. А кутшöма эськö сийö йирсянiнъясыс öнi лöсялисны. Матын куйлö да стадаяс арыисны и тöвийсны сэнi. Со öнi сыысь колö мынтысьсны!

Кызди век, стадаöс дözьöритiсны кык боксянь, войвывсяньыс пыкис ачыс бригадир, сэнi син да син колö, медым көръяс эз зэлöдчыны налы тöдса ордымöд, лунладорас сулалö Саньö Даньö, танi сöмын колö видзöдны, медым стада юрыс эз вожав, кытшолөн эз пескыльтчы бöрвыв.

Нельöд войнас асья лöz вылас на Канев казялис; вөр дi пытшкас, кытчö инавлисны стадасö, көрыс гежöдмöма. Дi помöдыс тöдчис, көрыс чукөрөн лэччöма неыджыд шор пыдöсö, ёсь гыжъяс ичöтика парсалыштöмаöсь чарöмсö, бытьö чуткалöмаöсь шöриалöм стöкан дорышөн. Виктор вöтöдiс ордчöм көръяссö стöч сийö здукö, кор важенкаяс чатрöдлiсны юрысö йиа саридзлань, öвтчисны паськыд сюръясөн, чуксалiсны вөр дорын роясьысь ёртъяснысö петны кузь туйö. Виктор пöрччис дадь бокö домыштöм Лыскоöс да усьöдiс наянитысь көръяс вылö. Стада чукөртöм бöрын Виктор мöдiс корсьны пастук ёртсö, но Даньö некөн эз тыдав. Кызди и чайтiс, Даньö зэв чöскыда шкорнитлöмөн узис коз бокрын. Дадюлыс дiнас эз вöv. Бригадир садьмöдiс Даньöс:

- Чеччы! Кöрыд пышйöма!
- О!— Даньö пуксис лым вылö.
- Көнi дадюлыд?— выльысь юалис Виктор.
- У-у!— пыркöдiс юрсö Даньö.
- Даньö, мый сэсся кутам вöчны?— медся чорыд матьсö гаровтiс бригадир.— Көр кыысь петiс, дадюв абу. Сгинитам ми татчö тэкöд. Чöскыда узин?!

Даньё заводитіс тільны синъяссё. «Мый сэсса и юалан татшөмыслысь»,— жалпырысь нин шөйөвошөм пастук йылысь думыштіс бригадир.

— Лок, дадювтө туялам.

Даньөлөн дадюлыс неылысь и сюри, пуё гартчөма, куим көрысь кыкыс джагалөма.

— Со тэныд и удж,— веськодпырысь шуис Виктор.— Куяссё көть пөрччы.

— Дзик кынөсь да,— радлігмоз юөртис Даньё. Дерт, кынтө он куль. А көні татшөм көдзыд вылас сывдчан? Со мыйысь радлыштіс Даньё. Викторөс сідзи и лыбөдіс выльөн ыпнитысь лөгыс, ярскөба юалис:

— Дыр узьөмыд. Эн кынмы?

— Иг.

«Со кутшөм өдйө ас выяс воис»,— думыштіс Канев. Виктор гөгөрвоис, синва лэдзөмыс Даньөлөн вөлөма прөста, пычиктіс сійөс ёнджыкасё асья чизырыс. Даньё узигас чужөмсё вөлі вевттьөма көр вольөн, шонавлөма, буракө, сэні. Быттьө сідзи нин тшупөма, Саньё Даньөлөн делөыс тшөкыда артмылө гугөн, көть мортыс армияын служитлөма и быдтор. Өти во весиг уджалөма мөс пастукөн. Уна мөслысь вөрасё тшыкөдөма, сюрукьяс бадь улын да зорөдьяс бокин узьлөмаөсь. Стоп шуөмаөсь. Трактористө велөдчөма. Кымөса щелля вылө катны заводитлөма тракторсё, гатшасьөма. Бара стоп. Быдлаын стоп. Сэки шуасны, видлы пө, Даньё, тундрасё, көрыд абу тракторыд кодь йөй, сійөс быд щелльө он суй. Даньөлы гөгөр мольыд, көдзыд тундра көть жар пустыня, кытчө пө руньган, сэтысь и бергөдчан, шуөма сөмын. Канев зэв чукрасьөмөн сиктысь катөдіс сійөс чомйө. Но өд быть кодөскө бригадаад босьт, некод кө оз ышты тундраас. И со кызди медся сьөкыд кадас көмөдіс. Бөрыннас Даньё норасис Викторлы, слөйтөм «будильник» пө мөвпыштөмыд, швачкыси пө чарөм вылас, ойөстнысё вөлі некор, садьөй дзик пыр жө вошис, сідзи пө эг и паляв, кытчөдз эн чеччөд.

Бригадир эз төд, мый ськөд вөчны, но стада дінө эз нин сибөд. Суйыштіс киас лэчыд чер да тшукөдіс роя пуяс пөрөдлыны. Клөнгө югыдсянь пемыдөдз Даньё, думнас бригадир водзын мыжсё вештө. Өтчыд дугдіс кывны черыс, быттьө мортыс бара унмовсис, оз шыась— и ставыс. Локтіс бригадир, Даньё пукалө джынвийө йирөм пу дінын да кыкнан кинас кутө кок пөвсө. «Кералөма коксө...»— ойөстіс Каневлөн сьөлөмыс. Көть лысө абу жугөдөма, вирыс ёна ылькйис, Виктор зэлыд жгут пуктіс, ас-

лас коскысь вöньсö пöрчис да, сэсса ёдалис да бинтуйтис, чомйö нуöдис.

— Öнi, Даныö, пöттöдзыд нин шойччан,— шога шуис бригадир.

— Эг нарoшнö, черыс кийсь вильскöбiс,— вочавидзис Даныö.

— Код кийн нö сийö вöли...

— Йизьöма кепысьыс...

— Войыс эз тырмы тэныд косьтысьнытö,— скöралис Виктор.— Чомьяс кöть эн кынмы, ломты пачсö.— И бара мунис кöрьяс дорö. И со колис чунь öтнас ыджыд стада дöзьöритны. Сиктö ветлöмаяслы колiс нин воны, но оз тай петкöдчыны. А кöрьяс чеп йыв пон моз нетшкысьöны паськыд тундраö оз нин морт гöлössьыд повны, сöмын Лыско ещö атöдлö. Неважөн рация пыр сёрнитис Митинкöд, Сыктывкарысь Печораö вешйöма, котыртам пö стадаясö кос турун, нянь да комбикорм шыблалöм. Кутчысь пö, Канев. Но вертолёт оз жö тэрмась... Буракö, мукöдлаас делöйс ещö на омöльдзык, некор кö сы дiнö локны Митинлы. Гашкö, чайтö Митиныс, ас вынөн на вуджас лёк тулыссö Каневлөн бригадаыс? Талун Виктор гөгөрвоис — не вуджны дзескыд кадсö. Вежон-мöд мысти заводитчас пидчöм, а ывлаын дугдывтöг чажöдö вой тöv. Стадаын, гашкö, джын кöрыс нин «ва вема», специалистьяс ногөн кö, жирövöй клеткаясыс бырисны, «сотчисны» не сöмын яйсьыс, но и лы пытшкöсса вемсьыс. Виктор виччысис мыйкö татшöмöс, но збыль серпасыс вöлöма ёна шуштöмджык вежöрын чужтöмаыс серти. Кыссисны öти сикас луньяс, стöчджыка кö, сорласис пемыдыс и югыдыс, быд пöрийö öтмоза колiс тöждысьны тшыгьялысь кöрьяс вöсна. Виктор весиг воштис унсö, öнi эз нин пов чорыда унмовсьöмысь, пессис сьöкыд вöтын моз. Весиг Каневлы мöдiс кажитчыны, мый сийöс суис татшöм притчаыс, тайö ачыс тундраыс тешитчö-ворсö ськöд. Ставыс быттö мойд, вöt! Öти татшöм «вöt дырйи» рация пыр шыасис бригадир дiнö Митин. (Канев рациясö новлöдлис дадь бöжас, кыдзи и быдтор вöчлис ас кадö, асывнас кийс ачыс бергöдлис приёмной кнопкасö).

— «Югыдлань»— один, «Югыдлань»— один,— ловзис рация.— Это я, Митин. Как слышите, приём!

— Öтнам, Эдик, дзик öтнам,— шыасис Канев.— Мый тэныд колö? Волы чай юны.

— Виктор Иванович, как состояние стада?

— Зэв бур, Эдик, кöрьяс госысла ризьялöны, сьвкйöны-войöдöны кытчöсюрö, вötöдны ог вермы.

— Витя, мый лоис? Приём.

— Төдлін кө эськө, Эдик, кутшөм тані лөсьыд...

— Есть ли в стаде падеж? Приём.

— Арнас вөлі забой, өні ковмис падёж... Сідзинад өд дзикөдз көрыс бырас, Эдик.

— Кодалан али мый сәні?! Есть ли падеж?

— Лоас, Эдик, зэв ыджыда лоас. Волы, видзөдлы. Сандивей дорын ме. Дзик өтнам. Некодкөд чай юны.

Та бөрын наушникъяс ланьтисны.

Гортө петавлөмаяс да вертолөтыс воисны пөшти өт-тшөтш. Аргышъяс матыстчисны чом дорө рытгоров. Быкъяслөн пө дзикөдз лекныс ори, норасис Вань дядь, сукарторсө, кодөс пө кыским гождөм кежлө аслыным, дзоньнас вердим көръяслы. Вертолөтыс пуксис локтан асывнас, но Виктор сылысь шысө эз нин кывлы. Виль пастукъяс вежисны сійөс, бригадир тэрмасьөмөн лэдзалис ассыс дадювсө, медым өдийөджык уськөдчыны чомса вольпась вылө.

— Сэссия лым сывтөдз тәнө ог нин лямкаавлы,— тапкөдіс мышкас Дзолюкы,— шойччөдышт пельпомтө, аттьө, мездін медся сьөкыд кадас.

Канев узис чеччывтөг сутки, не лыддыны кө некымынысь пөсь шыд гуниктөмсө, кодыр сійө куньса синмөн и босьтлис Марфида кийсь кружкасө.

Виктор узигкості вертолөтөн вайөмаөсь нянь, комбикорм. Öдийө тай и вевъялөмаөсь өнія войтырыд. Чом весьтти бергөдчөма АН-2, шыблалөмаөсь турун туюкъяс. Век жө серпасыс эз вөв ышөдана, воддза моз сотіс вой төв, чарөм вылын куйлісны көръяс, кодъяскө кокъяснысө нюждөмөн, кодъяскө кынөм уланыс сюркнялөмөн, кыдзи и овлө рөмидзтиганыс, ылысянь видзөдігөн кажитчө, стада шойччө, пөт кынөмъясөн пошиктөны мудзөм пемөсьяс. Но тайө эзджык вөв сідзи: көръяс вөліны кынөсь, кыдзи ачыс тундраыс. Виктор ветлөдліс «узьысь» көръяс костөд и көсийс тырвийө вежөртны лөбмторсө. Мыйла өтилаө и татшөм чукөрөн? Дерт, тані абу дзоньнас стадаыс, гашкө, сө-мөд. Кызвыннас вывті нин жебмөмаяс. Век жө юрас вирдыштіс повзьөдана мөвп: тыртөм кынөмас пемөсьяслы унджык веськаліс нуръяторйыс, пөльтіс шомөсөс моз. Көть и збылысь тадзи, мыжыс некодлөн жө сыын абу, көрыд абу дом йылын, нормаөн ныр улас он пукты, наянаджыкыс век унджык кватитас.

Та йылысь рация пыр бригадир юөртис Митинлы. Воча кывйыс вөлі дженьыдик: виччысь — волам. Анализъяс висьталісны мөдтор: көръяс йирөмаөсь лым улысь кытчөсюрө

петыштѳм съѳд момгасѳ. Овлѳ пѳ татшѳмыс, кор тшыг пемѳслѳн организмсы дзикѳдз бырѳны совъясыс, найѳ сейѳны мусѳ. Со пѳ мыйысы ещѳ колѳ виччысыны!

Съѳкылдунъяс эз чинны, а лунысы-лун водзѳ содисны. Митин эз нин бѳр лѳбззы Печораѳ, кольччис Каневъяс чомйѳ, тасянь пѳ кивывджык кѳрым ваялѳмнас веськѳдлыны. Вѳрын тѳвйѳм стадаяс унджыкыс воисны тундраѳ. Тундраѳ воисны весиг Таб ю дорын тѳвйѳм стадаяс, налѳн пѳ некутшѳм падѳж абу и оз ло, ошйысис Митин. Быттьѳ тайѳн зоотехник кѳсийс вомавны Викторѳс, ачыл пѳ тай шуда лотерейнѳй билеттѳ мѳдлы козъналіл.

Кѳть сулавлісны тѳлын кодъ кѳдзыд лунъяс, но тудыслѳн лов шыыс ѳна нин кыліс. Кузя ѳшалѳ енежын шонді. Лун шѳрнас весиг пу дінъясті заводитлѳ сылыштны. Войяснас «кабер-кабер» горзѳны ай байдѳгъяс, чуксалѳны энъясѳс, гозйѳдчыны кѳсийѳны. Ловззыны дасы вѳрваыс, но мыйкѳ личкѳ на сйѳ, зѳв на крепыда пѳдтѳ. Виктор тѳдѳ, кѳнкѳ матын нин помыс кѳръяслѳн мучитчѳмлы.

Каневъяслѳн бригада вылѳ бара на кѳвъясис торъя тѳжд. Ѳти асылѳ Виктор видзѳдліс аслас стада вылѳ и чуймис: «съѳдѳбыс<sup>1</sup> тѳдчымѳн ыдждѳма. Эз-ѳ ловззыны бѳр усѳмаясыс? Матыстчис стада дорѳ да пыр жѳ синмас усины бѳкѳвѳй кѳръяс, пель пас сертиыс весиг мѳд совхозлѳн, печорасаяслѳн. Буракѳ, кодлѳнкѳ кысыс петѳма стадаыс, шѳйтѳ кытсюрѳ, тундраѳ гѳнитѳ. Со веськалісны Каневлѳн стада вылѳ, сорсисны. Ѳні найѳс позьѳ торйѳдны сѳмын нярталаѳн куталѳмѳн либѳ караль пыр лѳдзигѳн.

Каневлѳн бригада быд лун мыйтакѳ вешйис пасыкыл тундралань, но омѳльтчѳм быкъяс вѳсна мунѳмыс, позьѳ шуны, эз сод. Ѳтчыл Митин чомсѳ весиг шыбитліс вертолѳттѳ сѳвтѳмѳн. Стадаын вынаджык кѳръяс гожся жар дырйи моз йѳжгылясисны, корсисны здук чѳпѳсйыны водзлань. нетшкысисны морт кыыс. Ыджыл стадасѳ некымын лун пастук понъясѳн атѳдлісны тѳлысы войын и шондіа лунын.

Вѳлі тувсовъя шондіа лун. Син ѳрана дзирдѳн пѳртмачис тундра. Чом сайын йѳжгылясис стада, быттьѳ кѳръяслѳн съѳлѳм вылын эз вѳв лѳсыыд, мый налы туйсѳ потшѳны чом, йѳз, понъяс, дадювъяс. Кѳр видзсысыс сѳмын на юисны чай да ставѳн петісны ывла вылѳ. Вань дядь, кыдзи век татшѳм мича лунъясѳ, тотшѳдчис жугалѳм додъ дорын, дерт, и съѳд трубкасѳ вомач кутіс. Виктор бергаліс аслас дадъ дорын жѳ, ѳтилаті кѳртыштас, мѳдлаті тувъ-

<sup>1</sup> Съѳдѳб — (диал.) кѳръяслѳн мыгѳръясис.

ялас, туяд тай век кытікө да киссьө. Степан да Саньö Даньö, лунся шоныдторнас нимкодясигмоз, куритчисны. Митин чатрасис шондi вылö, быттьö кöсийс шуны, со ку-тшöм яр да оз тай небось песышт чарöмсö.

Стада виччысьтöг вörзис, быттьö сийöс кодкö йöткис бöрсянныс. Эз, кызди век овлö, öти бöрся мөдöдчыны, нюжвартчöмөн, а веськөдчисны шеренгаөн, кызди пась-кыд улича кузя. Медся ён важенкаяс восьлалисны водзын, быттьö мог сувтöдöмаёсь путкыльтны на водзын чурвидз-ысь чомсö, быттьö сийö мыйыськö мустöммис налы. Ии кылөн емыштiс пастукъяслысь сьөлöмсö, найö пыр жö ве-жöртисны, стадаас мыйкö неладнö керсьö; пемöсьяслөн вö-расын, видзöдласын мыйкö зэв повзьöдчанатор. Стадалы па-ныд зырöдисны усьöдöм понъяс, но көръяс эз падмыны, ве-сиг эз чинтыштны öдсö, сöмын важенкаяс увлань лэдзисны юрнысö, водзö чургöдисны ёсь сюръяс (тулысын налөн медбöрын сюрис гылалö). Увтчигтыр да эралiгтыр мышкөн, быттьö дирижёръяс, бöрынътчисны шöйöвошöм понъяс. Пастукъяс заводитисны öвтчыны харейясөн, и сыысь эз повзыны, веськодь пö мянлы, позис лыддыны тшыг пе-мöсьяслөн гудыр синъясысь. Ставөн мыйкö горзисны, грöзитчисны кодкö вылö, шенасисны, котралисны, жöдзис-ны. А көръяслы веськодь, тöдöны öтитор, колö восьлавны тундраöд, тэрмасьтöг, лабутнöя, медым эз тыр лолыд, ме-дым быть нин воны коланаинöдз. Кытчö вошис налөн по-лöмлуныс, мортöс нэмөвöйся кывзысьöмыс? Понъяс вы-ныштчылисны бöрйöм визьсьыс стадаöс дзугны боксянныс, но дурмöм важенкаяс сэтшöма ырыштчисны на вылö, ляб-джык кутюяс лякöсьтисны еджыд лымсö. Та бöрын понъяс эновтчисны увтчöмысь, пырисны дадыас улö да гöгыль-тчисны.

Сöмын Вань старик кивыль эз кер пукалiс джынвийö киссьöм додь вылын да тшынöдис ыджыд сьöд трубкасö. Буракö, сийö сöмын виччысьыштiс, медым кутшöмкö йöй көр эз крукышт сюрнас. Дзик чом дiнтi, додыас костöд, позьö шуны пастукъяс вылистi, прöйдитiс дöзмöм стада, а пöрысь көр видзысь шы эз сетлы. Митинöс чуймöдис стариклөн татшöм этшыс. Öд көръяс дугдiсны кывзысьны мортöс! Тайö öмöй нин оз мөрччы выжывыслы?!

— Мый нö татшöмыс, Вань дядь? — шыасис Митин.

Старик ньöжйö перйис вомсьыс куритöм трубкасö, пыр-кöдис дорыша тöбök нырас, суйис питшöгас. Сэсся здук шыльöдис тошсö да вöлисти шыасис:

— Иванович, сыа лöб, мый йылысь лолыд оз ышты шуны, — старик бара ланьтiс.

— А век жö... ті висьталöй.

— Иванович,— бара шыасис старик Митин дорö,— со ачюд аддзылн, весиг пемöсьяс гөгөрвоисны, ми налы некытчö туйтöм көзяинъяс. Тайö картинасö ме видзöда первойысь, тэкöд öтлаын. Интереснö? — скöрысь серöктис старик.

Митин кусынтчис кынöм висигөн моз, ылыстчис старик днысь, полис, сийö выльысь на мыйöнкö ёнджыка укöрайтас.

Пастукъяс уськөдчисны асланыс дадювъяс динö, көсийсны выльысь пановтны стадасö, но Вань старик öлöдис, весьшөрö пö ноксянныд, тшыглуныс найöс ньөръялö, быд ловъя лов пö овны көсийö, медбөръя здукöдзыс тышкасьö сы вöсна. Медъя. Тундраыс паськыд, но сийö асланым. Адзам. Вертолётис тэрыб кока.

Шуöма вöли: аски кежлö Митин корас вертолёт и пастукъясöс вештас стада дорö. Öти сайын и чомсö. Бригадирлы некыдзи ин эз сюр, зыксис Митинкөд, аддзылн пö сийö прокурорсö, код йылысь гаравли тэныд төвнас.

Век жö Виктор эз вермы ланьтöдчыны, быттьö мыйкö корсьысис, помся котралис чомийö да ывлаö. Медбöрын батыслөн жалыс петис, вöтчыв пö стада бöрсяйд. И бригадир веськөдчис суöдны көръясöс.

## II

Косков прöст кадö радейтис кыйсьыны, шöйтны дзирдалысь тувсовъя тундраöд. Көть арнас сылысь пищальсö мырддылис да шыбитлис Виктор, вöралысь мортöс эз падмöд, заводитис лэчъяс тэчавны. Торъя нин кивыв лэчнас байдөгъясöс джагйöдлыны: кыпöдан нейджыд лым чукөр, шöрас сатшкыштан кык бедь, костас пысалан петлясö, öтар-мöдарас чегъялан росъяс. Видлас кабер-кабер да мöдарас вуджö, петляс юрсö зэв окотапырысь суйö. Косков ветлас да дас кымынтö шойчигмоз ваяс. Сöмын öтитор лёк, лэчкыс жилкаысь да көрталигас кыд кымнö, пöрчигас ещö дыр ноксяс. Сийөн öни Косков оз дыр чеченитчы, чилснитас пуртөн и выльöс сналö. Ещö новлөдлө сьöрсыйс шмоток гез, сийөн «трофейсö» вылысас кышöдö, сидзинас нимкодъжык и бурөвöй вылö локны, дзик пыр ставлы синмö шыбитчö.

Талун Косков асывсянь лэч туйяс кытшовтö. Шонди да дивъя, ылалöмысь оз ков повны. Шонди вылö тшöкыда бергалиг, Косков казялис, кыдзи шонди увтыс ыджыд рас кодь сьöдöб сылань гöгыльтчö. Сё дивö! Абу-ö мираж? Но

кысь сійö төвнас. Гашкө, вежөрыс дурө, төрыт войбыд лёка вөтасис. Гоньйөдлыштис юрнас, сьылдзирйыс бур мавтаса дзир вылын моз шливъялө. Бур. Сидзкө, давление-ыс нормаын. Исыштис кын байдөгөс — гар дукуыс пещлөн чепльөдлө быдөн нырсө! Сидзкөн, насмука оз на көвьясь.

Косков кымыньөн водис чарөм вылын шойччөдыштны синъяссө. Чеччис да ясыджыка нин аддзө: сюра пемөсь-яс шалсийны сылань. Бөр кусыньтчис, көинлөн моз быд сөн зэлалис. Со көни добраыс, ас кокнас вылысас локтө. А сійö коньөр байдөгьясөс джагөдлө — и рад! Ок, эськөн пищальыс кө вөли. Мед нин милициялы кө шедис, өд кутш-өмкө көр видзысь мырддис! Көръяс век матыстчөны и матыстчөны. Гашкө, некымын тысяча... Со кутшөм добра кывтө тундра пасьяыс! А тэ, Косков, сөмын синнад кутав. Көди мыжа? Кутшөмкө Канев. Мыйла сөмын сэки пывсянас эз сот сійөс. И зэв жаль лон Косковлы аслас коньөралан олөмыс.

Косков измис места вылас, чайтис, уна писыыс кодкө матыстчас, сэки сійөс оз небось лэдз! Весиг пуртсө матө лөсьөдис. Но пемөсьяс рази-пели шывгөны, быттё гөгөр-воёны, кытшовтёны некымын воськов сайтi. Сөмын некымын воськов! Медбөрын Косков чепөссис... и тшапкис өти-өс бөр кокөдыс да (абу кө шуөма, он на босьт) ачыс нюжмунi, көр мый вынсьыс нетшкө сибдөм кок пөвсө, зяткөб-тө Косковлы морөсас. Сэсся кызди он лэдз, Косковлөн паськалис кабырыс. Та бөрын звермөм морт мөдис шыб-ласьны пуртнас, өтилы эськө пысасис пуртыс сьылиас да тэрыбджыка на котөртис водзлань, нөбөдис пуртсө. Та бөрын Косков сайкалыштис, со пурттөг коли, мудзпырысь лэдзчысис лым вылө, а көръяс визув ва моз шывгисны бокөдыс... Косков ымөстис да кунис синъяссө, забеднөыс-ла заводитис шогөдны.

Косков восьтис синъяссө кодлөнкө пөсь лов шыысь, дзоргис сы вылө сюртөм көр, сьөд пасыыс рудмыштөма, но еджыд кокъясыс лөсталисны вьльөн усьөм лым моз. Көрлөн ыджыд мелi синъясыс быттё юалисны: «Кутшөм шог тэнө суис, морт?» Косков, дерт, эз төд Дзолукөс, сылы велавтөмыдлы став көрыс өткодь, өти манера. Косков ньөжйө кыпөдчис, медым не чуйдны көрөс, өти здукө лөдз моз сатшкысис сьылиас. Дзолук көсийс нетшыштчыны, эз кажитчы сылы татшөм йөй нога тшапкөмыс, но миритчис, морт абу зверь, сійö пакөсьт оз вөч. Дзолук велалө-ма повны көинысь, ошкысь, санысь, мортөс жө сійö век пыдди пуктылис. Косков көрталис Дзолуклы сьылиас крепыд гез да вөлисти ышловзис,— өтик тай сюрис жө. Но

мый вѳчны тайѳ прѳмысыскѳд, Косков эз тѳд, оз жѳ пиньяснас пѳрччы кѳр кокысь мичаник лым еджыд кысьяссѳ. Косковлы яйыс оз и ков, байдѳгнас и голяѳдзыс пѳт. Но кысьясыс сѳтшѳма эськѳн кажитчисны Манялы! Гашкѳ, тѳлысь сы вылѳ курыднас гѳститѳдас. Колі жѳ сылы пуртѳн шенасьны! Кызди сѳссия та бѳрын асьтѳ ачyd он шу дуракѳн. Косков Дзолюкѳс содтѳд домис роскѳ, ѳні оз пышйы, ачыс бергаліс кѳр гѳгѳр и байдѳг моз ропкѳдчис, сѳссия заводитіс тѳрыба гудрасьны зептас, ой, кытчѳкѳ вундіс чуньсѳ, куртка зептас лезвие вѳлѳма, гыжъяссѳ сійѳн тшѳтшѳдлывлѳ. «Но, брат, ме тайѳн кыстѳ пѳрччыла на»,— шуис Косков да мый вынсьыс лѳсыштіс кѳрлы пель вуж дїнас, чайтіс тадзикѳн чергѳдны пемѳсѳс. Дзолюк сурсмуңліс, но регыд ас выяс воис, эз кажитчы сылы мортлѳн тадзикѳн «меліасьѳмыс», водз лапанас сапкіс Косковлы морѳсас. Морт, кѳні сулаліс, сѳтчѳ и жмоткысис чарѳм вылѳ да дыр апаліс йиа ырѳш кодь чорыд сынѳдсѳ. «Видзѳдлам, кызди водзѳ чужъясьны...»— Косков домис рос дїнъясѳ кѳрлысь нѳльнан коксѳ, зѳлѳдліс Дзолюкѳс палатка моз. Сійѳ ѳні эз вермы вѳрзьѳдны некодарѳ. Косков лезвиеѳн кырис Дзолюкыльсь бѳр коксѳ. Омѳльтчѳм кѳрлѳн кучикыс шедіс кокниа. «Но, но,— ѳлѳдіс пескылясьысь кѳрѳс Косков,— гѳна чулкітѳг кутан котравны тундратїд...» Косков регыд помаліс бѳр кокъяссѳ да вуджис водзас, сѳки юрас жѳвгис, кызди первойсѳ кажитчис, зѳв тешкодь мѳвп, тѳвнас Виктор дадюлысь аддзыліс татшѳм мича кока кѳрѳс, ставѳн нимкодьясисны. Сѳтшѳм жѳ удача ѳні со вичмис сылы. Шуда кодзув улын на, буракѳ, чужлѳма. «Гашкѳ, Каневлѳн и кѳрыс...» Но Косковлы эз нин удайтчы водзѳ нуѳдны мѳвпсѳ...

И тайѳ здукас сійѳ кыліс бѳрсьыс чарѳмсѳ гирскѳдысь шы. Косков лѳптїс юрсѳ, вылысас котѳртѳ дадюла, метра сѳ сайын, абу ылынджык. Дадювнас веськѳдлѳ Виктор! Шѳйѳвошѳм Косков ныр улысь нин слѳйміс уйкнитны сук раскѳ. Дадюла, дерт, раскѳ пырны эз вермы, сувтіс ранитѳм кѳр дѳрѳ. Косков лючки кыліс пастукыльсь скѳра горѳдѳмсѳ:

— Косков, сувт! Лыя!

Виктор видзѳдіс вирѳн ойдѳм Дзолюк вылѳ. Мыйкѳ яр би моз сотыштіс пытшкѳссѳ и кучкіс вежѳрас. Сѳкі и горѳдіс Косковлы. Канев ѳдва домис дадювсѳ, эз кывзысьны чуньясыс. Мелкокалибернѳй винтовкаыс, кодѳс мыйлакѳ тшапкіс дадь бокас вѳтчигас, ловья моз «ворсіс» кнас.

Косков кѳч моз котѳртїс медся лѳкинтіыс. Регыд Виктор гѳгѳрвоис: не вѳтѳдны сылы пышйысьѳс, тѳдчис колян

лунъясö мудзöмыс да унтöг олöмыс. Юр вемсö сизьдiс öти мöвп: сийö, кодi тешитчис Викторлөн тундраса ёрт вылын, усйыяс, петас татысь косөн. Көр видзысьлы эз сюр сийö кывйыс, кодi эськөн стöч восьтис Косковлысь вöчöмторсö. «Мый нö тайö?» — помся юасис ассьыс.

Со Косков петiс Қолва ю вылö, здук мысти вошас мöдар раскас. Виктор пу вож костö пунктiс винтовкасö, стöч-мöдiс прицелсö. Мушка помас, кызди бeдь йылын нидзувьяс, веглясисны пышйысьлөн пидзöсьясыс. Инмис. Канев тайöс гөгөрвоис. Косковлөн горöдтöдз на. Косков йöй моз уськöдчис Викторлы паныд, горзiс:

— Виктор, Витёк! Друг! Эн ви...

— Сволоч тэ, Косков,— шуис дыр мысти Виктор. — Тэнад мöд гөн оз пет. Ругайтчин тэ менам тундраса друг вылын... На! Эштöд и менö...— Виктор шыбитiс винтовкасö Косковлы кок улас. Шöйöвошöм и вежөр воштытöдз повзöм Косковлөн чужöмыс заводитiс кельдöдны, гач пидзöсыс сьöдасис вирөн...

Кызди сап пемыд жырйысь петöм бöрын виччысьтöг шондi дзирд сотыштiс синводзса серпасыс, вöчöмторйыс. Лыйис мортлы... Виктор Каневлөн, кодi сэтшöма радейтлис, став сьöлöмөн лелькуйтлис аслас йиа тундраын быд ловъя ловсö, шонтöдiс лов шынас позйысь усьöм лэбачöс, мам моз морöс дiнас топöдлис кöдзыд тулысын кынмысь көрпiс, лыбис кыис морт вылö. Мый нö ськöд лоис? Лöглун веськöдлис Каневлөн киөн. Сийö лöглуныс, кодöс медьёна дивитлис мукöдъяслысь. Мыйся висьöм, кутшöм копытка кövьясис сылы?! Чотны сылы, сьöкыда ловнас чотны, кызди эбöссьыс усьысь көрлы...

Көр видзысь кымыньөн уськöдчис сарöга чарöм вылö да гусьөн бöрддзис.

Кор Виктор воис дадь дорас, сылысь тундраса ёртсö, Дзолукöс, вöли нин босьтöма тарзян висьöм, тундра кодь лöз синьяссьыс войталiс сöдзыд-сöдзыд ва, омöльтчöм жервидзысь ордлыяс костöдыс лючки тыдалiс, кызди медбөръяысь нöйтчö сьöлöмыс.

Рытнас нин, Косковöс нуöдöм бöрын, öти сьöд момгаа мыльк вылын камöдiс лэчyd чернас кын мусö Виктор Канев, сийö кодйис Дзолуклы гу, эз кöсйы, медым сылысь шойсö чашйисны кыньяс.

— Прöстит, Дзолук, эг сяммы тэнö кызди колö видзны,— вöлины медбөръя кывьясыс Каневлөн ёртыс гу вылын.

Косков эз мöд судитчыны. Ранаыс регыд бурдiс, не-

кыті лысö эз вöв пазöдöма. Век жö Викторлы ковмис сетны вель уна сьöм, медым мынтöдчыны Косковысь.

Ылыстчис «лэк» тулыс. Тундра кышаліс, ыджыд праздник вылö моз, еджыд дзоридзьяса гожся веж платтьöсö. Канев водзö дözьöритіс ассьыс ичötмöм стадасö. Öти асылö Каневъяслөн чом дорö пуксис вертолёт. Көр видзысьяслы вайисны сёян-юан да почта. Лётчыкыс ас кисяньыс мыччис Викторлы письмö. Сійö вöлі Митинсянь.

«Сійö, мый вöсна тэ вийсин бөръя воясö,— гижис главной зоотехник,— матысса кадö лоö позянаөн пöртны олöмö. Неважөн обкомлөн бюро вылын видлалісны көр видзан вопрос, вöлі шуöма öнیا торъя оленефермаяс пыдди котыртны специализируйтöм көр видзан совхозьяс. Дерт, ыджыд овмöслы лоö вын серти колана ногөн тöждысьны тувсовъя да тöвся йирсянінъяс понда. Со, Витя, эз весьшөрö ло тэнад водзмöстчöмыд. Чайта, ыджыд нимкодълун ваяс тэныд тайö юöрыс...»

Бригадир некымынысь лыддис Митинлысь письмöсö, бергöдліс öтарö-мöдарö, мöвпаліс. Ыджыд овмöс, стöчдыка, ыджыд контора.. Со кытчöдз думыштчöма Митин Но содас-ö таысь көръяслөн юр лыдыс? Бурмасны пö йирсянінъяс. Мыйла, кыдзи? Ми жö сійöс тшыкöдім асьным — вирным кöдзаліс делö дінас. Кыдзи нö мянöс вежас кабалатор, кутшöмкö вель контора? Мый нö вöчсьö тайö югыд свет вылас?

---

---

## КУТШӨМӨСЬ АСЬНЫМ

*Новелла*

Оз нин өти нэм чөж Большеземельскöй тундраын өтүв видзны көръясөс ненецъяс (кызди асьнысө шуоны Колваса яранъяс) да комияс. Кык народлөн этнической йитөдъяс йылысь позьö сёрнитны паськыда, но менам ичөтик гижөдторйын могыс мөдджык: висьталыштны тундралөн талунъя экологической проблемаяс йылысь. Од войвывлөн сөстөмлун не сөмын сэтчөс олысьяслөн төжд да мог, но и миян, накод орччөн олысьяслөн. Гашкө и, ставлөн. Миян технической кадö зэв өдийö кушмөны вöраинъяс, чинöны вотöса местаяс, нийтчөны шоръяс да юяс, ядохимикатъяс пежөсьтöны видз-му. Град выв пуктасъяс польдöны нитратъясөн да пестицидъясөн. Быд сикас пежторъяснас тырö, сынөд. Дерт, ставыс тайö оз содты мортлысь дзонь-видзалунсö. Сидзкө, колö-ö татшөм цивилизацияыс? Воча кывйыс тані вермас лоны өти нога: цивилизациялөн татшөм ногөн сөвмөмыс мортлысь олөмсö оз кокныөд. Век жö морт кутö надея, мый технической прогресс ладмөдчас вөр-вакөд, оз кут сийөс жугөдны да пежөсьтны öнiя ног. Öнi унаөн полöны, вермас-ö морт вуджны тайö «сьод кадсö». Төдөмысь, тайö полöмыс абу весьшөрö. Торъя нин йирö сьөлөмтö тайö мөвпыс, кор волан промышленнöя сөвман районъясö. Ми төдам, тундраын паськыда корсьöны нефть и аддзöны, кызди Коми, сидзи и Архангельска геологической управлениаяс. Мөд-кө, Новöй Земля вылын, кытысь квайтымынөд воясын ыджыд материк вылө вуджөд-лисны сэтчөс олысьясөс, öнi военнöй ведомство мөвпалө водзö паськөдны сэнi ядернöй полигон. Кор тайö факторыс — нефть перйөм да ядернöй взрывъяс нуөдөм — усяс миян юр вылө, мый сэки лоö Европейскöй Северкөд? Көнi эмөсь на талун кежлө экологической сөстөминъяс, кытысь позьö кыйны уна пөлөс чөскыд чери, босьтны пушнина, медбöрын, чукөртны ядохимикатъясөн тшыкөдтөм на вотөсыяс. Мый лоö локтан поколениеяскөд, сэтчөс олысьяскөд, көр видзысьяскөд да прөмысловикъяскөд, стөчджыка, сэтчөс аслыспөлөс этноскөд. Тундраын уна нэм чөж

олісны ладон зіль да выніора войтыр. Тайо ладус заводітис киссыны колхозъяс котыртөмянь. Кусис йозлөн ота-мод дінө вежавидзөм, паськаліс вина юом да быд сикас гудрасьомыс (пөрьясьом, гусясьом).

Ме унаысь вуджлі тундра отсө көр дадь вылын, вичмыліс видзөдлывны сы вылө вертолёт вывсянь; сёрнио волі не сомын көр видзысьяскөд, но и геологъяскөд. Аддзылі ас синъясон и кывлі геологъяссиянь, кодъяс волөмаось и Урал сайса тундраясө, сы мында зверь-пөткасө да прөмыссө, кызди Печора вомсянь йиа дзор Уралөдз, некытысь пө эг казявлөй. Кызди нө позьө пежөсьтны татшөминьяссө! И босьтам ми сэтчөс озырлунъяссө стөч варваръяс моз. 1972-өд воын ытва дырйи ме моторной пыжөн кывті Печора кузя, берегдорса баддыс весьт судта вөлі лякөсьтчөма сир кодь съод нефтьөн. «Кысь нө тайо дивөыс?— майшаси сэки. Атьө Печора карса ихтиологияслы, ясөдісны майшасьомөс. Кывлі ме насянь татшөмтор: оти аварийной бурөвөй вывсянь Колваө вөлі лэдзөма сы мында съод ломтас, мый кор озтисны (гашкө, ачыс, стөча ог вермы шуны) сыліс пө ю бердсьыс лымйыс, уна дас километр кузьята воссис юыс, весиг пө жарысла потисны бадь коръяс. Тайо төв шөрын веж морозъяс дырйи! 1980-өд воын Печора воын, Кунжа ю дорын, оти бурөвөйысь ылькнитис зэв ыджыд нефтяной фонтан, сутки чөжөн нефтьыс да няйтыс петис матө кык миллион кубометра. Выныштчылісны кусөдны мупытшса ядерной взрывөн. Кусөм пыдди фонтаныс ёнджыка өддзис. Сизим во чөж пуркйис-өзйис съод би, весиг лайкмунис муыс да гөптасис. Охотникъяс полісны матыстчыны сы дорө, вына төв нырыс, кодөс артмөдіс пуркйысь биыс, вермис кыскыны-нылыштны көра дадювнад дзоньнас. Гашкө, тшөтш петисны и радиационной отходъяс? Та вылө воча кывйыс абу на.

Тайо сомын ыджыд аварияяс. А ичөтыс! Коді найөс лыддис? Коді лыддьө, мыйта көрт да быд сикас кламыс кольө бурөвөйяс местаө? Татчө кө содтан нөшта выніора тракторъясслысь гыж туйяссө? Артмө гажтөм серпас.

Харей-Вөр посёлокын мунис общөй колхозной собрание, кытчө меным вичмыліс веськавны. Вьльторйөн вөлі сійө, мый собрание вылө локтисны и геологъяс да бурөвикъяс (дерт, начальство). Найө корисны колхозникъясслысь вьль участокъяс, медым нүөдны туйяс, сувтөдны вьль буритчан вышкаяс. Көр видзысьяс бара на лишөдісны уна гектаръяс, сідзи нин воысь-во чинысь йирсянінъясысь. Гөгөр-вооны, страналы колө нефть. Ме думысь, делөыс абу та-

дзикон, уналы веськодь, мый вочсьо налон тундраын. Вой пельосын коренной олысьяслысь корко мырддисны корсо, сидко и тундрасо. Паськыд эрдьяслон, изья юяслон да тыяслон эз ло нэмөвөйся козяинныс. Кулакалом поколенелон вошис олан ырвизьыс. Вьльон быдмысь-сөвмысь томуловыс лон тырвийо государственной крепостнойон. Тундраын чизыр товьяс моз уна дас во чож нин козяйничайто контора, а оз морт. Контора вочо сийо, мый тшөктө вылысджык контора. Кор видзысьлы сийо бука кодь повзёдчантор, код водзын тирзьо пидзосыс да усьо коньор юрыс. Торья нин сьокыд аддзыны сэтшом серпас, кор ставыс тайо симом кортлы моз йиджома морт вежоро да сьолөмө, од сэтшомыс оз гогорво, мый вермас лоны и мод ног, мый сылон поль-почыс корко овлисны морт ногонджык. Тоталитарной режим лючки вочис асьыс неж уджсо: сийо йоз сьолөмясо уськөдис веськодьлун, бөбмөдис. Коді нө талун дорьяс тундрасо? Мый ставлы веськодь, шуны оз позь, торья нин бурланьо ырьясьысьясыс томджыкьяс повстын. Кор видзысьяс элясисны, бурөвөйяссө по энөвтөны уджьяс помасьом бөрын некутшом культивация нуөдтөг, дзебтөг кольоны быд сикас корта колуйсо. Ена нин йоткасны төвнас бульдозерон матысса тыо. Медся норасисны сы выло, мый бурөвөй местаясо кольоны гуавтөг химикатьяс, кодьяс отсөгон нуөдоны буритчан уджьяссө. Корьяс нюлоны сийо виж мусо и кулоны. Висьмө корыс весиг сэки, кор нин сэтысь сөйө турунсо. Тайо корьяс. А мыйта лэбачыс да зверь-пөткаыс быро. Тундра дорйысьяс тайос и оз лыддыны.

«Нарьяна-ты» колхозысь кор видзысьяс казялөмаось выль дивө. Сюралоны тундраын сэтшом местаяс, коні разалом кор стада моз сярвидзөны нюклясьом еджгов корт кусокьяс. Сулалыштан по татшом «көртьяс» дорас, и заводитө сөдзтысьны синвайд. Дерт, оз шогысь ни радлунысь налон синваыс киссьы, дзик модторйысь. Та выло вермас вочавидзны сточа сомын военной ведомство. Нарьян-Марын быд асыв поводдякод тшөтш юөртөны и радиационной фон йылысь. Сэни сийо век овло нормаын. Та выло видзөдтөг, «Нарьяна вындер» редакцияын өлөдисны менө, эн по ена чөсмась кор вемьяснас, кор лыас по өкмөма нин радиационной элемент стронций. Агропромса веськөдлысь эз стөчмөд налысь шуөмсө. Но таысь менам сьолөм вылын эз ло кокниджык, төда, унатор на ведомствояс видзөны секретын. Артмө, бөрөн кышалом малича кодь сэтшом «секретьясыс».

Кор видзысьяс казяломны татшөмтор: коть йирся-

нинъяс воысь-во чинёны (сідзкөн вердоны век öти мес-  
таяс), та вылö видзöдтöг, кöр нитшкыс( ягельыс) содö,  
сийö заводитіс быдмыны зэв öдйö. Сідз жö öдйö чепöсийö ту-  
руныс. Бур-ö тайö? Абу. Кöръяс лоисны воддза серти вын-  
тöмджыкöсь, яйыс эз ло воддза кодь чöскыд (тайöс шуа  
ас серти), сідзкөн, тундралөн вежсьöма нин радиационной  
да химическöй фоныс.

Нарьян-Марын Смидович нима улича вылын сулалö  
кык судта пу керка, кöни велöдчöны сиктъясысь вайöдöм  
челядь кокньöдöм программа серти. Дерт, тайö школаыс  
тöдчымөн ичöтджык мöд интернат-школа серти, коді сийö  
жö улич вылын. Ичöт сиктъясысь воöм челядь тані тыр-  
бура велöдчöны, полной программа серти. Но ме тöда и  
мöдтор. Кöр видзысьяслөн уна семьяын эмöсь челядь,  
кодъяс оз вермыны велöдчыны и кокньöдöм программа сер-  
ти. Татшöмъяссö изьватас диалект вылын шуöны ниродъ-  
ясөн, либö мöд рöдаясөн. Кокньöдöм программа серти уна-  
өн велöдчöны миян районъясын да каръясын. Оз бөрö  
кольччы та серти и миян юр кар — Сыктывкар. Öни уна-  
өн нин вежöртісны — ставыс тайö вөр-ва тшыкöдöм вöсна.  
Сэсся дыр-ö нö ми кутам ниродмыны-йывмыны! Окота  
юавны генералъяслысь, колö-ö налы нирод-салдатъясыс?  
Ковмас кö, кодöс да мыйсö найö доръясны?

Тундра озыр нефтьөн, газөн, нималö чöскыд чериясөн,  
кöр яйөн, дона пушнинаөн. Ставсö тайöс перйöны, кыйöны,  
босьтöны. Но кызди олöны сэтчöс войтырыс? Кöр видзысь-  
яс кызди сё во сайын, кызди кызь во сайын, сідзи жö олö-  
ны чомъясын. Сöмын чомъясыс лоины воддза серти  
омöльджыкöсь, косясьлöм брезента чомъяс туйöны сöмын  
понъяслы. Да и уна лыда нель кока ёртъяс олöны пастукъ-  
яскöд öтув, пырöны-петöны, кыті кöсийöны, тшапалöны  
мыйсюрö пызан вылысь, узлöны орччөн. Понмыдлы тадзи-  
сö, гашкö и, бур но мортыдлы озджык лöсъяв.

Синмö шыбитчан вежсьöмъяс абуöсь и посёлокъясын.  
Босьтам Харей-Вөр — кöр видзысьяслысь шöр базасö, кы-  
дзи кызь во чöж ломтысьöны Воркутаысь вайöм из шо-  
мөн, кöть матын перйöны газ и нефть. Неыджыд посёлок-  
ын, кöни сё сайö керка, вель уна ичöтик котельной (кол-  
хоз правлениелөн, школалөн, вурсян мастерскöйлөн, гöс-  
тинничалөн, магазинлөн да с. в.). Посёлокын став мужи-  
чöйыс уджалö кочегарөн либö начальникөн. Артмö, не-  
кодлы кöр видзысьяслысь кокньöдны бытсö. Кызь во сайы-  
ын килограмм кöр яйлөн доныс вöлі 30 ур, öни лыбис 1  
шайтöдз. Та вылö видзöдтöг, колхозлөн миллионъяса при-

былыс. Тайо висьтало сомын отитор йылыс: кутшом дон-  
том вермас лоны тундрайн кор яйыс.

Борья кызы воон Усва вомын быдмис нефтяникьяслон  
вель кар — Усинск. Страналон шор районьясо и рубеж  
сайо визувто вель уна нефть. Тайо быттьо и абу сэтчос  
войтырлон озырлуныс, сиктса олысьяс сомын «нимкодясьо-  
ны» морт кийон озтом кыа выло, тайо буровоийяс вылын  
уна во чож нин ыпьяло-сотчо конденсат, сточджыка ко,  
бензин сора газ, коди создтысьо нефтьыскод тшотш му  
гырксьыс. Уса да Печора отлаасянинын сулало Усть-Уса  
сикт (ас кадэ сийо вовли и райцентрон). Сиджо Усинской  
районэ пыроны вель ыджыд сиктьяс, кыдзи Щельябож,  
Мутной Материк, Усть-Лыжа. Тайо сиктьясыс, лека ли бу-  
ра (дерт, оз на тырмымон, та выло абуось налон позян-  
луныясыс), вердоны нефтяникьясо йолон да кор яйон.  
Кызы во чожон кар ниномон эз отсав сиктлы. Кыдзи и ва-  
жон, ломтысьоны тани пескон да ылыс вайом из шомон.  
Весиг котельнойяслы мазутсо оз лишодны, ог нин шу газ  
йылыс. Бур ногон ко, важон нин колис войвывса сиктьяс-  
ын ломтысьны газон. Татчо ко содтан, мый нефтяникьяс  
помся дзескодэны корьяслыс йирсяниньяссэ, воом йоз  
(найэ унджыкон да наяджыкось) пыроны и пакоститчоны  
Печора вывса олысьяслон нэмвоийся кийсяниньясын. Арт-  
мо зэв гажтом серпас. Кытчо нэ видзодоны районса весь-  
кодлысьясыс? Абу омой налы мыйтакэ коть яндзим сикт-  
са войтыр водзас? А, гашко, сиктса войтырыс асьныс мы-  
жаось жо: дзикодз нин сетчисны веськодлуныслы? Шу-  
лоны тай, бордтом кагатэ оз босьтны ки вылад. Буракэ,  
сидзи и эм. Он ко ачюд аслыд отсав кок йыло сувтны, мод  
морт сийос тэ пыдди оз воч.

Тундрайн уна кийоны кынь, откымын охотникьяс  
сдайтэны кыксэодз. Кор яй, чери, байдэг, коч, торья нин  
ворса нюрьясын быдмысь турипув, мукод вотосьяс, — ста-  
выс тайо деликатес миян кадэ. Состомон ко кольны тунд-  
расэ — ставыс тайо помтом-быртом, тырмас не сомын тат-  
чос олысьяслы, лишалас и вузос выло. Вузавны ко рубеж  
сайо — сэни и валютаыс. Колэ на артавны, мыйон кивыв-  
джык долларсо перйыны, нефть перйомон либо вор-валыс  
козиньяс чукортмон. Сэсся од мупытша кизьор ломтас-  
со колэ на лишодыштны и локтысь поколениеяслы, кодья-  
яс, позьо надейтчыны, кутасны водитчыны вор-ва дойдтом  
технологияон, лоасны миян серти кывкутанаджыкось.  
Тшыкодам ко вор-ва — ньожийоник йывмам и асьным.

Миян войвыло ыджыд грэз ошйис — тайо Новой Зем-  
ля вылын атомной полигон паськодэ. Газетьяс юортэны,

бөръя взрывыс пö вöлі вель удачнöй, сынöдö эз веськавны радиационнöй вешествояс. Гашкö и сідзи. Но век жö чужö юалöм: век-ö лоас лючки? И оз-ö коркö му гыркъяс «вынөн» тувъялöм радиацияыс ылькнит-пет йиа саридзас?

Финляндияса экспертъяс, кодъяс зэв жö майшасьöны ядернöй взрывъяс понда, пасйöны — Новая Земля вылын пö грунтыс оз тырвйö лöсяв мупытшса вынйöра взрывъяс нуödöм вылö, вермас пö скалаас артмыны потас да радиацияыс визувтас ортсö. Миянöс эскöдöны, мый мупытшса взрывъяс оз вöчны экологиялы омöльтор, колö пö водзö выльмöдны атомнöй оружие. Но öд тайö «добраыс» сы мында, мый позьö пасьвартны дзоньнас му шарсö некымынысь. Колö-ö татшöма «горшасьнысö»? Ме думысь, ставлы колö кутны öти нырвизь: Му шар вылын некöні оз ковны ядернöй взрывъяс.



## ДРУГЪЯС

*Висът*

Менам эм Коля друг. Сийӧ менӧ зэв ёна пыдди пуктӧ, кор пырала, век мыччӧ стопка. Ме пыдди жӧ пукта Коля-тӧ, кор эм, ог жӧ син сайын голийӧс пожъяв.

Таво тулыс Коля шуӧ, колӧ пӧ чери кыйны, важӧн пӧ нин свежӧй юквасӧ эг паньыштлы, куш чорыд сѣянсьыс пӧ кынӧмӧй дундавын кутіс. Мися, бурдӧдам тшыкӧм кынӧмтӧ ёкыша юкваӧн, тӧда, кӧні ӧні чериыд гуляйтӧ, вежӧдысь видзьяс дорӧ кайӧ.

Тулыс. Кытчӧ он видзӧдлы, быдлаын ва вералӧ. Лӧч-чӧдім ю дорӧ резинӧвӧй пыж. Пыжыс кык жыръя, пись-тас кӧ, ньӧжйӧ кутам вӧйны.

Петім ва вылӧ. Луныс шондіа. Войнас пужъявлӧма. Кыті визулыс ньӧжмыдджык либӧ ньӧти абу, шуам, джумъяс весъттыс, клянича кодъ вӧсньыдик йиӧ кенясь-ӧма. Писькӧдчам ньӧжйӧ. Коля пыж нырсяньыс йисӧ жуглӧ, ме сына. Коля дышмис йисӧ жугӧдны, либӧ ме ёнджыка сынышти, пыж нырыс гирснитіс йи дорышсӧ, кляничаыд пуртӧн моз поткӧдіс-вундіс вӧсньыдик резинасӧ. Пышмуні пыж нырыс. Коля суніс, ва пыдӧсӧ лӧччис, весиг кыв ни джын эз шу. Ме эг вӧй, пыж дорышӧ шашаритчи. Шуй тай нин — пыжыс кык жыръя. Кӧть кӧтаси, но берег дорас воӧдчи, пелысӧн збоя йӧткаси да. Видзӧда, Коля ваас уялӧ, бурскӧ кляничасӧ, кабырнас жуглӧ, петны жӧ кӧсйӧ косас.

— Кольӧ-другӧ, он-ӧ пӧд? — юала сылысь. — Эн пӧ тунась, Васьӧ,— вочавидзӧ Кольӧ, ветлы пӧ вӧрас да бурджык потш керав.

Босьті чер да пыри вӧрӧ, корся мича бур зіб. Кодкӧ кытшыль-нюкыль, кодкӧ кызджык, некӧн коланаыс абу. Доза ылӧдз муні. Сэсся келавнысӧ дӧзми да кералі жӧ бедсьӧ. Бӧр локті. Видзӧда, Коль ва вылын оз нин тыдав, беддыд вӧлӧм сылы оз нин ков. Пукси пашкыр коз улӧ да шогся. Мися, Кольыд эз кӧсйы, а со... пӧдӧма.

Недыр мысти Кольӧ назгыштіс, мый нӧ пӧ жуйвидзан сәні, би песты. Кольӧыд, вӧлӧм, коз саяс гачсӧ пыдзралӧ.

— Мыйла нӧ ме вотӧдз васьыс петӧн? — юала. — Со кутшӧм бур бедь сюри, кыски эськӧ, кызди вӧйысь морт-ӧс. Черисӧ кӧ эгӧ кыйӧ, кӧть медаль сетӧсны. Пӧдысьӧс ваысь кыскӧмысь. Он тӧд тэ, Кольӧ, кытысь мый позьӧ крукышты.

— Ха! — ӧвтыштіс кинас Кольӧ. — Медальыд эськӧ руба кодь жӧ гӧгрӧс да сельмагас сійӧс оз примитны.

## ОЛӨМЫС ВЕЛӨДИС

*Висьт*

Вый тупыль кодь гөгрөсіник нывбаба Кекур Надьө вет-лөдліс надзөн, быдөнкөд сёрнитіс лабутнөя, төкөтьө яндысигмоз. Мукөдъяс моз сылы институт помавны эз вичмыв, но пөслук аныд воөдчис шөр служащөйөдз — өти ыджыд складын лои товароведөн. Надьөлы татшөм чиныс вөлі юр выв тыр. Складыслөн вөлі ичөтик торъя контора, стөчджыка кө, өти комната, көні бергөдчис вит-ө-квайт морт.

Надьө пыдди пуктіс ассьыс уджсө, некор эз сёрмыв, но гортас тшөкыда воліс сёрөн. Уна пөвстсьыд век тай кодкө ёнджыка нетшкысьө гортас. Надьө эз юавлы помкасө, зэв вежавидзысь вөлі, сөмын век окотапырысь быдөнөс вежліс. Медся көдзыд слөт улас Надьө тіравліс — лыддьывліс вильөн воысь төварсө. Медым сійөс кодлыкө вежны, сэтшөмыс эз сюрлы. Надьө и гортас вөлі пөслукөн. Өдзөссө на восьтө, а нюдз лысьөма мичаник нылыс, коді велөдчис институтын, горзө нин, мамө, талун пө вир тшыг. Надьө тэрыба пөрчысьө да пырө кухняө. Регыдөн чапкө нырө яя шыд көр.

— Мамө, джоджыс бусөсь! — горзө любөй нылыс. Надьө пусьө и мыськасьө, пөсьыс шорөн киссьө. Медбөрын локтө мудзөм верөсыс:

— Надьө, мыйла койкаыс абу дась?

Тадзи и бергаліс Кекур Надьө удж вылын и гортас. Төдөмысь, эз и помасьлы некор сылөн татшөм вабергач олөмыс, эз кө отсав сылы өти виччысьтөмтор.

Төв шөрын, кор мортлөн торъя чинө бактерияыслы водзсаян вын-эбөсыс, грипп-висьөм уськөдіс кок йывсьыс складса бухгалтерөс, олыштөм нин нывбабаөс, кодлы пенсияөдз кыскыны коли сөмын нин пара во. Тэ пө, Надьө, миян медся кокйыв, шуисны складын, видлы пө Марьясө, кызди пө бурдө-лечмө.

Өтчыд нора юөртіс Надьө ёртъясыслы, омөль пө өд делөясыс миян Марьянымлөн, пеляс пө кучкөма гриппыс, сьөкыд пеля пө сійө лоө. Некод ёна шөгьыны эз кут Марья вөсна, пель вөснаыд пө поэьө на овны.

Воис Марья удж вылө, пуксис аслас улөс вылө. Юась-  
оны ёртъясыс оттор-мөдтор, а сийө немтор оз вочавидзав,  
дзик пельтөммөма, мый вынсьыд колө горөдны, мыйкө кө  
көсьян юавны. Заводитисны кантораын ставөн равзыны,  
бухгалтер динад тай век эм мог шыасьны. Первойя кадас  
весиг любөкодь ставлы, кодлы окота, сийө и чарөстө мый  
вынсьыс. Сөмын Надьө небыдика нюмъялис.

Но быдторйысь тай умөны йөзыс, регыд дөзмисны  
горзөмысь. Отилөн юрыс висьмис, мөдлөн горшыс, кой-  
мөдлөн кынөмыс, кодлөнкө дойыс и кынөм улөдзыс лэдз-  
чысьөма. Сөмын Кекур Надьө воддза моз немтор вылө  
эз норась. Вай пө, Надьө, тэ Марьяыскөд велөдчы сёр-  
нитнысө, тэ пө миян медся винёлыс. Кекур Надьө и тайө  
пөрийө пыксыны эз лысьт.

Матыстчас Надьө бухгалтер пызан весьтө, мый вермас  
кыскыштас пыткас сынөдсө да равөстө:

— Марья, кольөм вося отчетыс көни?!

Кутшөмкө кадколаст Кекур Надьөлөн велавтөгыс Марья-  
көд «варовитигөн» вөли сөдзтысьө синваыс. Марья видз-  
өдө Надьө вылө и аслас тшөтш пычиктысьө синваыс. Дыр  
кадөн Кекур Надьө лючки велалис сёрнитны пельтөм морт-  
көд. Сэтшөма велалис Надьө горавнысө, некутшөм ку-  
төд эз ло. Горзө быдөн вылө и быдлаын. Складсаяслы  
тайө лон кивыв, коліс кө шедөдны спецодежда, ыстылісны  
сыла Кекур Надьөос. Чинтыліс кө местком премиясө, ба-  
ра жө ыстылісны Надьөос. И сийө быдтор могмөдліс. От-  
чыд сэтшөма горалөма базаса директоркөд, мөдыс вир  
дурмөма, Надьөос удж вылысь вөтлөм могысь гижөма ка-  
бала месткомө. Кекур Надьөос колісны удж вылас сөмын  
Марья вөсна, найөс некыдзи эз позь торйөдны.

Өні Кекур Надьө дорө, торъя ыджыд мог кө оз су, не-  
код эз лысьт шыасьны, ёсь гөлөсыс пуртөн моз вундыліс  
пельсө быдөнлысь: Надьө ас кадө воліс гортас. Вежсис  
этшыс Кекур Надьөлөн и гортас.

— Муса мамө, — ливзыштліс нюдз лысьөма нылыс. —  
Сөмын эн горзы, ачым пуся и джоджсө чышка.

Тагөс дорсянь букөстліс мудзөм верөсыс:

— Надьө, магазинө оз-ө ков ветлыны либө картупель  
весавны?

Кекур Надьө гусьөникөн сөмын аслыс вылө моз нюм-  
дыліс.

Коліс кык во. Колльөдісны базаын Марьяос пенсия  
вылө. Сөмын өтнас Кекур Надьө шога пукаліс гажа пы-  
зан сайын да чорыда мөвпаліс: «Кодарө бара өні шыбө-  
литас олөмыс?»

---

---

## ЮРИНДАЛЫСЬ

Тер Мишлӧн висътасьӧм. <i>Повесть</i> . . . . .	3
«Сӧмын милицияӧ эн сюрӧдчы...» <i>Висът</i> . . . . .	39
Корся пельетон. <i>Висът</i> . . . . .	63
Дзӧлюк. <i>Повесть</i> . . . . .	82
Кутшӧмӧсь асьным... <i>Новелла</i> . . . . .	180
Другъяс. <i>Висът</i> . . . . .	186
Олӧмыс велӧдис. <i>Висът</i> . . . . .	188

Егор Васильевич Рочев

**Человечность**

*Повести и рассказы*

*На коми языке*

Редактор А. В. Тентюков. Художник Н. К. Цветков. Художественный редактор В. Б. Осипов. Технический редактор А. И. Вишневая. Корректор М. М. Лужикова.

ИБ № 1600


Сдано в набор 18.09.90. Подписано к печати 2.04.91. Формат 84×108<sup>1/2</sup>. Бумага № 2. Гарнитура «Литературная». Печать высокая. Усл. печ. л. 10,08. Усл. кр.-отт. 10,05. Уч.-изд. л. 11,06. Тираж 2000. Заказ № 3380. Цена 85 к. Коми книжное издательство, 167610, Сыктывкар, ул. Карла Маркса, 229.

Главное предприятие Коми республиканского полиграфического производственного объединения, 167610, Сыктывкар, ул. Первомайская, 70.

**ПОПОВ А. В. «Ӧлӧм олысьяс», повестьяс,  
висьтьяс**

«Ӧлӧм олысьяс» — тайӧ шусьӧгсӧ комияссянь тшӧкыда кывлан. И тайӧ кык кывйыс шымыртӧ ас пиас мортӧс да йӧзӧс донъялӧм. Вермасны донъявны кодӧскӧ — сійӧ пӧ олӧм олысь! Мӧд ногӧн кӧ бура кутӧ асьсӧ, йӧзӧс пыдди пунктӧ, отсӧг вылӧ дась локны и... Вермасны шуыштны мӧд ногӧн, кинас веськодя шеныштигмос — «эсійӧ пӧ олӧм олысьяс...» Ӧні нин позьӧ гӧгӧрвоны, мый мортыс оз сідз ов. Сылӧн олӧм-вылӧмыс вермас лоны тшынасьыс сэрапом кодӧн, кодӧ орччаясыслыс синсӧ курӧдӧ.

А. Поповлӧн гижӧдъясас буретш петкӧдлӧма татшӧм йӧзсӧ.



85 к.